

CIMELIA

Qu

5201

Teol. 4781.



5201


CIMELIA

X. c. 22

X. c.
49

Est liber et Magis Dominus Stanislaus
Sobole de solutione Castellani Sancti
Regni Poloniae et huiusmodi etc. f. 1566





Consist. glo. raro. 1. fo. 2. M. 116. i. 612

LIBERVM ARBITRI
VM TRAGOEDIA
FRANCISCI NIGRI
BASSANENSIS.

PESCLAVII ANNO

1559.



Cim. Que. 5201

LIBRARY OF THE
MUSEUM OF
FRANCISCO
CALIFORNIA



RECEIVED
JANUARY 1871

1871

ILLVSTRISSI

MO ATQVE EXCELLENTISSIMO

Domino D. Nicolao Radzivvil: Duci in Olyka &
Niesuiesz: Palatino Vilnensi: supremo Cancel
lario, & Archimarſhalco magni Ducatus Lith
uaniz. FRANCISCVS NIGER
Baſſanenſis S. P. D.



Citè ſanè atq; eleganter eſt à M. Tullio
dictum, præſtantiffimè Dux, honorem
virtutis eſſe præmium, iudicio, ſtudioq;
Ciuum ad aliquem delatum. Vt mihi
negare non eſt animus quamplurimis
obuenire, vt ſuis virtutibus celebres
fiant, ſic auſim conſtanter aſſeuerare, tibi præcipuè
ſumma cum laude id nunc obtingere. Nam quis eſt
obſecro, qui te norit, qui non præſentium tuarum, digni
tatum amplitudinem virtutibus tuis acceptam refe
rat? Quanquam enim tuorum maiorum clariffimis
imaginibus & illuſtris, & conſpiciuus adeò ſis, vt vel
hinc tibi ad omneis omnium munerum gradus pateat
facilis & aditus, & aſcenſus: pleriq; tamen omnes, maxi
mos, quibus nunc honeſtaris honores, iſſis potius tuis
virtutibus, q̃ partis aliunde ſplendoribus optimo iure
aſcribunt. Et cur non id efficerent quæſo? Quum te
ipſum ab ineunte ætate ita liberaliter educatum, atq;
ad omnes egregio Principe digniſſimas arteis, ingenu
aſq; diſciplinæ inſtitutum conſpicerentur, vt Magiſtrati

bus ex te, q̄ tibi ex Magistratibus gloriæ plus multò
accedat. An non & ipsum Regem sapientissimum vi-
rum hoc idem sentire prorsus apparet: quum te ob in-
genitam tibi singularem prudentiam, insitumq̄ hone-
sti amorem tanta beneuolentia prosequatur, tantiq̄ te
vnū faciat, vt in potentissimi Regni administratione, nō
suis te modo consilijs intimum semper habeat, verum
etiam ipsius Regni, quæ maximi sūt momenti, negotia,
nempe distrahendarum controuersiarum, ac punien-
dorum malefactorum iudicia exercere: procurandis
prouincijs inuigilare, atq̄ alia id genus permulta, tibi
seorsum exequenda & committat & credat. Quæ
quidem omnia quum æquisimè per te, prudentissimè
que gerantur, non ipsius modo Regis integritate, iustis-
tia, clementiaq̄ celeberrimum nomen exornant, sed
nobilissima domesticæ claritatis tuæ ornamenta exter-
nis atq̄ aduentitijs titulis maximoperè vnā illustrant:
quod virtutem æquè gloria sequi, atq̄ corpus vmbra
confueuerit. Porro autem quæ sigillatim de tua libera-
litate, quæ de magnificentia, quæ de tempestiujs conui-
uijs, quæ de vitæ cultu atq̄ elegantia, deniq̄ de cate-
ris omnibus tum corporis, tum animi tui peculiaribus
ornamentis addenda superioribus forent, silentio hīc
sciens, prudensq̄ prætereo, ne insignis eas, quæ inde ti-
bi proueniunt laudes, ingenij, quod Horatius ait, culpa
nunc deteram. Vnum modo illud eximium decus ad te
diuinitus delatum, quia nō sine graui crimine reticere-
tur, in medium proferam: Iesu Christi videlicet Euange-
lium, quod errorum tenebris inuolutū antea latitabat,
in lucem iam educitū priuatim publiceq̄ tua opera
inter Populos tibi subiectos prædicari: verumq̄ Dei
optimi Maximi cultum, qui & ipse superstitionum rude-
ribus

ribus oblectus iacebat, ex abdito nunc erutum, & in antiquum statum, pristinaque dignitatem restitutum, enitere, vigere, efflorescere: atque ita demum fieri, ut celestis doctrinae institutiones tanquam ab excisa, non euulsa penitus arbore denuo fruticantes, mortalibus obseruandae, impressis etiam in hunc usum patria lingua voluminibus, in praesentia proponantur: idque inuitis atque huc & illuc tergiuersantibus papisticis Praesulibus, qui per simulationem quidem Christianae religionis, re autem vera, quod male parta pessime tueantur, huic sanctissimo negotio nequissime sese opponunt. Huius igitur & syn-cerae pietatis, & excellentis praestantiae tuae certam exploratamque notitiam quum rumor minime dubius auctore inprimis Magnifico Viro Domino Traiano Pro-uana Sacrae Regiae Maiestatis dignissimo Secretario: nec non Celsitudinis tuae addictissimo, ad nos etiam pertulisset, illico Nostrates quoque, te non iniuria & suspicere, & admirari maxime caperunt. Ego vero tibi insuper tantum meo iudicio tribuere, ut ad veritatem plane mihi persuaferim, specimen virtutis esse te, quod ab omnibus ubique locorum venerari colique meritisimode debeat, confestimque exarsit animus incredibili cupiditate videndi tui, coramque huiusmodi officia studiosè praestandi. Sedenim quum per aetatem iam ingrauescentem perque mearum fortunarum tenuitatem, me tam longo itinere, quod isthuc usque conficiendum erat, committere non esset integrum, paruulam hanc pro me lucubrationem libuit ad te mittere, illamque ipsam humiliter nomini tuo dicare, ut hoc saltem pacto meam in te obseruantiam tibi simul & omnibus notam facerem. Qua in re mihi quidem certè dubium non est, egisse Deum destinato consilio, ut eandem lucubrationem mihi prius, qua

nunc Italia vulgo vtitur lingua, conscriptam, mox (qua-
tenus qua de agitur materia latini sermonis puritatem
admisit) latinitate donarem, vt esset hoc tempore ad-
manum, quo & meam aduersus te reuerentiam testifi-
carer, & oblata huiusmodi occasione, id à te per literas
peterem, quod esset omnium mihi longè exoptatissi-
mum, vt scilicet in tuorum Clientum numero me habe-
ri, quæ tua benignitas est, æquo animo patiare. Quod
vnum si abste, vt equidem spero nunc impetro, me in-
de tibi perpetuò debiturum apertè & ingenuè confite-
bor. Caterum vt ne sis etiam nescius, quamobrem
scriptionis hoc genus initio potissimum instituerim,
breuibz hic mei consilij rationem aperiam. Quum
ad conuiuium Euangelicum prolixius in præsentì, quàm
aliquot antè seculis à cœlesti Patrefamiliàs instructum
quamplurimos Papisticarum opinionum prauitate in-
fectos ita nauseare conspicerem, vt ne degustare qui-
dem aliquid inde sustinerent, placuit ex ijs, quæ apud
alios auctores in ipsius conuiuij commendationem dis-
fusiissimè conscripta sunt, breuissimam Epitomem colligere,
quæ quasi perpetuum Acroama salibus, facetijs, &
urbanitatibus mea quidem sententia non prorsus in-
concinnis aspersa, fatuos & insulos eiusmodi delica-
rum hominum gustus, quum legeretur, aliquantulum
delinirent, atque animi sensus errorum acerbitate ve-
lut obtupefactos, in dulcitudinem perspectæ cogniti-
veritatis, & sensim, & srauiter alliceret. Si modo qui
sationibus atque irrigationibus humanis incrementa
dat Deus, adesse his conatibus præsens vellet. Hoc
itaque scriptum quale id cunque est, si pro ea,
quæ est in te, Christiana pietate, non fueris aspernatus,

me pariter non abs tereiectum, sed in tuam fidem, &
Clientelam fuisse receptum arbitrabor: ac pro
virili parte conabor efficere, vt hominem
non ingratum te recepisse cogno
scas. Vale.

GEORGIUS NI

GER BASSANENSIS

Ad Lectorem, De Libello.

Q Vicquid superstitio vetus, vana, impia,
In Religionem veram inuexerat mali
Palam fit hic: coloribusq; pingitur
Suis malorum huiusmodi autor omnium
Et Architectus Antichristus, & caput.
Pietatis inde purioris integra
Reponitur forma, & pariter syncerior
Cultus Dei, salutis vnde est gratia.
Quapropter oro te benigne & candide
Lector, tibi ne sit graue hæc saltem semel
Percurrere. Hic etenim videbis, omnia
Salibus, facetijs, leporibusq; ita
Conspersa, vt & delectent, & prosint simul,
Mentemq; ducant ad superna ex infimis.

Eiusdem ad Libellum.

I Liber audacter, quò ferre Georgius audet
Te Niger, ac metuas pro pietate nihil.



ARGVMEN

T V M.

I.



Iberum arbitrium Voluntatis ac Ratio
nis filius, humanarumq; actionum pro
uincia Princeps, per Scholasticos theo
logos Romam migrat: vbi papisticus à
Papa Christianus, nec non etiam Rex
inuietissimus factus, Bonorum operum
Regno præficitur. Mox verò Actus Eliciti, sui procu
ratoris opera, Gratiam de congruo vxorem ducens,
ex hac ipsa Gratiam de condigno progignit. Atq; ita
diu sua cum isthac familia in regni huius administrati
one felicissimè insistens, è vectigali (Meritum vocant)
quod ei Regno impositum est, innumerabilem pecuni
am conficit, atq; amplissimas diuitias parat. Sedenim
ex Ioannis Fabri Viennensis Episcopi redditis per Ec
cium litteris, suorum quorundam populorum defectu
one audita, cū eodem Papa diligentissimè agit, vt & re
belles in ordinē redigantur, & imminentibus in poste
rū periculis eatur cautissimè obuiam. Verum interim
dum summo hæc studio peraguntur, Gratia iustificans
in orbem terrarum è caelesti domicilio demissa, Regis
cervicibus caput abscindit. Præterea latam à Iesu Chri
sto sententiam in apertum profert, qua quidem senten
tia idem Christus Iesus, Papam se Antichristum esse
doctrina, vita, factis, ac moribus bellè comprobantem
ita damnat, vt spiritu oris Dei membratim atq; articula
tim interfici debeat.

B

PERSONÆ.

FAbius Ostiensis
Discursus Humanus REGIS Consiliarius
Diaconatus Reuterēdissimi CLERI Procurator.

Hermes Interpres.

Felinus Obsonator.

LIBERVM ARBITRIVM REX.

Actus Elicitus REGIS Procurator.

Bertucius Tonfor.

Amonius Scriba.

Tripho Notarius.

Orbilius Famulus.

Reuerendissimus Dominus CLERVS;

Petrus Apostolus.

Paulus Apostolus.

Angelus Raphael.

Gratia Iustificans.

ACTVS PRIM: 2.

SCENA PRIMA.

FABIVS, DISCVRSVS, DIACONATVS,

QUod erraticis nautis euenire solet, vt ex longa navigatione se demum reduces in portum ingredi vehementer latentur, id mihi quoq; nunc vsu venit, qui ex diutina peregrinatione quam proximè paternos lareis accesserim. Nam & sospitem me aduenisse gaudeo, & secura præteritorum incommodorum recordatione delector. Sed illud vnum præ omnibus mihi summæ voluptati nunc est, quod quum & Hierosolymis Iesu Christi sepulchrum, & alibi quamplurima pietate insignia religionis causa iam inuiserim loca, hodie vesperi tandem charissimam coniugem, dulcissimosq; liberos longo iam temporis interuallo mihi non conspectos coram intuebor, complectar, dissuasiabor, ac parta laboriosis ex peregrinationibus meis celestia bona benignè illis impertiar. Veruntamen antequam ex vrbe proficiscar, Discursum Humanum ac Diaconatum, quos inprimis & veneror, & obseruo conuenire atq; alloqui certum est. Ecce autem illos opportunè prætergredientes forum conspicio. Adibo, & quandoquidem in præsentia vacat, homines compellabo. Saluete Domini.

Fabius prota-
ctica persona.

Acti labores
iucundi.

DIS. Tu quoq; saluus sis optime Fabi. Quid ita quæso te petatatum conspicio? es ne fortasse abiturus hinc hodie?

FA. Abiturus omnino, & quidem intra vnam, aut
B ij ad sume

LIBERVM ARBITRIVM:

ad summum alteram horam. Quocirca si quid est, quod me velitis, oneris quicquid libet impone.

DIS. Præpropere est hæc festinatio. Poterat is tuus discessus, opinor, maiore tuo commodo in diem crastinum differri.

FA. Absuri diutius quàm putaram: idcirco mihi nunc properatò est opus.

DIS. Si sic tibi constitutum est, age ut lubet. Quod verò ad me attinet, nihil aliud est, quod abs te petam, quam ut me tuum esse totum memineris. Caterum quia grauis cuiusdam in Germania exorti tumultus occasione me nunc ad se Rex noster accersi iussit. Diaconatus & suo, & meo nomine quoad in vrbe commoraberis, te deducet.

FA. Haud equidem huiusmodi Deductoris me dignor honore. Sed antequam hinc abeas, dic mihi obsecro te, qui nam sunt hi Germanici tumultus? haud satis auspiciatò huc me contuli.

DIS. Rex pro còperto habet, è suis populis inibi nonnullos abs se defecisse, atque itidem alios ad defectionem sollicitare. Quod quidem facile ingens aliquod regno periculum creare posset. Humanarum rerum domina Fortuna, Regem ipsum, veluti charissimum partem diu fouit. Nunc autem vertere illi terga velle nescio quo pacto iam videtur.

FA. Malè me herculè habet animum meum is nuntius. Verum in spe sum fore, ut Rex ipse potentissimis suis viribus, tuque item prudentissimo tuo consilio sitis haud difficulter & periculum & iniuriam propulsaturi.

DIS. Rectè putas: etenim venienti quoad eius fieri poterit

poterit occurremus morbo, curabimusq; hanc acerbitatem non esse diuturnam. Sed vt dixi, iam mihi abeundum est.

DIA. Ego Fabio nostro interim comes ero, quamquam humanioribus officijs excipiendus fuerat, quem admodum & ipse domi suæ nos excipere quoties ipsum interuifimus, consueuit.

ACTVS PRIMVS

SCENA SECVNDA:

FABIVS, DIACONATVS.

FErè sit mi Diaconate vt foelicitatem diuturnam turbida calamitas aliqua tandem subsequatur. Quod ijs rerum vicissitudinibus inconstans, instabilisq; fortuna se se oblectet.

DIA. Et quidem quò tardiora, eò plerumq; molestiora esse solent, quæ eueniunt infortunia. Quemadmodum Regi nostro nunc accidit. Qui quanto suauis ac veluti quidam Samius Polycrates ab initio Regni sui hactenus vixit, tantò fortunam hoc tempore aliquantulum resstantem, animo cadens, vehementius pertimescit, vt paulo anteq; nos conuenires Discursus noster mihi retulit.

FA. Non admodum hoc mirum uideri debet in Rege contumeliæ insueti, iniuriarumq; insolenti, quum frequenter idem priuatis quoq; hominibus contingere

B. iij

soleat

LIBERVM ARBITRIVM:

soleat: Verum enimvero quando in sermonem de hoc Rege incidimus, amabò te, nò sine quo tēpore, & quo pacto regiam Is dignitatem acceperit:

DIA. Noui omnia.

FA. Ne mihi quæso graueris indicare. Nam per gratum erit omnia hæc intelligere.

DIA. Faciam equidem ac lubens. Atenim quo plenus accipiantur omnia, paucula quædam paulò altius repetenda sunt. Vnde quis fuerit status & conditio ipsius Regis anteq̃ corona donaretur, ex ordine possit intelligi.

FA. Vt libet.

DIA. Principio igitur sciendum est: Anno à Iesu Christi natali die, circiter trecentesimo Liberum Arbitrium humanarum actionum Principem inter Christianos versari cœpisse. Et licet minimè multis eo tempore, vt qui ex ethnica stirpe, aduentitiusq̃ esset, notus foret, nihilominus tamen non ità multo post per Pelagium ac Cælestium factiosos homines adeo Christianis innotuit, vt non nemo illum etiam non inuitè reciperet. Deniq̃ verò post aliquot secula rationibus aliquantò quàm antea commodioribus per theologorum scholasticorum gymnasia, quas Vniuersitates vocant, præcipueq̃ per lumen Naturale Vniuersitatum ipsarum præstantissimum Magistrum in Romanam Curiam deductus, etiam obuijs vniuersis exceptus est: Quod quidem quum animaduertissent eius Principis præcipui amatores Theologi summo cum studio Romanum Pontificem ità vrserunt, vt Is hunc ipsum & ad papisticos Christianos adiunxerit & ob ipsius egregias virtutes, potentissimasq̃ vireis, regem constitutum Bonorum operum regno

De certe rinalem non habet.

TRAGOEDIA.

gno praefecerit. Ex quo sanè Regno, quod opulentissimis prouincijs, Urbibus florentissimis, alijsq; fertilissimis locis refertum sit, reddituum uelut è fontibus vberimis plus hausit, hodieq; haurit ipse Rex, quàm Hispanus Imperator Carolus ex utroq; orbe, quem in praesentia possidet. Nouas tamen eodem in regno construendi fabricas Papa sibi, suisq; successoribus ius esse voluit.

FAB. Memini me saepius audire tanq; inuiolabile sanctissimumq; decretum iactari, ecclesiastica bona abalienari non posse. Quod si sic habet, qui potuit Romanus Pontifex huiusmodi bonis hunc regem donare? quum ipsa donatio pars qdam abalienationis omnino sit?

DIA. Obseruabis id hoc in loco mi Fabi, ne in causa tam facili semper tibi (quod aiunt) aqua haereat, ecclesiastica bona non valere quidem à temporaria priuatione, & potestatis hominibus alienari. At Papam, qui potestatis omnis omnimodam plenitudinem in scrinio suu pectoris (vt ipse loquitur) gestat, bonorum omne genere & spiritualium & mundanorum simul, quum accipere, tum dare vt sibi libuerit, & cui libuerit, tam cum pretio, quàm sine pretio posse. Quod si etiam accipiat, (quod quidem certè quam sepius fit) ipsum Papam aliquid existius modi bonis diuendere, ne utiquam propterea simoniam quam vocant, committere dicendus est, quum nihil illi cum spiritu sancto, neq; spiritui sancto cum illo commune sit. Sed vt ad institutum de Rege sermonem reuertamur. Quum primum sese Liberum Arbitrium esse Regem conspexit quo firmitus acquisitum imperium noua aliqua affinitate stabiliret, Actus Eliciti sui procuratoris, necnō scholasticorum Theologorum

LIBERVM ARBITRIVM

ologorū consilio, atq; opera cum bona quoq; Romani Pontificis venia, negocium hoc prudenter adeo pertractauit, vt Gratiam de congruo dignissimam inter papisticas omneis heroinam in manum conventionē vxorem duxerit. Ex qua mox formosissimam illam suscepit filiam, quæ Gratia de condigno appellata est: Cuius mores elegantissimos, pulcherrimasq; virtutes vsque adeo quamplurimi admirantur, vt immortalis vitæ felicitatem iure suo hanc ob id promereri non vereantur alserere.

FAB. Sanè quam se Romanus Pontifex prudenter gessit, quum tam eximio principi, talibusq; theologis tam honeste gratificatus est. Nam ipsius hoc pacto cū horum viribus coniunctæ vires multo quàm prius fuerant, fortiores euasere.

DIA. In pertractandis rebus quæ ad administrandā, conseruandamq; suam ipsius faciunt monarchiam, mihi crede Romanus pōtifex prudentissimus ac vigilantissimus est: nouitq; sibi magnos atq; excellentes, quum imperio, tum litteris viros, & sceptris, & galeris, & pileis, & mitris, & sacerdotijs, & sexcentis alijs huiusmodi rebus arctissimè deuincire, quò illos deinde Romanæ sedis semper obsequentes ad eamq; defendendam promptos habeat. Et quanuis nulla vnq; existerit in orbe monarchia, quæ adices tam profundas egerit, quæq; tanta arte & ingenio exædificata, & ad supremum maiestatis gradum perducta fuerit, quam isthanc ipsā nunc esse conspiciamus, nihilo secius tamen quum neue speciosa muliere, neue imperio præpotenti quis potiri sine suspitione, & Zelotypia consueuerit, nō immeritò Romanus Pontifex neruos omneis intēdit, vt hanc vndiq; tutam,

cutam, atq; omnium periculorum expertem seruet. Sed ut ad id quod propositum est, redeam. Quum peroptaret idem scholasticorum theologorum ordo demum Liberi Arbitrij regnum perfectè, planeq; stabiliri, tanto studio ac diligentia rem huiusmodi apud Papam agitauit, vt Is deniq; receperit, & publicis tabellis apertè sit stipulatus hunc se Regem cum sua ipsius familia tandiu in traditi regni possessione conseruaturum, quandiu papistica monarchia sit in orbe duratura. Prouentus tamè annuos nōnullarum ipsius Regni prouinciarum excepit, quod si prius Reuerendissimo Clero eius filio, heroq; meo ascripti essent.

FAB. Quid ego audio? Papæ ergo filius est Reuerendissimus Clerus? Hem nunquam antea isthuc sciui. Sed qualis obsecro filius? legitimusnè, an nothus? Etsi parum referre videatur, quum in tantam altitudinem conscenderit, vt prouinciarum etiā illi, & imperia, & prouentus assignentur. Neq; est quod mireris mi Diaconate, si in his interrogandis insisto. Nam velim scias, accurate me hac in mea peregrinatione non modo gentium, quas pertransiui mores, verum etiā Principum gentilitates, aliq; omnia, quæ memoria mihi digna uisa sunt, annotasse, quò de his ipsis inter amicorum iucundis colloctiones aliquid postea referre possim.

DIA. De meo Hero plura etiā q̃ abs te querantur, narrare queam: Etenim eius aconomus ac velut Diocætes diu quum fuerim, tum de ipso, tum de ipsius rebus exactam tibi possum rationem reddere. Vt hinc igitur initium narrandi faciam: Quo tempore sanctissimus ac beatissimus pater pontifex romanus ecclesiæ sese caput, mundi monarcham, ac terrestrem Deum quendam constituit,

Qui mores hominum multorum vidit et vrbis.

LIBERVM ARBITRIVM

stituit, vt aliquod huiusce suæ diuinitatis ederet specimen, hūc filium ex seipso progenuit, hebreæq; cuidam nutricia alendum atq; educandum tradidit.

FAB. Et cur non potius Christianæ quæso?

DIA. Ob id opinor, vt inter Hebraicas ceremonias educatus puer illisq; ad pietatem imbutus, easdem in papisticam religionem suo demum tempore commo- dum transferre posset, vt etiam sui patris iussu illum fecis- se postea satis constat.

FAB. Mihi quidem sit verisimile. Sed perge.

DIA. Vt primum adolescentiam ingressus est puer, huic romanā Curiam, atq; adeo vniuersum Clericatum pater administrandum commisit. Atq; vt faciliior esset administratio hunc suum collectitium gregem in vario- rum graduum hierarchias diuisit, nempe in Ostiarios, Cantores, Lectores, Exorcistas, Acolutos, Subdiaconos, Diaconos, Sacerdotes, & Episcopos. Atq; hos qui- dem postremos in partes quatuor distinxit, nimirum in Patriarchas, Archiepiscopos, Metropolitanos, & Episcopos. Hisq; ipsis permisit, vt (si libeat) sibi suffraganeos (suffraganeos volui dictum) atq; adiutores cooptent. Quemadmodum & superiores etiam in plureis alios ordines distribuit. Nonnullos enim Archidiaconos, alios Archipresbiteros, complures Decanos, non paucos Canonicos, multos Primicerios, quosdam Camera Clericos, hos Notarios, illos Protonotarios, aliquos Cubicularios, permultos Equites, quosdam Secretarios, plureis Refferendarios, aliquot Scriptores, nonnullos Signatores, plurimos Breuiatores, quamplurimos Copistas, aliquos Solicitatores, alios Adstipulatores esse voluit, ac terrenarum huiusmodi Hierarchiarum munera omnia

Hec dist 21. per totum

TRAGOEDIA:

6.

omnia hisce bene latinis notata nominibus exequi. Postremo verò ut Curiam suam Romanus Pontifex quibusdam supremæ ac præstantissimæ post se dignitatis, authoritatis, ac potestatis hominibus exornaret, atq; Urbis Romæ vel Parochos, vel Plebanos quos vocant in cœlum extolleret, Cardinalium ordinem superioribus adiunxit. Atq; hos quidem præstantissimos viros, in Epicureæ philosophiæ studia, voluptariasq; disciplinas absq; ulla intermissione incumbere voluit. Et ut ceteros philosophos virtutes quatuor Cardinales habere nempe Rapacitatem, Acharistian, Masculam venerem, & Atheoten, atq; has easdem vita ipsa palam ac publicè profiteri. Ad hæc instituit, ut equos ac mulos multo auro multisq; gemmis ornatos equitarent, purpureis togis ac palijs, tunicisq; talaribus, & se & suas belluas conuestirent, ac rubris pileis igneas linguas in Iesu Christi discipulos, quorum ipsi vices gerunt, è cœlo lapsas referentibus, caput obtegerent. Præterea sanxit, eisdem primū apud se locum esse, Principes orbis terrarum, suosq; fratres appellari, atq; eligendi creandiq; summum Pontificem Romanum solos per se ius & auctoritatem obtinere. Sed ea tamen conditione, ut non nisi è seipsis vnum aliquem constituere possint. Alios autem omnes quouis titulo sibi inferuienteis, quod Ecclesiasticæ dignitatis, nullo caractere sint insigniti vno laicorum nomine nuncupavit. Quod quidem nomē reliquis quoq; christianis Clericatus ordinibus minimè insertis commune pariter esse velit, quamvis eiusmodi laicos etiam mundanos ac seculares aliquando uocet; quemadmodum qui è suo Clericatu sunt, aliàs etiam Ecclesiasticos, & spirituales cognominat:

C n

Na pa

LIBERVM ARBITRIVM

FAB. Næ Papæ prorsus laudanda est diligentia, qui Clericatum ipsum in hos ordines, ac veluti classeis ad euitandam confusionem tam bene digesserit, eosdemq; ordines altera ex parte inter sese tanquam perpetuò nexu tam scitè coniunxerit. Verum hæc ipsa nomina, quæ Clericatus hisce gradibus imposita sunt, adeò mihi videntur insolentia, vt quid significant, minime valeam intelligere. Peroptarim itaq; omnia hæc mihi, præsertim verò quid Cardinalis nomen sibi velit, exponi, quãdo id videmus ijs esse inditum, qui vicini proximi Romano Pontifici sint.

DIA. Nullus, quod sciam, scienter magis hac in re tibi, q̃ Papalium Decretorum vigesima prima Distinctio satisfecerit. Nam horum nominum elegantissimam interpretationem vel è græco, si dijs placet, tibi suggeret, excepto quod nulla de Cardinalibus inibi fit mentio: ea fortasse de causa, quod quo tempore huiusmodi decretorum opus ab ipso fuit Authore compilatum, Cardinalitius ordo nondum esset institutus.

FAB. Ergo si libet, vel Cardinalis etymon mihi absolue,

DIA. Hoc solū hac de re tibi referre poterò, quod ex eruditiorum hominum congressibus, atq; in nostra Curia sæpius habitis sermonibus audiui. Prætermisissis igitur opinionibus Guidonis Archidiaconi Bononiensis, & Zabarellæ, & Barbatij, apud barbatos hac in parte ridiculi, qui Cardinalis tam nomen, quam officium è diuinis litteris acceptum putat, vbi dicitur. DOMINI SVNT CARDINES TERRAE, ET POSUIT SVPER EOS ORBEM. Id vnū quod à quibusdā alijs dictum est, quodq; mihi magis verisimile videtur, in medium

dum proferam, ij vero sic affirmant, Cardinalis nomen
 ē Grammaticorum figura, quæ Epenthesis vocatur, or
 riginem traxisse, quæ sanè figura tunc fit, cum in me
 dio alicuius vnius vocabuli per se integri aliquid collo
 catur: vt quum Induperatorem, pro Imperatorem, pro
 ferimus, Ita etiam Cardinalem, pro carnalem, dictum
 volunt, quod hæc ipsa vox aures pleniore sono demul
 ceat. Veruntamen qua de causa huic ordini Reueren
 disimo tam bellum sit impositum nomen, non omnes
 eiusdem sententiæ sunt. Aliqui existimant Carnaleis,
 siue Cardinaleis, quod idem est, esse dictos ob præci
 puum munus quod in Romana Curia semper exercent,
 sese carnalibus omnibus delicijs ac voluptatibus aso
 tos immergendo: alij verò quod membra Papæ digni
 ora, velutiq; caro ex eius carne sint:

FAB. Vtraq; opinio mea quidem sententiā, non
 procul abest à vero. Sed de Cardinalibus iam satis. Po
 tes nunc à diuerticulo repetere pristinam fabulam.

DIA. Ita sanè. Quum filium suum Romanus Pon
 tifex tam bene digesto Clericatui præfecisset, non con
 tentus hac illum dignitate cohonestasse, sacramentariis
 am quoq; provinciam, quæ septem amplissimas Vr
 bes continet, administrandam eidem concedidit. Atq;
 harum Urbium vnā, quæ sacer ordo nuncupatur,
 hunc ipsum incolere voluit. Porro autem vt omnia stu
 diosius ac diligentius in hac ipsa Prouincia curarētur,
 instituit vt Opus Operatū inter papisticos heroēs om
 nium facile primas ferens hanc eandem dies atq; no
 ctis circumiret, Dei gratiam sua virtute illis omnibus
 administrans, qui in Vrbeis ipsius Prouinciæ commi
 grantes capitalis criminis obicem ad eam recipiendam

LIBERVM ARBITRIVM.

non ponerent. Præterea non abnuît eundem suum fili-
um non Ecclesiasticarum modo, sed etiam mundana-
rum dignitatum titulis insignem fieri: propterea
quod ecclesiasticorum munerum nomina nîmîum vi-
lia per se sint. Insuper ordinauit, vt idem filius ad Ecce-
siasticam potestatem ciuilem quoq;, quod brachium se-
culare vocant, adiungeret, quo se multò tutius aduer-
sum quorumlibet infestationes & iniurias, tanquam sub
Aiæis clypeo, defendere valeret. Ad hæc Officiorum
Sacerdotiorum, Præbendarum, Pensionum, atq; aliorû
sua in Monarchia existentium bonorum quam maximû
numerum addito tempore huic suo filio assignauit.
Bonorumq; operum regni bonam prouentuum partem
ac nonnullarum separatim eius regni prouinciarum,
quæ cum Sacramentaria commercium habent adiun-
xit; quo ex infinitis fermè, qui inde exiguntur thesau-
ris, Clericatu suo non solû pompis omnibus fastuosam
& superbam, verum Sybariticis quoq; delicijs, ac Sarda-
napalico luxu profusam perditamq; vitam, suæq; ipsius
omnino similem viuendi fieret copia; iisdemq; dignitati-
bus & eadem gloria, qua Procæses Imperatoris rebus
in omnibus excelleret, atq; ita demum in Papæ autori-
tate mollissimè conuiesceret.

FA. Scrupulû non nihil iniecit in animû meum, tu-
us hic sermo postremus. Nam si Reuerendissimus
Clerus tot ac tantis & diuitijs abundat, & delicijs refer-
tus est, & luxuria diffluit, qui stabit obsecro id, quod
recitari é papisticorum Decretorum volumine fre-
quenter audiuit nîmîum eundem Reuerendissimum
Clerum, neq; aurum, neq; argentum, nec possessiones
nec variam suppellectilem possidere, sed victu & vesti-

Belisogabali. at
que Sidonii
Stratonis mol-
liciem sperant
Papæ cû suis.
Dis. 96. cap.
Constantinus.

Can. 12. Quæst
pa. Cap. Cleri-
cus. Et cap. cui
portio. Et cap.
Duo sunt.

tu contentum nudam crucem, nudum sequi debere? Præterea si sic in otio vitam & confertam & plenam voluptatibus ac nequitia degere vitio datur hominibus, ut iure optimo sanè datur, quomodo hic se res habebit mi Diaconate? Num Reuere: Clerus per se suis autor erit, ut intemperanter, flagitiose, ac turpiter viuant?

DIA. Nequaquã mi Fabi, Sed audi si libet, nescio quid, quod verã loci huius intelligentiam tibi enudabit. Qui veteres olim Canones è Republica Christiana esse aut aliquid ad eam facere videbantur, deleti nunc & abrogati iam sunt. Id autem eò factũ est, quia ipse Papa, qui nullis subiectus est legibus, impensissimè præcipit, ut ad Cancellariæ suæ regularum præscriptum, & pro ut pectorali suæ reservationi, proprioq; motui, ac scientiæ & suæ potestatis plenitudini (suis ipsius verbis utor) libitum est, nunc omnes viuant. Quod sane in causa est, ut Canones quibus non conuenit cum ipsius arbitrio, non etiã sint, ut qui nullam efficientiam habeant, in præsentia obseruandi. Quod verò ad vitia pertinet sic respondeo. Quæ abste numerata sunt superius vitia, vitia quidem & peccata esse posse, at in vobis tantum, qui mundani & seculares estis, non autem in nobis, qui spirituales & Ecclesiastici sumus Propterea quod sanctissimus Papa, sanctissima sua sanctitate clericatum suum ita sanctificat, ut nullum vitium, atq; adeò nullum scelus contaminare hunc valeat.

FA. Optime mihi factum est satis hac in parte. Iam quod reliquum est expedi.

DIA. Nihil aliud est reliquum, nisi ut primæ nunc tuæ petitioni respondeam, videlicet, an Reuerendissimus Clerus papæ sit legitimus filius an ne nothus, Ad
hac

LIBERVM ARBITRIVM:

hæc itaq; sic habeto. Sicuti quum Papa negotij sui bene admodum gerens terrestre quoddam sese numen efficit, in longe diuersam à suis Præcessoribus naturam se ipsum transmutauit: ita etiam per idem tempus è suo capite veluti Mineruam Iupiter, hunc suum filium procreauit: atq; illud ingenium, illamq; naturam, quam nunc habet, contribuit. Quamobrem animaduertere potes eum neq; legitimum, neq; nothum aptè congruenterq; posse dici. Non legitimum sanè, quia qui hunc progeniuit sanctissimus pater vxorem habere non poterat: non nothum autem, quia summus pontifex cum meretrice rem habere dedignaretur omnino, licet cum mollissimo aliquo Ganymede non item.

FA. Dilucidè, copiose, ac luculenter omnia explicuisti. Iam instat hora, vt ad tyberinā ripam me conferam, ne nauis inde abeat me hic relicto. Bene igitur vale mi Diaconate.

DIA. Et tu mi Fabi. Perlongam hic moram traxi: Vereor ne hospites qui cum Hero sunt pransi, iam discesserint. Hinc percunctabor. Sed eccum Hermetem ex ædibus exire video, ex ipso quid actum sit sciam.

ACTVS PRIMI

SCENA TERTIA.

HERMES, DIACONATVS.

QUò magis pulcherrimam colloctionem à Theologis in prandio habitam mecum reputo, eò mihi sto:

hi stomachum magis mouent heretici quidam recentiores qui ter maximi Pontificis Romani dicto minime audientes esse volunt. Quod si horum aliquis interfuisset conuiuium, suos errores potuisset, opinor, haud difficulter agnoscere.

DIA. Pertedet profectò me non interuenisse. Verum vel breuem summam eorum mihi sermonum referri per Hermetem curabo. Salue mi Hermec.

HER. Salue tu quoq; Diaconate. Non animaduerteam te adesse.

DIA. Abierene ex aula Theologi?

HER. Nunc primum in Datarij sese adeis contulerunt, vt recipiant diplomata, quas Bullas vocant, ex quibus tanq; ex edicto in Sacerdotiorum possessionem veniant, quæ plurima beatissimus Pater ob Romanæ sedis apostaticam (Apostolicam volui dicere) dignitatem & auctoritatem strenuè conseruatam illis contulit.

DIA. Rectè quidem. Verum dic mihi obsecro quale prandium habuistis hodie?

HER. Laucissimum, instructissimum, tuoq; prorsus Hero me hercule dignissimum.

DIA. Quibus verò de rebus homines tam excellentes inter prandendum simul sunt collocuti?

HER. Conuiuium ad multas horas, vario sermone produxerunt, potissimum autem de Papæ potestate, ac de Liberi Arbitrij Regis viribus contra huius temporis hæreticos egregiè disputatum est.

DIA. Bella equidem materies vtraq;. Sedenim quid præcipuè his de rebus inter se contulerint, ni tibi molestum foret, mihi referri percuperem.

HER. Tantum abest, vt id mihi graue futurum sit,
D vt lux

LIBERVM ARBITRIVM

vt lubens etiam tibi sim hac in parte obsecuturus. Veruntamen opus erit hac ipsa breui percurrere. Nam cum & interprete & curatore transalpini theologi me vtantur, necesse habeo quædam ipsorū explicare nunc, expedireq; negotia, quo liberius cras multò manè hinc vt cogitant, proficisci queant. Quin & ijdem ipsi, quum suas a Datario bullas receperint, eadem de causa veniam abeundi a sanctissimo Domino nostro petituri hodie per se sunt.

DIA. Per me licet, qua tibi libet id breuitate nunc præstes. Verum anteq̃ ipsam narrationem inchoes, quot epulis quaslo accubere conuirtæ? Non potui præsentibus vobis adesse, vt volueram, quod oportuerit me quoq; aliquot Heri mei negocia cum Chrisostomo Quæstore transigere. Postea verò Fabius Ostiensis meus familiaris ac necessarius mihi obuiam factus, detinuit hætenus me sermone benè longo.

*Septem conuiuium.
Nonem conuiuium.*

HER. Discubuerunt Herus tuus, Ecchius, Pelargus, Cocleus, Emserus, Theologi sorbonenses duo, Ambrosius Catarinus, & Cornelius Placentinus monachi. Atq; ij omnes me pariter absidere voluerunt.

DIA. Elegantem mihi confessorum societatem narraſ. Sed iam ad colloquium.

HER. Collocutio ipsa propemodum sic habuit. Amotis primis ferculis, de Papæ potestate sermo ab ijs Theologis in hanc sententiam institutus est. Quandoquidem (inquiiebant) Romanus Pontifex vniuersalis ecclesiæ caput, magister, & pastor à Iesu Christo constitutus est, & omnium legum, omniscq; iustitiæ fons effectus, ac cælestis regni clauis, & vtriusq; imperij, ac vtriusq; gladij iura simul ab eodem accepit, vt e diuinis literis, & sanctis

*Distin. 19. cap. 1.
Ira Diuus. Et
dist. 21. cap. in
Hono. et cap.
Sancta. et dist.
22. cap. omne
et cap. sacrosan-
cta et in cõcilio
Brelatensi.*

sanctis concilijs, atq; è sacris Canonibus apertissimè,
& planissimè constar, omnem sine dubio ligandi ac sol-
uendi, aperiendi & claudendi quicquid libuerit potesta-
tem habet. In omnia tam generaliter vndiq; quam ex
aliqua prouincia sigillatim congregata concilia id iu-
ris illi est, vt neue colligi, neue collecta decernere ali-
quid, nisi vt eidem placuerit queant. Nouos fidei ar-
ticulos componendo, Decreta, Decretalia, Canones,
Sextos, Clementinas, Extrauagâtes, Declaratorias, atq;
alias id genus leges ac psephismata condendi autorita-
tem obtinet. Quæ sanè institutiones haud secus q̃ diui-
na præcepta, summos, medios, infimos sibi obuinctos
atq; obnoxios teneant: propterea quod equalis cum
Euangelio sint, & autoritatis & ponderis. Etenim
translato ab Aarone in Christum, & à Christo in Papâ
sacerdotio, necesse est etiam condendarum legum au-
thoritatem in eundem, tanquam in architectum esse
translatam, quod quidem in illo iubendi potestatem, in
alijs verò necessitatem obtemperandi constituit: quoni-
am quod semel à Papa sancitum est, id infringere
nemini vni conceditur, nulliq; aut hominum aut ange-
lorum sententiam ipsius reuocare fas est. Potestatem
eidem habet idem Papa comprobandi, exponendi, in-
terpretandiq; diuina scripta suo arbitratu, nec alicui per-
mittitur vel latum vnguem ab eius interpretatione dis-
cedere, quum ipse solus fidei magister, & regula cunctis
propositus errare non valeat. Quo circa nec alterius
cuiusquam expositio, siue interpretatio aut potest, aut
debet censeri bona, nisi quatenus ab hoc ipso, vt suis
legibus minime contraria comprobetur, aut saltem
quia plerumq; maioris q̃ quæ ad religionem pertinent
momenti

Dist. 17. Cap.
Synodum.

Dist. 19. Cap.
Sic omnes &
cap. Nulli fas.
Dist. 20. Cap.
de libellis:

In Decretali.
De constitutio-
nibus. et Dist.
21. ca. Quâuis.

Causa 17. quest.
4. cap. Memini.

LIBER VM ARBITRIVM:

momenti res ille curat) per sacri palatij Magistrum confirmetur. Is autem Dominicanus monachus cum sit, & Thomistice doctrinæ peritissimus, diuina scripta persci-
enter explanare, & quæ ad Romanæ sedis fidem spe-
ctant, Thomistarum placitis eleganter, decernere con-
suevit. Insuper ipsi Papæ potestas est, interdicendi, exe-
crandi, excommunicandi, anathematizandi, & fulminan-
di, vt ipse loquitur, tam sibi quacunq; de causa infensos
hosteis, quam eos omneis, qui contumaciter aut suis
aut suorum Ministrorum iussis, quacunq; illa, & qui-
cunq; illi, siue Reges, siue Imperatores fuerint, obedire
atq; obsequi renuant. In ipsius est præterea potestate,
peccata vel omnia simul, vel diuissim aliqua, aut per se
aut per suos administratos confictis Bullis & condonatis
onibus remittere, & id quidem non tantum viuis, ve-
rum etiam ijs qui vita functi supplicia in Purgatorio lo-
co perpecciantur. modo adsit interposita pecunia. In
eius est item manu omnis generis vota facta commuta-
re, aut veluti vindicias secundum libertatem vouenti-
bus dare. Iuratos à quouis etiam sanctissimo iure iu-
rando absoluerè, & affinitatum consanguinitatumq;
gradus matrimonia, vel contracta, vel contrahenda (vt
scholastici theologi garriunt) impediētis abrumpe-
re, vt è re nostra, suaq; multò magis ac suorum esse co-
gnouerit.

DIA. Aequum videtur, ipsum Papam, quemadmo-
dum votorum atq; aliorum, quæ hactenus recensuisti
impedimentorum & autor est, & approbator, ita posse
hæc omnia suo arbitratu, atq; vt ex vsu sibi est etiam
amouere.

HER. Non iniuria sanè. Sed vt ad nostros theolo-
gos

*Causa. 15.
Quest. 6. cap.
Iuratos. et in
Extravagã. de
voto et votare.
remptione: per
totum.*

gos reuertamur. Commostrarunt ij etiam, præter iam dicta Papam efficere posse, vt ne diuinis omnino legibus teneamur, modo suis ipsius vel inuiti obtemperemus. Quæ omnia nisi quis ex animo credat, in peste ipsa, pestiferam magis hæresim incurrat necesse est. Nam licet multa sint, quæ nisi credantur, hominem hæreticum faciant, nihilominus tria potissimum existunt, quæ ipsum hereticissimum, vt ita dicam, constituunt, quorum quidem primum hoc est, sibi non persuadere Papam Ecclesiæ militantis, quam appellant, esse caput cum autoritate et potestate quicquid libeat faciendi. Alterū in Romanæ sedis ac summi pontificatus detrimentū vulgo seminare damnosas opiniones. Tertium verō est, diuina scripta populis aliter ac Papa interpretatur, exposita proponere, ob eam videlicet causam, quod sacre litteræ, atq; ipsarum explanatio nihil autoritatis habeant, nisi ad Papisticæ comprobationis calculum reuocentur: propterea quod ipse Papa & verbo Dei & sacramentis, quæ vocant, addere, ac de illis imminuere, vt libitum sibi fuerit potest. Etenim quum Iesus Christus ex hoc mundo celerius abierit, quam vt omnia quæ ad Ecclesiæ suæ gubernationem pertinent, exactè satis ordinare potuerit, in eius locum susceptus Papa hæc ipsa munera sibi conficienda suo iure suscepit.

DIA. O sententias, appellare sic liceat, irrefragabiles. Et quis nam obsecro induceret animum contra hæc dicere? Non igitur mirum est, ægrè tulisse Papam, quod Carolus Cæsar suum illud INTERIM composuerit, ac falcem in alienam messem (quod aiunt) immiserit. Quanquam ipse Cæsar, vt multis licet assequi coniecturis non nisi bona intentione tentarit. Nam

D

ijj

quum

Dist. 34. cap. lector in Glosa. Et dist. 82. cap. presbiter. Et concilium Constantien. xliij. scissioe decemit. Quod licet Christus suis discipulis administrauerit sub vtraque specie panis et vini sacramentum tamen hoc non obstat. & laicis tantummodo sub specie panis suscipiatur.

LIBERVM ARBITRIVM

quum uideret Papæ pudenda obscenacq; orbi iam esse nostra tempestate resecta, melius nihil in pessimis illi fuit, quam hoc ipso INTERIM, veluti quodam subligaculo eadem illa contegere. Eant itaq; iam nunc & Caluinus, & Melacthon, atq; INTER M hinc quantum libeat, obloquantur.

HER. Recenserem tibi sumpta diuinis ex literis loca, quibus ipsi Theologi sua hæc omnia comprobauerunt, nisi vereretur, ne mihi esset hic diutius immorandū. Caterum quantumvis ab eisdem adductæ sententiæ sint, vt recte dicis, irrefragabiles, attamen non desunt hæretici, qui contrauenire audeant: Quemadmodum mihi non ita pridem Ecchius ipse retulit. Verum alias hac de re, quum sese magis appositum tempus ad dicendū obtulerit, colloquemur. Id vnum modo mihi nunc addendum videtur, quod ipsi Theologi demum planissimè ostenderunt, nempe sūmum Pontificem Romanum terrestrem quendam esse deum, non quidem aut Satyrum, aut Faunum, aut Syluanum, vt antiquorum hominum vana superstitio sibi de suis persuaaserat Dñs. Sed quoddam supremum numen, quod & Iouis & Veri Iouis instar manibus ferre fulmina consuevit, quodq; in se diuinum arbitrium seruans, super omnes in vniuersum res creatas ius, ac potestatem obtinet: atque adeo inquam obtinet, vt ex aquo, iniquum, è verò, falsum, è bono, malum, deniq; ex aliquo, nihil, & è conuerso illi sit fas efficere, suocq; arbitratu rerum omnium naturas inuertere ac immutare: Nec alicui licet eum interrogare cur ita faciat, etiam si myriades animarum secum in perniciem traheret: quum huic vni sit pro ratione voluntas,

In cap. Quon-
to. de Translat.
Episco. Lit 7.
in Gloſa.

Dis

DIA. Libentissimè audirè quo pacto Theologi potestremā hanc assertionē demonstrauerint. Nam ea est, quæ faciliè aduersariorū nostrorū ora possit ocludere.

HER. Id quoq; paucis verbis expediam. Principio illud ob oculos posuere, Vicariam functionem, in qua hodie Papa Iesu Christo succedit, ab ea longè differre in qua illi olim successit Apostolus Petrus, quandoquidem Petrus ipse talis Christi Vicarius extitit, qualis dū hic adhuc viueret, Christus extiterat Princeps, nimirū pauper, humilis, contemptus, abiectusq; miserij porro atq; ærumnis omnibus ita oppressus, vt per sæuissimā etiam tormenta mortem subire nostra causa crucifixus non abnuerit. Sedenim Papa ipse talem in præsentia Christi Vicarium agit, qualem in cœlis nunc agere Principem Christum nouimus, nempe ditissimum, felicitissimum, sanctissimum, beatissimum, triumphis ornatissimum, denique etiam potentissimum, vt qui à patre potestatem prorsus omnem acceperit. Quod quidem in causa est, vt idem Papa non minus in terra se Deum haberi velit, quam in cœlo Christus ipse sit Deus, quēadmodum latis legibus, sancito sacerdotio, statis cæemonijs, & sacrificijs, cultibusque terrestri suæ diuinitati conuenientibus, ritè constitutis luce clariùs orbi commonstrat, ac protestatur. Numen igitur terrestre quum sit Papa, non iniuria terræ totius Imperium sibi ascribit, pedem in orbe nullum esse sibi non subiectum asserit: mundi caput, & Monarcharum omnium Monarcham non immeritò sese facit, cui vniceat omnibus etiam Angelis, nedum hominibus imperare. Orbis imperia regnaq; omnia, vtq; sui sint iuris distribuere: Cæsares, aliosq; Principes per orbem dicere

Clemens Romanus
manus Pontificis
olim angelis imperauit vt animam cum somno peregrini in itinere

re

LIBERVM ARBITRIVM.

nere: dum Iubi
lei causa Romā
peteret: vica fū-
cti e Purgato-
rio liberatū in
coelum transfer-
rent: vt in ipsi-
us Pontificis
Bulla plumbo
munita etiam
nunc videre li-
cet Cienae
Pannonicae.

Scilicet vel
hinc cognosci po-
test Papam esse
seruum seruo-
rum Dei.

cere, vel etiam dictos, loco, prout vult, amouere. De-
niq; nihil vquam est, quod non necesse sit, esse subie-
ctum Papæ. Id quod etiam Iulius eius nominis tertius
Pontifex Romanus argento publicè signato palam in-
dicat. Nam numisma nuper ædidi, in cuius altera par-
te, suam ipsius viam effigiem exprimi, in altera vero
Iesaiæ prophetæ verba hæc, GENS ET REG-
NUM QVOD NON SERVIERIT TI-
BI PERIBIT, appositè huc deflexa imprimi iussit:
Quamquam ipsum Papam legitimum esse mundi do-
minum vel ex eo item sermone cognosci potest, quem
ad Pilatum habuit Christus, Regnum, inquit, meum
huius mundi non est, quo nihil aliud significare voluit
quam se recusare mundi regnum, vt illud Papæ tanquā
Vicario possidendum relinqueret: Et licet Vicaria
hæc Papæ functio Petri (vt iam diximus) functioni mi-
nime similis sit, non tamen is propterea Petrinus pesca-
toris titulos deferere voluit, quo sub hac nominum sim-
plicitate, seq; suaq; omnia commodius obtegat, & re-
bus clarissimis tenebras obducatur.

DIA. O quam non sine maximo fructu Philosopho-
rum disciplinæ à nostris theologis assiduè pertractan-
tur. Quis enim obsecro tot ac tam bellis consecutioni-
bus terrestrem Papæ deitatem comprobare potuisset,
nisi totum semel Aristotelem combibisset?

HER. Sanè hercle vt dicis mi Diaconate: Sed vt
institutam orationem prosequamur, ijs quæ iam dicta
sunt, addidere Theologi, Romanos Cæsares terrestrem
hanc diuinitatem in Papa, conspiciatos cum illo, cumq;
illius filio Reuerendissimo Clero suas pompas, suos ho-
nores, suas dignitates, suam gloriam, sua ornamenta,
deniq;

Dist. 96. Cap.
Constantinus.
Et cap. si Im-
perator.

deniq; publicam omnem suam magnificentiam communicasse, adeo vt pretextam togam, regale sceptrum, aureum diadema præciosis gemmis ornatum sibi assumpserit Papa, atq; insuper ordinari vt quoties equitandum sibi sit, si Cæsarem adesse contingat, is officio stratoris fungens, equi in quo insidet ipse Papa, frenum dirigat. Ad hæc voluit, vt Reuerendissimus Clerus eodem potentia atq; excellentia singularis culmine, quo Consules, quo Senatores, quo Patritij, quo simul etiam Imperatoria militia excolitur (vt ipsius verbis utar) venustissimè exornetur. Deinde quo luce palam conspici posset, Pontificiam dignitatem haud aliter Cæsaream, quam solem ipsum lunam superare, idem Pontifex triplici Corona, compositum ac lemniscatum Diadema capiti suo imposuit, atq; id mundi regnum appellari iussit, vt videlicet cunctis trium se terrarum partium Asia, Africa, & Europæ, verum esse dominum significantiùs indicaret.

In cau. De mai-
oritate et obe-
dientia: In ex-
trana: cap. su-
per gentes.

DIA. Si tres illæ coronæ trium terrarum partium ditioronem commonstrant, quum nostra memoria inuentus nouus ille mundus, quem vocant, quartam constituat orbis partem, fortasse non abs re foret, & quartam quoque coronam diademati suo adderet Papa.

HER. Concinne id fieri poterat. Si tres illæ coronæ nihil aliud quam quod dictum iam est, demonstrarent, Sed alteram hac longè præstantiorem significationem habent: Nam imperium ac potestatem notant, quam in cœlo, in terra, & apud inferos Pontifex Romanus exercet. Verum vt ad propositum reuertamur, Ex his quæ hactenus recensui, tandem hoc Theologi nostri deduxere, quod cum legitimus mundi dominus sit Pa-

E

pa,

LIBERVM ARBITRIVM

pa, sic licet illi, prout libet, mundana temporariaq; im-
 peria distribuere, vt ij demum verè Principes aut Im-
 peratores habendi sint, quos ipse iusserit imperare,
 aut ab alijs iussos, confirmauerit. Atq; è contrario qui-
 bus ipse dominationem ademerit, ijs iure ademptam
 esse constet. Quin etiam quum in imperijs ac principa-
 tis ad Romanum Pontificem accedant, genibus terrā
 contingere, beatissimos eius pedes exosculari, atq; ipsū
 adorare ipsius legibus teneantur: quemadmodum Con-
 stantino Papæ huius nominis primo Iustinianus Impe-
 rator olim Constantinopoli fecit, atq; huiusce laudatissi-
 mi moris autor extitit. Quanquam alij potius ve-
 lint, ipsum Papam exhibendorum sibi istiusmodi officii-
 orum consuetudinem à priscis Persarum Regibus acce-
 pisse. Populares verò quodocunq; ille venit in con-
 spectum, nisi summittant genua, ab eius ipsius Antea-
 bulonibus ita vapulant, vt compellantur id efficere
 velint, nolint. Porro qui ab Romano Pontifice quo-
 quo modo constituuntur Principes, ad hoc etiam qui
 in Gymnasijs Doctoratus, quem vocant accipiunt insi-
 gnia iurisiurandi Religione ad fidem illi seruandam ob-
 stringuntur, non tantum vt Romanæ sedi nulla vnquā
 in resint volentes aut scientes incommodaturi: Sed vt
 præsentes potius illi semper sint pro viribus affuturi,
 eamq; quum ab hæreticis, tum ab alijs omne genus ad-
 uersarijs atq; hostibus defensuri. Id quod illis quidem
 cum Episcopis ab eodem ordinatis commune est. Tū
 præterea quia cunctis vbiuis gentium iudicibus, Siue
 Reges, siue Cæsares sint, sic iudex præpositus est Papa,
 vt a ne-

Cle. Rub. de se-
 cecia et re iudi-
 cata. cap. pasto-
 ralis.

Decretal. De
 Privileg. Cler.
 cap. Quū olim

Cle. De sent.

excom. cap. Si
 summus Pon-
 tific.

Cle. cap. signifi-
 casti iurisiuran-
 di huius formu-
 la est in Decre-
 tal: De iureiur-
 rando. cap. E-
 go.

Dec. causa 2.
 Quest. 6. Cap.
 ad Romanam.
 Et Causa 9.
 Quest. 3. Cap.

utā nemine iudicari ipse possit, iure ac meritō quilibet
pōtest, ac debet, ad ipsius tribunal accedere, & quanuis
ob causam appellare Romanam Rotam, ubi non minus
quam Ixion apud inferos diu sit cruciandus ac torquen-
dus. Atq; id ob eam sanērem vt emolumentū ac lucrū
omne ex exteris quoq; causis ac litibus promanans, in
Romanæ Curie Ministros, ac satellites deriuetur. Cate-
rum quod ad spiritualis, vt nuncupant, iuris administra-
tionem attinet, ipse Papa, ne summa illa sua papalis di-
gnitas humili hac exercitatione vilis esset, eius tractan-
di munus Episcopis, Suffraganeis, Coadiutoribus, Vis-
carijs, atq; alijs huiusmodi suis ministris assignauit, ad
quorum tribunalia Spiritualium, quas nominant, quum
tamen mundanissimæ sint, rerum lites, contractaq; in
forma camera, vt eorum verba habent, negotia, nec
non eorum qui quod ob pauperiem soluendo non sint
ex Ecclesia expelluntur, causæ & agitantur, & transigun-
tur, vt ex hac etiam parte suis quæstum adaugeat. In-
super Pontifici Romano ius est annatas, decimas, pal-
lia, subsidia, quæ ipse vocat, item vectigalia, tributa, por-
toria, atq; alias cuiusuis generis exactiones arbitratu
suo regionibus ac populis omnibus imponere. Rur-
sus illi ius est vendere, Cardinalatus, Patriarchatus,
Archiepiscopatus, Episcopatus, Abbatias, Prioratus,
Præposituras, Canonicatus, Canobias, Auditorias, Cle-
ricatus, Camera, Equestreis Ordines aliq; id genus
officia ac beneficia, Suffraganias, Administrationes,
Coadiutorias, Commendas, Præbendas, Pensiones, Re-
signatiōes, Vniones, Incorporationes, Annexiones, Re-
seruationes, Pectorales, & non pectorales, Regressus,
Renūciationes, Vacantias, Cōmutationes, Spectatiuas,
Motus proprios, Dispensationes, Bullas, Indulta, Confes-
sionalia

Memo. et Cap.
Aliorum. Et
cap. uncta per
mundū. Et cau-
sa. 17. Quæst.
4. cap. Memini;

Secretal. Tit.
De Decimis:
Prouincijs: et
Oblationibus.
cap. Mō est. Et
cap. Trāsmilla.
Et cap. a nobis
Et cap. Pasto-
ralis.

Papæ Romæ
nensiq; curia:
lium Mercatu-
ra.

LIBERVM ARBITRIVM.

fionalia, Indulgentias, Grantias, Iubileas, Præuilegia, Bre-
 ues, Licentias, Immunitates, Exemptiones, Calus refer-
 uatos, Interdicta, Correctiones, Suspensiones, Irregulari-
 tates, Aggrauationes, Regrauationes, Depositiones,
 Fulminationes, Excommunicationes, Anathematisati-
 ones, Maledictiones, & sexcentas alias eiusmodi res
 vel ipsis Barbaris, obsoletisq; nominibus portentosas,
 Ius inquam est illi & per se, & per suos administratos hæc
 omnia tam uiuis, q̃ vita functis, tam dignis, quam indi-
 gnis ad suum arbitrium libidinemq; diuendere, atq; im-
 menses innumerabilium hinc pecuniarum aceros cor-
 radere, quos deinde in pios usus erogat & impendat:
 utpote in diui Petri construenda per ipetiem fabrica,
 in apparandis contra Turcas fictis bellis, ueris autem
 contra Christianos, ad patrimonium Ecclesiæ conser-
 uandum, gerendis; in suis tum consanguineis, tum neces-
 sarijs & ditandis, & extollendis: deniq; in corruppen-
 dis secretis Principibus, ac mutuis inter illos simultati-
 bus serendis, ut aliorum discordiæ sui Regni stabilimen-
 tum sit. Non minus ex altera parte ius est Papæ Re-
 uerendissimum Clerum, ac gentem illi subiectam nec
 non Monachatenseis populos immunitatibus quibus-
 dam non solum ex mundanis, alijsq; oneribus eximere,
 verumetiam de Principum ac Magistratuum, Ciui-
 umq; legum obedientia subducere, quò illis impunè li-
 ceat prout libet luxuriose ac sceleratè uiueret: utpote
 quibus nihil à mūdano Magistratu timendum sit: quan-
 doquidem in execrandorum numero sint habendi,
 qui Papæ christos attingere audeant. Atq; ita flagitio-
 rum impunitate concessa, promiscuam improborum ho-
 minum colluuiem perfacile nullosq; negotio sibi concia-
 liat.

Datus bono
 rum Laureoti-
 cas noctuas
 huc affert.

Ser. Rub: de
 Immunit. ec-
 cles. cap. Cle-
 ricis. et cap.
 quia Nonnulli.

Dec. Lau. 17:
 Quest. 4: cap.
 si quis suauere.
 Et ser. Rub.
 de penis cap.
 felicitas recorda-
 tionis.

liat. Postremò iſdem Theologi, vt rem ſemel, quæ pari-
ter omnia complecteretur in medium afferrent, argu-
mentis etiam, demonſtrationibus ac rationibus Mathe-
maticis euidentioribus neceſſariò comprobarunt, Pa-
pam ipſum per ſeipſum poſſe omnia (abſit inuidia ver-
bo) omnia inquam, & quædam alia ſimul, non in hoc
mundo ſolum, ſed in Democriti quoque innumerabili-
bus mundis. Quæ ſanè potentia facit, vt Is merito ti-
meatur, colatur, & adoretur ab omnibus, cuiusq; ſeu
iuſſa, ſeu vetita vel vi ſeruentur; nemoq; omnium mor-
talium omnino ſit, qui ſeueritatem ac ſauitiam ipſius,
in delinquentis placare, niſi Regina pecunia poſſit.
Nam quum ſummo hæc opere tanquam eius ipſius
chariſſima nutrix illi cordi ſit, ab eo quicquid vult, im-
petrare facillime poteſt. Verū hæc de Papa iam ſatis.

*Diſt. Melleſio
ma Cap. non
Credoſis.*

DIA. Non itaq; mirum eſt portas Inferorum non va-
lere aduerſus potentiam Papæ, quum ea ſit & diuina &
inſinita. Sedenim de Libero Arbitrio Rege quid ob-
ſecro ab ipſis Theologis dictum eſt?

HER. Niſi non maximum: præſertim verò de ipſi-
us quum origine, tum potentia & viribus.

DIA. Hæc equidem ad ea, quæ iam dicta ſunt, mihi
referri percuperem, ni vereretur ne tibi nimium diſtento
non vacaret in præſens.

HER. Quando mihi prouinciã hanc deſumpſi, vt
quæ in hodierni diei conuiuiũ narrata ſunt, vel ex par-
te ſaltem tibi renarrem, conabor hîc etiam non deeſſe,
attamen quam breuiſſimè potero, quod mihi iam om-
nino abeundum ſit. Quod igitur ad Liberi Arbitrii
Regis originem ſpectat, planum fecere Theologi no-
ſtri. Regem ipſum in terreſtri, quem vocant, paradifo,

*Origo et Quid
res Liberi Ar-
bitrii.*

LIBERVM ARBITRIVM:

Ethicorū. 3.

quo tempore Adamus atq; Heua primum à Deo creati sunt, exortum esse: atq; eius originem non minus quàm ipsius Adami atq; Heue insolentem, ac mirabilem extitisse, licet non illi prorsus & ijs eadem fuerit. Nihilominus quèadmodum Adamus absq; tam patris quam matris adminiculo est natus. Heua vero ex patre solum sine matris opera est genita, Sic & Liberum Arbitrium duabus ex matribus tantum absq; patre in lucem est editus. Quarum quidem matrum altera Voluntas, altera est Ratio appellata. Porro filium hunc mater Voluntas, Liberum, mater autem, Ratio, Arbitrium, nominauerat. Sed postea deinceps duobus hisce nominibus in vnum collectis isthunc ipsum mortales Liberum Arbitrium appellauere. Quum verò non ita multò post, Is è terrestri Paradiso vnà cum Adamo atq; Heua fuisset expulsus, illicò quarundam amplissimarum regionum, quæ humanæ actiones nuncupantur, Dux à sapientissimis viris est factus, quibus quidem regionibus etiam nunc eum præsidere pro comperito est. Verum qua ratione sibi secundum ea Bonorum operum scèlissimum regnum compararit, nihil opus est hic recensere, tum quia hoc in loco nimium id longum foret, tum quia te per teipsum hoc idem cognitum habere non dubitem. Ergo ad ea quæ de ipsius & potentia & viribus dicta sunt, deueniam. Hic verò subtilissimis, acutissimisque argumentationibus demonstratum est, Liberum Arbitrium Regem suapte vi seipsum posse mouere prorsus, & excutere, vt velit, eligat, ac faciat quicquid libeat, posse & peccare & non peccare, vt illi magis colubitum sit, posse suo Marte cælum multo facilius conscendere, quam qui Babilonicam turrem exedificauerunt,

aut

aut qui monteis montibus imponentes, viam sibi facere ad pellendum ē cœlo Iouem affectauere. Nam horum neutri, licet numero potentiaq; excellerēt, quod optabant, assequi potuerunt. At Liberum Arbitrium parua suorū manu, nempe Actū Elicito rerum suarum procuratore, Gratia de Congruo Vxore, & Gratia de Condigno Filia stipatum, adhibitis vnā prouentibus ex Vectigali, quod Meritum vocant, collectis, Adimplens diuina prœcepta quantum ad substantiam facti, licet quantum ad intentionem prœcipientis non adimpleat, cælum ipsum facillimē sibi parat, atq; etiam, quæ est benignitate, hoc idem alijs omnibus largitur, qui nō ponentes obicem peccati mortalis, faciunt quod in se est (agnoscis, arbitror scholasticæ Theologiæ verba) vt illud idem acquirant. Quod vt firmitus constabilirent, Augustini sententiam subiunxerunt itā inquiringis: Qui creauit te, sine te, non iustificat te, sine te, hoc est sine Libero Arbitrio Rege: videlicet illi sic exposuere.

DIA. Facile id patior. Veruntamen inter Augustini vetusta volumina manu scripta, quæ in Vaticana Bibliotheca seruantur memini me aliās hunc locum legere. Interrogationis namq; nota ad finem erat appolita, in hunc fermē modum. Qui creauit te sine te non iustificat te sine te? Quasi vellet ingenij nostri tarditatem hac interrogatiuncula vrgere, atq; itā dicere. Is qui potuit creare te sine te, nimirum quando adhuc non eras, quomodo nō poterit iustificare te sine te? id est, sine Liberi Arbitrij Regis opera? quandoquidem ipsi Theologi sic interpretantur. Sed quia in ipsius Regis virium detrimentum prorsus hoc vergeret, exemplar illud hac in parte deprauatum esse optimo iure dicemus

LIBERVM ARBITRIVM;

dicemus.

HER: Sanè quidem. Nam Theologorum nostrorum rationes nullam alioqui vim haberent. Verū de his omnibus hætenus: abeundū mihi omnino iam est:

DIA, Tuo arbitrato. Quin potius ignoscas mihi si te plus æquo hîc detinui. Vnum hoc me hercule tibi dicam. Ist hæc ipsa horum Thologorum colloquia mihi adeo visa esse & suauia, & erudita, vt mea quidem sententia digni sint, qui **MAGISTRI NOSTRI** literis maiusculis vocentur, ipsorumq; plena manu laudes in astra tollantur, nihil enim euidentius, nihil elegantius, quā de Papa, quā de Liberi Arbitrij potestate dici potuit.

HER: Vellem ex suo ipsorum ore has colloctiones excipisses, absq; dubio tibi multò magis, quam fortasse ex hac mea tã festina relatione arriserint, arrisisset:

DIA. Credo equidem. Verum hodie tanta negotiorum mole præpeditus, ne dicam oppressus fui, vt etiam num domum reuerti non potuerim:

HER, Et quæ obsecro te, peculiaria illa sunt negotia (si rescire fas est) quæ cū Chrysostomo quæstore pegisti?

DIA. Dicam tibi. Augustinus Chisius, Mensarius iam pridem Hero meo bona quamplurima testamento legauerat, quo sibi iussa feraliaq; quotannis in singulos annos fierent: At quæstor hætenus ab hæredibus Chisij reposcere legata neglexerat: Hac de causa iussit Herus illi nunciare, vt ne Chisianum hoc nomen amplius differret exigere:

HER. Fit plerunq; vt huiusmodi Mensarij, quum ad lucrum & quæstum cupiditatis oculos adiecerunt, grandem rem grandi fenore faciant. Vnde etiam euenit vt

nit ut postea cogantur animæ salutem legatis á morte
Pecunijs formidolosè redimere.

DIA. Quam diu Mortales hic inter viuos agunt,
aliena quouis modo surripere sceleraq; òmne genus
perpetrare sine vlla formidine possunt. propterea quod
meus Hérus, aut per se, aut per suos Administros ab
omnibus illos valet peccatis manumittere, modo ijs
precium ad soluendam manumissionem adsit. Quum
autem ex hac vita migrandum est, pro se quisq; suorum
bonorum summam quam potest maximam legare de-
bet, ut cum ijs etiam qui purgatorio præsunt loco suas
apud inferos regulas componat & transigat. Verum
te pluribus non morabor. Ego Felinum Obsonato-
rem quem video praterirentem, conueniam. Mox in
ædeis me recepero, ut cibi aliquid capiam, impransus
etenim etiam nunc hodie sum.

HER. Ego quoq; ad mea obeunda negotia hinc
concedam.

ACTVS PRIMI

SCENA QVARTA.

DIACONATVS, FELINVS.

Feline? heus Feline quo hinc abis?

FE. Quis me voce tam clamosa nunc reuocat?
Hem Diaconate mi te ipsum querebam. Reuerendissi-
mus Clerus ex te scire percipit, an ea quæ tibi cū Quæ-
store agenda erant, peregeris?

F

Dia

LIBERVM ARBITRIVM

DIA. Per me ipse accedam, remq; illi omnem, & si non magni momenti est, narrabo ordine. Sedenim dic mihi amabô te Feline ministrasti ne hospitiibus hodie vt nonnunquam soles?

FE. Sic factum est.

DIA. Quid quæso de transalpinis illis, qui discubere, tibi visum est viris?

FE. Boni mihi visi sunt homines. At mirum est eos tam parce, tamq; restrictè bibere.

DIA. Tu tuas nugas ais, neq; ad rogatum respondes. Ego non de ipsorum potu, aut pastu, sed de moribus, & colloctionibus interrogo.

FE. De ipsorum colloquijs nullam tibi rationem reddere possum, quod inter se perpetuo ferè sermone theologicis res, quas ego non satis calleo contulerunt. At mores mihi visi sunt non admodum vrbani.

DIA. Quid ipsis in moribus te precipuè offendit?

FE. Id quod iam dixi. Nam Nouellius Tricongius, & L. Piso hic sicci præ illis habendi forent.

DIA. Obseruandum est, hos ferè omnes Germanos esse, quos largius aliquanto bibere non dedecet.

FE. Ciuilisne tibi esse hic mos videtur?

DIA. Aliquid naturæ dandum, educationi tribuendum, consuetudini concedendum, ac patriæ condonandum est, atq; in gratiam Heri nostri, horum quoq; rationem habere conuenit. Nam Theologi sunt, ne sis ne scius, qui quoties opus est, Heri causam accuratè, diligenter, exquisitèq; defendunt.

FE. vtinam id quidem. Ego sanè illis hac in re non multum tribuerim, quod vino mihi quam sale pleniores esse videantur: præterquam quod nasos habent coctus
etiam

etiam cancris magis rubros.

DIA. Hermetis hac in causa iudicium plaris quam tuum facio. Is autem optima quæq; de ipsis Theologis mihi renuntiavit.

FE. Vt libet. Verum ego sic existimo. Reuerendissimum Polum, qui homo est (vt audio) valde Ciceronianus Heri causam longè præstantius quam hos Theologos tueri posse, quanq; id etiam ad peritiores reijcio.

DIA. Abunde iam verborum est. Ingrediamur: Ego quum ieiunium soluero, confestim Herum & conueniam, & alloquar.

ACTVS SECVN

DI. SCENA PRIMA:

LIBERVM ARBITRIVM REX, DISCVRSVS HVMANVS.

ACTVS ELICITVS.

Satis superq; iã videre licet Humane Discursus quæ cæcà sint mortalium iudicia, quanq; nonnunquã temerè ferantur in præcepti. Quis vnq; sibi quæso persuadere potuisset, homines vspiam inueniri, qui seruitutẽ libertati præferendam ducerent. Et conspicerè nihilominus nunc est quãplurimos esse, qui iam è meo regno, vbi non precario, sed liberrimè suo valèt viuere modo, discedere incipiant, atq; aliò se cõferre, vbi dura sub seruitute viuant aliorum arbitrio.

DIS. Non iudicium Rex optime, sed imprudentia, vel amẽ

F ij

LIBERVM ARBITRIVM

vel amentia quædam potius huiusmodi hominutiones inducit vt libertatem respuant ac seruitutem sectentur. Id Græci qui et sapientes, & cati homines habitu sunt minimè fecerunt, quum Q. Flaminius insperatâ quidem illam, sed tamen optatam libertatem ijs obtulit. Verû quid hac de re tibi videtur Actus Elicite?

AC. Hoc sanè mihi compertum est multos olim ex-
tuisse, qui vitam maluerint quam libertatem amittere:
Sed qua de libertate, aut seruitute sermo sit à vobis hic institutus non adhuc omnino satis assequor.

LIB. Ergo quid nouarum rerum sit è Germania nup-
per ad nos allatum etiam nunc ignoras?

AC. Vtiq; ignoro.

LIB. Ex Viennensis Episcopi literis, quas hîc habeo,
mus, per te ipse potes quid significatû sit nobis, puidere

AC. Agnosco Episcopalem epistolam.

LIB. Itâ legito vt & nos audiamus.

AC. Ita fiet. Ioannes Faber Episcopus Viennensis. Li-
bero Arbitrio Regi foelicitatem. Adeo me sibi suis offi-
cijs tua Maiestas deuincit potentissime Rex, vt quæ ad
imperij tui conseruationem faciant, haud aliter sanè mi-
hi sint curæ, quam mea omnia. Quamobrem quum
mihi compertissimum sit Viros quotidie non paucos
in Germaniam, quo se Luteranis populis tibi rebelli-
bus adiungant, migrare, meas esse partes duxi, ea de
re te certiore facere, vt pestem hanc imperio tuo im-
minentem depellere, prout opportunum iudicaueris,
valeas. vale.

LIB. Quid? Hoc tibi quale nunc videtur?

AC. Accurata consideratione dignissimum. Quam-
obrem etiam arbitror vehementer expedire primo quo-
que

que tempore, cōflatam hanc seditionem vel vi opprimi,
vť ne aliqua tandem hinc oriatur in tuam Maiestas
tem coniuratio.

LIB. Hoc idem consilij dat etiam Discursus noster.
Quāpropter itā facere prorsus mihi certum est. Quam
primum igitur Amonium scribam conueni, atq; ab eo
repete meo nomine illa scripturarum exempla, quæ
excipi ex meis archetypis iussi, eaq; illico ad sanctissimū
ac Beatissimum Patrem affer. Ego te cum Discursu
continuō subsequemur. Tu nos ibidem expectato.

AC. Factum puta.

LIB. Audin tu vero? Bertutium tibi comitem assu-
me, atq; imperata quam potestis celerrimē simul exe-
quimini.

AC. Actutum omnia.

ACTVS SECVN

DE SCENA SECVNDA.

BERTVCIVS: ACTVS ELICITVS:

AMONIVS: TRIPHO NOTARIVS:

OBsequar non inuitus ad tua iussa Regi: & si non
deerat quod agerem domi.

AC. Alia omnia prættermittenda, quemadmodum ti-
bi iam dixi, atq; ipsi Regi nunc obtemperandum est:
Verum vbinā locorum poterimus Amoniū inuenire?

BER. Mirum nī domi sit. Adeamne vť videam?

AC. Vť libet. Eccum autem opportunē ipsum video
ex ædibus egredientē Conueniamus hominem & allo-
qua-

LIBERVM ARBITRIVM:

quamur. Saluemi Amoni.

AM. Saluete & vos vnà. Sed est ne aliquid, quod me velitis? Ad me enim cōtendere videmini.

AC. Est inquam quod velimus. Nam Rex iussit vt abs te repeteremus ea exempla, quæ suis ex archetypis exscribi per te voluit.

AM. Ea hercle de causa in nostrum Archiuum nunc me conferebam, vt quæ iam descripta sunt, cum ipsis archetypis componerem, quò errata si qua sorte in scribēdo incidissent, commodum corrigerentur. Verum quod fueramus illic facturi, hic nunc fiat.

AC. Rectè quidem. Sed festinandum erit aliquantulum, quoniā isthæc ipsa mihi ocyus alio sunt ferēda.

AM. Mature fiet, ne dubita. Tu Tripho in eo, quem huc attulisti Archetypo, mihi locum indica, Vbi Prouinciarum, Urbium, Vectigalium, atq; Immunitatum ad Bonorum operum Regnum pertinentium descriptio continetur.

TRI. Locum per se indicat apposita nota:

AM. Isthuc rectè. Iam tu mihi exempla hæc ex ordine recita, Ego hic obseruabo quam archetypo respondeant: atq; ita celerrimè negotium conficiemus. Atq; adeo à Prouincijs initium sume.

TRI. Prouinciarum descriptarum exemplum sic habet. Bonorum operum Regnum à summo Pontifice Romano Libero Arbitrio Regi dono datum, eas continet sub se prouincias, quarum hic sunt adscripta nomina, Prima Monachatus, Secunda duorum cultus, Tertia Piorum locorum ædificia, Quarta, Pœnitentia Quinta, Ieiunium, Sexta, Præces, Septima Eleemosyna, Octaua, Missa vocantur. Atq; huius quidem Regni separatim
Bona

Bona Intentio sapientissima prudentissimæq; Dux ab ipso Rege, inde vsq; ab imperij sui principio delegata Gubernatrix fuit.

AM. Prouinciarum nomina bellè habent. Iam et Urbium recita.

TRI. Urbium nomina hæc sunt prouinciatiim. Monachatus Prouincia quamplurimis referta est Urbibus, quæ & ornatissima ædificia, & genteis innumeras continent. Atq; harum quidem Urbium nonnullæ suos vnus tantum ordinis populos, Aliæ verò in sectas complures diuisos velut in Centurias, aut Tribus habent. Huiusmodi autem nominibus ascribuntur. Basiliana, quæ à Græcis hominibus incolitur, Hieronymiana; Augustiniana familijs aliquot plena: nimirum Eremitanis, Canonicis Regularibus, Scopetinis, Lateranensibus, Præmonstratensibus, Bonis hominibus, Cruciferis nigris: ac diuui Georgij de alga, Benedictina, quæ quidem vt reliquis est amplior, ita plurium familiarum est magis capax. His autem ferme nominibus eadem annotantur familia, nempe Cluniacensium, Camaldulensium, Vallisumbresium, Grandimontensium, Cisterciensium, Humiliatorum, Cælestinorum, Gilbertensium, Mellicensium, Castellensium, Burfeldensium, Montliuretensium, Eremitanorum, & Calsinensium, Cartusia, Carmelitana, Crucigera, Demoniana, (Dominicana volui dicere) biopartito in Conuentualeis & Obseruanteis distributa. Franciscana sectis identidem nouis expullulans, videlicet Contuentualium, & Obseruantium, & Pauperum, & Poenitentium, & Minimorum, & Capucinatorum, qui ex recenti abortione prouenerunt. Vrbs Trinitatis, Seruitana Deiparæ virginis, Brigidentis, & Iesuatana. Porro licet

LIBERVM ARBITRIVM.

licet in his Urbibus alia quoque sodalitates prater iam dictas inueniantur, attamen quia nullius fere sunt nominis, nulloque numero habitae, nullae etiam hic recensentur. Praterea quum iisdem in Urbibus nouarum quotidianae Sectarum inutiles fetus tanquam e putredine surgere exoriantur, longum foret conscribendis omnibus hic insistere. Caterum plerumque omnes huius Prouinciae Urbes opulentissimae sunt ob eorum scilicet liberalitatem ac munificentiam, qui Eleemosinae Prouinciae per plures successiones praefuerunt. Quorum aliqui religiosa formidine adducti, nonnulli ut alienis bonis grauatam conscientiam exonerarent, alij ut suorum criminum veniam impetrarent, plurimi ut & in hac, & in altera vita tam suis, quam suorum animis consulere, Urbium huiusmodi populos, etiam defraudatis nonnunquam legitimis haeredibus, suis ipsorum bonis ditauere: Ut cum populo Confraternitatem Urbem paulo infra descriptam inhabitante pariter effecerunt. Atque inter eos quidem populos ij res tranquillius ac securius possident suas, quorum sectae fuerint ab ipso Papa confirmatae. Nec alicui licet hac in Prouincia suo arbitratu ex alia in aliam Urbem quauis de causa commigrare, nisi forte sese in aliquam, quae quam sua perfectior sit conferre velit.

BER. Paulus Apostolus pauculas aliquot Sectas quae apud Corinthios pullulare ceperant sustinere non potuit, veritus ne per talem occasionem diuideretur Christus. Etenimhilominus hic sexcentae sunt Sectae, quae Christum ipsum non diuidant modo, sed anatomem quoque de illo conficiant. Hoc mei oculi ferre non possunt.

AC. Quid nam tu tecum Bertucius?

BER. Laudabam tot porcellorum (procerum volebam

bam dictum) Sectas egregias. Verū tu Tripho perge.
 TRI. In primo statim Prouinciæ huius ingressū tri-
 angularis Arx quedā sita est, & arte, & ingenio loci mu-
 nitissima, quam Votorum Monastichorū professionem
 vocant. Singulos autem Arcis angulos, singula tuentur
 propugnacula. Quorum quidem Obedientia primum:
 Paupertas alterum, Castitas tertium appellatur. Loco
 verò tam opportuno exadificata est Arx ipsa, vt quo-
 quo versum totam ex æquo Prouinciā defendat. Sed
 enim hæc eadem Prouincia nulli prius ad inhabitandum
 conceditur, quam si quis proprio nomine immutato
 per eius arcis munitiōes ingressus, eadem se loca dū
 uiuat, quo in statu iam sunt, conseruaturum pollicea-
 tur, atq; hoc idem publicè sancteq; adiuret. Quin eti-
 am qui hoc pacto huc accedunt, Dominum Errorem,
 aut Dominam Desperationem sequantur necesse est,
 quod sine horum alterius ductu fermè nullus ingredia-
 tur. Etiam si complures Adolescentulæ frequenter inui-
 tæ illuc à parentibus, vt reliquis liberis melius consultū
 sit intrudantur, ibiq; tanquam Vestales perpetuum &
 sempiternum ignem seruare non quidem extra, sed in-
 tra seipsas cogantur.

BER. O miserrimas formellas, quæ inibi & infortu-
 niter viuere, & infortuissime mori compelluntur. Sed
 obsecro dic mihi mi Amoni, vnde nam deducuntur eo-
 rum, quæ supra iam descripta sunt propugnaculorum
 nomina? Quid sibi volunt hæc vocabula, Obedientia,
 Paupertas, & Castitas? Nam vt verum fatear, praposte-
 ra mihi nomenclationes videntur.

AM. Nil mirum tibi sic videri. Non enim simpliciter
 sed per eam, quam Antiphrasim vocant Grammatici
 G figuram

LIBERVM ARBITRIVM

figuram istiusmodi voces proferuntur. Etenim per Obedientiae nomen, Imperium quod in alios ibi non minus exercetur: per Paupertatis, Diuitiae, quae inibi maxime possidentur: per Castitatis, Venereae genus omne libidines, quae ibidem summopere vigent, intelliguntur. Atqui sequere Tripho.

TRI. Haud procul à dicta iam Arce sita est amplissima quaedam Vrbs alijs huius Prouinciæ Urbibus foedere coniuncta (confraternitatem vulgo appellant) quæ & ipsa plureis in ordines velutiq; sodalicia distinguitur. Primò namq; sacros habet milites, in horum ferme nominum turmas distributos, nempe Equitum Rhodiorum, Templariorum, Theutonicorum, Diui Iacobi, Calatræ uensium, Iesu Christi, Castellanos, Diuæ Mariæ de redemptione captiuorum, Montefianorum, & Equitum Diui Pauli nuper à Paulo huius nominis tertio Pontifice Romano conscriptorum. Deinde Niniuitarum, quos vocant, familias frequentissimas continet. Atq; inter hos etiam Antonianos qui. T. literæ maiusculæ formam pectori affixam gestant. & Caretanos, & alia quamplurima eiusdem generis monstra.

AC. Ingens hæc hominum vulgus est. Equidem arbitror ne Aegyptum quidem sine nube feracem tot ranas, ac tot locustas, quo tempore Pharao Chencres regno præerat concreasse.

BER. At enim iidem isti homines locustæ sunt, & ex ipsissimis quidem illis quas Ioannes in sibi facta reuelatione diuinitus profundissima ex abyssu exire conspexit.

TRI. Hac in Prouinciâ neq; Viri, Vxores, neq; Fœminæ Viros habent, & nihilominus adeo foetus hic multiplican

uplicantur, vt velut Apum noua examina, nouis crebrò aluearijs excipiendi sunt. Nonnos tamen, vt vocant, & Nonnas tertij ordinis, huc adducunt, quibus & matrimonio copulari, & suis ipsorū nihilofecius immunitatibus vti permittunt, sed per taleis viros gentium huius Prouinciæ numerus augeri non potest, propterea quod qui ex huiusmodi hominibus procreantur liberi, prouincialium ditioni minimè subijciuntur.

AC. Proh Iupiter que audio, Te mi Amoni etiam atq; etiam rogo, mihi indices, qua homines isti ratione tantam sobolem propagent, quum nulla inter seipsos matrimonia contrahant.

AM. Ignoro me hercule mi Elicite Actus. Nam etsi hac in Prouincia viri (vt compertissimum est) à viris non abstineant, & quamuis etiam ex his plurimi non modo cum prouincialibus foeminis, sed cū exteris quoque rem frequenter habere consueuerint, atq; oua in alienū nidum Cuculis haud absimiles collocare: neutro tamen horum modorum augmentant suum numerum, ob id nimirum, quod pleriq; omnes, qui inde proueniunt foetus, aut iubentur exponi, aut velut ad Cynosarges, in aliarum prouinciarum xenodochia transferri, ne nothorum educandorum labores cogantur sustinere, neue pudore suffundantur, si palam ac publice taleis, enutriant. Fortasse quemadmodum olim Myrmidones ad AEaci, ita & hi ad suorum alicuius preces multiplicantur, aut Cantharidum instar sese fouent.

AC. Vt ut se habeat, mira hæc omnino res est.

BER. Ex tam populosa prouincia complures excerpti possent, atq; ituris contra Turcas triremibus mancipati. Sic enim tellus isthac hominum fece aliquantulum

LIBERVM ARBITRIVM:

Dec. cau. 23. expurgaretur, & exoneraretur. Atq; ô beatos quidem
Quæstione. 5. illos, quibus illic vitam cum morte commutare contin-
Cap: Omni. geret, quoniam cœleste domicilium pollicetur ihs Pa-
pa, qui aduersus tam Turcas, quam alios suos hosteis

pugnâdo, aut pugnantibus assisendo intereant: Quod
ipli Papæ facere, quâ accipere iniuriam omnino prestat.

AC. Non displicet Bertuci hæc admonitio. Ad Re-
gē de illa fortasse aliquândo referam. Sed perge Tripho
recitare.

TRI. Huiusce prouinciæ populi non modo promi-
scuē omnes: Verum & per se singuli non tantum à pu-
blicis oneribus eximuntur, sed etiam infinitis immuni-
tatibus donantur, vt in ipforum Mari magno, quod ap-
pellant, diffusissime continetur.

BER. Itâ sanè se res habet. Nā vradio, de cœlestis
quoq; patriæ bonis exempti sunt.

TRI. Ne mihi sis impedimento Bertuci tuis nugis.

BER. Dignum & iustum est. Sequere.

TRI. Nulli hominum tam huius Prouinciæ, quam
eorum, qui Reuerendissimi Cleri Curiam incolunt, fas
est hac tempestate suis manibus aliquid operis exerce-
re, tum quia lautè viuendi copiosam aliunde facultatē
habent, tum quia maioris momenti res, quam ea sint
opera exequantur necesse est. Videlicet Spiritibus
exercitationibus incumbendum est illis assidue, quales
nimirum hæc sint, vt Canonicas horas, quas vocant, vnâ
cum alijs quibusdam præcibus.

Nocturna versentq; manu, versentq; diurna:

Atq; frequenter in his dent sine mente sonum,

Vt similiter diuina illis dicta officia tam in Choro quā
extra

extra chorum quotidie celebrent, & vt altaria templaq;
festis presertim diebus eleganter exornent. Ex ijs etiā
plurimi sunt qui scholastica Theologia, nonnulli qui
papisticorum canonum: haud pauci, qui summarum,
quas nominant, per suos fratres compilatarum studijs
diligentem operā nauent, Sacrorum autem Bibliorum
non item, quod illorum lectio in sexcentas hæreses
temporarium & perpetuum ignem ex Inquisitorum
sententia promerenteis inducant. Præterea ex ijs alij
non secus ac Promi Condiq; negocijs externis præfici-
untur, vt & vendant, & emant, quæ in Urbium suarum
vsum esse cognouerint: Pinguissimos quos habent ē
suis prædijs, prouentus colligant, ac lucris vndecunq;
contrahendis perpetuo inhient. Quo inde possint pro-
prias ædeis, quæ Clausura ipsi nuncupant, instruere, ac
rebus omnibus non ad commoditatem modo, sed &
ad voluptatem, & ad luxum, & ad delicias pertinenti-
bus vberissime replere.

foras Cares
non iam ampli-
us Aultheria

BER. Quam expediret aliquem Amasim Aegypti
Regem his afortis nebulonibusq; præesse, si Phryges ta-
men plagis fieri meliores possent. An non iubet ipse
Deus, vt vnusquisq; sibi suis laboribus victum pareret?
Quo iure igitur hi tanquam fuci ex alienis laboribus
per simulationem religionis ociosam aduersus diuina
præcepta vitam viuent?

AC. Quid iterum tu tecum Bertuci?

BER. Nihil ad hoc negotium: Alio intenderā animū.

AC. Non est itaq; quod miremur, quum eiusmodi
viri tam perfectam atq; ab omni parte absolutam du-
cant vitam, Diuum Thomam Aquinatem asserere quē
uis vnum in hanc prouinciam ingredientem, vestreiq;
incolē

LIBERVM ARBITRIVM

incolentium induentem, ac publico iusiurando (professionem ipsi nominant) ad ea quæ paulo ante dicta sunt, seruanda sese obstringentem haud aliter ab omnibus peccatis, quam in sacro Baptismate mundari.

BER. Quid Mundari? Immò verò quiduis aliud. Nam illi ipsi, qui in hanc prouinciam migrant, è mundo se exire prædicant. Quo igitur illos è mundo profectos accessisse dicendum est, nisi ad immundum & fordidum: Iam & Hùgo Carrensis bellissimè astipulatur huic meæ sententiæ. Qui Pauli locum ad Corinthios **VTINAM E MVNDO EXISSETIS**, interpretatur hoc modo, videlicet, confugissetis ad religionem, Monachatum Prouinciam religionem vocans. Insuper horù ædeis Claustra nuncupari dictum est supra: Quis ergo ambigat, Viros hæc ipsa Claustra inhabitanteis infidos esse atq; impios, quum Lucanus etiam pòeta hoc idem comprobet: Mecum enim Is faciens ita inquit:

Nulla fides, pietasq; viris, qui Claustra sequuntur:

AC. Tuam prorsus inscitiam, literarumq; ignorantiam hîc prodîs Bertuci. Nam Lucani non Claustra, sed Castra, carmen habet.

BER. Quid adeò mirum, si è tonforum grege hominû cio humaniores literas exactè non calleat. neq; tam sit Lynceus, vt in leuiculis obseruationibus huiusmodi nusquam incurrat. Verum id asseueranter sanè affirmare ausim, meo in libello Claustra haberi. Et quidem quod ad me attinet, vtrancq; ego iuxta lectionem veram esse arbitror. Neq; enim adduci possum, vt credâ, mendum inesse codici, qui mihi ex Andree Tricesij & nobilitate & eruditione præstantissimi Equitis bibliotheca dono

dono sit missus, quum ingenuus & pius Is adolescens,
 triumq; linguarum peritissimus erratum aliquod suos
 commaculare libros æquo animo non sustinisset. Nō
 possum me continere quandoquidem in Iuuenis huius
 egregij mentionē incidimus, quin tibi recitē hīc Oden
 quandam breuem quidem illam, sed non prorsus in-
 concinnam, qua singularis eius amicus hunc olim ipsū
 veræ gloriæ commendauit, his verbis.

Sunt qui celsa petant iuga
 Parnasi placidas pieridum domos,
 Fiant inter vt indyri
 Mortaleis, celebrant carmine quos suo.
 At splendore Tricesius
 Contentus Proatorum, ac proprio simul,
 Hæc vanissima respiciens:
 (Quanquam sustineat clarum Equitem lubens
 Tergo Pegasus hūc suo)
 Virtute eximia, moribus optimis
 Ac linguis pariter tribus
 Ornatus, quibus est & pietas comes,
 Cœlum stelliferum petit:
 Dignis vt celebret numina laudibus.

Verum tu Tripho iam sequere.

TRI. A vetere tua iocandi consuetudine non rece-
 dis Bertuci Sed obsecrō te ne me recitantem tuis ca-
 uillationibus remoreris.

BER. Ridentē dicere verum Quid vetat? Sed per
 me licet pergas tuo arbitratu.

TRI. Quælibet secta cuiuslibet Urbis huiusce Prouin-
 ciæ

LIBERVM ARBITRIVM:

Dec: De conse-
cratione Dis:
s: Cap. Carnē

cia quandam per se viuendi regulam, & quendam vestiendi modum à reliquis diuersum sibi habet ac seruat. Ita fit, vt nonnulli carnibus quoties libuerit vescantur: Alij carneis omnino non edant, quum interim tamen omnes opiparē viuant. Nonnulli in hanc: Alij in aliā formā caput abradant, quemadmodum etiam ferè omnes romanenses curiales efficiunt, vt hac ipsa capitis abrasione, quam illi Coronam appellant, se spiritalis esse Reges ostendant. Nonnulli laneis, Complures lineis, & hi quidem cilicinis, illi vero milesijs amiciuntur amiculis. Nec minor in coloribus varietas. Etenim quidam albis. Quidam nigris. Quidam aut utroq; colore picarum instar committis, aut alterius alicuius coloris vestibus ad suæ sectæ Autoris arbitrium conteguntur. Porro aliqui cincti, & quidem vario cingulorum genere. Aliqui vero discincti. Quamplurimi soleati, aut etiam calceis carbatinis induti. Non pauci nudis pedibus incedūt, aut ligneos subiiciūt focculos. Multi ex ijs Monachi vocantur. Aliquod Eremitæ, Plurimi Fratres manducantes (errauit mendicantes dicendū erat) Papiistica Monarchiæ strenui propugnatores. Et quanquam hæc viuendi vestiendiq; rationes inter se non parū dissidere videantur, omnes tamen eodem omnino tendunt, vt ad supremum perfectionis gradum, & ad vitam perpetuo beatam huius Prouinciæ populos perducant. Quæ sanè præstantissima premia, summæq; comolumenta iisdem populi postea pollicentur illis etiam exterarum gentium hominibus qui aut dum viuant, eiusdem, quo & ipsi, coloris vtantur vestitu, aut inter moriendū sese ipsorum etiam cuculis indui iusserint.

BER. Audiui sapius qui dicerent, Iesum Christum
suo in

suo in Euangelio uitam illis beatam promittere, qui in se credant, sibi vni fidant, ac deinde præceptis Dei seruandis incumbant. Quod si ita est, qui fieri potest vt suaues istiusmodi homines regularum suarum obseruatione vitam illam beatam sibi parent?

AM. Non assequeris Bertuci quæ dicantur. Nam hi viri non modo suas regulas, Verum etiam diuina præcepta, quin & Euangelica insuper consilia seruant. Quapropter etiam ex ijs quamplurimi, Obseruantes & dici volunt, & sunt.

BER. Satis assequor, quæ dicantur. At interim ex te scire velim, an qui Christo credant, & ex præceptorum Dei præscripto pro viribus viuant, in supernam paradisum æterna felicitàte fruituri conscendant.

AM. Quis adeo sit incogitans, vt hoc in dubium vertat?

BER. Igitur si fide in Iesum Christum, quæ diuinis præceptis pro virili parte seruandis operam dat, in iam dictam paradisum peruenitur, si qui se iactant & ipsius Dei & suarum regularum iussa perficere, quo (malum) deniq; peruenient: cœlestē paradisum transcendant necesse est.

AM. Vide Bertuci quid agas. Nam tibi tuum artificium quam Euangelium curare satius fuerit. Etenim pro comperto est, bonam eorum partem, qui rei aliq; quid cum Euangelio habent, Lutheranos euadere, atq; hæreses intermortuas renouare. Sed recita Tripho.

TRI. Peculiaris huius Prouinciæ cura Hypocriti matronæ papistici populi primariæ mandata est. Verum quia isthæc ipsa legitimis quibusdam de causis in publicum prodire non consuevit: constitutum est vt Inuidiam

LIBERVM ARBITRIVM

uidiam, Discordiam, & Ambitionē, treis itidem papisti-
carum omnium præstantissimas fœminas, quibus in pu-
blico esse suo iure licet, in administranda Prouincia,
hac sibi Collegas adiungat. Atq; vt ex ijs Ambitio seor-
sum ab alijs per ipsius Prouinciæ loca, Magistratus, Of-
ficia, Dignitatesq; non Viris modo, sed Mulieribus
quoque distribuat. Postremo quod ad huius Prouinciæ
negotia pertractanda cum hospîtib; atq; aduenis per-
tinet, quẽadmodum complures huc exteri subinde con-
fluunt, quò sit cum prouincialibus commertio locus, ita
& ex ipsa Prouincia quamplurimũ tum in Papæ Curiam
tum in Missam aliasq; regnũ prouincias sese frequenteis
conferunt, vt quicquid honoris, quicquid lucris, quic-
quid vtilitatis, inde potest eximi secum auferant.

*His hæc obie-
niant citra
pulueris tactũ.*

BER. Immo huius generis otiosorum ac pernicio-
forum Ventrũ, Acolastorumq; hominum plena sunt
omnia, nec vllum ferẽ nefarij sceleris, aut horrendi faci-
noris crimen vsquam ab aliquo perpetratur, quo cum
istorum alicui aliquid commune non sit.

Quia cadavera

AC. Quid ita tecum blateras Bertuci.

BER. Nihil est.

AC. Non immeritò sanè nunc suarum rerum fata-
git Rex noster: videlicet veretur, ne tã potenti, in quod
iam tot annos dominatur imperio, se priuari aliquando
contingat. Sed Triphonem ne remoremur.

TRI. Secunda diuorũ cultus dicta prouincia treis cõ-
tinet amplissimas Vrbeis. Quarũ prima Adoratio, Inuo-
catio secunda, tertia Intercessio nominatur. Atq; hæ
quidem adeo latè patent, vt infinitam penè gentium
multitudinem intra sua mœnia concludant. In his au-
tem Urbibus construendis Caldaicæ Babilonis exem-
plar

TRAGOEDIA.

26.

plār sibi pposuerunt Architecti. Vnde etiā factum est, vt gentilicios eius vr̄bis mores ac ritus etiam nunc referant. In medio verò prouinciæ duo siti sunt montes nō ē Saxorum coaceruationibus, sed ex hominum opinio- nibus coagmentati, qui vsq; adeò in sublime feruntur, vt summis cœlum ipsum verticibus attingant. Atq; ho- rum quidē alter Dulia, Hyperdulia verò alter appellat.

BER. Si Typhoeus, reliquiq; Gigantes horum mon- tium noticiam habuissent actum medius fidius de Io- ue cum suis omnibus dijs erat.

TRI. Vbiq; autem locorum hic est videre Templo- sacella, atq; Altaria magnificē exādicata, prouentio- busq; opulentissimis ditata. Vbi summa reuerentia, in- genti demissione, ac maximo timore h̄omnes adorantur, inuocantur, & vt Patroni etiam implorantur, qui per Papam, perq; ipsius Concilia in diuorum numerū relati sunt, ac Deprecatorum locum habere iussi: Quo- bus itidem pleraq; eius generis ædificia consecrantur, non vt eorum modo nomina venerentur eo loci, Sed vt ipsorum quoq; reliquiæ illic honorificentissimē con- seruentur, iam inde vsq; ab Igini Papæ, siue ab Impera- toris Constantini tēporibus, qui exādicandis huiusmo- di fabricis (vt fama est) initio autores fuerunt: quanquā alij alios huius rei autores habeant. Postea verò per eos- dem Pōtīfices Romanos templis iam dictis addita sunt sacra Cæmeteria, quo sanctius in ijs Christianorum ca- dauera sepelirentur, ac suauius religiosiusq; putresce- rent. Suis autem his diuis adeò sunt Prouinciales addi- ti, vt per eorum nomina iuuare, atq; illa quidem simi- liter ac Dei nomen in veritatis asserenda testimonium adducere consueuerint.

Ita his tēplis
præst antichri-
stus Archite-
ctus vt Ephe-
sæ Dianæ tem-
plo præfuit
Ctesiphon.

H ij

Ber.

LIBERVM ARBITRIVM.

BER. Falluntur Elicite Actus hi populi mea quidem sententia in hac suorum diuorum causa : quoniam qui papistica sanctione diuis ascribuntur non in Optimi Maximi Dei, sed in ipsius Papæ paradysum concedentes, nihil habent cum veris Diuis commune : quemadmodum superioribus diebus affinis meus mihi Pasquillus indicauit. Aegyptij ne suas quidem belluas nisi ob aliquam vtilitatem consecrabant. Et Papa tamen hic homines consecrat non modo nulli vsui, sed summo potius detrimento cæteris hominibus futuros. Nam satis constat miseros mortaleis in omne genus idololatriæ præcipites hinc agi.

AC. Quam tu mihi Papæ paradysum hic narras? Aut quæ tibi affinitas est cum Pasquillo Bertuci?

BER. Eam inquam paradysum, quam sibi, suisq; diuis Papa ipse à vera Dei paradiso seclusus confinxit. Quod verò ad Pasquillum attinet: Is vt verum fatear, sobrinus meus est, ac tanta mihi præterea necessitudine coniunctus, vt antequam in saxum miser conuersus esset in eadem simul officina tonsoriam artē exerceremus.

AC. Audio tuum hunc Pasquillum & loquacissimum, & maledicentissimum esse. Nam & Papæ, & Cardinalibus, & quibus illi visum est hominibus quicquid in buccam venerit, eum obloqui aiunt. Quo circa ab isthoc ipso tibi cauendum consulere, vt ne in Papæ diras incurreres, atq; ita eueniret vt à Rege nostro ex Aula aduersus animi tui sententiā extrusus, extorris fieres.

BER. Papistæ diræ mihi nullum incutiant metum: Etenim nos Tonsores earum maculas vel lixiuio abluere possumus. Meum Pasquillum nihil aliud mihi q̃ simplicem rei veritatem indicasse certo scio. Sequere

Tripho.

TRI. Ad hæc passim hac in regione cernuntur Cry-
præ, Sepulchra, Sarcophagi, Vrnulæ, Ampullæ, atq;
alia innumera omnis generis preciosæ materiæ vascu-
la, in quibus corpora, capita, mēbra, artus, ossa, pul-
ueres, cineres, capilli, vnguium ressegmina, panni, ve-
stes, velamina, sanguis, lac, sudor, lachrimæ, ligna, spi-
næ, clauī, & quid non reliquiarum? tam Christi, quam
Mariæ Virginis, atq; aliorum, qui ab ipso Papa ex ho-
minum genere, numinibus ascripti sunt in hoc tantum
seruantur, vt summa cum veneratione ab ijs populis vi-
sitentur, exosculentur, ac religiose colantur, adorenturq;.

BER. Quæ de colendis hic reliquijs recitantur Eli-
cite Actus, animum meum reuocant ad memoriā quo-
rundam carminum ad id facientū, quæ Pasquillus non
ineleganter, vt mihi quidem videtur, olim lusit. Ea ve-
rò carmina, quia ipsum Pasquillum non omnia pessimè
loqui, (vt audisse te modo aiebas) facere fidem possūt,
volo tibi omnino nunc referre. Sunt autem huiusmodi.

Exorta nuper est grauis contentio

Inter Thomistas, & Scotistas Theologos,

Non de vmbra aselli, aut de caprino vellere,

Sed ponderis de maximi re seria,

Quæ religionis pertinet ad negotium.

An scilicet quo tempore est Apostolo

Detracta Barprolemæo ab artubus cutis,

Testiculi (honor sit auribus) remanserint

Visceribus affixi, an secuti sint cutem.

Postquam diu pugnatum vtrinque acerrime est,

Denique ita conuenit: e: Romanum vt simul

H

ij

Pontifex

LIBERVM ARBITRIVM

Pontificem adirent: ac beatorum pedum
Post oscula, hinc exposcerent votis pijs,
Vt ipse, qui fidei est Magister, neq; potest
Errare, pectoris sui de scrinio
Hunc gordianum nodum apertè solueret
Solutionemq; hanc iuberet legibus
Ascribi in ijs, quæ capite quam sacerrimo
De Reliquijs, Venerationeq; integra
Sanctorum habentur: clarè vt omnes noscerent,
Quo sint colenda ritè membra ipsa hæc loco.
At maximus, Sanctissimusq; Pontifex
Acumen horum Theologorum perspicax,
Profunditatem quæstionisq; admodum
Subtilis admiratus, annuit lubèns
Iustæ petitioni. Et hîc sanxit, fide
Certa esse credendum omnibus mortalibus,
E testiculis Apostoli ademptæ alterum
Hæsisse pelli; hæsisse corpori alterum.
Tum verò & ipsi suspicientes Theologi
Sapientiam Papæ, ac pariter pulcherrimam
Hanc Sanctionem, tam scienter quæ abstulit
Errorem in his omnem colendis reliquijs,
Abiere læti vtrinq; cum victoriâ,

Verum tu Tripho iam perge:

TRI. Magnus præterea numerus pictorum ac statu-
ariorum hîc inhabitat, qui tota mente in hanc incum-
bunt curam, vt huius Prouinciæ loca omnia, suis pictu-
ris, imaginibus, ac statuis, Deum, Christum, Mariâ vir-
ginem, Angelos & papisticos diuos referentibus exor-
nent: quo istiusmodi simulachra tanquã volumina quæ
dam

dam sint, quæ simpliceis viros doceant, ipsorumq; memoria vtrumque inseruiant.

BER. Verat seuerissimè diuinum præceptum fingi formariue simulachra, & nihilo secius tamen hic nō modo finguntur formanturue, sed insuper à Compluribus etiam adorantur. O nō ferendam idololatriam Seres olim ac Persæ, plurimeq; aliæ gentes: Quin & Numa Pompilius Rex romanus dijs fieri simulachra suis in regionibus prohibuerunt, & hi qui Christi nomine censeferi volūt, in cunctis Prouinciæ suæ locis aduersum Dei voluntatem omnis generis imagines & erigunt & adorant. Præter hæc nusquam inuenitur Iesum Christum suis dixisse discipulis diuinarum rerum institutionē ac memoriā in picturis ac simulacris diuorum hie reliquijs. Vtrum in Euangelij sui annunciatione consistere.

TRI. Quæso te Bertuci ne meam recitationem susurratationibus tuis interpelles.

BER. Quæso te uicissim mi Tripho ne huc aduertas animum, sed institutum tuum liberè prosequaris.

TRI. Quā plurimi Administri suauissimā hie vitam degentes has reliquias, hæc signa, atq; has picturas asseruant, preciosissimis omne genus ornamentis expoliunt, ac religiosi huiusmodi lenocinijs, illecebrisq; ad eleemosinarum maiorem cumulum captandum homines inescant non cessant,

Est Exhortatio.

BER. Quam iniquū pro dolor est hoc, Iesum Christum Dei verissimam imaginem, sanctorumq; omnium sanctissimū, suis in pauperibus hie miserrime nudum incedere, & pseudo reliquias nescio quas atq; imagines, quæ idola sunt iniussu Dei prolixè cumulateq; in priam utilitatem adornari, ac rerum huiusmodi Architectos

LIBERVM ARBITRIVM:

Etos in hoc vlcere tanquam vngueis existerē.

TRI. Omnino permolestus es Bertuci cum tuis surrijs. Tandem quiesce si libet.

BER. Non sum apud me. Ita curis quibusdam peculiaribus distrahor, vt imprudens identidem in verba prorumpam. Verū posthac vocem sic demittam, vt ne amplius interturbari per me queas.

TRI. Hisce diuis eorumq; reliquijs, ac simulacris die noctuq; honoris causa lumina accendūtur: Oda, Hymni, aliæq; id genus egregiæ laudes præclaraq; synodia, musicis quoq; sæpius adhibitis instrumentis canuntur: Thura, suauissimiq; odoris thymiamata adolentur: cæpitæ religiosissimè aperiuntur: vota, supplicationes, precæq; submissis genibus humiliter offeruntur: omnia beneficiorum genera studioliissimè hinc efflagitantur, in ægretudinibus, in indigentijs, cunctisq; alijs & necessitatibus, & humanarum miseriarum casibus auxilia expetuntur: deniq; certa fiducia speratur, ac firma spe quæritur vt horum patrocinio diuorum mala omnia euitentur, ac bona omnia tam hîc quam in futuro seculo comparentur.

BER. Eiusmodi cultus vni deo exhibendus erat: quapropter qui hoc ipso quicquam aliud quam eundē veneratur Deum, sine vlla dubitatione idololatra est. Nam si inter idololatras est numerandus, vt meritò numerandus est, qui deum aliter quam ab ipso institutum est, adorat, quanto ille magis erit idololatræ ascribendus, qui aliquid aliud, quam Deum ipsum contra ipsius præceptum adorat. Haud secus hac viâ nunc Diabolus quærit se in his diuis, in his reliquijs, inq; his imaginibus adorari, quam in gentium Djs atq; idolis quondâ fecerit:

fecerit. Quis obsecro non videat Sathanam sub ijs, dem papisticis diuis Superos, Inferos, Mediouxumos, Lareis, Tutelareis, Genios, atq; alia omnia veterum gentium numina contexisse? Diuinæ literæ non nisi vnum mortalibus omnibus Aduocatum, patronum, ac deprecatorem, nempe Iesum Christum proponunt, qui solus & aduertere mala omnia, & bona omnia conferre possit: neq; per aliud quam per Dei nomen iurare, idq; tantummodo quum est opus, permittunt. Qui aliter sentiunt perniciosissimis inuoluuntur erroribus.

AM. Recita Tripho. Quid cessas?

TRI. Animum recipio: etenim me tam longa recitatio penè iam defatigat. Hic votiuæ omnis generis anathemata, donariaq; aureorum atq; argenteorum vasorum, præciosarum vestium, armorum, statuarum, Oscillorum, imaginum ac tabellarum cum suis inscriptionibus & suspensa tholis, & sublimè fixa, & humi iacentia, uisuntur: quæ omnia sunt publicè varijs in locis ob id exposita, vt & miracula, quæ crebro hîc fiunt, & quæ impetrantur inde beneficia testificentur.

BER. Immò vt errores, quibus hîc homines ducuntur, & Ministrorum, qui locis his præsunt, auariciâ proferant. Nam tales Ministri non solum miracula fieri per hæc loca & fingunt, & inuulgant: Verumetiam idem ipsi aliquoties Promethei, Telchines, & Architæ facti, suis manibus imagines ac signa formant, quæ dein de ficta miracula per se edant, vt his imposturis, ac fictis in homines fabricis ad suum ipsorum quæstum abutentes totum orbem fraudulentè expilent.

TRI. Etne in beneficijs, ac subsidijs petendis errare contingat, singulis fermè rebus diuî hîc singuli præficiuntur.

LIBERVM ARBITRIVM:

untur adeo vt Is aëris, Ille ignis, hic pluuiâ, Ille serenitat
 tis curam habeat: Alius Mari, Alius continenti præsit,
 ac suo cuiq; tam maris quam continentis loco sius ite
 dem diuûs conseruator assisat. Huic humanorum cor
 porum, Illi animorum concreditum est patrociniûm, sic
 tamen vt ipsorum corporum vnumquodq; membrum
 sibi separatim fauentem suum diuûm agnoscat. Hic
 nauigantibus. Alter bellum gerentibus, Is coniugiûm
 appetentibus, Ille verò meretricibus, Alius mercatu
 ram etiam cum iniquo fœnore exercentibus, Alius aui
 dis agricolis dexter adest. Irrationalium quoq; animan
 tium singulæ propemodum species singulis seorsum
 diuûs custodiendæ mandantur. Verum præ cæteris hic
 diuûs omnibus Deiparæ Virgini numinum ingens cu
 mulus attribuitur, vt vel sola rebus ferè omnibus præ
 sit, sola cunctas gratias, quas vocant, ipsa distribuat,
 quò hac distribuendi molestia suum liberet filium.
 Præterea partim Lugdunense concilium, partim verò
 piæ quorundam hic hominum intentiones horum vni
 cuiq; diuorum suos dies festos assignauere, qui statis
 ceremonijs, varijs cantilenis, musicisq; sonis, Veneris
 ludis, & saltationibus, iucundis comotationibus, cra
 pulis, & saliaribus cœnis, alijsq; religiosis eiusdem gene
 ris oblectationibus celebrentur. Insuper statutum est,
 vt qui festis his diebus ad consecrata diuûs ipsis tem
 pla, sacella, altariaq; accedant, venias (venias dicere vo
 lebam) criminumq; condonationes locis illis à Pontifi
 cibus concessas abundè consequantur.

BER. Qua in re obsecrò hi diuûi à gentiû dijs, exco
 pto nomine differunt? An nò idem cultus his nunc ex
 hibetur, qui quondam illis etiam exhibebatur? O athe
 nicam

hicam idololatram.

TRI. Inter eos qui hancprouinciam incolunt, none nulli sunt, qui non contenti his diuis, his reliquijs, hisq; simulachris, quæ nata domi iam habent, Vxoris, Liberos, aliarumq; omnium suarum rerum abiecta cura, summo cum familiæ familiarisq; rei dispendio peregrè proficiscantur, vt alibi celebres & diuos & reliquias, & simulachra inuisant, præsertim verò eas aut Christi, aut Mariæ virginis, aut alterius diui alicuius imaginis, quas per aliquem impostorem fuisse locutas, aut sudasse, aut illachrymassè, aut nutu aliquid indicasse, aut alioqui alia miracula edidisse inuulgatum sit. Indulgentiasq; quas vocant, his pariter locis à Pontificibus largitas secum referant.

BER. Quam non vanis modo, sed impijs etiam cogitationibus huiusmodi homines exagitantur, vt ab ipso Deo sibi commissas res curare non curent, ac stultissimè contra Dei voluntatem ad falsa quædam inquirenda miracula procul à suis ædibus abscedant. Quasi verò non & simulachrum Apollinis, Hierapoli, Orphei quoq; in Pieria, & Memnonis in ægyptijs, Thebis, & Fortunæ via latina prope Urbem Romam, ad hæc signa ex Delo insula per Verrem euecta, asportataq; nec non alia innumera idola miraculis excelluerint, si tamen malorum Dæmonum præstigiæ miracula dicenda sunt, quanquam etiamsi vera essent ea miracula, quæ prouinciales hi sua illa peregrinatione quærunt intueri, non tamen alia de causa fieri permittentur, quam vt ipsorum (quoniam diuinarum scripturarum simplicissimæ veritati non credunt) stabilirentur errores. Verum omnino & ficta & falsa sunt, quum quia

in nulla

LIBERVM ARBITRIVM:

in nullam Euangelicæ doctrinæ confirmationem sunt:
tum verò quia in Dei ac diuorum cultum humanitus
excogitatum contra ipsius Dei verbū (quod sanè Sa-
thanicum est) misellos homines inducunt, ac demētant.

AM. Frequenter cessas mi Tripho: cur nō recitas?

TRI. Adrò copioso pituitæ defluxu nōnunq̃ laboro,
vt vix attrahere spiritum, nedum liberè loqui valeam:
pergā tamen. Hanc prouinciam olim maximo bello Vi-
gilantius Gallus inuasit: ac potissimum eiusdem prouin-
ciæ pars illa quæ simulachra, atq̃ imagines continet:
multò acrius ab Epiphaniō Salaminæ Episcopo, ab Im-
peratore Leone Ilauro, atq̃ ipsius filio Constantino e-
ius nominis quinto, à Cōstantiniano Concilio per hunc
ipsum congregato: ab Elibertino itidem concilio, à Cō-
stantino etiam huius nominis sexto, à Sereno Mafilio
ensi Episcopo, alijsq̃ quamplurimis hostibus grauissi-
mis quidem illis diutius est impetita: Sed nihilominus
tamen deniq̃ victrix euasit, propterea quod hanc ipsā
Gregorius tertius, Paulus primus, Stephanus tertius,
aliquotq̃ alij Pōtiffices Romani, adiunctis vna sibi & Ita-
lico & Niceno secundo, & Lateranensi, & Frāncfordi-
ensi Concilijs: Fauentibus item Imperatore Theodosio
Atramiteno, imperatrice Hirene Galliarum rege,
Germano Patriarcha, Gregorio Cyprio, Ioanne Dama-
sceno, atq̃ alijs ea tempestate doctis viris, hanc inquam
ipsam itā validè turtati sunt, vt liberam illi demum victo-
riam pepererint. Quamuis hæc ipsa victoria pernicio-
sissimam ruinam secum traxerit, Nam per has contē-
tiones Christianorum imperium diuisum fuit. Eiusdem
enim Gregorij tertij Pontificis opera, quæ ipsius im-
perij pars ad occidentem, ab ea, quæ in Orientem ver-
git

git cum maximo Reipublicæ Christianæ dispendio
poenitus dirempta est.

BER. Plerunq; ita fieri solet, vt maior pars vincat
meliozem.

TRI. Tertia prouincia, quæ piorum locorum ædifi-
cia nuncupatur, quæq; secundæ iam diæ contermina
est, quinque concludit in se vrbeis proprijs nominibus
itâ distinctas, vt prima quidem Cœnobiorum ædifica-
tio, Altera Templorum extructio, Tertia Sacellorum
constitutio, Quarta, Anniuersariorû institutio, Quin-
ta Xenodochiorû positio, appellentur. Constructas au-
tem fuisse constat à finitimis populis, qui Diuorum cul-
tum Prouinciâ incolunt. Quorum sanè quidam pri-
uatæ religionis gratia, nōnulli quod ad id sese votis ob-
strinxissent. Complures impetrandæ suorum peccato-
rum veniæ causa, non pauci aliqua spectri alicuius ad-
uentitia visione impulsî, huc se contulerunt, atq; eiûsmo-
di fabricas exædificarunt, vt iisdem de caulis plurîmi
etiânum quotidie se recipiunt, & vel iam ædificatas
augent fabricas, vel nouas ædificant ipsi. Atq; hinc fit
vt inter sese quibusdam veluti vinculis hæc duæ prouin-
ciæ itâ connectantur, vt multis in rebus altera ab alte-
ra non facile discerni distinguere possit. Quam etiâ
ob causam Liberum Arbitrium Rex ambabus vnâ et
eandem Gubernatricem, nimirum Superstitionem egre-
giam Heroïnâ præfecit, quæ quidem suis peculiari-
bus iussis vrget, atq; efficit, vt papistici tam diuini quam
diuæ cū suis et reliquijs & simulachris, vtrâq; in Prouin-
cia summa cum veneratione ac timore rogentur inuo-
centur, adorentur, & in patronorum loco ab omnibus
habeantur.

LIBER VM ARBITRIVM

BER. Audiui sapenumero qui assererent, asserere Hesiodum in sua Theogonia, triginta Deorum millia inueniri, qui passim per orbem antiquitus colerentur. Sed vt mihi persuadeo papisticorū, vel Sathanicorum potius diuorum qui nostra tempestate his in prouincijs adorantur, numerus multò maior existit. Sathanicorum autem dixi, propterea quod ipse Sathan in lucis angelum sese transmutans, modo Iesu Christi, modo Mariæ virginis, modo alicuius diuorū diuarumve formam induit, seque sub eiusmodi personis variè venditās miseris mortalibus infelicitè imponit, non minus nunc appetens templa sibi & sacella atque aras ad adorandum construui, quam olim in gentium numina sese transformans, ac perquam multis ostentans expetiuerit: quem admodū cum Seleuci Regis vxore Stratonice, nec nō cum Aegypti rege Ptolemæo, multisque alijs hunc fecisse memoria proditum est. Utinam hisce tam graui errore inuolutis hominibus, quando nulla alia ratione reuocari se inde patiuntur, saltem aliquis contingeret Demogorgon, qui deceptrices has laruas & seiphas & suas pariter imposturas prodere compelleret, si, qui reuera sunt diui, talem sibi cultum exhiberi non sustinent. Quin ne ipse quidem verus deus manufacta sibi templa vult extrui, quum nos ipsos, atque adeo corda nostra solummodo pro templis, in quibus inhabitet, sese habere testetur. Sed vide Bertuci ne crabrones hos irritet. Nam si te horum aliquis hic alicubi prope audierit hæc loquentem, actum scilicet est, peristi.

AM Hactenus exempla suis archetypis optimè respondent. Iam celeriter expedi Tripho quæ restant.

TRL Quarta prouincia, quæ Poenitētia dicitur, treis
iudē

Itidem Vrbeis comprehendit. Quarum Prima, Con-
tritio, Altera, Auricularis Confessio, Tertia Satisfactio
nuncupatur. Harum autem in eam, quam nunc habet,
formam condendarum scholastici Theologi, atq; vna
cum ijs Canonistæ non ita pridē authores fuere. Quan-
quam in Auriculari Confessione, quod ad ipsam seors-
sum attinet extruendā, sunt, qui non vereantur asseue-
rare, prima fuisse à Iesu Christo per suos Apostolos iā
cōta fundamenta: postea verò in eam conditionem, in
qua nunc est, ab Innocentio Papa huius appellationis
tertio, Lateranenli Concilio simul opem ferente, fuisse
se redactam, atq; id quidem per excellentissimum sanē
Architectum, Omnis vtriusq; sexus, vocatū natura her-
maphroditum: Qui multo melius isthanc ipsam quam
Dinocrates Alexandriam ad suum arbitrium designa-
uerit fabricatusq; sit, atq; ad omnis generis merceis, con-
scientiarumq; præsertim pertractandas, amplissimū hīc
emporium patere voluerit. Quamobrem etiam idem
Innocentius iussit, vt omnes quicunq; papistica monar-
chia subiiciuntur imperio siue mares, siue fæminæ sint,
quum ad idoneam ætatem (annos discretionis ipse vo-
cat) peruenerint, quotannis vel semel in hanc urbē in-
grediantur atq; inibi benè subducta ratione quicquid
in hisce conscientijs, alijsq; mercibus pertractandis, ege-
rint, dixerint, aut etiā excogitarint, suis insuper ad vnā
quaque rem adhibitis circumstantijs confiteantur: Id
quod in maximum lucrum variasq; commoditates plu-
rimorum ex grege tam Reuerendissimi Cleri, quam
monachatenlis prouinciæ populorum cedit: qui ligā-
dis ac soluendis huiusmodi mercium sarcinis præfecti sūt:
Quibus etiam non modo tabernarum, vbi seruatur hæ
merces

LIBERVM ARBITRIVM

merces, verū & regni cœlorum conceditæ sunt clauēs;

BER. Nemo est qui ambigat in maximum & lucrum & commodum istorum. id cadere atq; hanc mercaturam ipsis esse oppidò quam quaestuosam, quam ex huiusmodi occasione virorum ac mulierum omnium arcana omnia, vnde sibi ipsis ingentiā mox emolumēta sunt, masculq; voluptates in loco parent, expiscari cōsueuerint.

TRI. Hæc eadem Prouincia fabris quibusdam lignarijs referta est, qui secundis tabulis, quas vocant, conficiendis incumbunt: Quibus, qui post receptum baptisma naufragiū fecere, periculo liberētur, vt Hieronymus Dalmata primus inrer hos artifices architectatus est.

BER. Heu quam malè Baptismatis vim agnoscunt, & quam parui æstimant Christi mortem, qui secundis istiusmodi tabulis aliquid tribuunt.

TRI. Quinta Prouincia, quæ Ieiunium nominatur, Sex Vrbeis complectitur: Quarum prima, Quadragesima: Aduentus altera: Tertia Quatuor tempora: Quarta Vigiliæ de præcepto: Quinta Abstinētia in die mercurij, veneris, & sabbati: Sexta Abstinētia ob deuotionem peculiarem appellatur. Et Quadragesima quidem ab Apostolis, vt nonnulli seminarunt, vt vero alij abs Thelesphoro pōtifice Romano fabricata est. Quamquam Is hanc patere latius, ac Septuagesimam vocari prius voluerat. Sed vtut se habeat, vel ex hoc satis constat, eam esse nobilissimam ciuitatem, quod egregius heros ille totius papisticæ monarchiæ facile princeps, Carnispruium dictus, hinc originē duxisse certum est: Id quod inde quoq; animaduerti potest, quod etiā nūc idem heros vrbeis ipsius aditum ac vestibulum incolit: Vbi & quotannis aliquos dies magnifico luxu, lautissq; conuiui

conuiujs, & computationibus viros ac mulieres omnes accipiens prolixè, voluptuosis delicijs, & deliciosis voluptatibus illos replet, gaudioq; sic vndiq; delibutos reddit, vt per id temporis vnà omnes inuerecundam operam, & cantilenis, & sonis, & choreis, & tripudijs, & saltationibus, & genus omne lasciujs, inhonestissimè, impudentissimè, atq; impudicissimè nauent. Cæterum ex actis huiusmodi bachanalibus cuncti demum in Urbem ingrediuntur per portam quæ superum limè cineribus aspersum habet. Porro ingressi ad mercaturam faciendam paulatim aggrediuntur, ac vendendis, emendisq; potissimum quibusdam versicoloribus pellibus pardorum instar variegatis, quæ Conscientiæ vocantur, quarum draginta sex continuos fermè dies incumbunt. Aduertus itidem Oppidum ab apostolis exædificatum perhibetur, licet admodum à Quadragesimæ nobilitate atq; excellentia procul absit. Nam in hoc ipso nō nisi ferè ignobiles quidā è Monachatu Prouincia viri, foeminaeq; versantur. Quatuor temporum Vrbecula romani pontificis Callisti, siue vt alij opinantur Urbani opus exitit: quæ nihil aliud celebritatis habet, quam quod illi concessum est ipsius Papæ munere, vt quicumq; sub Reuerendissimi Cleri potestate atq; imperio in aliquè dignitatis gradum sint ascensuri, non nisi intra ipsius mœnia (excepto sabbato, quod vocant, in Albis) valeat auctorari. Vigiliæ de præcepto & abstinentia in die mercurij, veneris, & sabbati Vrbes à pontificibus romanis, patrumq; Concilijs ambæ sunt conditæ: idq; optimis sanè de causis, nempe quod ad Vigiliarum Urbem attinet, vt quorundam latrunculorum qui noctu ea loca peruagantes detrimenti plurimum inferebant, mali mores, ac

Dec. Dis. 76.

LIBERVM ARBITRIVM:

prauę consuetudines tollerentur. Quod verò ad alteram pertinet, vt in ipsa veluti quodam in theatro spectaretur, quemadmodum Iudas mercurij die Christum prodidit: Quemadmodum veneris die idem Christus affixus est cruci, & quęadmodum sabbato ipsius Christi corpus iacuit in sepulchro: Quod postremum ab Innocentio eius nominis primo Pontifice Romano tanq̃ si auctarium sit, est adiectum. Vrbs autē Abstinētia ob deuotionem peculiarem, ē religiosorum virorum opinationibus emerlit: Quam quidem eorum posteri non cessant etiā nunc augere, quò iuxta consuetudinem à suis maioribus acceptam, factis huiusmodi debitorem sibi Deum constituent, suisq̃ hunc nominibus ascribant.

BER. Vt sine ratione autoritas, itā sine veritate consuetudo, vt quę inueteratus error sit, plerūq̃ obest.

TRI. Ingens in hac prouincia & olei, & piscium, & leguminum, & herbarum, & radicum, & omnis generis fructuum mercatura fieri consueuit, propterea quod Inquilinis vetitum sit carnibus, ouis, & lactarijs vesci, nisi si quis fortē vescendi veniam numeratis pecunijs à Romano Pontifice sibi redimat.

BER. Quò magis id, quod paulo ante dictum est, Quadragesimā & Aduentum Vrbeis ab Apostolis fuisse constructas, quia diuinis ē scriptis auctoritatem non habet, falsum esse conuincitur: hoc magis dolendum est, quum Satanicum vigere præceptum cibos vetans quos Deus creauit ad sumendum cum gratiarum actione fidelibus, tum illud idem emptoribus pecunia relaxari. An non liquidò hinc aparet, Papę leges nihil aliud esse, quam retia ex harpyiarum pellibus ad num-

mos

TRAGOEDIA.

34.

mos capiendos contexta?

TRI. Parcite obfero si tam festinanter quam optaretis, non recito: Nam omnino necesse est me nonnumquam spiritum recipere. Attamen vt potero pergere non desistam. Montanus hæreticus prouinciæ huius rector est. Etsi Summarum quas vocant, compilatores alioqui eius curam Adamo atq; Heug tunc fuisse demandatam autumant, quum illis interdictum fuit, ne pomum ex arbore paradisi comederent.

historiæ Ecclesiasticæ lib. 5. cap. 28.

BER. Non minus hæc opinio bella est, q̃ ea quam alius quidam eiusdem gregis homuncio de confessione auricularis vrbis fundatoribus imaginatur, vel somniat potius: Etenim eam Urbem tunc à Deo fuisse fundatam opinatur, quum Is Adamo atq; Heug post veritum scelus admissum dixit. Adame vbi es? O Lepidi compilatores.

TRI. Sexta Prouincia, cui nomen est, Preces, quinque magnificas Vrbeis includit: Quarum prima, Horæ Canonica: Altera, Litanía: Tertia, Corona dominæ Quarta, Rosarium: Quinta, Precatio peculiaris dicitur. Horas autem Canonicas urbem Hieronymum quidē Dalmatam designasse ferunt: Pelagium verò Pontificem Romanum absoluisse, atq; hanc ad leuanda iustorum hominum errata, qui plerumq; septies in die cadere solent, septem spatijs distinxisse, moxq; in eam tum ex Reuerendissimi Cleri, tum ex Monachatus prouinciæ populis ingentem coloniam deduxisse. Caterum Gregorius eius appellationis primus Romanus Pontifex vnam solummodo portam, quæ, Deus in adiutorium, nominatur, hanc urbem habere uoluit. Vitalianus deinde Papa symphoniarum & cantorum maximum nu-

K ij

merum

LIBERVM ARBITRIVM:

merum huc introduxit, qui die noctuq; mirifica vigilan-
tialusciniarum instar pluribus in locis inter orandum,
& ludunt, & cantitant, atq; etiam vocibus velut asini-
nis, nonnunquam rudunt.

BER. Egregius verò precandi modus. Talem sanè
Iesus Christus etiam præscripsit, quum patrem suum
spiritali cultu, quod is quoq; sit spiritus, adorandum es-
se dixit.

TRI. In latissimo huius vrbs agro, pulchella quæ-
dam oppidula sita sunt. Quorum primum ab Urbano
secundo Pontifice Romano, non sine Claremontensis
Concilij calculo constructum Officium Domina: Al-
terum, Officium Spiritus sancti: Tertium, Officiu Cruci-
cis: Quartum, Officium mortuorum, atq; alijs alia nomi-
nibus appellantur. Sed quoniam ipsius vrbs diocesi
subiecta sunt, nulla de hisce longior hîc fit mentio.

BER. Benè sanè, nam ea prorsus damnosa, nedum
inutilis foret.

TRI. Litanie porro vrbs à Mamercio Viennensi Epi-
scopo primum ædificari capta, postmodu à Gregorio
Pontifice Romano paulo ante dicto & auctiore multo,
& pulchriore forma perfecta est: ac velut Asylum, aut
Oppidum profugij, quod olim vocabant Hebraei, ad om-
nes humanas calamitates euitandas constituta. Coro-
na dominae sic à Petro Ambienensi heremita, vt & Rosari-
um ab Alano à rupè Britanno, in hunc finem extructa
sunt, vt & viris & foeminis diuæ Mariæ virgini addictis
tanquam diuersorium forent. Sedenim Alanus ille,
tam imperitus, tam impudens, & quod esset Dominica-
nae sectræ, tam sacrilegus extitit fabricator, vt hanc ipsam
suam Vrbem, non nisi super falsissimâ dogmata, atque
cmenita

emēta miracula fundauerit. Præterquam quod etiā nō
nulla ex ficticijs hīſce miraculis adeo inhoneſta adeoq;
inuerecunda ſunt, vt audientiū auribus ruborem incu-
tiant. Vltima huius prouinciæ Vrbs à religioſis quum
viris tum ſceminis exædificata eſt: Quorum minores
hanc ita ſtudioſe amplificare perſeuerant, vt nobiliſſi-
mum etiam portum inibi tandem extruxerint, in quem
numerus ingens onuſtarum infanis cupiditatibus, impi-
iſq; opinionibus nauium haud intermiſſo curſu ad
mercatum ingreditur. Tota deniq; prouincia hæc bo-
nis vbiq; Rationatoribus abundat, qui non in aduer-
ſarijs modo, ſed in accepti expenſiq; tabulis quæ nomi-
na fecerint, quanquam ſibi Deum, Mariam Virginem
ac paſticos diuos, præculis deuinxerint, optimè dige-
rant, ſummaq; ſubductis rationibus planiſſimè referant.

BER. Quasi uerò fallere Deus hos velit, aut inani
voci ſtrepitu delectetur.

TRI. Septima prouincia, quæ Eleemoſynæ nomine
inſignitur, nullas prorſus Vrbeis admittit, ſed ſolummo-
do terræ cultui deſtinata eſt. Etenim ex altera ipſius
parte ſpatioſiſſimus ager, ingentia rura, diſſuſiſſimaq;
arua latiſſimè patent: quæ vini, ſegetum, oliui, atq; alio-
rum omnis generis fructuum fertiliſſima ſunt, ac pin-
giſſimis inſuper exuberant pascuis, in quibus & Aſini
& cæteri greges armentorum optimè atq; abundanter
aluntur ac ſaginantur. Ex altera verò parte montes
vndiq; eminent, non modo arborum arboreorumq; ſce-
tuum feraciſſimi, ſed auri, argentiq; ac reliquorum me-
tallorum fodinis nobiliſſimi. Cæterum bona pars eo-
rum, qui hinc hauriuntur prouentuum Reuerendiſſimi
Cleri, Monachatuſq; prouinciæ populis cedit. Quod

LIBERVM ARBITRIVM

qui possident eos fundos, ita distribui hæc bona velint. Nam populi iam dicti fundorum ipsorum possessoribus, thuris fumum, campanarum sonos, bellas canciunculas ac symphonias, ceremoniarum umbras, commentitias benedictiones, ac iustificationes, quas vocant, adhibitis aqua, sputo, sale, oleo, cereis, lampadibus, candelis, cineribus, & crucibus. Ad hæc visiones ac somnia eiusmodique alia multa minus quam Echo subsistentia largiuntur, ut suprascriptos redditus inuicem ad se attrahant, quod inde possint, & opipare, & delicatè, & lautè viuere. Quod si contingat eos hoc modo non posse peruenire quod tendunt, scilicet in Protheos, Vertumnos, & Acheloos conuertunt, atque ubi non sufficit pellis leonina, adsuatur vulpina, ut uel sic arte aliqua, id quod sequuntur, assequantur. Ita enim Iesu Christi sententiæ appositè subscribunt, qui dare, quam accipere, dixit esse beatius. Quod ex ipsdem prouentibus est reliquum, partim piorum locorum: partim aliarum prouinciarum populis ad curarum arbitrium distribuitur.

BER. Obonorum commutationem longè quam quæ Glauci cum Diomede fuit, deteriorem. O bona inquam non benè distributa, præsertim ea, quæ Reuerendissimi Cleri ac Monachatus Prouinciæ populis erogantur. Nam malè merentibus benefacere, idem ferè est, quod malefacere benè merentibus, ut interim de summentis expiantibus hæc delicta nihil dicam.

TRI. Octaua atque adeo vltima prouincia, Missa nūcupata, treis nobilissimas, diuissimas, ac potentissimas vrbeis amplectitur. Quarum prima Sacrificium pro peccatis: Altera Oblatio pro uiuis ac defunctis: Tertia Applicatio utilis ad omnia, nominatur. Hæc uero Vrbes
ut non

vt non vno & eodem tempore sunt condita, ita plureis
 e papistica monarchia viros habuere conditores: Qui
 quidem omnes, omnibus (quod aiunt) vngulis cona-
 ti sunt vniuersam hanc prouinciam quam splendidissi-
 mam, & quam magnificentissimam reddere: quod Iesu
 Christi Dei & hominis e caelo quotidie millies huc des-
 migrantis digna sit habitatio.

BER. Hoc symboli, quod Apostolorum dicitur, sen-
 tentiae consentaneum non est. Illic enim habetur sede-
 re Iesum Christum ad dexteram Dei patris, quoad sit ad
 iudicandum orbem reuersurus.

TRI. Ea de re & Petrus cum reliquis Apostolis, eiusque
 successoribus romanis pontificibus, & Iacobus Hiero-
 solymarius episcopus, vna cum innumeris alijs genti-
 bus, quae tam per ea, quam per insecuta tempora hanc
 incoluere prouinciam, summa gloria ipsam decorarunt,
 ingentibus diuitijs collocupletarunt, latina lingua, & grae-
 ca, & hebraica Christi crucis titulum referentibus exor-
 narunt, lineis, laneis, olosericis, argenteis, aureis vesti-
 bus Aaronico sacerdotio non ab similibus honestarunt:
 Innumerabili preciosorum valorum numero in vsus va-
 rios dispositorum instruxerunt: denique melodijs, sym-
 phonijs, odoribus, ceremonijs, cultibus, non tantum e
 veteri instrumento, sed e sacrificijs etiam ethnicorum
 acceptis adornauerunt.

BER. Iesus Christus nouum Instrumentum condi-
 dit, vt vetus abrogaretur, & nihilominus hi nunc ten-
 tant suis huiusmodi ritibus iterum vetus pro nouo re-
 ponere. O simiolos ineptissimos, insulsissimosque. Prae-
 terea quod ad suppellestem ditissimam attinet, impe-
 dio magis expediret, grandem illam talium bonorum con-
 geriem

LIBERVM ARBITRIVM

geriem pauperibus erogari, quam inutiliter hic, aut im-
piè potius adseruari.

TRL. In media ferè huius Prouinciæ parte lucus est
implicitus, ac tenebricosus (sacrum canonem appellât)
per quosdam quidem papisticos homines cõlitus: Sed
qui ob tetram locorum obscuritatem, nec satis potue-
runt internosci, nec vt internoscerentur digni fuerant.
Hoc in luco voracissimi quidã inhabitant lupi, qui præ-
tereuntes conspicati priusquam conspiciantur ipsi, adeò
illis adimunt vocem, vt quãdiu transcant, aut non lo-
quantur, aut si id fiat, audiri minimè valeant.

BER. Syluam Nemeam non ità periculosam viato-
ribus extitisse crediderim quam hæc sit.

*Missæ est sacri-
ficulorum
et naas.*

TRL. Huius autem Prouinciæ redditus Reuerendis-
simo Clero ascripti sunt. Quapropter quum Is in hæc
ipsam & ex eo Curia sua, qui Sacerdotes continet, or-
dine, & ex monachatenlibus populis, vt Innocentius ac
Bonitacius pontifices romani concesserunt, insigneis co-
lonias deduxerit, illis municipali iure donatis permisit,
vt inde, quam maximam possent, prouentuum copi-
am colligerent. Et sanè prouentus hic prorsus vberri-
mi sunt, propterea quod non ex alijs modo bonorum
operum regni parubus, verumetiam ex vniuersa pari-
ter Papæ Monarchia frequentes huc hospites in ip-
sius prouinciæ lucrum maximum confluant. Is au-
tem concurfus multis de causis fieri cõsuevit: primò
quidem vt Iesus Christus hic præsens corpore conspici-
atur: deinde verò, quò sic venia, præteritorum crimi-
num impetretur, vt meritorum etiam cumulus in coe-
lis augeatur: postremò vt tã viuentibus, quam vita fun-
ctis abarceri mala omnia, conquirique bona omnia
queant

queant. Verum hic non ignorandum est Reuerendissimum Clerum frequenter has colonias per eos, in demortuorum loca qui petant, instaurare. Quod quidem utique quum sit, incredibile est quanto gaudio, quantaque lætitia, omnes quicumque adsunt, afficiantur. Nam tunc luditur, canitur, saltatur, potatur, modisque omnibus Genio prolixè atque hilariter indulgetur. Cæterum ne contingat, ut, qui hanc prouinciā frequentant, hospites, impuræ, luxuriosæ, atque improbæ sacerdotum incolentium vitæ infensiores facti, quæ huc afferunt emolumenta, subtrahere aliquando cogitent, Opus operatum Heros, quem Papistæ in Principibus esse facile patiuntur, cuius ipsius prouinciæ ab Reuerendissimo Clero seorsum cōcredita est cura, ipsi isdem pro sua singulari prudentia persuadet sua virtute fieri, ut nihil eorum, quæ huc importantur, illis depereat, etiam si sacerdotes ipsi nequissimè ac flagitiosissimè (ut nemo non videt eos viuere) viuunt. Ea re fit, ut ne numulus quidem de solito quaestu deperdatur.

BER. Ocallidos & acquirendorum lucrorum & cōparandarum voluptatum artifices & architectos. Nullus hic aulædus, omnes omnino citharedi sunt.

TRI. Huius prouinciæ populi azimo pane vescuntur, ac vinum aqua dilutum bibunt: quemadmodum Alexander vel primus, vel tertius, aut ut alij quidam volunt, Clemens iudè tertius romanus pontifices iusserunt. Quanquam sibi persuadeant panem hunc suum, in corpus, ac vinum, in sanguinem Iesu Christi transmutari, cōceptis videlicet quibusdam verbis, quæ ipsi submissa voce, atque animo huic rei destinato his insusurrant. Huius autem operis efficiendi facultatem ab Episcopis, qui ad

L

id muneris

LIBERVM ARBITRIVM

Unde verius
apud magistrū
sententiarum.
Hostia diuidi-
tur in partes:
tincta beatos
Plane sicca no-
tat viuos: ser-
uata sepultos.

Quum tamen
Iesus Christus
non dubitauit
ut verum suū
sanguinem no-
stri causa in ter-
rā effundere.

id muneris illos consecrarunt, accepere: qua quidem po-
testate diua etiam Maria virgine præstantiores hac in
parte facti, Iesum Christum veluti quendam Elicium Io-
uem è cœlo deducunt, ac suum panem, in eius corpus,
vinumq; in sanguinem transformant, itaq; transforma-
tum & adorant ipsi, & alijs adorandum proponūt. Mox
ad ostendendam triformis Christi corporis Herili ac Ge-
rionis instar naturam in treis parteis ad Sergij secūdi ro-
mani pontificis institutionem hoc diuidunt: atq; harum
quidem partium viuus vnā, alteram defunctis, tertiam
beatis addicunt: qui sanè beati hanc ipsam vino mace-
ratam sibi offerri volunt. Insuper, quæ ipsorum chari-
tas est, ex alijs quoq; regni prouincijs quamplurimos
ad secum nonnunquam edendum inuitant: Quin
quod pluris faciendum sit, etiam imperant, vt omnes
quotquot ad idoneam ætatem peruenerint, Auricula
rem confessionem Urbem permeantes, semel quotan-
nis ad secum vnā sumendum cibum se recipiant, vt La-
teranense Concilium ordinauit: quoniam ille ipse cibus
cœlestem gratiam sumentibus conferat, neque sit opus
ad id peculiari fide, modo ne alicuius capitalis criminis
obstaculum adsit. Atenim vt in hoc solenni conuiuio
eundem quidem panem, quo & ipsi vescuntur, discum-
bentibus apponunt, ita eodem vino illis vtinon permic-
tunt, vetante nimirum id Constantiensi concilio: ne
forte contingeret ex hoc aliquid in terrā effundi: quod
apud eos piaculum vix expiabile foret: Immo si id fieret
ne vix quidem: præterquam quod etiam Vasa &
mantilia, quibus ipsi vtuntur, alijs vt ne vel attingant, in-
terdicunt, eo enim contactu Deum offendi & opinan-
tur & prædicant.

Ber

BER. Quemadmodum homines hi falsò sibi persuadent rerum naturas veluti, Circem, Medeam, Mellis, famq; transmutare, ità verè testamenti à Iesu Christo inter cœnandum conditi præscripta transmutant: Christus nanq; constituit, ut sui omnes quotiescunq; libuerit, ex eodem pane comedant, atq; ex eodem poculo combibant: At hi Christo ipso sapientiores inuertunt hæc omnia. Profecto sicuti dolendum est, hos magos ac præstigiatores hac falsa panis & vini in Christi corpus & sanguinem transmutatione mortalibus imponere, ità non minus ægreferendum quod vinum è conuiuiò subtrahant, quod ordines à Christo dispositos immutent, & quod rerum externarum contactu liberæ conscientias, criminis reas faciant.

TRI. Vix equidem recitare iam possum, ita me pietatæ profluentia nunc opprimit: nihilominus certum est, quo ad perfecero, non desistere. Idem populi suo ex hoc cibo quotidie aliquam partem sacrificant, atque illam sub Ecclesiæ persona offerunt Deo. Ex ea quoq; in usus aut etiam plurium gratiam edunt, ac sic demum ex hac utilitatum suarum mercaturam quandam faciunt. Istam ipsam verò mercem non solum emere volentibus tanquam Institores exponunt, sed mira quadam arte qui emant, alliciunt, afferentes hanc viuentium mortuorumq; hominum, nec non etiam irrationalium animantium, morbis omnibus, cunctisq; necessitatibus & remedio præsentaneo, & auxilio adminiculo esse. Nam quid referam quod hanc eandem, & ad matrimonium contrahendum, & ad liberos procreandos, Autabilior E
sive maris, sive fœminas malis, ad itinera tam terra risicthonis
quam mari conficienda, ad bella feliciter gerenda, ad Metra: et luc
amissas crosior.

LIBERVM ARBITRIVM.

amissas res inueniendas, ad ædificia construenda, ad prædam in venatione capiendam, ad immoderatas prauasq; tempestates abarcendas, ad omnia deniq; pro voto consequenda, etiam si magicis artibus tentanda forent, hanc eandem inquam valere, ac vim, pondus, momentumq; habere serio asseuerant: vt in ipsorum codicibus, quos Missales nominant annotatum est. Quidẽ quod nullum inueniri precium, quod ipsius valorem æquet, adiurant.

BER. Accedo sanè vt verum dicant, quum nullus in se precij hæc sit, quamuis ingentem illis vndiq; lucrũ afferat. Verum id intolerabile est prorsus, quod hoc impio suo mercatu Euangelicas conciones impediunt: Christianam pietatem extinguunt, & quod in ipsis est, vanam & inefficacem Christi mortem efficiunt, quum peccatorum condonationem, quæ solius in solidum Christi est, sceleratis, ac sacrilegis his suis mercibus attribuunt.

AM. Si putassem Tripho te tam impeditum spiritum habere, moriar, nisi alium qui recitaret, aduocatorem notarium: Sedenim quando non ita procul à meta iam abes, dimidia plus parte recitata, inceptũ perface, vtut potes.

TRI. Itã faciam. Ex eodem hoc cibo iidem homines particulam aliquã preciosis inclusam vasculis, quæ etiam vascula in ornatissimis quibusdam per templa tanquam cellulis reponunt, accensis propè lampadibus adseruant, vt ægros morbo graui, siquidem id ipsi petierint, inde recreent, ac reficiant, quẽadmodum Honorius tertius Pontifex Romanus eos facere & edocuit, & imperauit. Insuper eiusdem cibi partem in idem aliam quam vasculis (Tabernacula vocant) inclusam semel

quotian

Lib. 3. Decretal. Tit. De celebr. Miss. Et de consecrat. de Dist. 2. cap. Presbyter. Et in Cle. lib. 3. Tit. 16. Cap. Si dominum.

quotannis eo die,quem ex Thomæ Aquinatis cõsilio
 Urbanus quartus Pontifex Romanus his epulis, vt
 Athenienses olim Apateriam Melantho, consecrauit,
 per suæ ipsorum ditioni subiecta loca omnia sub Vm-
 bella nitidissima circūferunt. Atq; hoc ipsū quidē specta-
 culum nō modo Prouinciales ornati splendidissimis ve-
 stibus, verū etiā ex toto vndiq; bonorū operum regno
 populi confertissimi cereos accensos manibus gestantes
 comitantur: Vbi pariter videre est, & plateas, & cõpita
 omnia floribus, fertis, corollis, odoribus, cantilenis, sym-
 phonijs, curriculis, Tenlis, pegmatibus, ludis, cunctisq;
 lasciuijs referta. Quibus ludicris ceremonijs demum
 peractis, hilares omnes, ac læti, heroinæq; Indulgentiæ
 gratijs in capita distributis benè saturi domum reuer-
 tuntur. Præterea quoties Papa purpuratis Cardinali-
 bus auratis gemmatisq; mulis insidentibus, alijsq; suis
 creaturis comitatus, pompa splendoreq; plusq; trium-
 phali, tubis, tibijs, lituis, timpanis, bombardis, assistenti-
 umq; plausibus perstreptentibus, aut eques, aut aurata
 sella, per cathedralitios ministros latus in publicū pro-
 dit, ex isthoc ipso cibo minutula portiuncula precioso si-
 militer vasculo conclusa super gradarium equum, ar-
 dente in laterna funali disposito ante ipsū publicè
 præfertur.

BER. Abominandum scelus est, non vt, sed peruer-
 se abuti, vel potius profanare hoc modo cibum illum,
 quem Christus in sacrosanciam modo pro nobis obi-
 tæ mortis memoriam sumendum instituit. Nam quum
 Is eo suos discipulos pauit, non vt illum sacrificarent,
 ex illo mercaturam facerent, illum huc & illuc per vias
 ferrent, aut gurgustiolis includerent ad adorandū man-

LIBERVM ARBITRIVM

dauit, sed solum dixit. Accipite, & comedite, videlicet indicans inquem usum nobis cibum suum relinqueret, nempe vt illum comederemus, propterea quod qui hunc non edit, non habet in se vitam, etiamli milles quotidie sacrificet & adoret. Verū hi populi mea qui dem sententia ex eorum numero sunt, qui dicunt, ecce hic, ecce illic est Christus. Atenim quid ipse Christus ait: nolite credere, quandoquidem is iam non carneo, sed spiritali modo vult à nobis & cognosci & comedi.

De Transubstantiatione primū est ceptum disputari circiter annum domini 840. vter histōriis videre est.

TRI. Omnino respiratione destituor, Vnum hoc me solatur, quod velut è pelago litora conspicatus, navigationis huius terminum propinquum esse iam sentio. Postea verò quā huius prouinciæ populi, panē suum in carnem, & vinum in sanguinem Iesu Christi transmutare (quod transubstantiare ipsis est) incœperunt: atq; accidentia sine subiecto, vt iidem loquuntur, inde conficere, mirum quam ingens illis illatum est à quamplurimis hostibus bellum, præsertim autem à Bertramo Gallo, à Ioanne Philosopho, qui Scotus est cognominatus, & a Berengario quoq; licet nō continuo tempore: Nā hi omnes euincere contendebant, prouincialium horū eiusmodi transubstantiationem à Iesu Christo nunquā fuisse institutam, neq; post ipsum longo temporis intervallo in orbem vnquam introductam. Atq; illos, qui hanc ipsam introducere voluerint, falsarios extitisse aiebant: idēd quod à Christi morte nulli hominum vere licuerit amplius vtī verbis, quibus ipse dum viueret, ac suos inter cœnandū alloqueretur discipulos, est vsus. Etenim cum dixisset: Hoc est corpus meum, quod pro vobis datur, & hic est sanguis meus, qui pro multis effunditur, vtiq; tradidit suum corpus in mortem, ac suum sanguinē

sanguinem pro suis fudit. Nunc verò qui velicijdem
 verbis uti, mentiatu necesse est, quoniam nō potest am
 plius Christi corpus in mortem dari, nec sanguis eius in
 peccatorum remissionem effundi, quum ipsa remissio
 peccatorum vnica sui iplius oblatione sit in perpetuum
 facta. Quo igitur pacto, inquiunt, panem in Christi
 corpus, & vinum in sanguinem vi verborum transubstā
 tiare, poterunt (vt non minus falsò sibi persuaferunt,
 quam barbare loquantur) quum in referendis Christi
 verbis mendaces inueniantur? Sedenim ex opposito
 Prouinciales ipsi quamplurimos quum Duces, tum mi
 lites auxiliareis nacti, nimirum Leonem, nonum Victo
 rem, Nicolaum secundum, Gregorium septimum, &
 Innocentium tertium Pontifices romanos, cum suis ipso
 rum Concilijs, nēpe Romano primo, Vercellenſi, Flo
 rentino, Thuronensi, Romano secundo, ac Lateranen
 ſi. Ad hæc Paschasium, Lanfrancum Cantuariensem
 Episcopum, Rogerium, Guimundum auersanum Archi
 episcopum, Gratianū Decretistam, multosq; alios mo
 nachatenſis doctores: Albertistas, Thomistas, Scho
 tistas, Egidistas, Occanistas, nominaleis, ac realeis, na
 cti inquam per succedentia tempora, hanc sociorum tā
 validam manum insigni victoria potiti sunt. Cuius qui
 dem victoriæ, vt posteris memoria proderetur, diligen
 tissimè curarunt, vt Innocētius tertius paulo ante supra
 iam dictus pontifex romanus hanc transubstantiationē
 etiam miraculis comprobata, articulis fidei, quos vo
 cant, sic adiungeret, vt diris omnibus deuotus habere
 tur hæreticus, quisquis eam in dubium reuocare ampli
 us vnquam auderet. Itā hostes ad vnum omnes aut
 oppetiere mortem, aut sic deiecti sunt, vt ne mutire qui
 dem

Decretal: De
 summa Trinitate
 tenet hinc catho
 lica.

LIBERVM ARBITRIVM:

dem contra iam audeant:

BER. Bona verba quæso: Est vero credendum ipse rem habere. Nam non interijisse omnes & ego ipse, & alij mecum quamplurimi testes sunt, qui hanc plusquam metaphisicam, vel potius plusquam metamorphosicam, vt ita loquar, transubstantiationem, vt fallissimam res probant, nec de communi hoc errore consentiunt. Quin magis afflati diuino numine pro comperto habent, ac liberè profitentur, non edi Christum nisi spiritu, carnem esse, quæ Christum in carne quærat: nec miracula esse, quæ hic fiant, sed satanæ præstigias hoc pacto molientis efficere, vt aliud etiam, quam quod sacris literis continetur creditu necessarium existimemus.

AM. Diu tecum iam blateras Bertuci, nescio quidnam adsit, aut quidnam absit tibi.

BER. Hic nunc presens absensque vnà sum. Franciscano cuidam monacho pollicitus fueram me hodie ex Pœnitentiarum officina in cœnobium aracelense diploma portaturum, & adhuc tamen hic detineor, id quod sanè malè habet animum meum.

AM. Immo bono animo sis, nam video nos iam ad calcem decurrisse. Tu Tripho quando & urbium nomina rectè transcripta sunt, ad regni vectigalia recitanda descendit: Namque de immunitatibus à Romano Pontifice regi datis, nihil mihi demandatum est (licet ea quoque in his archetypis contineantur) vt aliquod exemplum excerpam.

TRI. Regni vectigalia sic habent. Bonorum operum regni prouincijs, urbibus, adeoque vniuersæ ditioni certum vectigal, quod Meritum dicitur, impositum est, vnde & pecuniæ innumerabiles exiguntur, & ingentes reponunt

reponuntur thesauri. Alia quoque seorsum vectigalia quibusdam ipsius regni locis imposita sunt, prout ipsorum locorum administratoribus est visum. Separatim verò locus quidam est, ea via, per quā ad cœlum itur, quo in loco munitissimum castrum (Purgatorium appellant) extructum est. Vnde tam Reuerendissimus Clerus, quam Monachateneses populi quæstuosissimas hauriant exactiones, propterea quod eorum bona pars, qui petaturi sunt cœlum, iter illac habere consueverint. Quibus tamen transitus non conceditur, nisi prius impositum tributum persoluerint. Quamobrem nonnulli etiam Purgatorij nomen loco inditum, quod sacculos purget, atque euacuet, arbitrantur.

AC. A quonam quæso mihi Amonicastrum hoc initio fuit exadificatum? etenim neminem adhuc inueni, qui mihi liquidò id indicarit.

AM. Quid hac de re mihi cōpertum sit, percurram breuiter. Quum in archiuo nostro non ita pridē meis in ordinem redigendis tabellis incumberē, vetustiores inter paginas reperi testamētum quoddam à Veritate longè omnium, quæ vnquē fuerint principe matrona Romæ olim defuncta, iam conditum. Quo quidem in testamento quum hoc de castro, tum de portorij illic impositis bene longa fiebat mentio. Nam isthæc ipsa Domina inter faciendum hæredes ex asse, diffusam quandam narrationem, ad exonerandam metu conscientiam testamento inseruit, in hanc fermè (vt referam breui) sententiam. Quandoquidem vulgo sic opinantur homines me castrum Purgatorium ædificari, locoque vectigal à prætereuntibus pendendum imponi iussisse, ac propterea his de rebus posse me tanquam aliqua de

M

parte

LIBERVM ARBITRIVM

parte assis, heredem facere, quem velim: par est utiq;
 me non per præstigia, sed palam rem ipsam ante
 oculos omnium ad liberandam onere tam graui me-
 am conscientiam ponere. Hic igitur publicè profiteor
 & contestor, ipsam fabricam nec me iubente fuisse con-
 structam, nec meam esse: quippe quæ nihil omnino ne-
 que in Liberî Arbitrii Regis, nec in Reuerendissimi
 Cleri ditione possideam. Caterum quò res apertius in
 ore, & in oculis omnium sit, quinam eius loci fabricato-
 res extiterint, quam verissimè & quam breuissimè
 potero hic exponam. Post annos circiter ducentos
 à Christo nato, quidam eiusdem ætatis patres eiusmo-
 di castrum ædificare cœperunt. Sed quoniam hoc ip-
 sum non nisi super uanas quasdam opiniones fundaues-
 rant, opus perficere nequiverūt. Sedenim annis postea
 paulo minus quadringentis Gregorius eius nominis
 primus Pontifex Romanus, falsis ac mendacibus larua-
 rum quarundam visis illectus, non tantum ad opus iam
 inceptum melius fundandum aggressus est, sed vt ope-
 timus redemptor auxit insuper totam ipsam fabricam.
 Atq; ex Missa prouincia virorum triginta præsidium lo-
 co imposuit, quorum opera quicumq; illuc peruenis-
 sent, expedite magis pertranlire possent. Neq; ardu-
 um ac difficile Gregorio fuit rationem inuenire, qua
 quum viri, tum mulieres è castro Purgatorio celeriter
 euaderent, qui Traianum Casarem ab Orco etiam po-
 tuerit haud secus q̃ Orphæus Euridicem reuocare. Po-
 stemò qui Gregorio huic Pontifices Romani successer-
 re, demonum illudentium, ac sese vita functorum ani-
 mas esse simulantium ope adiuti molem ipsam deniq;
 perfecerunt, synodi q̃ basilienfis admaniculo (Græcis
licet

licet aduersantibus) fidei quos vocāt articulis adscri-
ptam Clericatuī, monachatenſibusq; populis donarunt.
Qui omnes vnā deinde loco impoſuerunt id veſtigalis,
vnde tanquam indicæ formicæ diuitias innumerabiles
excavant. Ad hæc inſtituerunt, vt præter ſeptenarias,
ac trigefimas nundinas, quæ inibi frequentiffimæ ſunt,
celeberrimus quotannis mercatus quarto Nonas No-
uembris haberetur: quæadmodum Odilus Abbas in Si-
cilia quondam incœpit. Quò maximum inde quoq; ſibi
lucri, mortaleis omneis et nūmis & alijs rebus omnib;
emungentes acquirant. Præterea voluerunt, vt quis
quis illuc accedat, alieno ære ita grauatus, vt coſeſtim
ſoluendo non ſit, in ſqualidiſſimum carcerem conijcia-
tur in medio igne torquendus, donec ſingulis annorū
ſeptem ſpacijs, ſingula nomina aut ipſe per ſe, aut alijs
quiſpiam pro illo inducat. Quapropter etiam ne quis
ob eam cauſam diutius ibi conſiſtere cogeretur, ordi-
narunt vt Indulgentia maximi nominis Heroīna, quod
hæc per orbem vagari ad mortaleis tam culpa, q̃ pœ-
na liberandos conſueuerit, magna cura ac diligētia
eorum qui diſtinentur illic, neceſſarios adhortetur, vt ſe
internuncia pecunijs expoſitis illos eximant inde. Hæc
ſumma eſt longe narrationis eius, quæ in veritatis teſta-
mento continetur, & eorum omnium quæ de Purgato-
rio ipſe norim:

AC Non dubito, quæ dicta ſunt eſſe veriſſima, quæ
ab ipſa Veritate ſint dicta. Verum quia de Domina In-
dulgentia nonnihil hic etiam meministi, ne graue-
ris, amabo te, de huius quoq; origine mihi aliquid in-
dicare.

AM. Et hoc itidem paucis expediam.

M ij

Ac

LIBERVM ARBITRIVM:

AC. Ita quæso, nā oportuerat me iam hinc abiisse.

AM. Vt itaq; mihi ab antiquarijs quibusdam diligentissimis quidem illis, atq; eruditissimis viris, quibus cum mihi vetus necessitudo intercedit, relatum est, Heroïna hæc Indulgentia ex vrbe, Remissio poenarum canonicalium, vocata, quæ nonnullis ab Episcopis antiquitus in Pœnitentia prouincia structa fuerat, oriunda est. Pœnitentiam autem Prouinciã non eam dico, quæ in bonorum operum est regno, de qua paulo ante meminimus; At illam, quam ipsi ea tempestate incolebant Episcopi, quanq; postea simul cum ipsa vrbe temporum deleuit iniuria. Ac mihi quidem firmiter asserueratũ est, hanc eandem Indulgentiam è Romana sede non aliter quam Heben ex Iunone sine patris opera fuisse progenitam: Quæ sanè sedes ex Iesu Christi, Martyrũq; cruore, nec non ex reliquorum diuorum meritis, qui plura perpessi sunt, pluraq; bona opera confecerunt, q; ad parandum sibi ipsis cœleste regnum facerat, in vnum collectis isthanc ipsam in vtero conceptã paulatim in lucem edidit. Sed cur etiam Indulgentiæ nomen illi sit inditum si forte libet audire, memoriter tibi recitabo paucula quædam carmina ab ipsa quondam facta, quæ perquam dilucidè id indicabunt.

AC. Id verò mihi erit quam gratissimum.

AM. Sic igitur ea totidem verbis habent.

Esti nomine nunc parum latino
Indulgentia dicor à misellis
Qui me non minus ac suos ocellos
Papistis adamant, tamen vocari
Me sic res iubet ipsa, quod nihil me

Indul

Indulgentius esse comprobetur.
 Nam cuius scelus omne criminoso
 Indulgere parata sum, nec ulli
 Cuiusquam veniam negare culpæ:
 Christi nil opus est cruore cuiquam,
 Sed nummis modo: quos mihi benignis
 Si porgant manibus, nefanda fient
 Confestim omnia mundiora mundis.

Hos ego versiculos, in Archiuro similiter olim repertos
 adolescens edidiceram. Atq; hæc quidem fuere Domi
 næ Indulgentiæ incunabula. Quo verò deinde pacto,
 aut quo potissimum tempore in publicū prodire hæc
 coeperit, etiamsi certa determinataq; ratione comprehe
 di non potest, aliqui tamen sunt, qui Gregorium Pon
 tificem romanum, de quo proximè commemorauimus,
 hanc per Urbem, insecutos porro pontifices etiam per
 Orbem deduxisse arbitrentur. Et pontifices quidem
 illos, eam se magnificare, ut à cæteris quoq; plurimi fie
 ret, ostendisse. Hòc ut non prorsus affirmare, ita nec
 penitus refellere ausim. Suum hùc esto cuiq; iudicium.
 Verum enimvero quum hæc tandem orbi penè vniuer
 so tam innotuisset, Bonifacius eius nominis octauus
 pontifex romanus amorem in eam suum palam factus
 rus, illam ipsam Iubileo ludorum secularium Præfectio
 nuptijs locauit: Nec matrimonij huius obstitit copulati
 oni, quod is princeps Iudæus esset, propterea quod Bo
 nifacius ipse suis hùc manibus baptizauit, atq; ex Iudæo
 bono, Christianum fecit non bonum. Moxq; ambo
 bus imperauit, ut in Poenitentia quidem Prouincia vr
 bem satisfactionem incoherent: quum autem accederet

LIBERVM ARBITRIVM

Romam, diuorum Petri ac Pauli magnificentissima tēpla inhabitarent; attamen ea conditione, vt non nisi semel centesimo quoq; anno in vnum conuenire, ac ne tum quidem nisi annum vnum simul agere valerent. Etsi postea Clemens huius appellationis sextus romanus pontifex hanc mariti ab Vxore seiunctionem nimis omnino longam ratus, quinquagesimo quoq; anno coitionem iam dictam fieri iusserit. Nouissimè autem Xystus quartus itidem pōtifex romanus honestis ac legitimis de causis instituit vt quinto & vigesimo quoque anno vnà copularentur. Interea verò domina Indulgentia per id temporis quo minimè marito coniungebatur, huc & illuc ad ea quæ supra recensuimus officia præstanda errans atq; omniuaga discurrebat, quo tandem Alexander sextus iniquum esse iudicans Vxorem vagari per orbem solam, Marito interim domi in ocio commorante, cœpit & ipsum maritum frequenter extrudere: præcipiens ambobus, vt modo coniunctum, modo diuisim incedentes, vt ad quæstum vberiores parandum commodius esse ducerent, vndecunq; semper & ab omnibus omnia corraderent, spongiarūq; instar exurgerent. Id suum nihilominus habere voluit robur, vt quoties annus adueniret, quo simul eos esse Romæ conueniebat, prorsus ex Vrbe non discederent. Quod si quis exterorum per eius anni spacium aliquā sibi quauis in re fieri gratiam exoptaret, aut per se Romanam peteret, aut pro se alium quempiam mitteret, quoniam quæcunq; alias alibi gratiæ consueuerant fieri, eo ipso anno in Vrbe solummodo concederentur. Atq; hæc habui, quæ in vniuersum de domina Indulgentia tibi nunc breuibus narrarem.

AC.

AC. Summam, vt verum fatear, è tuo sermonē ce-
pi voluptatem, ac praesertim ex ea sermonis parte, quae
ipsum Indulgentiae ortum retulit. Ea namque quum sine
patris opera in lucem prodierit, miraculosam utique nati-
uitatem habuisse putanda est.

BER. Immo verò monstrosam potius. Nullā enim
vnquam immundiorē aut rapaciorem Arpyiam, quā
hāc sit, exortā esse manifestissime constat, vt recte de
illa dici possit.

Non fuit Autolyçi tam piceata manus:

AC. Ceterum prouecta admodum aetatis hanc esse
crediderim, quum tot saecula iam vixerit.

AM. Sic est omnino. Nam & ipsa, & Maritus pa-
riter senio iam confecti fabulam aetatis peregrisse viden-
tur. Verum tu Tripho id paululum, quod superest
iam expedi.

TRI. Monachatenſes populi per se peculiari quodā
& ueſtigali ſuis tantum locis impoſito (ſupererogatio-
nem nominant, ubi plus fit, quam imperetur) infinitam
bonorum omnis generis vim exigere ſolent. Vnde di-
uites eo uſque euadunt, vt è partis iſtiusmodi bonis ali-
quam partem alijs quoque nonnunquam vendere, non
nunquam etiam nimiae charitatis impulſu donare con-
ſueuerint. Haecenus exemplorum transcriptio.

Iam peruenimus uſque ad umbilicum.

AM. Gaudeo ita me Diſſament, nullum in exemplis
erratum inſe. Iam igitur iſthaec ipſa mi Elicite Actus
accipere, & adquem liberit deferre licet:

AC. Ita ſanè faciam. Vale.

Am.

LIBERVM ARBITRIVM:

AM. Tu quoque similiter. Vale.

ACTVS SECVN

DI. SCENA TERTIA.

ELICITVS ACTVS, BERTVCIVS.

Q Vidnam diplomatis illud est, quod recepisse te aiebas ē Pœnitentiarijs, quos uocant, impetraturum Bertuci?

BER. Ego dicam tibi: Monachus quidam aracasē sis mathematicarum disciplinarū professor, alioquin non imperitus, circuli quadraturam nouitio cuidam discipulo conabatur ostendere. Sed quum ad percipiendum rudem esse puerum sapius experiretur, velletq; ob id hunc leuiter verberare, paululum sanguinis ferula imprudens eliciuit. Supersticiosulus itaq; homo quū sit, existimat ab isthac irregularitate, quā appellant, se non posse nisi Papæ autoritate intercedente absolui. Quā obrem à me precibus contendit, vt absolutionem huiusmodi per aliquod diploma impetrarem.

AC. Nullo negotio impetrabitur: Nam eius generis casus, & Papæ & suis creaturis serè omnibus oblectamento ac risui esse solent.

BER. Masculæ veneris obscenitatē inter Papæ Creaturas dulcibus etiā sachinnis excipi vel id indicio esse potest, quod quum Pasquilli nuper nescio quod inuestigandum Carmen De Vario quodam non ita pridem Episcopo Nucerinò historiārū scriptore in huiusmodi
hominum

hominum frequenti corona recitaretur, soluto risu coeperunt omnes emori. Ipsum vero Carmen quia impudicam eorum pudicitiam, qui se publico etiam uoto castimoniam consecrasse mentiuntur, palam facit, hinc mihi referre nunc libet: quod sanè sic habet.

Tiresiæ baculo Varius non contudit angueis,
Et Variotamen est utraq; nota Venus:
Vxor enim simul ille, simul solet esse Maritus:
Quodq; magis mirum est, inter utrunq; mareis.

AC. Malos malè perdat hos Deus, qui tam probro suis facinoribus & seipsos dedecorant, & aliorum etiam honestas aureis contaminant, & offendunt. Verū ab iam Bertuci, ac tuum hoc negociolum expedi. Ego quoq; hinc summi Pontificis aulam ingrediar, ut quæ mihi à Rege nostro demandata sunt, exequar.

ACTVS TERTII

SCENA PRIMA,

DISCVRSVS, ORBILIVS, CLE
RVS, DIACONATVS,

Consueuerunt peritissimi Chirurghi quum leuioribus medicamentis membra putrida curare nō valent, ad grauiora tandem, puta ad vstulationes aut incisiones ad mouere manum, quò vel sic depascentem gangrenam

N

LIBERVM ARBITRIVM:

gangrenam, aut alium quemuis latè serpentem morbū coerceant, ne reliquī etiam tunc integri artus inficiantur. Hoc idem & summus pontifex romanus, & Liberum Arbitrium Rex cum his, qui suo ipsorum imperio sunt rebelles, vtpote cum sanie corruptis membris, efflicere nunc in animo habent. Etenim quum nec suaueis admonitiones, nec acerbis obiurgationes aliquid habere momenti ad sanandos hos videant, periculosas, atq; ancipites iam se velle curationes adhibere omnino decreuerunt. Sed interim inuise Orbili an Reuerendissimus Clerus in suis hīc palatinis aedibus nunc sit. Nā opus est, vt hac ipsa de re hominem alloquar.

OR. Non ita dudum per vicinas illum has porticus cum suo procuratore incedentem conspexi.

DIS. Subsequamur: Atenim ecce adhuc in proximo deambulant, salue Reuerendissime Domine.

CLE. Hīc Humane Discursus, aderas. Tu itidem salue. Quid, obsecro nouarum rerum ad nos affers?

DIS. Sanctissima sanctitas Domini nostri Papæ, ac Liberum Arbitrium Rex peculiaris meus Dominus vna iusserunt, vt suo ipsorum nomine nunc te contenerē & quæ colloctionibus paulo ante habitis inter se decreta sunt, indicarem. Opraissent quidem te: quoq; ipsi dem congressibus & colloquijs praesentē adfuisse. At quum id non contigerit; per me tibi non modo quid actū ibi sit, verum etiam eorundem actorum tibi ipsi fuisse demandatam executionem significari voluerunt.

CLE. Nunc hodie primum ex aedibus exeo: quorum enim Theologorum non vulgari mihi beneuolentia coniunctorum domi me hactenus occupauere negotia; qui per me sibi quàm celerrimè bullas quasdā absolui.

TRAGŌEDIA.

46.

solui quò mane cras hinc abire possent, efflagitauerant. Sed quem obsecro sermonem inter se. Monarchæ huiusmodi habuere? aut quarumnam rerum exequendarum mihi creditam prouinciam ab ijs fuisse nuntias?

DIS. Dicam tibi: Regi nostro nuper è Germania nescio quid nouarum rerum allatum est, quas quidem res visum est illi expedire, vt cum sanctissimo Domino nostro Papa conferret.

CLE. Ecquid earum est fortasse, quas iisdem Theologi de quibus tibi modo dicebam, retulerunt? Nam quum hodie mihi condixissent, apud me pransi sunt: mihiq; inter prandendum quamplurimos à sua maiestate ad Lutheranos desiscere nuntiarunt.

DIS. Isthuc ipsum.

CLE. Ergo quid inter ipsos monarchas hac de re disputatum est? nam diffuse mihi omnia refferri valde cupio.

DIS. Equidem eò libentius id faciam, quod ita etià facere sum iussus. Quum igitur ad Serenissimi Regis aureis huiusmodi rebellio peruenisset, illico de isthac ipsa cum summo pontifice benè longo sermone communicauit, ac deniq; humili obsecratione Pontificem ipsum precatus est, vt ne permitteret, ea se regni Bonorum operum possessione deturbari, quam antiquitus etiam ab alijs Pontificibus dono sibi datam liberaliter, hætenus integram inuiolatamq; seruasset, atq; hinc ab Archetypis qui notatā hanc donationem in se continēt, exempla transcripta Papæ obtulit. Moxq; subiunxit, se supplicem votis omnibus orare, vt ne pateretur improborum quorundā latrunculorum insolentiam tam late grassari, propterea quod sæpius vel paruulo ex igniculo

N ij

LIBERVM ARBITRIVM

culo maximum incendium soleat excitari.

CLE. Honeſta ſanè petitio. Verum quid reſpondit meus parens?

DIS. Primum iuſſit bono animo eſſe Regem: ſe di-
ligentiſſime curaturum vt in bonorum ſuorū poſſeſſio-
ne perfeueret. Ad hoc, antea quoq; ſibi renunciatum
ſuiſſe dixit, hos eoſdem, qui Regi damnum inferrent,
vniter ſæ papſtica Monarchiæ ebelleis eſſe: tantaq; in-
de moleſtia ſeſe affici, vt importunis huiuſmodi turbis
quoquo modo ire obuiam decreuerit: Se ueritioribus re-
medijs opus eſſe diſcitans, quando priora leniter adhi-
bita nihil omnino profecerint.

CLE. AEquè prudens me hercule reſponſio. Ve-
rum non ſatis commemini qualia fuerint, quæ prius ad-
hibita ſunt, remedia: id mihi in memoriam reduci ve-
hementer velim.

DIS. Haud difficulter hæc ſuggeram. Non armata,
ſed mites à primò quædam fuere preces, & correctio-
nes, ac non admodum graues reprehentiones: Deinde
quod hæc tum parui æſtimarentur, excommunicatio,
quam vocant, ſubſecuta eſt: quæ non in rebelleis mo-
do lata eſt, ſed etiam in alios omneis, qui quauis ratio-
ne, præſertim verò quorundam editione librorum ho-
mines ad ipſam defectionem inducentium, illis faueret.
Qua quidè in re animaduerti facile potuit, quam rigi-
da glacie frigidiora hi geſſent pectora, quoniam quum
excommunicationis acre fulmen ſuo prius & vehemē-
tiſſimo igne, & ardentifſimo furore totum terrarum or-
bem perterrere, atq; exanimare conſueuiſſet, homines
impij nunc id adeò nihili faciunt, vt ne calorem quidem
vllum inde perſcentiſſecre videantur. Ingens præterea
numerus

numerus Diomedum, Busiridum, & Procutum, quos
hæreticæ prauitatis Impositores vocant, è Monachatu
prouincia selectus est, qui tanquam Sathanæ emissarij
gladio stricto proscriberent, & in carcerem detruderēt
& capite plecterent eos omnes, qui capti conuictiq; se
se ab hoc scelere non reuocarent. Hæc prima fuere pe-
stiferi morbi huius medicamenta.

CLE. Non admodum aspera me iudice. Sed obse-
cro te, Quinam isti hæreticæ prauitatis Impositores?
Nusq; de his factam mentionem audiui.

DIS. Dixine ego Impositores? errauit. Inquisitores vo-
lebam dictū. Sunt autem hi, qui sauisimam carniſici-
nam exercent, vt quo iure quaque iniuriâ papisticam
perstrenuē tueantur Monarchiam.

CLE. Oh Carnifices ego istos optimè noram: Idem
enim sunt, qui à viris ac foeminis, quos ipsi, striges vo-
cant, adeo non abstinent manus, vt de his etiam iniquū
supplicium sæpe sumant. Nam cum misellos homuncio-
nes tormentorum vi adegerint, etiam quæ ignorant, fa-
teri, aut ingenti pecuniarum summa iniustam criminis
notam redimere illos cogunt, aut si id recusent facere,
comburendos procurant: vt eorum bona partim com-
mittantur fisco, partim ad se ipsos velut ad Quadrupla-
tores deueniant. Verum his nunc omisis ad inceptū
reuertamur. Velim ergo mihi narres, quæ denuo sint
huic valetudini iam adhibenda remedia.

DIS. Hoc illud est, quamobrem huc accessi. Beatissi-
ma beatitas Sanctissimi Domini nostri Papæ sic impe-
rat, vt tu ipse mi reuerendissime domine Theatinum, hæc Paulo ter-
tio Pontifice ro-
mano inter vi-
nos agente cõ-
scripta sunt.
Burgosum sancti Iacobi, Polum britannum, Marcellum
sanctæ Crucis, Cuouesum Hispanum, ac Puteum abys-
si

N ij

Reuerendiss.

LIBERVM ARBITRIVM

*Nam carnales
isti Carnificinae
buic suae San-
ctissimi officij
nomē invidere.*
 Reverendissimos Cardinales, novos nunc haereticæ
 prauitatis Inquisitores instituas: & sathanacissimum
 (sanctissimum dicere volui) horum officium voces: Il-
 liscq; dictatorium gladium atq; omnem autoritatem, ac
 potestatem suo nomine conferas, vt veluti Sextumui-
 rus munere fungentes hac in causa, summo studio no-
 centissimæ rebellionis huius expullulantem, immò iam
 longius multiplici atq; erratico lapsu serpentem radi-
 cem styripitus euellere pro viribus nitantur: nec alicu-
 ius omnino, qui ab ipso Papa aut iam defecerit, aut de-
 fectionem moliatur, vitæ parcant: Sed exuentes huma-
 nitatem omnem, leges ferant sanguine non atramento
 conscriptas: ita sanè vt in omneis pariter gladium strin-
 gant, omneis ad vnum interficiendos curent: idq; aut
 clam, aut palam, aut per se, aut per alios, vti causæ,
 quam agent, magis expedire iudicauerint: sic inquam
 vt qui ad hanc Maleam deflexerint, domesticos obliuisc-
 cantur. Cæterum quoniam fermè quotannis Monacha-
 tenfes quidam insolentissimi, vt ipsorum moris est, viri
 Quadragesimam Vrbem ingressi publicis concionibus
 aliquas turbas dare, complureisq; vt rebellent excitare
 consueuerunt, eosdem Sextumuiros admoneas iubet,
 peculiarem adhibeant curam, vt ij contineantur in offi-
 cio: neq; horum aliquis nisi ex suo ipsorum præscripto
 concionetur. Et ne in re tanti momenti errare contin-
 gat, neuc ea res Papæ sit fraudi, impressos libellos publi-
 cè in hunc vsum edant: quorum quidem libellorum de-
 cretis qui concionatores non steterint, continuò à con-
 cionandi munere submoueantur, aut in carcerem conij-
 ciantur, aut religentur, aut ad triremis damnentur,
 aut in Vrbem huc mittantur, vbi Sambico grauiora
 perpepsi

perpessi per Vulcanum, seu Tyberinum patrem feuerissimè puniantur. Quod vt etiam peragi commodius possit, principum secularium, quos vocant, auxilium ac fauorem sibi modis omnibus & concilient, & conseruent. Ergo tuas iam esse parteis noris, vt & quamprimum & sedulò hæc omnia exequaris.

CLE. Ego verò id quidem aclubens. Nec mihi dubium est, quin Reuerendissimi quoq; domini Cardinales hanc latis humeris prouinciam susceputuri sint, & magna cura, studiòq; administraturi, quò etiam de sua ipsorum re hic pariter agatur. In primis vero Reuerendissimum Theatinum certò scio promptissimè nobis affuturum, vt qui animo in papisticam sedem propensissimò semper extiterit, atq; hanc ipsam plusquàm suos oculos adamarit.

DIS. Hæc sunt, quæ iam secundo loco tanq; præsentanea pharmaea agitudine hac insana laborantibus miseris tuis parens iubeat. Quod si has quoq; medelas inefficaceis esse conspexerit, Ephesus etiam, uti literis, atq; extrema quæq; tandem experiri, Turcarum quoque (si opus fuerit) Imperatore in suum auxilium aduocato, constituit: quo pestis eiusmodi quotidie magis ingrauescens, prorsus deniq; suis è finibus tollatur. Atq; hæc illa sunt, quæ tibi significanda susceperam. Nunc ad Regem nostrum mihi est reuertendum: Is namq; me domi præstolatur, vt per hos, qui sunt abiturum, Theologos, Episcopi Viennensis epistolæ respondeam.

LIBERVM ARBITRIVM
ACTVS TERTII

SCENA SECVNDA

CLERVS, DIACONATVS, FELINVS;

CLE. Arbitror Diaconate hos Theologos, quibus hodie iuuandis operam nauauimus, bene contentos in patriam se recepturos, quum opimis per nos onusti sacerdotijs illuc redeant.

DIA. Mihi fit verisimile: atq; adeò sic existimo, hæc ipsa fore tanq; viscata munera quibus alij quoq; docti viri capiantur, vt premiorum spe ducti suis etiã scriptis papisticam Monarchiam sint ab aduersarijs omnibus defensuri.

CLE. Rem tenes: Et nos etiam ea de causa id facimus. Verum Diaconate mi optarim Sex istos Reuerendissimos Cardinales per te meis verbis admoneri, vt crastino die ad me velint huc accedere, quò negocium hoc ipsum cum illis transigere valeam.

DIA. Effectum dabo.

CLE. Felinum hinc tibi comitem assume, & quod commodo tuo fiat, rem nunc expedi: Ego verò cum Sacellano in cubiculum reuertar, vbi non desunt quæ agam plurima.

DIA. Vt iussisti, ita fiet, ne dubita.

Actus

ACTVS TERTII

SCENA TERTIA

DIACONATVS, FELINVS, HERMES.

Mihi sic videtur Feline, vt mulis domi relictis, iter hoc deambulationis loco sensim pedibus conficiamus: Qua in re si quid etiam defatigationis inesset, iucundis totum id sermunculis leuare poterimus.

FE. Arridet sententia.

DIA. Ergo iam ad iter ipsum, & ad gratas colloca-
tiones aggrediamur. Atq; vt ego hinc initium sumam:
Dic mihi obsecro Feline, es ne adhuc in illa de nostris
Theologis opinione, quam animo paulo ante imbibe-
ras: eos nimirum non adeò, vt vulgo feruntur, excellen-
teis esse? Vel ex hoc faciliè conuincitur, te non rectè
hac in parte sentire, quod in summo apud summū Pon-
tificem illi ipsi sunt precio, vt idem pontifex amplius in
hos collatis sacerdotijs, comprobauit.

FE. Homines bene fortunati non indigent multa sa-
pientia. Sedenim quod me potissimum mouet, vt hos
non magnificiam Theologos, id vnum est, quod ho-
die in instituta disputatione quum saepius alter alterū
varijs de rebus interrogaret, vno & eodem modo serè
semper alter alteri respondebat, his ferme verbis,
EGO DISTINGVO LARGE ET STRICTE,
adeò vt hoc ipsum responsum omnibus eorum interro-
gationibus, ac disquisitionibus non minus aptè suo
ipsorum iudicio conueniret, quam subligacula per Bal-
neatores

LIBERVM ARBITRIVM

neatores his data, qui lauaturi balnea ipsa ingrediuntur, podicibus omnibus conueniant.

DIA, Hæc tua comparatio Feline videtur esse parū reuerentialis, atq; his temporibus etiam scandalosa, vt nostri Theologi nunc loquuntur. An nescis Theologorum ipsorum has esse voces, quibus Aduersarios ita ludunt, vt ex quibusuis ipsorum argutijs haud secus ac Thetis ex Pelei manibus elabantur? Sed quisnam obsecro ille est, quem procul transeuntem conspicio? me hercule noster Hermes est, homo non minus antiqua probitate, quam singulari præditus eruditione licet odiosa paupertas haud aliter nunc illum, quā sæua Nouerca iniuste opprimat, quum hoc tempore sit.

Et genus & virtus nisi cum re, vilior alga.

Quanquam ille sola virtute contentus, vt quæ splendet ac per sese, nec sordibus alienis obsolescat, in sinu gaudet: ac promiscuè per hanc omnibus prodesse quærēs, memoriam sui nominis eleganter consecrat posteritati. Vnde etiam carmen hoc frequens in ore habet.

Sic viue, te vt vixisse norint posterī:

Vel potius esse mortuum non sentiant.

Sed hominē alloquamur, nō ingrātū erit hunc audissee FE. Vt libet.

DIA. Heus Herme: heus inquam? Quò ita meditabundus accedis?

HER. Quis me vult? ò mi Diaconate: domum me recipiebam.

DIA, Expedit in obsecro Germanorum Theologorum negocia:

Her

HER. Expediui omnia.

DIA. Bene factum De ipsis nunc Theologis cum Felino hic loquebar: etiam si non admodum illos multas cere videatur: quam id recte autem, ipse viderit.

HER. Fallitur opinione Felinus hac in parte: quum non suos inter aequales longe multumque omnino praestent. Quod si sermones ipsorum tam publicos quam priuatos, & audisset, & bene intellexisset Felinus, aliter afficeretur, scio.

DIA. Quaso te, si me diligis, mi Hermo, quando de priuatis etiam horum Theologorum sermonibus, hic abs te mentio facta est, velis mihi aliquid ex his referre. Nam praeterquam quod mihi rem gratissimam feceris, forsasse poteris hinc ab errore Felinum etiam reuocare. Quod si nihil aliud commemorare libet, vel id saltem recita, quod ab Ecchio tibi seorsum nudius tertius in aure dictum fuisse mihi paulo ante significasti: videlicet aliquos esse nunc Hereticos, qui os adeo perfricauerint, ut audeant contra Papae quoque potestatem, si diis placet, dicere.

HER. Quandoquidem mihi nunc vacat, libenter tibi operam dabo: neque id vnum modo quod petisti, sed quicquid aliud etiam libuerit, haud grauare recensebo.

DIA. Merito mihi charissimus es, teque in oculis fero.

HER. Verum enimvero antequam ad dicendum de sermonibus ecchianis aggredior, paucula quaedam de ipsorum Theologorum in Italiam aduentu, perquam breuiter mihi perstringenda sunt, quo dilucidius commodiusque reliqua omnia percipiantur. Ut itaque hinc initium sumam, quum supradicti iam Theologi Vrbem Romanam statuissem accedere, non eodem itinere omnes in Italiam

LIBER VM ARBITRIVM

liam descenderūt: Nam ex ijs aliquot per Tridentinas alpeis amœnum atq; ornatum Venetiæ oppidum Bas. sanum ad Meduacum amnem situm petentes Venetias contenderunt, vteam Urbem totius Europæ lumē inspicerent: Alij vero per in alpinos Rhatos Mediolanum certorum negotiorum gratia, sunt profecti. Et hi quidem quo die ad ipsorum alpium radices deuenerunt, hospitati quodam in vico sunt, Vbi lapides eleganter in vasa domesticos ad vsus accommodata tornantur. Quumq; hic statim à cœna huius artificij cupe-
rent officinas inuisere, Hospes ipse, qui domesticis occupationibus impeditus illos deducere non poterat, Causidicum quendam proximas ædeis incolentem orauit, vt pro se Germanis his Theologis id officij prastare vellet. At Causidicus, qui ut litteratus ipse ita litteratorum amantissimus erat, audiens hos esse Theologos, eò libentius, & ducem & comitem se illis præbuit, quò sperauit fore, vt inter eundum aliquid cum eisdē posset de religione conferre: Quod sanè demum etiam factum est. Etenim quum illis diligenter omnia cōmonstrasset, commodam occasionem nactus cœpit ab ijs quarere, an primaria summaq; potestas illa, qua nūc omnibus in rebus Papa fungitur, diuine an humano illi iure obuenerit. Deinde tum Liberi Arbitrij Regis, tum ipsius regni, separatimq; quarundam eius Prouinciarum res aliquot in disquisitionem posuit: quibus de rebus hodie nulla Monarcharum tam excellentiū habita ratione, ab omnibus vbiq; ferè disputatur.

DIA. Ita planè est. Nam etiam sutores hoc tempore sibi licere volunt, Papæ, ac Liberi Arbitrij potestatem in dubium vertere. Sed perge obsecro,

Hermes

HER. Tum Ecchius Vir omnium Theologiæ disciplinæ longè eruditissimus, Causidico respondit, ad ius diuinum Papæ potestatem pertinere. Primum quoniam in veteri quoque testamento summum Pontificem Deus instituisse, atque omnem huic omnibus de causis iudicandi auctoritatem, ac potestatem dedisset: quæ sanè pontificia potestas & auctoritas in nouo testamento postea in Papam tralata est. Deinde quod ipse etiam Iesus Christus per sese Pontificem romanum Papam dixisset: quum Petro dixit. Tu es Petrus, & super hanc petram ædificabo meam Ecclesiam, & portæ inferorum non valebunt aduersus illam. Et dabo tibi clauis regni cœlorum, & quicquid alligaueris in terra, erit alligatum in cœlis, & quicquid solueris in terra, erit solutum in cœlis: Et quum iterum Petro dixit. Ego rogaui pro te, ne deficiat fides tua. Atque etiam quum ei tertio dixit, Pasce oues meas. Postremò quia sacri canones eiusdem cum diuina scriptura prorsus auctoritatis, hanc ipsi Papæ primariam potestatem attribuunt, atque illam quidem tot insanis mirificisque munitionibus constabiliunt, ut nulla poenitus humana vi prosterni valeat.

DIA. Eæ sententiæ mea quidem sententiæ sunt, ut nostri loquuntur, irrefragabiles.

HER. Tibi sic videtur. At Causidicus longè aliter sentit. Nam Is Ecchio valde repugnās hac in parte, seque ex ijs aperte ac perspicuè vnum esse ostendens, qui & Papæ, & Libero Arbitrio Regi valedixissent, cœpit in arcem huius causæ inuadere, atque ex historijs quibusdam suis probare hanc ipsius Papæ primariam potestatem, summumque imperium res esse quas ipse libi malis artibus conquisisset: Neque illud diuino iure aliquo

LIBERVM ARBITRIVM

Christianæ Ecclesiæ caput, quod vni tantum Christo conuenit, esse propositum, sed seipsum talem ijs imposturis, quibus in omneis intendit suas fallatias, effecisse. Tum etiam addidit, in bonorum operum regno quamplurima secus habere, q̃ vulgo hominum opinio ferat, & q̃ publicis Rex idem scriptionib⁹ profiteatur:

DIA. Hæc paradoxa videri possint, quæ Causidicus assèrenda proposuit: quum& admirabilia & cōtra omnium ferè opinionem sint. Verum non ita hercle memouent, vt à Causidico timendum putem: quandoquidem paradoxorum pertractatio atq; explicatio non nisi Virorum est omnibus ingenio & doctrina longè præstantium: Qualem non esse hunc ipsum Causidicū mihi facile persuadeo. Sed institutum proseguere.

HER. Ita q̃ cœpit Causidicus in hunc fermè modum de Papæ primum causa, proloqui. Si miseri ceciq; mortales, quibus multos iam annos Papa, suis fucis, ac mēdacij imponit, eas aut legissent ipsi, aut ab alijs lectas obseruassent, historias, quæ Romanorum Pontificum vitas, ac gesta in lucem prodiderunt, facile proculdubio per se possent papisticas technas, fallatiasq; cognoscere, ac deinde non immeritò seipsos, quod ijs aliquando fidem adhibuissent, acriter increpare. Quapropter quoniam falsa isthæc opinatio, vel sumus error potius, quo quis ipse sibi persuadet Pontificem Romanum Ecclesiæ Christianæ diuino iure primarium caput esse, vel ob impias inde factas deductiones aliorum omnium perniciosissimus est. Volo tibi hic, inquit, ipsarum historiarum his de rebus compendiarîa via collectam summam in medium proferens, ipsius erroris ita primam originem demonstrare, vt vnusquisq; posthac per se facile

se facile cuiusnam iuris hæc pontificia potestas sit, an
mauertere valeat.

DIA. Proloquium, ita viuram, satis arrogans: Arbi-
tror hunc ipsum Caudidicum sibi ipsi non minimum
tribuisse.

HER. Ferè sit, ut eiusmodi homines parum abstin-
tes verborum sint: Immo prætermodum sint & audaculi,
& locutuleij. Verum ad rem nostram. Principio igitur
inquit, id obseruandum est, quod posteaquam vetus
reipublicæ Christianæ status, eo loci redactus fuit, vt
Episcopatum possessio non oneri, sed honori iam es-
set: ipsiq; Episcopi non gregis amplius curam, sed sui
tantum ipsorum, propriæq; vtilitatis, ac mundanæ di-
gnitatis haberent: Romani Episcopi cum Episcopis
Constantinopolitanis inter se diu de primaria huiusmo-
di potestate sibi sumenda & superbè, & ambitiosè con-
tenderunt. Nam vterq; suam sedem omnibus vbiq; lo-
corum Ecclesiis præpositam esse volebat. Atq; hinc fa-
ctum est, vt Mauritio imperante, Ioânes Cōstantinopo-
litanus Episcopus, aduocato in id Græcorum concilio
Vniuersalem Ecclesiarum omnium Patriarcham se ius-
serit appellari. Quod quidem Mauritius vsque adeo
comprobauit, vt etiam Gregorio primo huius nomi-
nis Episcopo Romano imperauerit, vt Constantinopo-
litani Patriarchæ in omnibus dicto audiens esset, quan-
quam eiusmodi imperio parere Gregorius ipse recu-
sauerit.

DIA. Euge Gregori, Bene ita me dii ament, abs te
factum est. Enimvero clauis Petro, non Constantino-
poli, sed Romæ fuisse traditas constat.

HER. Non ita multo post Bonifacius tertius Episco-
pus

LIBERVM ARBITRIVM:

pus romanus eiusdem Gregorij, Sabiniano tantum interposito, successor ab Imperatore Foca, qui Mauricio interfecto tyrannicè Imperium occuparat, astutè per dolum impetrauit, vt is ecclesiam romanam, omnium aliarum Ecclesiarum primam, ac romanum Episcopum, aliorum omnium Episcoporum, caput esse per orbem ediceret, atq; hoc sanè quidem, ait edictum, siue Imperatorium Rescriptum, vt vocant, non aliquod ius diuinum Primariâ pontifici romano potestatè attribuit, adeoq; paulatim ipsum extulit in sublime, vt etiam terrenis demum Imperijs manum iniicere, ipsorumq; Imperiorum res ad suam hanc stabiliendam potestatem suo arbitratu disponere non sit veritus. Et licet alij quidam potestatem isthanc ipsam ab Imperatore Constantino magno Papæ traditam fuisse autument, quia tamen hoc ipsum non nisi ex quibusdam Dreketorum suorum leuissimis paleis acceperere, nos cū Laurentio Valla, multisq; alijs doctis iuxta ac pijs Viris, falsum ac vanum esse commentum asserimus: Quod nihilominus etiam si verum esset, adhuc tamē ab homine Papa nactus esset potestatem, non ab ipso Deo, quemadmodum plenis buccis temere ac falso iactare solet. Quod autem hinc romanus pōtifex itā cristas erexerit, vt mūdānis quoq; iam velle Regnis præesse incœperit, vel ex hoc facile animaduerti potest, quod Gregorius itidē tertius hūc tertium Bonifacium longo tamen interuallo temporis infecutus, tertium similiter Leonem Constantinopolitanum Imperatorem, quia Is ad præscriptum diuinū imaginēs ē templis se inuito eiecisset, primum Anathemate iugulauit: deinde Italiæ populos iurifurandi religione, qua ipsi Imperatori obuiucti erant, absolutos, vt ab illo

illo deficerent impudenter, impieq; adegit. A qua po-
stea defectione, quū tam Romani, q̄ Rauennates ex se-
ipsis iam sibi magistratus et eligerent, et administrarēt,
Longobardorum odium in seipsos ob id adeo concita-
runt, vt eorum Rex Luitprandus exercitu comparato
Romam obsederit. At enim Gregorius non iam audens
ab Imperatore Constantinopolitano, vt qui irrogata in
hunc iniuriā sibi conscius elset, suppetias petere, Caro-
li Martelli, qui in Gallia secundum Regem itā erat, vt
illi penē par esset, supplex auxilium implorauit: atq;
eius ope demum & Urbem liberauit obsidione, & hostē
à ceruicibus repulit. Porro qui Gregorio substitutus
est Zacharias primus egregium sanē facinus incredibi-
li armatus audaciā perpetravit. Nam & legitimū Frā-
corum Regem Childericum amotum regno in Cœno-
bium detrulit, & Caroli supradicti filium Pipinum cui
nullum regnandi ius erat, in eius locum suffecit: quō
strenui Principis huius opera, quum opus esset aduer-
sus Constantinopolitanos Imperatores, reliquosq; suos
hosteis vteretur, Huic Zachariæ Stephanus secundus
successit, qui dum inauguraretur, ad Palatium Late-
ranense ceruicibus hominum delatus, eam inuexit: suā
perbam consuetudinem quam ceteri post hunc roma-
ni pontifices obseruauere;

Cap. 15. Quæ-
stione 6. Cap.
Alius item.

Vt quoties libeat sexta ceruice ferantur:

Is postea hunc eundem Pipinum ē Gallia in Italiam con-
tra Longobardorum Regem Aistulphum graui bello
Romanos impetentem bis exciuit. At Pipinus Aistul-
pho magnifice demum superato, Rauennatem Con-
stantinopolitani Caesaris Exarchatum, quem iniuste si-

LIBERVM ARBITRIVM

hi per ea bella Rex vsurpauerat, illi ademit, ademptum ꝑ Romano Pontifici dono dedit, si iure tamen quod neutriꝑ suum erat donare potuit.

DIA. Equidem sic existimo. S. P. Q. R. cathalogo patriæ Patrum non immeritò Pontificem hunc ascribendum censuisse, ac per totam Vrbem cantari iussisse.

Papponem dic-
tum est pro
pter carmen.

Roma patrem patriæ Papponem libera dicat.

HER. Cæterum quum in demortui iam Pipini locū Carolus eius filius Rex suffectus esset: Hadrianus eius appellationis primus ægreferens non minus vrbeis quā alia omnia Romanæ sedis dono data iam loca per Longobardorum Regem Desiderium acri bello, se pontifice infestari, miit in Galliam, qui Regem orarent, ut vergētibus iam ad excidium suis rebus maturè succurreret. Igitur statim conscripto exercitu Carolus in Italiam profectus non occupata solum à Longobardis loca in libertatem asseruit. Verum ipso Desiderio tandem capto, Longobardorum regnum per Italiam propè funditus euerit. Quæ demum gloriosa præclaræq; parta uictoria, romano Pontifici non eam modo regionem, quam Pipinus pater antea largitus fuerat, à Longobardis acceptam benignè restituit, ac paternam donationem ratam esse voluit, sed insuper hanc eandem additis Vrbibus quamplurimis cumulatisimè auxit. Quamobrem Hadrianus aliquam Carolo gratiam relaturus, celeberrimo Romæ cōuentu Pontificis eligendi, atq; Apostolicæ sedis ordinandæ, conferendorumque prouinciarum Episcopatuum ius ac potestatem pensipsum Carolum esse nemine resagante, declarauit: atq;

Dec. Dist. 63.
Cap. Hadria-
nus Papa Ro-
mam.

atq; in his ipsis ea omnia, quæ Carolus Rex non approbasset, irrita esse voluit. Quod sanè ius antea penes Constantinopolitanos Imperatores, aut eorum in Italia commoranteis Exarchos extiterat: Anathematiscq; vinculo (vt ipsi loquuntur) innodauit quotquot eiusmodi non paruissent edicto. Quanq; sint, qui velint, eam Pontificum eligendorum auctoritatem, quam Constantino politani Cæsares prius habuerant, à Constantino huius nominis quarto Clericis populoq; romano fuisse contraditam quo tempore Benedictus secundus Romæ pontificem agebat. Verum utcumq; hæc habuerint, satis constat, vel ex pontificiorum decretorum libris, tertâ & sexagesima Distinctione, capite Hadrianus Papa Romam, quæ nos recensuimus ita esse gesta, vt videlicet à nobis relata sunt. Posthac autem Hadriano iam defuncto, Pontificatum Leo sui nominis tertius adipiscitur. Sedenim ex Vrbe postea quorundam æmulatorum insidijs ausugere coactus, ad Carolum Regem se contulit, à quo etiam humanissimè exceptus est, ac mox in pristinum statum ac dignitatem restitutus. Pontificem subsecutus Carolus aliquanto post Romam peruenit: Vbi quum Leonis causam conuocata Clericorū populiq; concione frequenti cogniturus assedisset, ab omnibus reclamatum est, nemini prorsus, nisi Pontifici fas esse iudicare Pontificem. Quo Carolus audito quæstionem eiusmodi penitus omisit. Sub hæc vero Pontifex ipse ne tot actantis officijs ingratus videretur, sed quam maximo posset Regē demereretur obsequio, simul ne quid omnino rei Pontificibus romanis cum Cæsaribus Constantinopolitanis execrationi iam contrarius fasq; deuotis in posterum esset amplius, huc tan-

LIBERVM ARBITRIVM

*Currus bouē
trahit.*

dem euasit, vt inter sacrorum suorum quæ in Vaticano templo celebrabantur solennia, populo officij causa frequentissimo, isthuc ipsum Carolum Romanorum Imperatorem Augustum & dixerit, & consecrauerit, & inuinxerit. Iamq; inde sibi Romanus Pontifex inaugurandorum occidentis Imperatorum autoritatē vindicauit: Ac sic ordine præpostero factum est, vt Imperator, qui Pontificem prius inaugurare consueuerat, nunc à Pontifice sit ipse inaugurandus. ô temerariam Paparum tyrannidem in alterius possessionem superbè inuadentem. Insuper etiam Pipinum Caroli filium inuinxit, ac publico stabiliq; decreto Italia Regem declarauit.

DIA. Leoninum planè pectus habuisse hunc Leonē apparet, qui tam ingens tamq; egregium facinus, atq; in tantā Romanæ sedis & gloriam & utilitatē ediderit.

HER. Atq; his quidem in hunc modum peractis Leoni è medio iam sublato, Stephanus quartus surrogatur. Is in Galliam profectus, Ludouicum Pium Caroli Filium, quod ipse Carolus iam vita decessisset diademe coronauit. Inde Romam reuersus confestim obiit mortem, à pontificatus ingressu nondum anno circū actio. Pontificia deinde munia Paschalis primus, etiam non interposita Ludouici Caesaris autoritate adeptus est. Vt verisimile sit hinc potius, q̃ à superiore Stephano (vt quidam putauere) Pontifices Romanos incoeptisse iā sibi Cæsareæ ius autoritatis per dolum ac fraudem arrogare uelle, quod illis tamen minime successerit. Nam quæ de donatione ab hoc ipso Ludouico Paschali Pōtifici facta in veteri quodam Vaticanæ bibliothecæ libello, & quæ itidem in Pontificiorum Decreto

rum

rum codicibus continentur, omnino leuiores sunt, quā
ut ijs adhibere fidē iure & meritō debeamus; presertim
quum apud idoneos Autores videre sit, hanc eandem
confirmandorū Pontificū autoritatē penes ipsos Impe-
ratores, vel vsq; ad Henricū Cæsarem sui nominis quar-
tum, qui Gregorium septimum confirmauerit, perdur-
rasse. Caterum ne diutius his per seriem recensendis
inistam. Quum à Caroli Magni inauguratione Galli-
centum triginta circiter annos iam collata primum per
Pontifices romanos Imperij gestassent insignia, Ioannes
huiusce nominis tertiusdecimus Pontifex homo faci-
norosus, ac iam inde vsq; à putritia sceleribus, pro-
brisq; omnibus adeo inquinatus, ut in adulterio deniq;
deprehensus turpiter fuerit interfectus. Otho-
nem Germaniæ Regem Imperatoria dignitate ornauit: ornatū
iureiurando sibi obnoxium reddidit. At quali obsecro
& inquā iniquam formulam concepto iureiurando: ta-
li nimirum ut mirum videri possit non puduisse papæ
istas illud ipsum inter pontificia Decreta reponere.
Atq; ita demum ad Germanos romanum translatum
est Imperium. Postremo tandem Gregorius quintus
eius nominis pontifex natione Saxo legem tulit, ut so-
lis ijs Germanis Principibus Cæsarem ac Romanorum
Regem eligere liceret, quod ad id munus à se desti-
natos, Electores voluit appellari. Quæ sanè sanctio
nunc etiam perseverat: sub hac tamen conditione, ut
qui sit ab huiusmodi Electoribus Cæsar dictus, neq; te-
at etiamnum Augustus Imperator vocari, quoad ab
Romano Pontifice sit & inunctus, & diademate coro-
natus. Atq; his quidem fallacibus captiosisq; rationi-
bus, vel tendiculis potius, Romani pontifices paulatim

Dist. 63. Cap.
Ego Ludouis
cus.

Sabellicus cū
alijs quibusdā
Ioannem hūc
rū faciunt. De
Platiua. xiii.
fuisse ait: om-
nes tamen fla-
gitiosissimum
extitisse cōme-
morant.

Dist. 63. ut sup.
pra.

LIBERVM ARBITRIVM

ad sese omnia pertrahentes, ac velut in aqua turbida piscantes, bonorum simul omnium, & coelestium, & terrestrium, & infernorum iura in se solos adeò deriuauerunt, vt per isthac ipsa seipsum deinde superbius extolentes, atq; in longe diuersam à pristina degenerantes naturam, è Ministris, Magistris, è Pastoribus, Impositores, è minimis, Maximi, ex Episcopis, Monarcha, deniq; è Christianis, Antichristiani, vel Antichristi potius euaferint. Et licet in nonnullis historiarum quas huc attulimus locis, autoribus ipsarum non per omnia inter se conueniat, id ex ijs tamen, quod vero similis visum est, contracta hac summa, quam fieri breuissimè potuit, exceptum est. Porro autem supererat adhuc dicendum (aiebat ille) quo pacto & Nicolaus primus, & qui huc secuti sunt Pontifices romani etià ecclesiastica, quæ vocant, iura ad Clericos tantum reduxerint: & quomodo creandorum pontificum potestatem penes solos Cardinaleis, esse voluerint: & qua demum ratione reliquos omnes Episcopos vna cum suis populis constituendorum sibi Ministrorum auctoritate, sacerdotiaq; his ipsis assignandi facultate, priuauerint, atq; hæc omnia ad solius Papæ tyrannicam dispensationem reuocarint. Sed quia velle cuncta hæc ad viuum refecare nimis fortasse longum foret, tum etiam quod mihi videar hac breuissima rerum gestarum narratiuncula satis ostendisse, quod me receperam comprobaturum, summam videlicet hanc potestatem, qua nunc Papa defungitur, minime omnium diuino iure: quin ne positiuo quidem, vt loquuntur, sed impositiuo magis diabolicoq; constare, finem hæc de re loquendi iam faciam.

DIA. Hominem orco dignissimum, Causidicū hunc dico

TRAGOEDIA.

56.

dico, qui maleuolentissimis obrectationibus Papæ potestatem ita vexet. Verum quid obsecro tandem productis ab Ecclia ex veteri nouoque instrumento sententijs respondit?

HER. Quod ad locum è veteri testamento desumptum attinet: Pontificatum ac Sacerdotium illud vetus non in Papam, sed in Christum, quem summus ille Pontifex adumbrabat, fuisse translatum asseruit. Qui quidem Christus æternam immortalitatem iam nactus, eius sacerdotij munus absque Vicario solus administrat, gloriamque ex hac ipsa administratione prouenientem nemini prorsus vni mortalium concedit. Neque enim externis tantum in rebus officij huius executio, ut in veteri testamento sita erat, nunc est posita, sed multo magis in illo vndecunque perfectissimo opere, quo per mortem suam reconciliauit nos deo, ac pro nobis apud illam perpetuè intercedit. Quod vero ad sententias è nouo testamento citatas pertinet, ita respondit, nullam Petro Potestatem seorsum à cæteris apostolis per euangelium esse traditam. Etenim (inquit) super seipsum, non super Petrum ædificauit Christus Ecclesiam suam: quoniam ipse sit angularis ille lapis ac solidum fundamentum præter quod quidè aliud iacere nemo potest: id quod ex ipsius Euangelij contextu nullo negotio deprehendi potest. Enimuero quum suos vnà discipulos omnes interrogasset Christus his verbis: Vos quem me esse dicitis? Petrus & suo & aliorum nomine ita respondit. Tu es Christus dei uiuentis filius. Ac super hanc petram, quā confessus est Petrus ædificauit suam Christum ecclesiam, atque huic ipsi cælestis etiam Regni clauis est pollicitus: quæ sane nihil aliud sunt, quam remittendos

rum

LIBERVM ARBITRIVM

rum aut retinendorum criminum per Euangelij concio-
nem ac ministerium facultas quemadmodum luce cla-
rius indicauit ipse Christus, quum à resurrectione sua
missurus Apostolos per orbem illis dixit. Vt milit me
pater: ita & ego mitto vos, afflans ꝑ ait: accipite spiritum
sanctum: Quorumcunq; remiseritis peccata, remittuntur
eis, & quorumcunq; retinueritis, retenta sunt. Ex
quibus verbis planissime colligitur & dandarum clau-
um promissionem Petro, qui ecclesiae typus erat, facta,
& remittendorum, ac retinendorum scelerum potesta-
tem vniuersae collatam Ecclesiae vnum penitus & idem
esse: atq; huius item potestatis executionem in verbi Dei
(vt paulo supra dictum est) administratione consistere.
Qui credit ex animo promittenti per suum Internunti-
um ac Ministrum Deo, se solis Iesu Christi meritis pec-
cata omnia cōdonare, Is procul dubio soluitur: atq; hu-
ic ipsi cuncta remittuntur delicta. Qui verò id non cre-
dit, in suis pristinis noxijs vincit manet, aeternae dam-
nationis retribus inuolutus: quod scilicet Christum Iesu
Soterem ac liberatorem non admiserit. Atenim hic
illud obseruatione dignum est: Vos Papistas & inepte
& inique clauis ipsas ab ipso Christo scientiae, Regniq;
caelorum dictas, pluribus alijs rebus accommodasse.
Nam & ad urbem Confessionem Auricularem claudē-
dam, atq; aperiendam, & ad impias leges condendas,
& ad vestras excommunicationes inferendas, & ad me-
rita quā Christi tum Diutorum simul dispensanda, atq;
ad alias eiusmodi res non ē sacris litteris petitas, sed so-
lummodo ad papisticam Monarchiā stabiliendam, &
ad compillandas vndecunq; pecunias per vos excogita-
tas vobis licere his ipsis vti voluistis. Secundam post
hac

hæc sententiam ex Euangelio inductam, vt quæ nihil ad hanc rem faceret, penitus reiecit: nullam inde neq; primariam, neq; secundariam Petro dari potestatem asseuerans. Verum per ea verba monitum à Christo Petrum, ne ob negationem in quam casurus erat, spem fidei ac salutis abijceret. Tertiam quoq; sententiam elusit hoc modo, nempe Christum per hæc verba, pascere oves meas, neutiq; voluisse dicere Papam totius orbis esse caput: Sed hinc tantummodo cum Petro, tum reliquis Euangelij Ministris in Petro, veri, boniq; pastoris officium indicasse: quod utiq; est gregem Christi Verbo Dei, cæterisq; Euangelicis ministerijs pascere: non autem hunc ipsum (vt hodie sub Pastorum persona lupi rapaces efficiunt) intus, extracq; deglubere. Postremo ad sacros Canones deuentum est: Hic verò ita excauauit Causidicus, vt ingentem esse blasphemiam exclamauerit, Papisticos Canones diuinis scriptis exæquare uelle: quod tantundem id esset, ac Dæmonem Deo æqualem facere: ac præterea dixerit, eam potestatem, quam summam sibi ex ipsis Canonibus arrogat Papa, nihil aliud quam Satanicam tyrannidem esse: constanter affirmas papisticarum scripturarum loca omnia, quæ talem potestatem attribuunt Episcopis romanis antequam Bonifatio Rescriptum à Phoca concessum fuerat, esse falsa: atq; ab ambitiosis Paparum adulatoribus introducta: quò simpliciorum animis commodius hunc errorem imprimerent: quemadmodum & in ficta Constantini donatione ab eisdem est factum, vt vanis huiusmodi coloribus ac fucatis firmamentis papisticam Monarchiam constabilerent: nec mortalium quisquam in futurum vel hincere in contrarium auderet. Esse autem

Q

quæ

LIBERVM ARBITRIVM:

quæ diximus, ita vt diximus, ementita, etiam si multis
coniecturis atq; evidentibus quidem illis facile com-
monstrari posset, ne tamen in re manifestissima diutius
immorandum sit, duas tantum hic ex papisticis etiam
Decretis acceptas in medium protulisse fat erit. No-
nagesima nona ipsorum Decretorum Distinctio ex A-
fricanæ quoq; synodi sententia, non permittit, primæ se-
dis episcopum, principem sacerdotum, vel summum sa-
cerdotem, vel alio huiusmodi nomine appellari, sed pri-
mæ tantum sedis Episcopum. Ergo si concilium ea tem-
pestate non sustinuit, vt aliquis Episcopus inter ceteros
primi sibi nomē assumeret, quanto tulisset minus aliquē
factis etiam nedum solo nomine aliorum omnium esse
primum? Qua ex re licet animaduertere, quo pri-
mum tempore hoc habitum est Concilium, papistica
huius Monarchiæ nullam adhuc in orbe mentionem
extitisse. Huc accedit, quod Gregorius primus, cui, Sa-
biniano tantū interposito, Bonifacius tertius successit,
passim per sua scripta testatur, neq; se, neq; Anustitum
aliquem Romanorum, qui se præcesserint, voluisse vn-
quam Vniuersalis Episcopi nomen admittere: quin po-
tius hunc aliorum primi capitis titulum, tanquam pro-
fanū, ambitiosum, superbum, atq; adeo Antichristianum
semper & aborruisse, & explosisse. Quo sanè fieri con-
spicuum est aut Gregorium esse mendacij arguendum
qui neget inter Episcopos aliquam potestatem fuisse
primariam ante seipsum: atq; vna cum ijs, qui præcesse-
rant, Episcopis Romanis etiam in Deum iniuriū, qui
diuino iure sibi traditam potestatem accipere admini-
strareq; recusauerit: aut papisticos Adulatores falsitatis
conuincendos, qui confingendis istiusmodi rebus, eo-
rum, qui ante Gregorium existerent, scripta corruerint,
adden-

addentes, vel adimentes inde quicquid ad constabili-
endam hanc ipsam Monarchiā expedire iudicauerint.
A qua sanē deprauandarū scripturarum consuetudine
non abhorreere papistas vel id indicio est, quod etiam
cū Meleuitani Concilij Decretis eorū nonnulli hoc idē
facere tentauerunt. Astipulatur hac in re nobis Ildo-
rus: qui in volumine de priscis Concilijs Zosimum Pa-
pam Concilio Niceno primo Canonem vnum ad suam
vel ex parte tyrannidem confirmandam falsō addere
voluisse refert. Atqui hūc fortasse quispiam mihi dicat,
alias à Gregorio Synodos hanc Romano Pontifici di-
gnitatem concessisse: huic (ille inquit) ego responsum
hoc dabo, id nequaquam legitime fieri potuisse: quum
eorundem Pontificum Canones itā præscribant: vt si
contingat super eadem re sententijs inter se varijs dissi-
dere Concilia, illius Synodi sententia magis teneatur,
cuius antiquior & potior (sic ipsi loquuntur) extat au-
toritas, vt quæ diuinis literis magis consentanea sit. In-
super, aiebat, quum ipsum Christum Ecclesiæ suæ caput
esse nemini dubium sit, Si Pontificem Romanum itidē
caput esse constituerimus, Ecclesiā ipsam Geryonacei
canis instar duo simul habere capita necesse erit: id
quod vtiq; monstruosum foret. Paulus Apostolus inte-
gram imaginem veræ Ecclesiæ suis Ephesijs ob oculos
ponens, non modo nullam alterius capitis quam Chri-
sti mentionem facit: Sed ostendit potius rem à Christia-
na institutione prorsus alienam esse, aliud caput huic
velle, quam Christum adiungere. Ad hæc si Romanum
Pontificem Ecclesiæ Christianæ caput esse concesseri-
mus, asserendum erit, hanc ab ipso vitalium spirituum,
quibus alitur ac nutritur, defluxus recipere: puta pec-
catorum

Dist. 50. cap.
Domino Cle-
bum de verbo.

Sargitus vo-
cabatur Is ca-
nis Cerberi
frater.

LIBER VM ARBITRIVM

catorum condonationem, diuinum in seipsam fauorem, atq; vt vno verbo complectar omnia, perpetuam, sempiternamq; salutem. Sedenim quum satis constet ipsam Ecclesiam vitalem hanc, vel spiritalem magis ac salutarem vitam non nisi ab vno capite Christo, vnde omnis plenitudo exundat in membra, percipere (non enim vllum aliud nomen est sub cœlo datum per quod seruandi sumus) necessariò consequitur solum Christum Christianæ ecclesiæ, quæ mysticum est ipsius corpus, verissimum esse caput.

DIA. Dii boni quam audacem Causidicum in hæreticis huiusmodi recensendis opinionibus audio. Equidem miror Ecchium non illicò iussisse hominem comprehendere & vtilari.

HER. Per quam libenter id effecisset Ecchius, nisi Magistratus obstitisset autoritas. At Rhetorū acquisita iurā molestis ranis, ne mordeant, excrescere dentibus haud permittunt: quin illas etiam ne coaxent impropunè, Seriphiiis magis mutas reddunt, atq; inter Acanthias cicadas collocant. Verumtamen Ecchius ipse pro loco prudentissimè excepit. Se nimirum Enchiridion quoddam aduersus Lutheranos edidisse, quo libello & hanc, & alias quæ nostra tempestate vigent, hæreses bellicosissimè confutauerit. Si vellet hunc ipsum perlegere, viam atq; aditum patere, quæ se non difficulter à suis erroribus reuocare posset. Tum Causidicus Ecchij, inquit, contra Lutheranos Enchiridion perlegi: Libelli tamē auctorem de facie non noram. Quod si tute scriptionis illius Auctorem facis, benè habet, iam integrum est mihi, quid eruditi, p̄i q̄ viri de illa sentiant, coram in o s indicare. Pleriq; omnes arbitrantur: arbitrantur autem immò

immo verò planè affirmant, te quidem quum eam luctu
brationem ederes, partum luce prorsus indignum in lu
cem dedisse, incredibiliq; infantia non nisi meras nu
gas, aniles fabulas, figmentaq; numeros omneis impie
tatis habentia vt crapulam exhalares euomuisse: quod
apud imperitos audacia tibi pro sapientia vti licuerit.

DIA. Si Romæ nunc esset Is Causidicus, oh quā pul
chellam hostiā Tyberino aut Vulcano potius offerres
mus. Verū prosecutusne est Pape res lōgiori sermone?

HER. Prosecutus omnino. Nam subintulit mirum
non esse Papam ipsum grauem tyrannidem in quos ille
vocat laicos, vsurpare, quum & in suæ ipsius Ecclesiasti
cæ Hierarchiæ viros etiā idem efficiat. Nonne, inquit,
Romanus pontifex eisdem suis gregalibus præter alia
propè innumerabilia onera, quæ illis ipsis imposuit, eti
am matrimonio interdixit: nulla sacrarum literarum tā
veteris, quam noui testamenti quæ contrariam senten
tiam comprobent, habita ratione? An non tibi videtur
hoc fuisse pondus intollerabile? Et quanquam Græci
huius inhumaniſſimo iugo ceruicem nūquam suppone
re voluerint: latini vero diu quidem & ipsi pro virili
parte restiterint, ne subiugarentur, vt in Actis huius
causæ gestis cum Sericio, Callisto, Eugenio, Sergio secū
do, Gregorio & primo, et septimo, Nicolao primo, Ro
manis pontificibus: item cum Meldensi concilio, Cartha
ginensiq; ac Romano videre est, paparum tamē Satha
nicus impetus tot effosis clam cuniculis impetiuit hāc ar
cem, tot adhibuit machinas ac tormenta, vt externa de
niq; victoria sit potitus.

DIA. Insignem calumniam Papis inurit Is Causidicus
hoc in loco: atq; illos falsò crudelissimi dominatus insi

Q

ijj

mulat

Joem Micens
Synodus pri
ma.

LIBERVM ARBITRIVM

mulat, quum non tyrannidis, sed castimonix atq; honestatis ergo ea sit lata sanctio: Nam & in veteri testamento etiam scriptum extat. Estote sancti, quia ego sanctus sum Dominus Deus vester.

HER: Rectè quidem, Etenim qui non sit æquum eiusmodi Viris ad castitatem seruandam legitimū coniugium prohiberi, quū Gallos Cybelis Ministros antiquitus ea de causa etiam castrari mos esset: Atheniensiumq; Sacerdotes Hírophantas cicuta haustu seipsos euirare.

DIA: Nolim equidem eo pacto castitatem mihi seruandam proponi. Quod si quis putet rem huiusmodi secretò fieri, absq; vllis Arbitris posse, sciat is mihi rem displicere sine testibus factam, quemadmodum etiam Cōbabo displicuit, quū illi Seleucus Rex peregrè proficiscentem suam Stratonicen commendauit.

HER. Enimuero lepidè ac venustè. Nam vobis Clericis, si mutili non sitis, licet coniugio sit interdictum, haud propterea tamen est vetitum ad aliorum vxores etiam sine metu talionis accedere. Quin potius

*Corrumpit si-
ne talione Cœ-
lebs.*

Antiquum & vetus est alienum Clerice lectum
Concutere.

Vt interim de vestris alijs libidinibus vagis, de Ganimedibus, Catamitisq; nihil dicam. Sed vt ad Causidicū nostrum reuertamur. Cœpit is etiam mox alijs quibusdam de rebus ad Liberum Arbitrium Regem attinentibus loqui: dixitq; primum quidem præter officium fecisse Papam, improbeq; adeò egisse, quum in Christianorum societatem ab initio sceleratum hunc hominem veluti postliminio reduxerit: qui prius quo tempore illum Pellagius & Cœlestius introducere tentas-
sent,

sent, ab Innocentio sui nominis primo, & ab Arausica
no Concilio fuisset expulsus: Deinde uerò etiam pro
ditæ Diabolo reipublicæ Christianæ, reum esse factū,
quum hunc eundem & Regem instituerit, & honorum
operum opulentissimo Regno donauerit: quandoqui
dem Is continuo post adeptam coronam sese ad tantam
extulerit superbiam, ut arroganter, ac temere sibi per
suaserit, se ex se posse, & eligere, & velle, & facere quic
quid libeat: posse quum bona, tū mala omnia suo arbi
tratu operari: posse deniq; per suas hæc, quas ipse vo
cat bonas operationes, in cœlo sibi sempiternā fœlicita
tē parare. Miser qui non animaduertat abesse tantū vt
hæc præstare per se possit, vt ne cogitandi quidem horū
aliquid aliquam ex se vim habeat. Atq; hinc arrepta de
Bonorum operum Regno loquendi ansa Causidicus
Ecchio nouam attulit quæstionem. An uidelicet Chris
sti Iesu Apostoli in Prouinciā Missam fuerint vnquā,
vt complures opinantur, ingressi: & an illam honorifi
centissimè, vt modo sanè celebratur, celebrauerint. Cui
Ecchius ingressos omnino fuisse respondit: asserens &
Petrum & cæteros Apostolos, & Iacobū Hierosolymi
tanum Episcopum identidem illam frequentasse: quā
uis eorum tempestate varijs cultibus exornata, veluti
nunc est, adhuc non esset. Atqui ego, (inquit Causidi
cus) ex contrario contendo, nunquam illuc Apostolos
contendisse. Et quodnam obsecro magis euidentis ar
gumentum ad id afferri possit, quam quod ipsis uiuen
tibus ea prouincia nondum in actu (vt uos Theologi
Scholastici consueuistis loqui) etiam tunc extiterit: Id
quod ex historiarum uestrarū libellis, quemadmodum
& superiora cōfecimus, facillime commonstrabo, palam
profe

LIBERVM ARBITRIVM:

proferens eos omneis, qui hanc ipsam per singulas eius
 parteis erexere: atque in eandem & barbaram linguam,
 & impios ritus inuexere. Iam igitur quo per seriem ad
 hanc rem aggrediar, primum dico Cælestinum pontifi-
 cem romanum Prouinciâ huius Introitum exadificasse
 Gregorium vero primum Kirie eleyson in ea repeti no-
 uies, offerriq; Offertorium ordinasse: Porro Thelespho-
 rus, Gloria in excelsis Deo, atq; etiam Tractus, hic dici
 uoluit: Gelasius, Collectas, et Gradualia, et Præfacia si-
 mul apportauit: Gothgerus Abbas Sangallensis inep-
 tas quasdam Sequentias adiunxit: Damasus, Alleluia
 ex ecclesia Hierosolymea sumptum, nec non epistolas,
 atq; euangelia recitari constituit: Marcus Nicenum
 Symbolum: Xystus vero interpoluit, sanctus, sanctus,
 sanctus: Atquidam Scholasticus nomine sacrum inse-
 ruit Canonem. Leo secundus, Pax domini, atq; Innocen-
 tius primus eius pacis osculum introduxit: Pelagius cõ-
 memorationem Defunctorum inuexit: Sergius secun-
 dus attulit, Agnus Dei qui ab ariete Phrixæo ducẽ ori-
 ginem, aureum vellus & ipse habet. Leo tertius, hanc
 thure suffumigauit: Urbanus primus aureis, atq; argen-
 teis uasis exornauit: Alexander primus vinũ hic aqua
 dilui præcepit: Stephanus primus vestium, atq; indu-
 mentorũ formam, qua Incolæ uterentur, instituit: Gre-
 gorius quintus Cantiones, quas Gregorianas appellat,
 ad inhabitantium demulcendas aureis adhibuit. Atq; ij
 quidem sunt authores & Archytecti, qui longo post A-
 postolos interuallo Missam Prouinciam veluti quibus-
 dam centonibus, & miscelaneis in vnum consarcinatis
 extruxere. Quod quum re uera ita sit, qui quæso aude-
 tis vos papistæ scelus tam nefarium facere, vt pertinaci-

ter.

ter asseueretis Apostolos eā incoluisse Prouinciā, quæ
sua ipsorum nondum existeret ætate: Et quanquā ali
alios etiam Fabricatores, aut alioqui alio modo nonnul
las huius Prouinciæ parteis architectatos esse non infir
mis coniecturis existiment, pro comperto tamen apud
omneis eruditos ac pios id viros est, a quocunque tan
dem ex partes fuerint extructæ, synchronas Apostolis
non fuisse. Quin illud affirmare non dubitē, ipsos apo
stolos, si contingeret nunc rediuiuos huc reuerti, magis
hanc esse Prouinciā euitaturos, quam Romana Cu
ria Christianum, generale, liberumq; Concilium subter
fugiat: quum, nulla sanē alia in toto terrarū orbe Pro
uincia sit vbi sceleratius quotidie millies Iesus Christus
venundetur: vbi precium sanguinis ipsius magis nesa
riē proteratur: vbi deniq; alienis fortunis per hanc occa
sionem diripiendis auidius inhietur: ita vt exterorum
bona fructulq; quotannis etiam renascentes, ab ipsius
Prouinciæ populis haud secus atq; Titij iecur à Vulturī
bus perpetuò exedantur. Frequens huc insuper eorū
mercatorum confluit numerus, quibus solis, vt in Apo
calypsi Ioānes ait, & emendi, & vendendi facultas est,
propterea quod soli etiam Bestiæ sint caractere in
signiti.

DIA. Quis non huic Zoilo pestem exoptet, vel po
tius vt in Phalaridis taurum conijciatur: quando verbis
tam malignis ita debachari audet in eam Prouinciā,
quæ sanctitate, ac potentia longē alijs omnibus Bonorū
Operum Regni Prouincijs antecellit: ac non modo to
tum hoc regnum, sed vniuersam simul papisticam Mo
narchiam, velut Arx quadam munitissima tueatur, ac
seruet.

R

Hec.

LIBERVM ARBITRIVM

HER. Recte tu quidem. At quid ad Causidicum? qui huiusce Regni Prouincias, Vrbesq; contemnit? ac nullo numero penitus habet? Nam statim ab ijs cepit Ecchiū denuo interrogare an crederet, Urbē quā dicit Auricularem Confessionem, à Iesu Christo per Apostolos in Pœnitentia Prouincia fuisse conditam, vt vulgo homines opinantur. Cui Ecchius fuisse conditam respondit, atq; id etiā argumentis ex Euangelio desumptis apertissimè demonstrauit, hoc modo. Iesus Christus ita suos apostolos allocutus est. Quorumcunq; remiseritis peccata, remittuntur eis, quorumcunq; retinueritis, retenta sunt. Neq; noscent, neq; possent Apostoli, Apostolorumue successores aut remittere, aut retinere peccata, nisi distinctam eorum notionem per singulorū enumerationem ex peccantis ore prolatam haberent. Iacobus etiā Apostolus. Confitemini inquit, inuicem alius aliq; delicta, & orate pro vobis inuicem, vt sani sitis. Lucas quoq; in Apostolorum Actis ait; Ex credentibus non pauci veniebant, confitentes & anunciantes facta sua.

DIA. Et quid hīc obsecro potuit contradicere Causidicus?

HER. Non defuerunt homini diuerticula. Principio Scholasticorum Theologorum hac de re opinionem totam commentitiā esse dixit, quum in nullo diuinarum scripturarum loco inueniatur, Iesum Christū eam Urbem iussisse vnquam aut ædificari, aut incolī. Sed ab Innocētio huius nominis tertio, Lateranensiq; Concilio fuisse constructam aiebat. Quod verò ad introductionem ab Ecchio sententias attinet, respondit, Apostolos, eosq; qui succedant Apostolis, duplicem habere potestatem

statem, vtrancq; tamen in solo Dei verbo, non in seipsis
residentem: quarum altera, Ministeriū: altera, Iurisdictionis
vocari possit. Ac Ministerij quidem facultatem esse, in-
quiebat, Sacris de rebus liberè concionari: Sacra signa,
quæ Sacramenta nuncupantur, petentibus conferre: ac
peccatorum remissionem omnibus tam publicè q̃ pri-
uatim annunciare. Nec præcipitur hic alterius alicuius
vel agnoscere vel iudicare delicta: Sed solummodo de-
lictorum omnium remissionem ijs annunciare, qui in Ie-
sum Christum ex animo credant. Iurisdictionem verò
nihil aliud esse, q̃ externum quoddam Ecclesiæ iudici-
um, quod quidem non nisi ad manifesta pertinet crimi-
na, vt eorum Autores aut excommunicentur, aut ab-
soluantur. Vbi nemo non videt, rectè sententiam ferri
non posse, nisi præcedat culpæ cognitio: quandoquidē
nullus in præsentia, atq; ante oculos Ecclesiæ nisi de ob-
iecto crimine iam constet, excommunicandus est: atq; è
contrario nullus absolueudus, nisi re palam cognita si-
militer constet, eum criminofam, pristinæ vitæ partem à
prauitate ad mores optimos conuertisse. Quod ad Ia-
cobum attinet, dixit, Apostolum per ea verba nihil sibi
aliud voluisse, quam vt nos mutuo in omnibus cum
animi, tum corporis ægritudinibus, miserijs, casibusq;
consolemur, offensiones fratribus illatas deprecemur,
ac pro ijs omnibus inuicem Deum obsecremus. Enimue-
ro si de Confessione Auriculari Vrbe à Papistis condi-
ta loqueretur Apostolus, oporteret sanè illos tantū, qui
bus inibi soluendarum & ligandarum mercium cura
demandata est, eam Urbem incolere: id quod à vobis
tamen minime omnium conceditur. Sententiam verò
ex Apostolicis Actis acceptam ita exposuit, vt diceret,

LIBERVM ARBITRIVM

eos credenteis nullam singulatim factorum suorum ex-
mologesim adhibitis vna circumstantijs, quas vocant
in alicuius aures secretò recitasse: Verum tantummo-
do esse fassos, atq; id quidem publicè sese quampluri-
mis criminibus, ac delictis esse obnoxios: vt quiuus eti-
am alius verè Christianus fateri liberrimè consueuit.

DIA. Respondit nè vicissim Ecchius his Causidici
responsis.

HER. Respondit quidem. At nimis longum esset
hic omnia nunc referre.

DIA. Fateor. Sed vel vnum è multis excerpto,
quod magis arrideat: illudq; solum renarrato.

HER. Id ergo solummodo referam, quod super po-
testate Papæ ipse Ecchius repetiuit: quod id quam cæte-
ra omnia, vobis gratius futurum putem.

DIA. Itā sanè.

HER. Igitur quum in hac ipsa de Papæ potestate
tunc instituta disputatione, à Causidico quæ superius
paulo dicta sunt, responsa tulisset Ecchius, hoc pacto
sermonem inceptum prosecutus est, inquiens. Nega-
re non potes omnem potestatem esse à Christo Iesu
Ecclesiæ traditam: quum vt Ethnicum haberi velit, qui
hanc ipsam non audierit. Insuper inficiari non licet ge-
neralia Concilia eandem Ecclesiam referre, atq; adeò
ipsam repræsentatiuam quā vocant, Ecclesiam esse, quæ
tam diuinis, quam humanis in rebus decernendis, ap-
probandis, atq; interpretandis errare nequeat. Ipso eti-
am teste Iesu Christo, qui ait: Vbi duo vel treis fuerint
in nomine meo congregati, in medio eorum sum. Quā
obrem quum ipse Papa simul & Conciliorum sit, &
Ecclesiæ caput, vtriusq; potestatem & auctoritatem in
seruio

serinio sui pectoris continet: Quumq; diuinæ præcipi-
ant literæ, vt audientes dicto limus præpositorum no-
strorum, ipsius Papæ tanquam Præpositorum Præpositi
non iniuria subesse debemus imperio: atq; eius pari-
ter iussa omnia seruemus necesse est.

DIA. Quæ responsa de integro dedit Causidicus Ec-
chianis huiusmodi exceptionibus?

HER. Primo veluti subridens dixit, se non posse sa-
tis mirari Scholasticorum Theologorum stupiditatem:
qui semper eandem viam insistentes, atq; ad eundē la-
pidem impingentes pro certo sumant id, quod adhuc
dubium controuersumq; sit. Etenim Papam Ecclesiæ
caput haberi volunt, quū tamen tantum absit eos id ip-
sum probasse, vt nos potius contrarium liquidò demon-
strauerimus. Deinde subiunxit eam omnem authorita-
tem & potestatem, quam & Ecclesiæ, & Ecclesiasticis Mi-
nistris Iesus Christus contribuisset non propriè in ipsos
homines, sed in scripturarum diuinarū oracula, quæ ipsi
administrent, esse collatam: adeoq; huic eidem inhære-
re, vt quoties ecclesia iuxta Dei verbum aliquid instituit,
it, præcipitue, necessariò sit illi obtemperandum: Sed
quum ipse Papa, seu Papistarum Concilia sibi persua-
dent, se posse sub Ecclesiæ nomine, noua dogmata, no-
trasq; leges, extra verbi Dei præscriptum ferre, atq; ex
seipsis quouis iure aliunde sibi, quā ex verbo Dei ven-
dicato, quicquid libuerit imperare illam, aiebat, non esse
se Ecclesiam, & discipulam Iesu Christi, & spōsam, quæ
non nisi Magistri & sponsi sui vocem audiat: Sed Sa-
tanæ synagogam quandam, cuius quidem se Papa, vt iā
antea dictum est primarium caput constituerit. Nam
non modo quæ nunc diximus, efficere sibi Papa cum

LIBERVM ARBITRIVM

suis extra diuinam scripturam hodie licere volūt: Verum insuper addunt, eam ipsam scripturam nullum firmamentum ac robur obtinere, nisi à seipsis approbata sit, & suo ipsorum modo exposita, nimirū sibi, atq; alijs persuadētes sua itidem ipsorum Dreketā sanam esse diuinā scripturæ interpretationem: ô blasphemias non ferendas Hominum censuræ diuinum Verbum velle subijcere. Iesus Christus ipsius dei verus filius, quem vnum omnes vehementer Autorem sequi debent, hanc sibi noluit auctoritatem vsurpare, vt aliquid nobis, quod in sui patris doctrina non cōtineretur, præciperet: Apostoli quoq; ab ipso Christo per orbem missi, non sunt ausi quicquam aliud nobis proponere, quam quod ex eadem doctrina proponendum acceperant: & Papa tamen cum suis Concilijs talem & auctoritatem, & potestatem, contra etiam, nedum extra isthanc ipsam doctrinā sibi arrogat, vt suo ipsius arbitrarij instar numinis alicuius & præcipiat, & prohibeat, non modo quicquid in mentem, Verum etiam quicquid in buccā venit. Vnicum legislatorem habemus, ac Iudicem, qui & seruare potest, & perdere, nempe Deum ipsum, non aliquem omnino mortalium. Is hanc sibi soli, quum gloriam, tum honorem seruat, vt sua vnus voluntas iustitiæ ac sanctitatis omnis, & lex: & norma, & regula sit: vt solida recte viuēdi scientia, ex eius vnus integra sinceraque cognitione petatur: denique vs solus ipse merum imperium, cui quidem sine vlla exceptione parendum sit, in animas nostras habere existimetur. Atenim Concilia si in Christi nomine congregentur, hanc ab ipso habent auctoritatem, vt sanctiones, ad externas ecclesiæ ceremonias, externamque disciplinam pertinentis ferre valeant.

ant. Attamen id quoque intra Dei Verbi præscriptum:
quoniam quæ sineis eiusmodi quauis de causa prætere
unt Concilia, neutiq; audienda sunt. Quin re ipsa videre
est eorundem etiam testimonio, ijs omnibus, qui eos li
mites pertransire tentauerint, vsq; adeò male cefisse, vt
non tantum in sexcentos errores deciderint, impiasq;
frequenter sanxerint constitutiones: Verum etiam per
crebrò tibi ipsis contraria fuerint: vt quod vnum ex ijs
iubeat, alterum vetet, quod vnum approbet, alterum re
probet, & è conuerso: eam videlicet ob causam, quod
in Iesu Christi nomine non fuerant congregata, licet se
Spiritus sanctū habere perpetuo iactent. Sanctū illud
numē ibi esse nō cōsueuit, vbi nō est Christus ac verbū
Dei: quæ duæ profectò res euidentissimum ac certissi
mum exhibent signum, vnde vera Concilia ab adulte
rinis, & sacrosancta Dei Ecclesia ab impia, ficta q; Papæ
Synagoga discerni queant.

DIA. Si suarum rerum potius quam hæreticarum
huiusmodi quæstionum satageret. Is Causidicus, minus
multi ipso Patrono causa caderent. Verum mi Hermæ
fecit nē Is vllam inter loquendum postea de Monacha
tu Prouincia mentionem? Scire aueo quinam huius
Prouinciæ Vrbeis à principio fundauerint, & quonam
tempore ipsarum vrbium Sectæ primam originem hæ
buerint.

HER. Fecit quidem, sed quam breuissimam: Ete
nim priuatarum eiusmodi nullius momenti rerum hi
storias esse confusas aiebat: earumq; scriptores neq; de
Autorum, qui Vrbeis ipsas condidissent, nominibus,
neq; de tempore, quo essent conditæ, consentire.

DIA. Rogo te ne graueris vel vno verbo, quid hæc
de re

LIBERVM ARBITRIVM

de re Causidicus dixerit, referre.

HER. Quæ mihi succurrêt, quam fieri poterit breuissime narrabo. Quum iam cum Ecchio diu multum varijs de rebus Causidicus disputasset, per occasionem denique de Monachatu quoque prouincia sermonem ingressus ita ferme locutus est. Monachatum prouinciam quemadmodum & alias omnes Bonorum operum Regni Prouincias ab antiqua conditione vehementer adeo degenerasse, ut in pessimum iam statum sint redactæ, nemo est qui ambigat. Humanarum enim rerum natura ita est comparata, ut semper in deterius, atque ex eo quod bonum appareat, in id quod re uera malum sit, facile vergat. Olim hæc Prouincia tuta erat absque eius arcis munitione, quam Votorum Monasticorum professionem appellant. Ipsiusque Vrbes hominū virtute præditorum velut hospitā quedam, gymnasiaque habebantur: in quibus quum diuinarum literarum studijs, tum pijs, bonisque omne genus operationibus liberius exercendis iidem incumberent. Verum insecutis temporibus hæ ipsæ Vrbes, Ouidianis fabulis deformiorem passæ sunt metamorphosim. Nam è proborum Virorum honestis liberisque gymnasijs, facinorosorum hominum turpissimi carceres, nequitia, flagitiorumque omnium diuersoria, vel ergastula potius euaserunt. Sed ut ad id, quod seorsum abs te requisitum est, iam deueniam, è suis historijs Causidicus tandem ostendit, haud ita multo post quam hæc Prouincia ab Anachoretis in Aegypto, Palestinaque inhabitari cepisset, Basilium Casarea Cappadocum Episcopum Basilianā Urbē annis à Christo Nato plus minus CCCLXXX. construxisse: atque Arcis Monasticorum Votorum professionis ibidem prima iecisse fundamenta

ta. Quanquam Thomas Aquinas falsam nonnullorum opinionem temere comprobet: qui iactitant ipsius arcis fundamenta in Sione monte quondam fuisse per Apostolos iacta: quo tempore iam in cælū recepto Iesu Christo sese trium votorum reos ij facere, atque omnia inter se habere communia, nullo heriscūdæ familiæ sibi iure seruato, constituerint. ð Thomisticam subtilitatem. Hieronymiana Vrbs à Stridonensi Hieronymo circiter CC. CXC. Annam ab orbe redempto fuit condita. Augustinianam Urbem, Augustinus Hipponensis Episcopus. Anno restituta per Christum salutis. CCCCX. fabricata est: deq; ipsius habitatione non nisi Mulieribus (vtfama est) primum accomodauit. Sedenim quo deinde pacto, aut quo potissimum tempore Virorum etiam Colonia illuc profectæ sint, haud satis compertum habemus. Eremitanorū Secta prima videri vult, quæ in hanc ipsam ingressa sit Urbem. Canonici verò regulares hoc ipsum sibi ipsis attribuunt: atq; ita inter se de caprina huiusmodi lana vanis quibusdam ratiunculis, vel vt verius dicam, meris nugis digladiantur. Verum vtut id habeat, satis constat, alias quoq; Sectas in eam fuisse introductas. Nam & Northbertus Lotharingus Præmonstratenseis à Callisto secundo confirmatos: & Ricardus Cornubiæ Comes Bonos, quos vocant, Homines: Et Stephanus Iacobusq; Senis oriundi Scopettinos Gregorij vndecimi calculo comprobatos, nouas huc tanq; Colonias deduxere. Quos etiam subsequuta est Frisoniana Secta, quæ & Lateranensis nuncupatur, ab Eugenio quarto plurimum adaucta: Et Crucifera Nigra, quæ crucem bicolorem ex albo, nigroq; confectam gestat in pectore. Postremo Laurentius Iustinianus Patricius Venetus

S

Diui

*Cornubiæ is
est in Britani
a locus qui quō
dam Pelum
Promontoriū
dicebatur.*

LIBERVM ARBITRIVM:

Diui Georgij in Alga nuperam & ipse familiam adue-
 xit. Benedictinæ vrbis ædificator, extitit Benedictus
 Nursinus Anno circiter DXXX. à Christi natali die.
 Quæ sanè Vrbis licet inde vsq; à principio satis ampla
 iam esse videretur, adeò tamen postea per angulos om-
 neis excreuit, vt sua nunc mole penè obruta ruïnã a-
 liquam nō vna ex parte minuetur. Primus in hāc ipsam
 Odo Burgundus Abbas per Gulielmū Aquitanix Du-
 cem non aliter Cluniacēsis inuexerit, quam post hunc
 Romoaldus Rauennās Camalduenseis, Ac deinde Io-
 annes Gualbertus Florentinus Vallisumbrenseis; & Ste-
 phanus Aquitanus Grandimontenseis. Atq; eodem
 ferè tempore Robertus Molismensis Abbas Cisterciens-
 seis introduxit. Post quarum quidem Coloniarum de-
 ductionem annis fermè centum, ingens hominum turba
 è Cisalpina Gallia in Germaniam bellorū quorundam
 occasione translata, moxq; per Federicū Oenobarbū,
 siue vt alij opinantur, per Henricū Casarem in patri-
 am redire permissa, Humiliatorum Sectam, quam &
 Syluestrensiū nominant, ab Innocentio tertio, alijsq;
 aliquot Pontificibus Romanis comprobata huc adue-
 xit. Humiliatos insecuti sunt Cœlestini: quos Cœlesti-
 nus quintus, è suo ipsius vocatos nomine, sic eodem im-
 portandos curauit, vt & Martinus itidem quintus Ere-
 mitanos quosdam: qui prius inter Hieronymianos ex-
 titerant, comportauit. Præterea Bernardus Ptolemeus
 Montoliuenseis suorum Senensium Coloniā, & Lu-
 douicus Barbus Venetus, Diuæ Iustinæ Sectam, quæ
 postea Casinensis dicta est, non ita longo inter se tem-
 poris interuallo huc & ipsi transtulerunt. Possem hic,
 inquit, & alias referre familias, aliunde etiam, atq; ab
alijs

Anno D.
ccccxvi.

Anno M. lx.

Anno M. xc.

Anno M.
Mccclxx.

Anno M.
ccccvii.

TRAGOEDIA.

66.

alijs diuerso tempore in hanc Urbem inuectas, quemadmodum Gilbertenseis è Britannia: Mellicenseis, Castellenseis, ac Burfeldenseis, è Germania: Sed ne minutatim his addendis insistam, ad alia quoq; iam referenda deueniam. Urbem Cartulianam Bruno Colonien-
sis Lutetiae Parisiorum publicus Philosophiae professor extruxit. Huius autem extruendae quendam amicum, probum alioqui virum, iam defunctum occasionem illi prae-
buisse aiunt, qui quum in feretro sepeliendus asseruaretur, elata voce dixisse fertur: Iusto Dei iudicio sum
damnatus: Ea voce perterritus Bruno cum alijs aliquot amicis huius Urbis latibula construxere. ô Satanicas
imposturas. Carmelitanæ Urbis fundamenta iecit, Americus Antiochenus Antistes in monte Syriae Carmelo.
Sed hæc ipsa haud ita multo post per Albertum Hierosolymitanum Praefulem incrementi non minimū
accepit: Quousq; tandem Honorius tertius huic supremam imposuit manū. Crucigerorum oppidum, vt in es-
pta signimenta, quæ de Cleto Petri apostoli discipulo, vel de Cyriaco Hierosolymorum Episcopo conditoribus fa-
bulantur, missa faciam, Innocentium tertium origi-
nis autorem habet, ob victoriam (vt rumor est) quam is Pontifex Cruce signatorum, quos in Syriam missus
erat, auxilio Romæ de Albinensi hæresi reportauit: Pius verò secundus vt oppidani ceruleis vterentur ves-
tibus decreuit. Dominicanæ urbis Architectus extitit
Dominicus Calaguritanus: Qui suæ factionis homines
Predicadores Cerrauī, Monachaten-sibus enim populis
id nomen commune est, Predicadores dicendum erat)
voluit appellari. Hanc autem factionem Honorius se-
cundus postea suis suffragijs comprobauit, Per hæc ead-

Anno M.
lxxx.Anno M.
clxx.Anno M.
ccxv.Anno M.
ccx.

S

n

dem

LIBERVM ARBITRIVM.

dem tempora Franciscus Aluſiâs Franciscanam & ipſe Urbem erexit, ac ſuos populos, Minores, vocatos ab eo dem Honorio collaudari curauit, Sedenim breuiſſima temporis intercapedine gens utrâq; tam Prædicatorû, quam Minorum in duas diſſecta eſt Sectas, nempe in Turmas Conuentualium, atq; Obſeruantium, vt ſeſe nuncupant. Iſdem propè temporibus hæc eadem Franciſcana Vrbs per Virginē nomine Claram, quæ & ipſa Aluſiâs erat, adaucta eſt Pauperum cœtû: Cuius tamen bona pars è ſœminis eſt conſlata. Poſt hæc verò & Pœnitentium, & Minimorum, & Capucinatorum, quos nominant, variæ in hanc Centuriâ noſtra etiâ memoria ſunt ingreſſæ. Trinitatis Urbem Innocentius tertius, quo de ſupra ſape iam meminimus, ad Ioannis Mattæ, ac Fœlicis Anachoretæ preces inſtituit: Eiufq; Ciueis Monachos de redemptione captiuorum, dici voluit: eam videlicet ob cauſam quod ijs negocium demandatum eſſet, vt Chriſtianos ab hoſtibus captos eleemoſinis redimendos curarent. Seruitanæ Urbis Philippus Florentinus medicus Extructor fuit. Is incolarum Conuentus Virginis Mariæ ſeruos appellauit, nulla interim de filio Virginis habita mentione: Benedictuſq; vndecimus id confirmauit. Ioannes Columbinus Senenſis Ieſuatantum Pagum mœnibus cinxit, & ſanxit eiufloci homines Ieſuatos appellari: quum prius Apoſtolici Viri nuncuparentur. ob id opinor, quod frequẽs in ore Ieſu nomen habere ſoleant: an verò etiâ in corde, ipſi viderint. Nihilominus mos iſte adeò placuit Vrbanò quinto, vt ipſum inſtitutum penitus approbaſſet. Quemadmodum etiâ per eadem tempora idem Pontifex Brigidenſem Urbem à Brigida Sueriæ Principe

Anno M.
ccc li. viii.

cipe aratro designatam; in ipsius Viduæ gratiam collatur
 datur. Secta vero, quam hæc ipsa Mulier in hanc suam
 Urbem introduxit, è promiscuo Virorum, Fœminarum
 rumq; constat Vulgo: quos in vnis ædibus indiscrimi-
 natim, muro tantum interposito, præter cæterarum hu-
 ius Prouinciæ Urbium consuetudinem inhabitare vo-
 luit. Nam alibi separatas à Mulieribus domos incolunt
 Viri: quod vtrq; tamen nihil impedit, quo minus vtriq;
 inter sese lasciuis amoribus, fœdisq; libidinibus conti-
 nuam operam nauent: propterea quod nec obiecti pari-
 etes, nec distinctæ à reliquis vestes Venereas incensæ
 carnis cupiditates inflammaticq; animi libidinosos ardo-
 res natura inuitos extinguunt. Verum de primoribus hu-
 ius Prouinciæ oppidis hæc dixisse iam sufficiat.

DIA. Omnino isthæc Prouincia pulcherrimis est Ur-
 bibus referta. Sed quod maximum mea quidem senten-
 tia pondus habet, hoc est, quod ipsarum Urbium po-
 puli sanctissimis institutis, optimis legibus, ac perfectis-
 simis regulis suas respublicas moderantur: quibus qui-
 dem institutis, qui pro naturæ communis fragilitate
 seruandis diligenter incumbunt, haud sanè difficulter
 & probi & iusti euadere consueuerunt.

HER. Hoc minime omnium approbat Causidicus.
 Nam si, inquit, Israeliticus populus per diuinæ legis ope-
 ra fieri iustus apud Deum non potuit, quanto minus ij
 per suarum legum aut regularum operationes coram
 Deo iustitiam consequentur? Testatusq; hæc est insuper
 olim se Nicolai Reij equitis Poloni carmen egregiū pa-
 tria ipsius lingua disertè conscriptum perlegisse: quo
 quidem Is, qua ratione iusti apud Deum homines re ip-
 sa fiant ob oculos elegantissime posuerit. Cuius etiam

LIBERVM ARBITRIVM

rei causa non inepto penitus epigrammate fuerit ab amico non vulgari donatus: Epigramma verò ipsum à Causidico recitatum, si mihi non excidit, huiusmodi plane exitit.

Reius eques, Virtus cui candida Regis Achatem
Esse sui tribuit,
Compellans patrio dulceis sermone Camœnas
Concinit ore pio
Iustitiam semel amissam, absumptamq; salutem
Primi hominis vitio,
Humana non posse iterum virtute parari,
Nec prece, nec precio:
Sanguine sed Christi tantū: Quē summus ab alto
Aethere Patris amor
Misit, vt id præstet: Reparataq; munera soli
Conferat hæc Fidei.

Postremò non grauatus est Causidicus etiam narrare, quo tempore, & quibus Authoribus Confraternitas quoq; Vrbs huius Prouinciæ populis fœdere cōiuncta, sua intromiserit sodalitia. Verum quia res est parui momenti, & præterea mihi domum iam redeūdum est, eorum hîc omnium relatione supersedebo.

DIA. Ità censeo facias mi Hermæ. Quin & mirificas tibi gratias ago, vel eo nomine, quod hæc tam collata diffusaq; oratione recēfueris, atq; hîc mea causa tandiū fueris immoratus.

HER. Nihil actione gratiarum est opus, etenim quod debui, persolui Sed iam valeas:

Actus

ACTVS TERTII

SCENA QVARTA.

DIACONATVS, FELINVS.

VT arriserunt Feline tibi nostri Hermetis collo-
tiones? An non tibi visi sunt hi nostri Theologi
scholasticarum disciplinarum peritissimi?

FE. Suspendendum hinc mihi iudicium est, quod me
non explicem. Nam ut ipsos Theologos omnino lau-
dare non possum, ita nunc eosdem vituperare non est
animus.

DIA. Quid ex te audio? Itane verò non potes tam
eruditos **MAGISTROS NOSTROS**, totq; edi-
tis voluminibus claros hinc laudare?

FE. Non hinc mihi de librorum compositione nunc a-
gitur, sed de his, quæ modo retulit Hermes ipse collo-
quijs: Etenim Causidici sermones maiorem q̃ Theolo-
gorum vim, ac robur habere (ut verum fatear) mihi sũt
visi: Huc accedit, quod Ecchianæ hinc argumentationes
mei stomachi non sunt.

DIA. Pace tua dixerim mi Feline, non multum hac
in re sapias: arbitrabar te alium, ac sis, esse virum. Non
animaduertis nostras peculiariter esse parteis pro par-
te virili facere, ut sacrorum canonistarum, ac diuinorum
Theologorum sententijs, quæ papisticam Monarchiã
& stabiliũt, & conseruãt, ubiq; fides adhibeatur ab om-
nibus? Quod nisi fieret, utiq; res nobis, si nõ ad restim,
saltem ad rastros rediret; atq; opus esset, ut inde nobis
tenuem

LIBERVM ARBITRIVM

tenuem victum summis laboribus quaritaremus: quæ interim rebus nostris per hos benè firmatis, ociosè, ac deliciose, immò etiam luxuriose, si libeat, ex alienis bonis, quæ pauperibus debebantur, viuere liceat. Quo circa videndū tibi est, quid agas, ne dum alios tua per uicacia contemnis, tibiq; nobisq; omnibus noceas.

FE. Rectè admones. Errasse me fateor. Sed in posterum cauebo ne quid eiusmodi mihi amplius ex ore excidat. Verum expediret fortasse quam mox hinc abire, vt Reuerendissimi Cleri madata iam exequamur.

DIA. Benè & tu hoc iam admones. Eamus,

ACTVS QVAR.

TI. SCENA PRIMA.

BERTVCIVS, PETRVS APOSTO-

LVS, PAVLVS APOSTOLVS.

Omnia Romanæ cum precio,

Dispeream, nisi re ipsa iam comperi, romanenses iudulicos ita esse & auaros, & sordidos, itaq; omnia habere quaestui, vt ad nudos etiam homines expoliandos aggrediantur. Nihil quamuis honestum aut minutulum sine precio ab ipsis extorqueri potest: quemadmodum è contrariò, nihil quamuis inhonestum, aut maximum, maximeq; nefarium ab eisdem negatur, dolosi modo spes resurgat nummi. Arbitrabar me per Papæ Proxenetas, quos Poenitentiaros vocant, facile posse se diploma pro Monacho Araceleni auferre, vt mihi

Lucri bonus odor est: ex re qualibet.

Actus

Actus Elicitus indicarat: Verum deniq; licuit, imperandi facilitatem non ad pecuniam, sed ad peccata pertinere: quod nulla sit sanè difficultas quominus à quibusvis criminibus, & sceleribus absoluaris: at id prædandum, quod quicquid est auferendū, ualdè carè auferas necesse est: quum tamen illis omnia gratis constent. Attamen id mea nihil omnino refert, viderit ipse Monachus, cui diploma persoluedum est, quam bene acceptus sit. At enim quinam sunt ij Peregrini, qui plateæ partem inferiorem pertranseunt? Fortasse ex Diuorum cultu Prouincia nobis huc aduenerunt, Septem Urbis templa ut moris est inuisuri. Conueniam homines & alloquar, Salute boni Viri.

PA. Tu quoque saluus sis.

BER. Vnde amabò vos profecti huc acceditis?

PA. Hierosolymis ab Christi Sepulchro.

BER. Putabam equidem Euangelij veritatem ac lucem vsq; adeò iam per orbem splendescere, ut omnes qui vbiq; sunt mortales, huiusmodi peregrinationes vahas esse, atq; inutiles intelligerent. Sed ut video, vetus error adhuc in multorum cordibus radices agens adhærescit.

PA. Tutòne licet hæc Romæ sic in mediū proferre? Non putassem id Papam vilo pacto tolerare posse.

BER. Recte tu quidem, siquidem qui proferunt, agnoscerentur. Verum haud secus hic nunc, atq; olim Eliæ tempore suos Deus obtegit, & adseruat.

PA. Quid agis Petre? Apparet hunc omnino aliquā diuinarum rerum cognitionem habere. Existimo ut liberè, ita tutè totos possen nos huic patefacere.

PE. Idem sentio.

T

Paulus

LIBERVM ARBITRIVM

PA. Quandoquidem è diuino, qui nunc ex ore tuo loquitur spiritu, manifestò deprehendimus, te non Pa-
peum esse Christianum: sed ex Iesu Christi membris
vnum aliquem, ac nobis charissimum fratrem, tibi de-
creuimus indicare, quàm re vera simus, quò quam de
nobis concepisti admirationem, deponas. Itaq; scias ve-
lim, nos haudquaquã esse Peregrinos, licet petasati per
Vrbem incedamus: Verum hic est Petrus Apostolus,
ego verò Paulus eius comes: huc profecti, vt ad veritatē
tem reuocaremus rem quandam, quæ nobis ante hosce
dies indicata, prorsus incredibilis videbatur. At quoni-
am verendum erat, ne, si agnosceremur, nobis hîc Roma-
nensium aliquis incommodaret, Peregrinatorum per-
sonam induimus, quod eius generis homines in precio
Romæ sint ob quæstum videlicet quem Romanenses
ipsi inde expiscari consueuerunt.

BER. Idem diuinus qui vos admonuit spiritus, me
quoque certum scire facit, vos Iesu Christi Apostolos
esse: Deoq; adeò gratias ago, qui mihi hanc efficiat
gratiam, vt vel insciens hodie vos & conueniam, & allo-
quar: Verum quid in causa est obsecro vt vereremini,
ne aliquid incommodi Romæ vobis accideret, cum sit-
ma vos veneratione vulgo hîc homines prosequantur,
& adorent: ob eam scilicet, quam Romana Curia vobis
apud promiscuam plebem conciliauit existimationem
& gratiam.

PA. Ne mihi quæso posthac mi Frater de adoratio-
ne verbum feceris, quum inter verè Christianos iam sa-
tis constet, hanc non nisi Deo exhibendam esse. Et qui
aut nos, aut alios Diuos hoc adorationis titulo cohone-
stare se arbitrantur, vsq; adeò sanè & falluntur, & ero-
rant

rant, vt quum Deum ipsum, tum Diuos pariter summo dedecore afficiant: nimirum ascribentes Diuis, quod solius Dei tantum est, & adimenes Deo, quod ipsius est proprium: Quin hæc ipsa Romanensis Curia, quæ nunc asimulat iram vehementer cupere, vt nos hic inprimis adoremur, lucri solūmodo, quod inde nascitur causa, secretò votis omnibus exoptat, vtriusq; nostrum dignitatem, auctoritatem & doctrinam, vt suis ipsorum vitiosis ac malignis affectibus contrariam penitus expunctam esse. Vt iam etiam nobis timendum hoc sit, ne semel cū ijs, quæ Petri ac Pauli ossa hic in sepulchris asseruari sinxerunt, id agant Papistæ, quod cum Vuiglesi Britanni quondam ossibus eos egisse nobis fuit aliàs indicatum. Quæ sanè omnia effecerunt, vt non nisi sub huiusmodi personis accedendū huc nobis esse duxerimus.

BER. Nisi turpis quæstus, insatiabilis vorago Nebulonibus istis remora nonnihil inijceret, fortasse id & lubentes essent facturi: præsertim si sibi ipsis persuaderēt, hac ratione vestram se doctrinam suam ipsorum nequissimæ vitæ ex diametro aduersam è medio posse tollere. Nullum enim tam est abominandum scelus, aut horrendum facinus, quod non sint ex animo patraturi, modo ad papisticam Monarchiam conseruandam id faciat. Verum quidnam quæso illud est (si tamen licet exposcere) quod adeo vobis visum est incredibile, vt accedendum huc fuerit ad ipsius explorandam, inuestigandamq; plerophoriam? Si id quod vobis indicatum est, nefarium aliquot atq; impiū continet crimen, nihil est, quod dubitetis, ita rem se habere, vt ad vestras aureis peruenit: quando vitiorum omnium impudentissimam officinam, vel, vt verius dicam, putidissimam sentinam

T ij esse

LIBERV M ARBITRIV M

esse Romam Sodoma Gomorraçq; nō minus foetentem
certo certius est.

PA. Nihil hīc te celabo mi Frater. Negotium nostrū
sic se habet. Superioribus diebus, atq; adeo non ita pri-
dem, Pasquillus quidam Romanus ciuis in supernam
Paradisum introductus Petro huic nostro significauit,
eum, qui Romæ Papam agat, sibi, quū terreni, tum coe-
lestis imperij tyrannidem arrogare: hoc videlicet nomi-
ne, quod Iesu Christi Vicarius, ac Petri successor sit.
Quum igitur Petrus noster neq; rationi, neq; veritati
consentaneum existimaret, aliquem tam sacrilegum in-
ueniri, vt earum rerum Petri nomine sibi tyrannidem
potius quā ius vēdicare auderet, quas tantum abest,
vt ipse Petrus vnquam possederit, vt ne quidem se has
vnquam possidere somniauerit: in animum induxit,
velle suis oculis videre verūne id esset, an secus. Et
quia nunquam antea urbem Romam inuiserat, itineris
me, vt qui etiam Romanus fuerim Ciuis, comitem sibi
esse voluit. Huc itaq; pariter profecti rem conspeximus
etiam multo deterius habere, quā nobis ā Pasquillo
(pudet pigetq; dicere) fuerat prius relatum:

BER. Pasquillus mi Paule, ne sis nescius, orbis vni-
uersi consiliarius est, & quicquid vbiq; locorum fit, op-
timè nouit: præterea Vir adeo probus & innocens, vt
non nisi meras veritates loquatur. Caterum quod abs-
te modo dictum est, Petrum antea nunquā Romæ fuisse,
se, id verò est, quod maxima cum admiratione audiui.
Nam quo pacto Pontifices Romani succederent Petro,
si Petrus ipse non modo nunquam Romæ Pontificem
egisset: sed ne Romam quidē vnquā ingressus esset?
Quid tu ais Petre? Pauline dictū hoc etiam cōprobas?

Petrus

PE. Comprobo sanè mi frater: nunquam enim ad hanc Urbem nisi nunc accessi. Quin ne nunc quidem accessissem, si isthanc ipsam nihil aliud quàm scelerum omnium foedissimam Lernam esse, uti re vera est, scissem antea. Namque, ut video, quicquid hic libet, impunè licet. Hic Iesus Christus cum omnibus ad ipsum spectantibus rebus quotidie millies multifarià diuenditur & coëmuntur: atque ex innumerabilibus, quæ inde corraduntur pecunijs, Lenones, Meretrices, Catamyti, Spurijs, Moriones, Parasiti, Aucupes, Venatores, Satellites, Muliones, Coqui, Falcones, Accipitres, Equi, Muli, Canes, aliæque infinita eius generis aluntur monstra. Hic denique quum nullum agnoscant, ut agnoscendus est, homines Deum, nequissimum quendam semideum Papæ nomine conuestitum sibi ex seipsis conficiunt, atque hunc Iesu Christi Vicarium, Petricum Successorem esse prædicant, ac veluti numen adorant.

BER. Semideum quendam inter homines haberi se velle Papam noster etiam Pasquillus observauit. Nec observauit modo, sed eleganti quoque tetrasticho semel expressit, non semideum, sed Semidæmonem esse Papam enuncians: Id autem, si libet audire, tale est:

Esse diu mentitus erat se Papa per orbem

Semideumque Virum, semiuirumque Deum:

At vere hunc, retegente Deo, nunc esse videmus

Semifatanque Virum, semiuirumque Satan.

Quod autem Petre dixisti, licere Romæ, quicquid libeat: id hanc habet exceptionem, ut non libeat esse Virum bonum. Nam hoc Romæ neutiquam licere, vel ex Monachatenſis poetæ cuiusdā testimonio liquet: Quis ait,

LIBERVM ARBITRIVM

**Baptista
Armellus.**

Viure qui sanctè cupitis discedite Roma:
Omnia quum liceant, non licet esse bonum.

PE. Acutè, arguteq; omnia. Verum quod ad Pas-
quilli carmen attinet, immortales quidè gratiæ sunt ha-
bendæ Deo: qui tanti momenti mysterium suis iam re-
uelauerit. Porro quid opus est aut Christo Vicarium,
aut Petro Successorè assignare? Non indiget Vicario
Christus Iesus, quū ipse per se usq; ad finem seculi suæ
perpetuò sit affuturus Ecclesiæ. Quum verò & me &
alios Apostolos ad annunciandum Euangelium, & ad
sacra signa conferenda per orbem misit: nec mihi Ro-
mam peculiariter assignauit, vbi aliquis deinde mihi,
qui totius orbis esset Monarcha, succederet: nec cæteris
Apostolis locum aliquem separatim à reliquis attribuit.
Sed voluit vt per terrarū orbem peregrè proficiscētes
doceremus omneis gentes exequi quæcunq; ille nobis
præcepisset. Ac mox oppidatim Pastores substituere-
mus, qui ouium suarum gregem suo sibi sanguine par-
tum continuis Verbi Dei concionibus pascere. Itaq;
nihil aliud est Petro succedere, quam & euāgelica præ-
dicatione, & aliorum munerum euangelicorum func-
tio ne Dei Ecclesiæ inseruire, vt quū Petrus, tū cæteri om-
nes effecerunt Apostoli. Qui tali non vtitur ministe-
rio siue Romæ, siue alibi sit, Petri successor non est, sed
seipsum & alios fallit, vt Romanenses Papæ, papisticq;
nunc Episcopi faciunt. Qui hac ipsa administratione o-
missa, nihil aliud præstare norunt, quam sacros, quos ip-
si nominant, ordines conferre: templa atq; altaria suis
Diuis dedicare: Campanas impositis etiam nominibus
baptizare: Calices, Vestes, & Imagines cōsecrare: atq;
alia

alia id genus, res & vanas & impias attrēctare: siue hæc omnia suis titularibus Episcopis committentes Principum aut legatos, aut Sacellanos agere: aut eorum vxores tanquam scurras comitari. Sed vt eò redeat, vnde huc defluxit oratio: Paulum hīc nostrum non præterire arbitror, quod quum à Iesu Christi morte intra viginti ferè anno um spaciū, se Hierosolymam, vbi tunc ipse agebam, sepius recepisset, instinctu deniq; diuino, dextra societatis data conuenit inter nos, vt ego Circumcisos, ipse verò Alienigenas institueremus, Quod quidem ipse Paulus egregiè præstitit etiam Romæ. Nam quum diuinitus in hanc Urbem quoq; missus esset, alii quot annos veri Episcopi officio hīc functus est, annuncians Dei Regnum: & quæ Iesu Christi sunt, summa cū libertate docens. Me autē Romæ nunquam fuisse, neq; quo tempore Paulus aderat, neq; aliās vnquam, vel idē ipse Paulus, qui non solum, quæ per id tēpus acta sunt, verum etiam quomodo acta sint, optimè nouit, integer mihi testis esse potest. Itāne habet Paule?

PA: Itā sanè vt dixi. Neq; enim ego, si tu hīc egisses, quo tempore meam ad Romanos Epistolam dedi, quadriennio ferè antequam egomet ipse sim subsequutus, tam inurbanus extitissē, vt nullam de te, qui huius Ecclesiæ Pastor esses, mentionem fecissē: aut saltem quum in calce ipsius Epistolæ tot alijs nominatim salutandis fratribus insisterem, te quoq; vt ministrum, non salutassē. Postremò quum Romam deducebar, si tu hīc adfuisses mihi dubiū non est, quin, quæ tua est humanitas, vsq; ad Appij forum & ad treis tabernas vnā cum reliquis Fratribus mihi prodissēs obuiam, aut me saltē aliquoties in meo conductu visitassēs, mihiq; pro

tua

LIBERVM ARBITRIVM.

tua virili meis in necessitatibus opem tulisses. Nec fuisset opus literis ad meum Timotheum scriptis con- queri, neminem in prima meae causae dictione mihi ad- fuisse. Nam tu sat scio pro ea, quae in te est, Christiana charitate, me minimè deseruisses. Verum fac Pe- trum huius Ecclesiae Ministrū aliquantisper egisse, quid obsecro inde aliud hæc posset Ecclesia quàm ministerij successionem sibi sumere? quemadmodum aliae quoque quibus item alij ministrarunt Apostoli, nihil aliud quàm hoc idem assumunt.

PE. Rectè quidem tu Paule. Sed video hic Papam pudorem omnem exuisse, ac non secus quàm Meretricem planè perfricuisse frontem: neque verecundari, etià si mendacijs apertè conuincatur, modo male parta bene tueri possit. Ego sanè, quod ad me attinet, nunquàm à Iesu Christo ditionis alicuius, Imperijue titulum accepi. Quin quum semel inter nos eius discipulos orta esset contentio, Quis nostrum maximus esse videretur, ipse Christus his fermè verbis corripuit nos, inquiens, Gentium Principes in ipsas dominantur, & magni viri potestatem in eas obtinent: At inter vos non ita erit. Sed qui voluerit in vobis maximus fieri, sit vester famulus: & qui voluerit in vobis esse primus, esto seruus vester: Sicut filius hominis non venit, vt sibi ministretur, sed vt ministret ipse, atque animam suam in multorum liberationem impendat. Hæc libenter hic refero non equidem tui causa mi Paule, qui æque atque ego isthac omnia bene nosti: Sed solummodo vt frater is noster Pa- parum imposturas, officias, mēdacijsque facilius agnos- cere queat.

BER. Est quod gratias tibi agam mi Petre, licet non
sim

sim penitus harum rerum ignarus, utpote qui aliàs & sacrorum Bibliorum volumina omnia & seorsum vestras amborum Epistolas etiam perlegerim.

PA. Dei verbum sine dubio lumen Electorum est, ac tale quidem lumen, ut extra illud omnia densissimis tenebris involuantur: involuta perniciosissimis erroribus offuscentur: offuscata sempiternis cruciatibus addicantur. Age verò iam etiam alia quapiam de re loquamur. Dic mihi Frater mi quod obsecro tibi nomen est? Ecquodnam artificium exerce?

BER. Bertucius nominor: Atque in Liberi Arbitrii Regis aula sic tonsorem ago, ut cum illo, & apud illum diu iam fuerim.

PA. Mi Bertuci ut vehementer approbo te tuis ex laboribus aliquam per artem tibi victum parare: ita vehementer improbo eam te artem in tam perfidi superbiq; Tyranni aula exercere, unde tibi nullum ex ipsis laboribus tuis certum sit præmium expectandum: propterea quod bona omnia, quæ sub sua ditione is continet, non vera, sed ficta sunt bona. Ut quum tibi persuaseris tē lucri aliquid inde conquississe, minus quam nihilum sis habiturus in manu. Equidem sic existimo, huius Tyranni me non minus opera, quam consilia tam habere perspecta, quam qui maximè. Suos Is Aulicos fieri Chamæleontes iubet, ut videlicet pascantur aurat frequenterq; variantes colorē ad Heri sese arbitrium & nutum totos fingant, & accomodent. Ut aliorum quoque Aulicorum, qui auribus modo seruiunt, miserima conditio fermè nunc habet.

BER. Rem acu tetigisti Paule. Quamobrem licet ex quo tempore aliquantulum mihi Christus illuxit,

LIBERVM ARBITRIVM

semper optarim ex eius aula discedere, vt qui manifestò compererim, non posse, qui huic inferuiat, esse re vera christianum: Attamen quum partim ex te modo, partim verò etiam paulo ante quarundam è scripturarũ recitatione perceperim, & loca, & bona, & genteis, quæ ipsius ditioni atq; imperio subiiciuntur, nefarijs omnino qualitatibus infectas esse, decreui talem mihi esse Regem, qui præ se neminem putat, penitus deserendũ.

PA. Arbitror initio tibi, tum superbum hoc Liberi Arbitrij nomen, quod tamen vox est, & præterea nihil, tum regiae dignitatis eximium decus, ac fulgentem splendorem adeò mentis oculos, vt ita dicam, perstrinxisse, vt faciliè tibi persuaseris Regem hunc egregijs suis titulis, egregijs item facinoribus respondere. Sed id etiam considerandum erat, non quicquid fulgeat, ac splendeat aurum esse. Vis ne tibi indicem mi Bertuci quo pacto Is nunc Regem agat? Eo nimirum quo Theatralibus in Tragœdijs etiam Mimi agere consueverunt. Nam frequenter humiles pauperesq; homunciones, potentissimi Regis personam induunt, ac summo se imperio, maximisq; viribus pollere iactitant: quum tamen hæc omnia ficta & commentitia, vanaq; existant. Itaq; tibi proponito Bertuci, totum hunc orbem velut amplissimum amphitheatrum esse: vbi Satanas Regni cuiusdam, quod bonorum operum ipse nuncupat, nescio quam fabulam agat: Quicq; Liberum Arbitrium Regem in ea referat non veram, sed simulatam esse personam scito. Ac deniq; quicquid inibi geratur, vt personatum, ita fictitium esse nihil dubites. Et quamuis itidem Ieremias Propheta Regis huius ymbrailem personam

Jer. Cap. 10: ostensurus dicat ipsi Deo: Scio ô Domine non esse cum

iussu vt eat, & gressus suos disponat: Ac Iesus Christus nihil ab villo sine se fieri posse asseueret: atq; insuper ego quoq; ipsius Christi ore meis Philippensibus indica uerim: Deum esse, qui pro sua beneuolentia in nobis efficiat, vt & velimus & efficiamus: Ac meis Corinthiis eundem significauerim esse Deum, qui omnia in omni bus efficiat. Meis item Romanis exposuerim carnis af fectiōem inimicitias esse aduersus Deum, propterea quod ipsius Dei legi neq; pareat, neq; parere possit nihilo secius tamen laruatus iste Rex, arroganti quodā fastu, contumaciq; superbia turgidus, præfractè audet asserere, se re vera eum esse Regem, cuius faciem secum asserat. Atq; id quidem non tantum ē sacris literis, ve rum etiam aliunde comprobare contendit.

Joan. 15.
2.

1. Cor. 12.

Rom. 8.

BER. Et quidnam obsecro diuinis ē scriptis pro se proferre Is potest?

PA. Dicam tibi Bertuci. Vt Regis huius facta omnia, ita prorsus & dicta veritate carent. Quo circa tamen si, aliquid aliquando Sanctarum ē scripturarum oraculis pro se proferat, adeo tamen id ā genuino veroq; sensu remotum adducit, vt veritate vacare, falsumq; esse facilè limè conuincatur. Memini me semel & sacrorum Biblio rum loca, & alia quādam, quæ peruicax is Tyrannus ad se tutandum excogitauit, quodā cum Episcopo Ver bi Dei syncero Administro conferre: Qui quum vanis, simi hominis arrogātem insolentiam aliquandiu fuis set admiratus, deniq; cœpit ad singula velle, quasi præ sens cum præsentē ageret, respondere. Quum igitur ego dicerem: Itā Rex ait ex Ecclesiastico. Creauit ab initio me Dominus, consiliūq; mei arbitrio me permisit: Quumq; mihi bonum & malum: vitam & mortem

Ecdē. 15.

LIBERVM ARBITRIVM

proposuisset, horum vtrūvis eligendi liberam mihi facultatem fecit. Respondeo, inquit Episcopus, primum quidem Ecclesiastici librū inter sacra volumina, non connumerari: deinde verò quod quum ab initio te Deus in lucem eduxisset, ab initio tu itidem tetrum facinus admisti: per quod in miseram seruitutem redactus, non nisi per Iesum Christum liberari potes. Neque est quod arbitreris, vel minimam tui particulam esse liberam, quandoquidem quicquid id esset in te, Christo liberatore non indigeret: quod vtiq; falsissimum est. Ad hæc dicebat Rex, Ipse mihi Deus non vno suarū scripturarum loco seriò imperat, vt ad se conuertar, suis legibus paream, & in recepta ab ipso gratia perseuerem. Nisi id per me præstare possem, frustra sanè mihi præciperetur hæc omnia. Respondeo, inquit Episcopus, omnia hæc iuxta naturæ tuæ vireis tibi penitus adynata esse, nec propterea tamen incassum præcipi: nec propter tuam hanc, vt ita loquar, impossibilitatem tuæ debitionis obligationem remitti. Quoniam vult ipse Deus, vt hoc pacto tuam impotentiam agnoscens, ad suam ipsius gratiam recurras: quæ quidem efficiat id in te, quod ex se natura tua efficere nequit. Neque enim Deus legem suam (quod ad ipsam attinet) ea de causa potissimum tulit, vt eius dicto perfectè & absolute audientes essemus, quum id ipse per nos minime fieri posset, nosset optimè. Sed illam præsertim in hoc edidit, vt in ea tanq; in speculo peccata, damnationemq; nostram intuentes, ad Iesum Christum accederemus, vt qui solus exactè pro nobis ipsam legem præstet: solus nostra omnium delicta inducat: ac solus ab ea, quam inde promeremur, damnatione nos gratuito liberet. Quod

Huc facit ex-
plum præce-
pti Librabamo
dari de inolan-
do filio.

Quod verò diuinam ab omni parte præstare legem vñ
reis humanas excedat, vel ex Christi verbis apertè pla
nèq; colligitur. Qui, (vt Petrus hic noster testis est) di
scipulis quærentibus ob difficultatem exequendorum Matth. 19.
Dei præceptorum seruari posse neminem, respondit, a
pud homines quidem hoc fieri non posse: Verum apud
Deum omnia posse fieri. Insuper, addebat Rex, frequẽ
ter suis in scriptis mihi pollicetur Deus fore, vt si quod
iniquum est fugere, quodq; æquum est, exequi volue
ro, præmijs honestis afficiendus sim: sin è contrario, de
bitis supplicijs puniendus. Si nulla horum faciendorum
facultas esset ludificari videretur Deus, ac me per iocū
irridere. Respondeo, aiebat Episcopus, huiusmodi locu
tionum formulas in Dei lege, si volueris, si feceris, & cæ
tera generis eiusdem, non indicare in manu tua esse,
vt per te velis & facias quicquid collibuit. Quum ex
te nihil has magis, quam ipsius præcepta legis exequi
valeas. Verum percupidus Deus vt, qui sibi fiderent,
animati magis ad efflagitandam suam gratiam forent,
non satis habuit, hos præceptorum seueritate admone
re: sed suarum quoq; promissionum benignitate ac dul
cedine attrahere ad se voluit. Præterea, subiungebat
Rex, mihi sapius, vt ingrato, vertit vitio sacris in literis
Deus, quod sua ipsius in me officia, effusaq; benefi
cia recipere noluerim: ac noluerim etiam, quæ mala me
in euidentem ruinam inducebant, effugere. Quo iure
quæso hæc mihi obijciuntur, si neutrum horū efficere
per me possum? Respondeo, inquiebat Episcopus, quæ
tua voluntas per se praua nefaria huius contumaciæ
causa sit, hanc illi prauitatem legitimè dat crimini Deus:
quod vtiq; isthac ipsa fiat, vt nec ipsius dei recipere be

LIBERVM ARBITRIVM:

neſicientiam, nec tuum ipſius vitare præcipitulum poſſis, ne huius rei culpam in ipſum reiſcias Deum.

BER. Reapſe nunc iam comperio Herum hunc meum totum orbẽ decipere: ac populorum mores, è Principum moribus pendere.

PA. Non contentus his, quæ hæcenus diximus, furcatus hæc Rex, abſurda quædam etiam, vt ſibi quidem videtur, in medium profert, inquiens. Si neceſſario peccarem: peccatum ipſum iam non eſſet peccatum, nec mihi cateroquin imputandum. Sin voluntaria eſt peccandi actio, poſſum igitur & ipſum peccatum omittere. His reſpondebat Epiſcopus: quod ad priorem propoſitionem attinet, peccatum non propterea non eſſe peccatum, atq; adeo etiam imputandum, quod ex neceſſitate fiat, quum aliud neceſſitas, aliud coactio ſit. Neceſſariò bonus eſt Deus, non tamen alicuius coactus. Contra verò Sathanas neceſſariò malus eſt, & nihilominus non propterea illi non imputatur peccatum: Tua voluntas ab Adami caſu neceſſariò peccat, & voluntaria tamẽ vt ita dicam non coacta id facit, adeò vt ex ſe ipſa ſua ſibi damnationem, ſalutem autem è ſolo Deo nanciſcatur. Quod vero ad ſecundam propoſitionem pertinet, eam deductionem paralogiſmo conſtare, atq; ob id nullius eſſe efficacitatis eſſe dixerim: quum à voluntario ad liberum perperam fiat: Iam enim demonſtratum eſt, res aliquas voluntate fieri, quæ tamen ex ſe ipſis neceſſariæ ſint. Subijciebat etiam Rex. Si virtutes vitiaq; ex electione libera non proficiſcuntur, iniquum videtur, aut mihi præmium reddi, aut ſupplicio me affici. Quod ſpectat ad virtutes, aiebat Epiſcopus neq; abſonum, neq; inconueniens videri debet, eas tui cauſa nullum habere præmium

TRAGOEDIA.

76.

mium, vt quæ nequaquam tuæ, sed solius dei sint: qui quidem iplis tanquam suis donis quicquid placuerit præmiij gratuitò largiri solet. Quod autem ad vitiorũ supplicia: infliguntur ea sanè tibi quàm iustissimè, propterea quod ipsorum ex te vitiorum culpa proueniat. Sub hæc adiiciebat Rex. Nisi voluntatis arbitrio relinquitur vel bonũ, vel malum eligere, asserendũ erit, nos omneis esse aut vna & eadẽ natura bonos, aut vna & eadẽ natura malos: atq; insuper addendum, Adhortationes, Admonitiones, & Correctiones frustra fieri: quũ in nullius facultate sit, his ipsis obtemperare. Assentior, inquebat Episcopus, omneis nos prauos esse natura. Verum diuina misericordia fit, vt non omnes in eadem prauitate perseueremus, omnes inquam eodem morbo laboramus, ex quo non conualescunt, nisi quibus sanitatem largitur Deus, reliqui omnes intereunt. Quod verò ad Adhortationes, Admonitiones, Correctionesq; attinet: Si quod hũc tu ais, verum foret, etiã Iesus Christus reprehendendus esset: quippe qui te asserit nihil posse line seipso facere, & adhortatur tamen te vt bene facias, tibi q; ni id feceris, minitatur. Idẽ quoq; de ipsius Apostolis dicendum. Quo circa noratione dignum est, bisariam Deum suis in electis consueuisse sua opera exequi: videlicet interno afflatu sui spiritus, et externa sui verbi prædicatione. Suo spiritu mortaliũ menteis illuminans, pectoraq; ad charitatem, et iustitiæ cultum accendens, nouas ipsos homines creaturas facit. Suo autẽ verbo eosdem excitat, vt hanc ipsam innouationem & curpiant, & quarant, & consequantur, efficaci suæ manus adhibita vi, ad ambas operationes iuxta æterni sui propositi seriem, atq; ordinem perficiendas. Postremò subdebat

LIBERVM ARBITRIVM

debat Rex: Ad ostium moratur deus, & pulsat, suā mihi gratiam daturus, si illud aperire, atq; hanc recipere voluero. Non tu per te ipse aperis, inquiebat Episcopus: Verum qui pulsat, idem etiam referat ostium Deus: quādo solus is habet Davidis clauem, qua solus ita dē & claudere, & recludere quicquid vult, valet. Quod verò gratiam tibi suam Is largiatur, si tu hanc ipsam recipere volueris: ita tibi persuadeas velim: Deum quidē ipsum gratiam exhibiturum si tu eam ex animo quaesieris & efflagitaueris. Atenim hoc ipsum vt quaeras & efflagites, non ex te, sed ex eodem ipso est Deo. Nam tu sanē per te nihil aliud velle potes, quam nec inquire re. vnquam, nec efflagitare hanc gratiam. Cōsuevit adūbratus hic rex, & alia quādam in publicum ad se tuendum proferre, Verum quoniam vt nullius momenti res nullo item negotio refelli possunt, his enarrādīs hic supersedebo: loquendiq; hac de re iam mihi finē faciā.

BER. Satis omnino dictum est nunc Paule. Nemo me in Tyranni huius aula iam amplius videbit. Forsitan in futurum Bonae Intentionis ducis excellentissimae, quae in vniuerso Bonorum operum Regno vicariam potestatem exercet, Aulicus fiam:

PA: Si me secutus Autorem fueris Bertuci, Pharaonum istorum omnium aulas tandem aliquando relinques: ac solum Iesum Christum sequeris, qui solus etiā tuis omnibus necessitatibus semper aderit praesēs. Hae bona Intentio, quam tu Ducem appellas, ac velut autem albam esse credis, haud aliter quam suus Rex & inanis & contumax, & importuna est mulier, nec minus ad se mala trahit quam Cacias nubeis. Pracepit Olim illi Deus, vt in ijs quae suum ipsius cultum spectant, rebus, non quod

quod sibi rectum videretur, Sed quod solum diuinæ lī-
tere dīcent, efficiat: non addat suis praeceptis quicquam
aut imminuat, non ad sinistram, neq; ad dexteram defle-
ctat, sed ad sui modo verbī praecriptum, proprio sensu
renunciato, sibi inseruiat, & vana tamen haec Mulier.

Nititur in vetitum semper, cupit atq; negata.

Quæ Deus præcipit, minime præstat, & nihilominus in
hac Regni, non Bonorum, sed Malorum operum admi-
nistratiōe præsefert se Deum velle ad suum arbitrium
ac libidinem excolere. Si in veteri testamento peccati
damnabat illos Deus, qui sacris à se quidem ordinatis,
at non quo iusserat ipse modo sibi oblati honore sese
eum afficere arbitrabantur, quanto grauioris quæso
criminis hanc peraget ream: quæ neq; ab se instituta
sacrificia: neq; quo pacto Is instituit, sed ineptis tantum
ac saepe impijs quoq; quibusdam suis opinionibus ex-
cogitata, sibi offert: Nec sanè minus inofficiosa non ob-
sequentijs huius foeminae peruiticia, contumaciaq; dis-
plicet Deo, q̃ Saulis aliàs factum displicuerit, quum i Reg. 15.
suo ipsius dicto minime audiens in Amalechitas fuit.
Quod quidem factum Idololatriæ nomine à Samuele
propheta non iniuria notatum est. Non satis est habere
studium Dei, nisi non inscitè id fiat. Quondam ego
quoq; traditorum à Maioribus meis institutorū studios-
sissimus hac instigante Iesu Christi membra presequen-
bar, ac mihi sic videbar cultū præstare Deo: Sed misere-
ricordiam deniq; sum cōsequutus, quod isthuc ipsum in-
sciens fecerim: Quod sanè quamplurimis item alijs vsu
venire non dubito.

BER. Quum sui cognitionem vestris huiusmodi ser-

X

mon

LIBERVM ARBITRIVM

monibus augeat in me Deus, quæ de hoc ipso Tyranno adhuc dicenda supersunt, libentissimè auscultabo, quum primum ab Aracœlensi Cœnobio reuersus fuerō. Illuc enim Bulla hæc mihi nunc afferenda est. Actutum ramen hîc adero.

PA. Quū redieris, curabimus tibi factum satis. Atq; audin? Caue quæso posthac tibi cum Bullis commercium sit. Nam vt impietatis plenissimæ, ita pietatis inanissimæ sunt Bullæ: atq; ob id etiam adeo leues, vt necesse habuerit Papa illis plumbum appendere, ne suam ob leuitatem ex eminentium manibus euolarent. Nos interea dum reuerteris, hanc immanem, insanam, ingentem Fabricam, vel potius vt nunc est, Fabricæ ruinam, quam tibi Petre dicatam esse aiunt, inuifemus.

ACTVS QVAR.

TI, SCENA SECVNDA.

BERTVCIVS, DIACONATVS, FELINVS.

Est quod immortalis gratias agam Deo, qui mihi edemum ostenderit & Papæ aulam, & quicquid aularum inde prouenit, aliud nihil esse, q̃ Satanica prostibula, vbi per speciem diuini cultus, & Christianæ pietatis, impijs quum opinionibus tum factis Iesus Christus absq; vlla intermissione proteritur, ac negatur. Alioqui fieri poterat, vt ex illis plusq; Cimerijs tenebris nunquā emerissem. ô Plantas ab Agricola cœlesti nequaq; conlitas, quando erit vt vos videam stirpitis eradicatas?

Atenim

Athenim quosnā ego conspicio ē Palatinis aedibus prodire: Diaconatus profectō est cum Felino: Conueniam hos antequam ulterius procedam.

DIA. Dum Reuerendissimos Cardinaleis admonitum imus Feline, Vt cras ad Herum nostrum se conferant, Sacellanus eidem persuasit, operaprecium illum facturum, Si etiam Monachatenlium Sectarum Generaleis, quos vocant, ad se vocet, illisq; significet si habeant in optatis purpureum Galerum induere diligentissimē cūrent, vt subiecti sibi ipsi populi non modo non faciant cum Lutheranis, at illos potius audacter impugnent, ac Romanam sedem quauis tandem ratione tueantur: Quod si quem ē suis minus optemperatē inuenerint, eum protinus in carcerem, aut in ergastulū cōficiant, aut ad Triremeis. Id quum valdē arriserit Hero iussit hos quoq; admoneamus, vt & ipsi die sibi crastino præsentes adsint. Hoc si antea sciuissemus, vna cum Reuerendissimis Cardinalibus admoneri poterant: Sedenim hoc secundum iter inceptam prius deambulationem nostram perficiet, ac sic opsonabimus ambulando famē. Hoc Sacellani consilium mea quidem sententia nō prorsus imprudens est: atqui ipsius inconstantia reprehensione non caret, qui eadem modo ait, modo negat quā leuissimē.

FE. An nescis Diaconate Sacellano huic ex Asse paterno nō nisi mobilia quæ vocāt, bona iure hereditario obuenisse. An non vides hunc esse stultū visu verbo, & opere, quod in Missa dicunt Sacrificuli? Non vides hūc ob crassam literarum omnium ignorantiam bonis etiā auribus male audire? Licet hac in parte aliquid habeat, quod inscitia sua meritō queat prætendere: Nam

X

ij

quum

Adoroteron.
Ad elutionem.

LIBERVM ARBITRIVM.

quum ex Paulo Apostolo literā occidere percepisset, nihil vnquam literarum, ne aliquando occideretur, discere voluit. Verum quoniam ita libitum est Hero, & nobis ire iam libeat. Sed est ne is Bertucius, qui concitato gradu nos hinc sequitur? Ipsus est. Quo sic prope-
ras Bertuci?

BER. Vos assequi contendebam. At vero tu Diacono, qui, vt video, quiescis nunc, quo nostro cum Felino nunc accedis?

DIA. Munus hoc meum est, nunc cessare ab officio. Imus accersitum Sectarum Monachatenensium Generaleis, vt ad Herum nostrum se recipiant. Atq; hic adeo cum Felino conquerebar quod non hos etiam cum Reuerendissimis Cardinalibus, paulo ante per nos inuitatis aduocauerimus.

BER. Quinam quæso Cardinaleis? Et qua de causa inuitatis?

DIA. Sex accersere iussi sumus qui Lutheranae Hæresi extirpanda præficerentur: quod quidem illos esse studiosissimè facturos non veremur; præsertim verò Reuerendissimum Theatinum, qui primus inter hos ipsos est. Nam quum & sanctissimus vir, & Lutheranis insensissimus omnino sit, nihil intentatum relinquet, vt eos penitus ad nihilum redigat.

BER. Hoc sic habiturum, si huiusmodi autoritatem adipiscatur Theatinus, nemo est, qui ambigat. Namq; vt Herostratus Ephesiae Dianæ templum quod sibi nomen acquireret, olim incendit, ita nunc ipse Theatinus Christianos vera Dei Tempia comburere, vt è tali carnificina gloriam sibi paret, non verebitur. Atenim si hac in causa, quam Lutheranam appellant, & summus Pontifex

Observandum est: quod paulo ante fuit etiam admonitum: hæc videlicet fuisse conscripta Paulo tertio Papam a gente, qui etiam Theatinum Cardinalē creauit.

Pontifex Romanus, & Liberum Arbitrium Rex Gama
lielis in actis Apostolicis insertam sequerentur senten
tiam, grauissimis anxietatibus, ac molestijs, vt ego qui
dē arbitror, tū seipfos, tū alios liberarent. Sed vt Theati
num reuertar, quod separatim de ipso intulisti Virum
videlicet hunc esse sanctissimum, id vero pernego: Ma
gisq; affirmo Theatini sanctimoniam esse talem, vt si re
cte noscatur exclamandum sit à Theatina sanctitate li
bera nos domine. Theatinus Heroinam Hyppocrisim
Matrem habet, à qua per limulatam quandam sancti
tudinem miserrimum omnis ambitionis mancipium
est factus.

DIA. Vnde compertum habes id Bertucij?

BER. Sexcentis indicijs exerit sese, Inprimis tamen
euincitur quibusdam quæ Is olim Venetijs effutiuit,
honorum cupidissimis verbis.

DIA. Quanam ea fuere obsecro?

BER. Dicam tibi. Venetijs quondam bonus Is The
atinus, vnà cum Humani Discursus filio, quem fidum
sibi Consiliariū ascuerat, diu hæsit: Quūq; cū hoc ipso
per id tempus de consequendi Cardinalatus ratione
consilium frequenter iniret, vsq; adeo semel huius di
gnitatis adipiscendæ studio exarsit, vel, vt verius dicam,
furore correptus est, vt clamosa voce de improviso in
hos versus proruperit,

Vllus haud vnquam miser vndecunq;

Seruus optauit magis esse liber:

Vlla nec sese vaga nauis alto

Condere portus:

X

ijj

Vrbe

LIBERVM ARBITRIVM

Urbe quam mitti mihi iam rubentem
Omnibus votis cupiam Galerum;
Ordinisq; inter sacra purpurati
Septa locari.

Quid si per sacra
septā causā
las execrabiles
intelligas: qui-
bus hæc papisti-
cæ pecudes in-
cluduntur?

Agathonia
Canio.

Alpophregma.

Huius Liberti
ni fortis imagi-
natio fecit casū
(ut loquitur)
Nā re vera de-
mum Papa cre-
atus est: reli-
quisq; Antich-
ristis adiunctus
in Christi mē-
bris crucians
patrum suorum
mensuram cu-
mulatissime
implēt.

Tum verò Consiliarius acerbā Heri molestiam huma-
nioribus verbis demitigare conatus, mi Domine, in-
quit, obsecro te, tandem aliquando grauem in quo iac-
ces, maiorem minue, bonoq; animo sis. Etenim ruber
is pileus, quem tantopere desideras, totq; artibus exqui-
ris, mittetur ad te semel, quum de ipso minimè cogita-
bis. ô me miserū atq; infelicem exclamauit illico The-
atinus, si quæ nūc tu ais, vera sint: Nam si mihi tum de-
mum mittendus est pileus, quum de ipso minimè cogi-

tauero, nūquam me hercule mihi mittetur: quum ego
nihil vnquam aliud, quam de illo ipso cogitem. Iam po-
tes, nisi hallucineris, animaduertere, qualis Theatini sit
sanctitas: & quamobrem etiam ab ipso simuletur. Quum
equidem mihi persuadeo non minus hunc ipsum papa-
lis esse nunc diadematis, quam tunc fuerit pilei Cardia-
nalici cupientissimum.

DIA. Non est iniquum, mihi crede, Bertuci Cardia-
nalatum seu Papatum per dominam Hypochrisim, aut
etiam per magicas artes illis parari, qui aut fauore: aut
pecunia, aut aliqua id genus alia ratione dignitates eo-
iusmodi nequeant adipisci. Etenim si is, qui Episcopas-
tum desiderat, bonum opus desiderat, Paulo teste, non-
ne ut qui Cardinalatum, melius, & qui Papatum, opti-
mum opus desideret, consequens erit?

BER. O lepidā consecutionem. Equidem arbitror
ab ijs romanensibus aulicis acceptam, qui isthunc ipsum
Apostoli Pauli locum, & quod ad rectam verborū dis-
tinctionē

inctionem, & quod ad vnius voculae deprauationem corruptum afferentes, ita instaurandum esse contendunt, ut hoc modo habeat ipsa lectio. Qui Episcopatum desiderat bonum, opes desiderat. Et sanè quidē quod lectionis huiusmodi series à vero sensu remotior est, hoc ad nostri temporis usum est accommodatior. Nam & Episcopatum & Cardinalatum, & Papatum gradus hodie nullam ob aliam bonitatem, quam ob diuitias, voluptates, delicias, fastus, pompas, ditiones, & Monarchias audissimè expeti, certissimum est. An non his nanciscendis cupidissimè inhiant, qui etiam per magicas artes (Siquidem id verum est, quod tu paulo ante dicebas) illuc peruenire contendunt?

DIA. Ut ne dubites Bertuci verum id esse quod dixi, duos precipuè tibi profero, quos eadem hac via grassatos ad Papatum fuisse liquido constat: nempe Gilbertum Gallum monachum, qui postea Syluester secundus nuncupatus est: ac Theodericum Borgiam, qui deinde Alexander Sextus est dictus.

BER. De Syluestro, utpote qui versatus inter Monachos fuerit, haud difficulter accesserim: Eius enim generis hominibus familiaris usus, ac peruetus cum Satana consuetudo est: facileq; ab ipso impetrare, quicquid libuerit, valent. At de Alexandro, qui cucullum non induit, magis mirum videri possit. Quapropter quonam pacto Is hoc tentauerit, atq; adeò tandem etiam affectus sit, non equidem inuitus audiuerim.

DIA: Ego quoq; vicissim non grauarer id referre, nisi mihi nunc omnino hinc abeundum esset. Verum ut existimo, totum hoc negotium per seriè passim promulgatum breui per te ipse & audire, & legere poteris

Etenim

LIBERVM ARBITRIVM

Etenim Petrus Paulus Vergerius quondam Episcopus Iustinopolitanus integram, vt audio, hanc Tragediam editurus est.

BER. Ille ne Vergerius olim Papæ, nunc verò Iesu Christi Episcopus & Legatus? Virum esse aiunt quam eruditissimum, atq; à vera pietate laudandum, qui non solum quod abs te modo de Borgia dictum est, mandare literis, verum etiam papisticas alias omnes imposturas ac fraudes, vt qui optimè has ipsas calleat, scriptis haud intermissis orbi retegere & velit, & valeat. Ab illo igitur hoc expectabimus. At vero tu nunc cedo, petiturusne etiam es Aracæense Cœnobium?

DIA. Vtiq; petiturus. Nā oportebit nos inde quoq; Lignipedum Generalem euocare.

BER. Velim, ni tibi graue sit, hoc diploma inibi Monacho cuidam Pucio dicto des meo nomine.

DIA. Hoc nihil est. Lubentes inseruiemus tibi.

BER. Ego interim in proximam diui Petri AEdem reuertar, vt quosdam bonos amicos meum aduentum illic præstolanteis conueniam.

ACTVS QVARTVS

TI SCENA TERTIA.

PETRVS APOSTOLVS: PAVLVS

APOSTOLVS, BERTVCIVS.

Non possum Paule stupiditatem, atq; adeò impietatem eorum, qui huiusmodi templa constituunt diuiscq;

diuisq; sacrant, non vehementer mirari. Nam si ipse Deus ædificari sibi ipsi taleis fabricas nō permittit, quip̃ pe qui manufactas domos, quemadmodum tutē scīs Act. 7. 17. optimē, minimē incolat, quanto minus id suis diuis fieri sustinebit?

PA. Sanē itā est Petre vt tu ais. Verum enimvero quum in fatis esset, vt scelerum atq; impietatum omnium parens Roma foret, mirum non est, hunc etiā statuendorum templorum sacrilegum errorem hinc originem traxisse. Tamen si quod ad hāc AEdem pertinet, quam tibi dicatam Papa hīc magnificentissima structura erigere velle se simulat, nō id quæritur, vt ædificium aliquod, quemadmodum iacta fundamenta præferūt, extruatur: Sed solummodo per ædificij tibi construendi simulationem, re autem vera per sceleratissimum latrocinium ingens vndecunq; pecuniarum numerus corradatur. Etenim mihi persuadeo, tantam aurī, argentiq; vim à Pontificibus Romanis hac ipsa occasione iam fuisse collectam, vt si totum id in vnum congregetur, aureum & argenteum templum, sub cuius tegulis etiam innumera cubent noctura, tibi faciliē exædificari queat. Atqui ecce tibi Bertucius noster adest.

BER. Adsum inquā: etenim dissolui me otius quam putaram. Nam per alium quendam amicum Aracelen sis bullæ nogocium expediui. Nunc itaq; vos oro per Iesum Christum, vt quæ de Liberi Arbitrij rebus exponenda supererant, quæq; vos recepistis exposituos, mihi iam exponatis. Nam quum à Christo meæ salutis Autore discessero, nullus est, quem libentius quam vos audire cupiam.

PA. Ita faciemus Bertuci. Vm tu Petre hanc Prouinciam

LIBERVM ARBITRIVM

ciam suscipere:

PE. Tu potius hoc expedi Paule, qui etiam liberiore lingua id efficere potes.

PA. Expediam igitur: & quidem q̄ breuissimè poterō. Iam te arbitror meminisse Bertuci non ita dudum inter nos dictum esse, quæ Liberum Arbitrium spectant, & ficta & personata esse omnia: Sedenim vt commodius hæc ob oculos posita percipiantur, paulo altius mihi quædam nunc repetenda sunt. Quum Diabolus inter conditarum rerum primordia tentasset velle se æqualem constituere ipsi Deo, se q̄ tandem huius rei frustra periculum fecisse conspiceret, quandam saltem, quæ Deum imitaretur, induere simiam decreuit: Atq̄ ita factum est, vt postea semper se non aliter, q̄ si Deus esset, adorari quæsierit: & quicquid instituentem conspexerit ipsum deum, idem & ipse, non tamen quo deus animo, voluerit instituire. Quamobrem quum Bonorum operum quoddam Regnum à Deo quondam designatum, atq̄ huic in duas prouincias, alteram Dei Amorem, alteram proximi nuncupatam, distincto, Regem suum filium præfectum, nec non eidem filio sancti Spiritus opera Fidem fuisse desponsam, atq̄ indè charitatem continuò natam animaduerneret: Ipse quoq̄ nominis eiusdem alterum Regnum non in duas tantum, sed in plureis Prouincias, ditionis augendæ causâ discretum confluxit: vt de illo non prorsus ineptè quidam cecinerit dicens.

Vnum quidem est hoc Dæmonis
Regnum: At lues hoc inficit
Non vna; non vnum malum.

Atq̄

Atque in hoc ipso regnare Liberum Arbitrium fecit. Actusq; Eliciti opera Gratiam de congruo Vxorem huic datam, & Gratiam de condigno deinde hinc genitum tam impudentissimè est mentitus: quo clarissimis rebus per adumbratas huiusmodi personas obductis tenebris, nequissimum, quod in animo habebat, comòdè magis exequeretur facinus.

BER. Quam diuersæ sunt hæ personæ ab Silenidis Alcibiadis: Atq; hinc oro te Paule ne feras molestè, si tuam orationè aliquantulū interrompo. Contigit hodie me audire quendā huius abs te dicti nunc Regni Præuincias, Vrbeis, Vectigalia, Mores, Leges, & Magistratus recitantem. At ne mentiar itā mihi uisā sunt omnia omnibus inquinamentis, atq; in Deum, hominesq; sceleribus refertissima, ut pigeat pudeat. p̄ referre. Quin quum euangelica ratione contra eorum nonnulla uenirem, hæresis agi me reum statim sensi.

PE. Ergo damnatur hæreseos, qui, quod ait, scriptis euangelicis confirmat.

BER. Non tantum damnatur, sed etiam sæuissimè comburitur.

PE. O nequissimos Papicolas, ipsis etiā Turcis multo iniquiores: quandoquidem nullus apud Turcas ob liberam Euangelij professionem damnatur.

PA. Vel hinc Petre videre licet ipsum Papam non Christi, sed Sathanæ Vicarium esse, quod sui principis armis, igne nimirum in innocenteis sæuit. Sed ut ad institutum reuertamur: Id velim obserues Bertuci hæc Bonorum operum Dei ac Diaboli regna inter se vehementer & origine & ingenio, & prouentibus, & fine differre. Nam prima Regni Dei origo sola atq; vnica
Y ij ipsius

LIBERVM ARBITRIVM

ipsius Dei voluntas est, Qui solus item natura bonus
 quum sit, suæ bonitatis vim in ea tantum opera quæ ip-
 se bona vult esse transfundit, ac suis hæc populis per
 sua scripta mox reteggit, vt in illis assidue versentur, ac
 seipsos exercent. Quemadmodum enim nullæ operatio-
 nes prauæ sunt, nisi quæ diuinis literis prohibentur, ita
 nullæ sunt bonæ, nisi quæ literis eisdem præcipiantur.
 Ingenium præterea est eiusdem Regni, vt incolæ
 non admittat, nisi probos Viros: quod fructus bonos
 non proferat, nisi arbor bona. Hoc insuper idem Reg-
 num nullo ex seipso quidem, sed solum è Iesu Christo
 Rege suo prouentus habet. Etenim ipse Rex bonitatē,
 Innocentiam, Sanctitatem, Iustitiam, salutem, aliosq; su-
 os omneis rebus Incolis omnibus benignissimè largi-
 tur. Huic deniq; Regno finis est propolitus nullo ad
 præmia respectu fidelitatis tantum ostendendæ gratia
 Deo ac proximo liberrimè inservire. Iam è cōtrario Sa-
 thanici Bonorum, vt falsò nominant, Operum Regni
 prima origo, Sola quidem ipsius itidem Satanæ volun-
 tas est. At quum is ex seipso iniquus sit, non nisi etiam
 iniquas operationes producere ex se potest: quod ar-
 bor mala non ferat nisi malos fructus, licet hos ipsos
 quodam fictæ bonitatis colore, vt à cunctis facilius am-
 plectantur, obducatur. Huius ad hæc ingenium Regni
 est, vt Adulteris, Parricidis, ac nequissimis quibusq; ho-
 minibus de habitatione accomodet. Præterea quum ni-
 hil omnino ex hoc etiam Regno prouentuum hauria-
 tur, tamen nihilominus impudenter audet Sathan asse-
 rere ex ementito vectigali, quod Meritum appellant,
 huic imposito, infinitam penè reddituum summam exi-
 git: quod tamen tam verum est, quam quod falsissimum.
Postremo

Postremò huic Sathanico scopus est Regno inferuire sibi ipsi, vt supernam paradisum lucretur, ac suam animam seruet. Qui sanè cultus, quid aliud est, quam Hebreorum more sibi vitulum conflare, suarumq; manuū operationes adorare, atq; ex ijs ipsis Iesu Christi loco sibi seruatorem conficere? Quod quidem adeo ingratiū atq; impiū est, vt nisi quadam id simulata bonitatis vmbra Satan obregeret, & visuri, & reprehensuri essent etiam Ethnici. Arbitror te iam Bertuci animaduertere quam ingens inter hæc Regna sit discrimen. Sed adhuc longè melius hoc perspicias, quum horum Regnorum quarundam separatim Prouinciæ condiciones tibi recensuero.

BER. Quo plura ex te audio Paule, hoc audire magis auet animus: quod inde multū me proficere sentiā.

PA. Eo libentius itaq; quod reliquū est, prosequar. Quum Deus optimus, Maximus initio suam imaginem Adamo contributam, ac mox ipsius vitio perditam suis in Electis esset instauraturus, Iesum Christum suam ad viuū expressam imaginem in orbem misit, ac per eum pœnitentiam, peccatorumq; remissionem in Euāgelico Regno prædicari voluit. Quod his duabus potissimū rebus contineatur spiritus regeneratio, per quam quidē eadem imago Dei paulatim ab ipsis electis in eodem Iesu Christo resumitur: vt deinde per spiritum sanctum, quem ipse largitur Deus, non in se ipsis, sed in Christo, non sibi ipsis, sed Proximo perofficiose iam uiuant. Hoc Satanæ admodum ægreferens Papam & ipse suam viuam ac veram imaginem in orbem misit: ac per hunc in Sathanico suo Regno Pœnitentiam Prouinciæ sumpto diuinis ē scriptis aduersutius imponendū

*Adalus vocant
dus est: qui sua
causa est bono*

LIBERVM ARBITRIVM:

vocabulo constitui iussit: quo suam inibi suis in membris non instauraret quidē, sed firmitus cōseruaret imaginem. Porro autem quemadmodū in euangelica Pœnitentia vult ipse Christus vt sui sincero cordis timore per carnis mortificationē, ac viuificationem spiritus verē ad verum Deum conuertantur: perq; sui ipsius oblatum Patri sacrificium delictorum condonationem acquirāt: Ita in Sathanica Pœnitentia vult ipse Papa, vt sui pœnarum violento timore ad imaginariū quendam suū Deum conuersi commissā plangent, & plangenda non committant (vt ipsi quidem loquuntur) Ac per fictam auctoritatem, quam lubileo atq; eius coniugi Indulgentiæ nec non cæteris ipsorum Aseclis omnibus, ac suis Administris falso ipse largitur, peccatorum remissionem sibi ipsis aut parent, aut emant. Potuitne Versipellis Diabolus Euangelij summam, videlicet Pœnitentiā & criminum veniam maiore astu obscurare: & quod in se fuit ad nihilum redigere: Quanquā suos Deus errare perpetuò non sinit: sed è Sathanæ laqueis extractos tempore destinato demum ad se reuocat.

BER. Mihi quoq; sic vsu nunc venit ô Paule: quā obrem etiā quā maximas ago gratias Deo, qui me tandē ex eiusdem Sathanæ dolosis prastigijs eripuerit.

PA. Hoc idem cum Ieiunio, cum Oratione, & cum Eleemosyna, quæ fructus ipsius Pœnitentiæ pro tempore, ac pro necessitate sunt, efficit Sathan. Horū namq; similiter è sacris literis exceptorū nomīnum titulis aliās quasdam sui Regni Prouincias itā exornat, vt pulcherrimæ, ac honestissimæ videantur Matronæ, quum tamen non nisi fucatæ, atq; impudicæ Meretrices omnino sint. Ieiunium verum hac potissimum de causa institutum est

est, vt attenuato per ipsum corpore, liberius ad preces
exurgat, & expeditius ad rerum diuinarum meditatio-
nem conscendat animus: ac demissionis, humilitatisq;
testimonium præferat, quoties Deo publicitus latendæ
sunt culpæ. Præcationes verò diuinitus ordinatæ in hoc
fiunt, vt hominum corda propentiore desiderio quærẽs
di per fidem puram Dei, magis magisque quotidie accẽ-
dantur: quo discant homines atq; assuefiant in quauis
indigentia, vitæq; necessitate ad vnum se Deum sine vl-
la hæitatione conferre: discant animo gratiore tam di-
uina q̃ humana precibus ipsis impetrata, recipere bene-
ficia: discant deniq; sese totos, ac sua omnia diuinæ pro-
uidentia, curæq; committere: quum videant ipsum De-
um mortaleis omneis non tantum adhortari, sed illis e-
tiam præcipere, vt se vnum modo, non diuos, per vnũ
inidem Iesum Christũ in omni quocunq; discrimine, &
inuocent, & implorent: Eisdq; pariter polliceri se per eũ-
dem modo Christum Iesum, nõ autem per vltos Diuos
illorum preces exauditurum, quò dignas inde sibi refe-
rant gratias, ac suum ipsius nomen gloriose magnificẽt
& extollant. Verum id obseruandum est, Ipsum Deũ
neminem vnum orantem audire, nisi qui solum suo in-
templo nempe Iesu Christo precetur: propterea quod
in eo tantum tota diuinitatis plenitudo corporaliter in-
habitat: vt nefas omnino sit aut ab alio q̃ a solo Deo,
aut per alium quam per solum Christum aliquid pete-
re. Eleemosyna qua de sacrae literæ faciunt mentionem,
Proximi siue is amicus, siue sit inimicus inopiæ cuiusuis
generis, ipsum solummodo Deum intueudo inseruit. Et
Sathã nihilominus adulterinis harum rerũ nominibus
itã orbi per Papã suum Vicarium imponit, vt per hũc
imperet

Joan: 24

LIBERVM ARBITRIVM

imperet, in Dei ac Diuorum cultum, & ad promerendā diuinam gratiam esse ieiunandum: petendum à Diuis, vt suis meritis, ac suo fauore nos iuuent, quò per ipsos velut Internuncios omnia primò deuitemus incommoda, mox verò tam huius, quam æternæ vitæ commoda consequamur: denicq; Pauperibus esse dandum ad inducenda peccatorum nomina, & ad cælestem patriam conquirendam. Quæ sanè omnia cum quamplurimis id genus alijs, eo iniquiora sunt, quod quum suam gloriam ipsi deo, suumq; officium Iesu Christo (quod in se est) eripiant, hoc tamen ipsum per Christianæ pietatis, religionisq; simulationem efficiunt. De reliquis autem umbratilis huius Regni vanissimis Prouincijs, deq; utilibus earum stipendijs, ac præsertim de Lucroso Purgatorij Portorio nihil est, quod hic loquamur: quoniam quū hæc omnia omni adeo soliditate careant vt ne nomen quidem è diuinis acceperint literis, facilè ab omnibus pro falsis deberent agnosci. Quanquam is hæc ipsa nititur Sathan pluribus, quam quæuis alia, pigmentis, ne cognoscantur, aspergere.

BER. Vlcus ipsum attigisti Paule. Quotus enim quisq; est obsecro, qui non existimet Monachatu, Diuorum cultum, Missam, institutæ à Christo Cænæ loco per diabolū inuectam, aliq; huiusmodi nefaria portenta res esse absolutas, perfectas, cunctisq; suis partibus non expletas modo, sed etiam expletissimas: ô te nebricosas mortalium menteis multò etiam talpis ac leberidibus cæciores.

PA. Illud adhuc vnū diligenti animaduersione dignissimum est: quod quū inuidus ac fraudulentus Dæmon hoc suum Regnum in perniciem tantum hominū excogitat

excogitauerit, nihilò secius tamen omnibus falsò persuadere conatur, per anfractuosas ipsius Regni semitas ad Iustificationis portum, ad peccatorũ condonationẽ: deniq; ad supernam vsq; Hierosolymam tutissimum patere iter: quod quidem adeò blasphemum, atq; impium est, vt religiosæ id aures ferre nequeant. Enimvero si Deus ipse per sui ipsius Bonorum Operum Regni sacrosanctum iter ad ea, quæ modo diximus loca, non concedit accessum: quantò minus hoc per illud ipsum, quod ipse mentitur Dæmon, fiterit concessurus? Vna tantum illuc adeundi est via, nempe Iesus Christus Dei filius. Quæ sanè via ne omnibus quidem aperta est, sed ijs solummodo, quos ipse Deus ante mundi constitutõnem iuxta propositum suum in ipso suo filio iam elegerit. Quare re arbitror mi Bertuci Sathanæ insidias in hoc euanido suo Regno quum instituendo, tum administrando iam probè satis tenere.

BER. Equidem mihi videor, tanquam vngueis digitosq; meos has nunc ipsas callere, atq; ita quidẽ, vt etiam si idẽ Sathanas Gigis anulũ suis ministris donet, me tamen amplius decepturi non sint. Cæterum nescio quid mihi dubitationis Paule suboritur è proximis tuis verbis, quibus asseris Deum ne per sui quidem Bonorum Operum Regni securam viam, sed per Iesum Christum solum ad iustificationis portum: ad peccatorum veniam: & ad cœlestem paradysum aditum concedere. Nonne ipse Christus Iesus veri Dei verissimum os affirmat, etiam per isthuc ipsum Regnum ad loca hæc iter esse, quum ait, postremò tempore se dicturum beatus sui patris, vt possideant paratum illis Regnum ab orbe condito, propterea quod per illud ipsum Bonorum

Matth 25.

LIBERVM ARBITRIVM.

Cap: 2

Act: 15.

rum Regnum ad hoc alterum contenderint? Nonne, insuper & tu Paule ad nos Romanos olim scripsisti, red-
diturū esse Deū vniciq; iuxta facta sua? Atq; illos tan-
tum, qui legem factis exprimant, haberi iustos apud ie-
psum Deum? Iam verò an non alteram adhuc viam ad
hæc eadem loca sacra nobis ostendunt literæ? Fidem
nimîrum Iesu Christi vnicam sponsam? Quilibet nostrū
nouit optimè, ipsum Christum Iesum non infrequenter
in Euangelio dixisse, fidem esse que seruet. Petrus quo-
que hic noster inquit. Hominum corda fide purificari.
Quin tu etiam Paule tuis in Epistolis millies, vt ita di-
cam scripsisti, fidem esse quæ iustificet. Qui hæc igitur
inter se consentanea esse poterunt?

PA. Id vt quàm optimum tibi, ita mihi quàm gratissi-
mum est Bertuci, vt quæ dubitationem afferre videan-
tur, in medium proferas, ne scrupulus vnquam aliquis
in animo resideat. Idem post hac etiam tibi faciundum
cēseo. Verum quod ad hanc tuā nunc attinet aporian,
licet per me ipse tibi paucis respondere possem, libet
hic tamen referre benè longum sermonem, quem sue-
per eiusdem generis quæstiuncula Dominicus a Domo
Alba ciuis Bassanensis quondam cū Veneto quodam
habuit. Etenim spero sic inde tibi satisfactum iri, vt nihil
amplius hæsitacionis hac dere futurum sit reliquum.

BER. Ita quæso mi Paule, Nam isthæc ipsa nunc ambig-
uitas eò magis tollenda est, quò quamplurimis nostra
repestata maior facessit negocium.

PA. Faciam mi Bertuci, ne dubita. Atq; vt hinc iam
narrare incipiam. Quum Is Dominicus de quo in præ-
sentia memini, ob synceram solius Euangelicæ doctri-
næ professionem à sacri Papæ sanguinarijs Ministris
Placentiæ

TRAGOEDIA.

86.

Placentiæ non ita pridem excruciatuſ, ac publicæ necatus eſſet, atq; in cœlum Chriſti Martyr iam factuſ ater, num victuruſ conſcendiſſet, inter alia quæ mecum multa inibi conferre conſueuerat, hoc quoq; mihi ſemel expoſuit: ſibi quum etiam tunc diuinæ veritatis lumine non ſatiſ eſſet illuſtratuſ, à quopiam Veneto, quo cum illi non vulgaris intercedeſſet neceſſitudo, hunc nodū fuiſſe penitus expedituſ. Sedenim expediet fortaiſſe magiſ, vt eiuſdem Veneti verba, quemadmodum mihi ab ipſo Dominico relata ſunt, referam, commodiuſ nanq; rem omnē eo pacto te eſſe percepturuſ exiſtimo.

BER. Vt lubet Paule.

PA. Sic igitur cœpiſſe illum hac de re diſputare aiebat. Mon opinione infirma ſed ad veritatem planē mihi perſuaſum eſt mi Frater Ieſum Chriſtum ſolum eam eſſe viam per quam vnā in cœlum ingrediendum ſit: atq; vt id ita eſſe certō certiuſ credam, Idem ipſe Chriſtus Ieſuſ facit: quippe qui mentiri quum nequeat, de ſe ipſe in hunc teſtatur modum. Ego ſum, inquiens via, veritas, & vita. Nemo venit ad Patrem niſi per me. Ad hoc Petruſ Apoſtoluſ affirmat, in nullo alio, præterq; in Ieſu Chriſto ſalutem eſſe, quod nullum aliud nomen ſub cœlo ſit hominibuſ datū, per quod ſeruandi ſimur. Præterea Pauluſ quoq; (dicebat ille) ſuōſ Ephēſioſ alioquens, ait. Noſ ante orbem conditū in Ieſu Chriſto fuiſſe electoſ à Deo. Corintheſiſq; itidem ſcribit, eūdem Chriſtum Ieſum factū eſſe nobiſ à Deo ſapientiam, iuſtitiam, ſanctitatem, & liberationem. Atqui longum eſſet (inquiēbat noſter) omnia diuinarum ſcripturarū loca quæ huc faciunt, nunc referre, præſertim quū hæc ipſa volumina in hoc ipſum dictante numine videantur

Joan. 14.
Actuū: 2.

1. Cori: 1.

Z ij

conſcri

LIBERVM ARBITRIVM

conscripta, vt verbis, ac typis, demum & re ipsa nobis
vnum hunc Iesū Christum exhibeant. Quod si aliunde
patuisset ad salutē via, an non obsecro incassum Chri-
stus fuisset mortuus: iam itaq; vt respondeam ijs, qui
opinantur duas insuper ad Cœlum vias, nempe Fidei,
ac Bonorū operum Regni sacris eisdem literis ostendi:
primum dico, quicquid in scripturis diuinis continea-
tur, totum id esse verissimū, neq; vllam in his ipsis aut
inesse, aut inesse posse repugnantiam, modo eodē, quo
scriptæ sūt, spiritui intelligātur. Deinde has ipsarū asser-
tiones, quæ videātur meæ sententiæ aduersari, neutiquā
esse aduersas: id quod facillimè cognosci poterit, quum
orationis diuinæ phrasim, atq; his de rebus loquēdi con-
suetudinem exposuero. Ergo vt hinc dicere exordiar,
ea consuetudo sanè sic habet. Sacrosancta scriptura di-
uinitus delata nonnunquam proprie, nonnunquam im-
proprie, semper tamē verissimè, ac certissimè loquitur:
Quod quidem vt planius, ac manifestius compræhen-
datur, exemplis aliquot ex ipsa scriptura sumptis com-
mōstrabimus. Proprius sermo est, quū Deum hæc esse
spiritum affirmat: quandoquidem natura talis est ipse
Deus: Impropius autem quum illi corpus ac membra,
atq; eorundem membrorum vsum (vt sapius facit) attri-
buit. Proprius item sermo est, quum immutabilem esse
Deum hæc asserit, propterea quod natura talis est De-
us: Impropius verò, quū illa nobis hunc vt mutabilem
proponit: quemadmodum quum ait, eum poenituisse
quod hominem fecisset: Alibi quoq; quod Saulē cō-
stituisse Regē. Similiter proprius est sermo, quū vbiq;
locorum hæc esse Deum asseuerat, quoniam id ipsius
naturæ conueniens est, quo rebus omnibus conseruan-
dis

Joan: 4.

Rom: 11.

Gen: 6.

1 Reg. 15.

dis adsit: quanquam suorum fidelium cordibus quodam etiam peculiari modo ut eos nimirum sanctificet, praesens est: Impropius porro, quum è coelo ad Babylonicam turrim conspiciendam hæc descendisse Deum facit.

BER. Offert se mihi quidem nunc Paule nescio quid aliud, quod animum meum moueat. Sed non ero molestus interpellator: fortasse quum peroraueris id abs te petam.

PA. Probè sanè: atque ego quidem si interrogaueris lubens respondebo. Verum iam ad propositum. Ex locutiones improprie (subintulit amicus) atque eius generis aliae, quae frequentes in sacris literis habentur, nequaquam proprijs contrariae, nec in se alioqui falsae sunt: Quin potius nativam veritatē & ipsae obtinent. Sed benignissimo parenti Deo visum est ad captus hominum verba facere, ut eius immensae bonitati hac etiam in parte grati essemus: qui dedignatus non sit, quum de se ipso, tum de suis rebus tam demisse, atque humiliter sermocinari nobiscum, quos videbat, nisi sic effecisset intelligentiae penitus experteis fore. Idem igitur dicendum est etiam de Via, per quam ad Coelestem patriam tendimus. Etenim quum sacrae literae Iesum Christum esse viam, quae Mortaleis eò perducatur, enunciant, proprio sanè utuntur sermone: quum verò fidem quoque, ac Bonorum Operum Regnum vias pariter eodem ferentis esse dicunt, improprium adhibent sine ulla dubitatione sermonem. Fides gratuito munere divinae benignitatis obueniens Electorum hominum illuminat corda, & firmam Dei erga nos benevolentiae notionem largitur: ad spiritum suum Iesum Christum nos peramanter adducit, ut profu-

LIBERVM ARBITRIVM

sam in nos dei misericordiam eodem Internuntio com-
 plectamur: ad extremum diuinas pollicitationes planis-
 simè nobis aperit: quò per spiritum sanctū ijs firmiter
 apprehensis, nihil addubitemus, solum eundem suum
 sponsum esse viam, per quam in cœlum conscēdamus:
 solum esse veritatem, cui ex animo credere debeamus:
 solum deniq; esse vitam, in qua foeliciter æternum viua-
 mus. At Bonorum Operum Regnum locus est diuina
 nobis munificentia destinatus, quo Fides ipsa, posteaq;
 se duce peruenimus ad Christum, nos ablegat, vt nos
 metipsos ibi iuuandis proximis, frenandisq; concupi-
 scentijs exerceamus: atq; ita publicè testemur eandem
 fidem, quæ in nobis ad gloriam Dei per charitatē agit,
 efficere itidem, vt persuasi omnino simus, vnum, ac solū
 Iesum Christum esse omnium, quotquot seruātur, serua-
 torem. Quum ergo neq; fidei, neq; Bonorum Operū
 Regni, Sed Iesu Christi solius officium sit, & iustifica-
 re, & peccata remittere, & salutem conferre, quoniam
 diuina scripta aut Fidei, aut Bonorum Operum Regno
 functionem huiusmodi tribuunt, improprie sine du-
 bio (vt paulò etiam supra iam diximus) loquuntur.
 Partes enim ipsius Fidei sunt nostris cordibus persua-
 dere, sancti spiritus arrhabone simul id comprobante,
 nos à Deo fuisse ante conditum mundum electos, ac di-
 lectos in Christo Iesu, vt per hunc vnū perpetuò serua-
 remur. Bonorum autē operū Regni munus est, vbiq;
 benefactis attestari, nos isthanc ipsam fidem ad eundē
 Iesum Christum perducentem sequi. Verum Solius
 Christi Iesu propriū ac suum vnus est, & vt seruet, &
 vt salutem conferat. Hic verò Dominicus noster aiebat
 sese, vtpote qui tyro etiam tunc esset, nonnihil addubi-
 tasse

tasse: atq; ideo Venetum interpellasse his verbis. Mi frater inquires, si res ita se habet, ut ante homines natos electi dilectiq; a Deo in suo filio Iesu Christo fuerimus, qui quaso constabit quod Paulus Apostolus astruit natura nos esse omnes ira filios? Et quod sine fide impossibile est placere Deo? At obiectionibus istis porrò Venetum sic respondisse dicebat, ut ostenderit nullam in hisce dictis inesse repugantiā. Etenim licet, inquit, secundum naturam Adami vitio deprauatam simus omnes ira filij, tamen nihilominus iuxta diuinæ gratiæ prædestinationē Deo sepe sumus in Iesu Christo chari; quemadmodum idem Paulus ad suos Romanos olim scripsit: ipsum Deum suam erga nos charitatē palam fecisse, quia quum adhuc peccatores essemus, Christus pro nobis mortuus est. Hac in nos Dei Charitas, ab ea nimirum prouenit ipsius electione, per quā ante conditum orbem suo filio nos donauit. Ita sanē ut ira Dei contra naturā vitium, non aduersus Electorum personas feratur. Id quod Adami, Davidis, Petri & Pauli Apostolorum, adeoq; omnium in libro vitæ conscriptorum exēplo manifestissimē comprobārī potest: quorum scelera ex veteris hominis natura prognata odio prosequitur deus. Personas autē prius etiā q̄ orbem condidisset in Christo Iesu gratas & acceptas habuit. Quod verò dictum est, absq; fide Neminem Deo placere posse, tantundem est, ac si diceretur: Neminē agnoscere aut certò scire Deo sese in Iesu Christo placere, nisi id ex animo credat: quum ipsius fidei primaria functio sit, ut quibus donatur calitus a Deo, ijs eiusce rei noticiam & certitudinem exhibeat. Secundaria ut isthanc ipsam & noticiam & certitudinem suam bonarum

LIBERVM ARBITRIVM

rum operationum fructibus palam ostendat. Subiunxit: & complura alia Paulinis in Epistolis loca, ubi de fide agitur, eodem esse modo interpretanda. Quum meis interrogationibus (Dominicus subintulit) ita Veneratus fecisset iam satis, institutam prius narrationem hoc pacto prosecutus est, inquiens. Eiusmodi locutionibus proprijs, atq; improprijs etiã Iesus Christus ipse frequenter est vsus: veluti quum ait. Ego sum lux mundi, proprius hic sermo est, quando re vera solus ipse sol ille iustitiæ est, qui vniuersum hunc orbem illuminat. Quum autem & suis Apostolis dicit: Vos estis lux mundi: improprius est sanè sermo: quoniam Apostoli non in se ipsis, sed in ipso tantum Domino sunt lux. Præterea quum eisdem Apostolis edicit, vt poenitentiam & peccatorum remissionem suo nomine per omnes gentes prædicent, proprijs simè, vt ita loquar, loquitur, quando quidem solus ipse est cui Prophetæ omnes testimoniũ ferant, quod per eius nomen delictorum veniam consequantur, quicunq; illi fidem habeant: Quum verò ipsẽ Apostolis inquit: Quorumcunq; remiseritis peccata, remittentur eis, eum non proprie hinc loqui certũ est, quum id Apostolis tribuat, quod sibi vni solũmodo conuenit propterea quod Apostoli non nisi Nuntij ac Ministri sint eius criminũ condonationis, quæ per solũ Iesum Christũ fit ijs, qui credũt in eum. Atq; hinc demum bonus ille Basiliensis Dominicus loquendi tum finẽ fecit: Sibiq; omnes cuiusvis hac in re dubitationis nodos è pectore per Venerum fuisse sublatos asseruit. Id quod eueniẽse tibi quoq; Bertuci nunc mihi faciliẽ persuaserim.

BER. Non malè tibi persuades Paule: Mihi enim iam est optimè factum satis: teq; hac de re multũ amopar. Equidẽ

PA. Equidem gaudeo. Sed quidnā illud est quæso, de quo te post meam perorationem interrogaturum esse paulo ante dicebas?

BER. Dicam tibi nunc Paule. Sæpius audiui ex Pa-
pe addictis hominibus, qui asseuerarent nos quidem ad
instituta sui Bonorum Operum Regni seruanda multis
de causis obuinctos teneri: Sed inprimis ob id, ne simus
nostris proximis offendiculo, scandalore. Quid cum
hoc suo sibi scandalo velint, non satis assequor. Quū scia-
mus pro virili parte inseruiendum esse proximo, nolim
profecto alicui sermonem dare, aut vlla in re vel in-
sciens offendiculo esse. Quid tu ais hac de re Paule?

PA. Illud præ omnibus est hic animaduertendū Ber-
tuci, quod quæ de scandalo nugantur Papistæ, neutiq;
cum his conveniunt, quæ de hoc ipso diuinæ literæ pro-
diderunt. Vt autem hanc eorum dissimilitudinem faci-
lius intelligere valeas, paucula quædam mihi prius per
quàm breuiter de Christiana libertate perstringenda
sunt: Deinde meam opinionem non de quouis equidē
scandalo, sed de præcipua modo scandali specie, quæ
res aliquot ad christianam fidem pertinentes attingat,
in medium proferam. Jam igitur quæ sum dicturus ob-
seruato. Inter innumera sanè beneficia quæ Iesus Chri-
stus Deus ac Dominus noster sibi fidentibus contulit,
hoc non infimum prorsus obtinet locum, quod eorum
conscientias ab diuinæ legis intollerabili iugo sic libe-
rauit, vt quemadmodum per ipsius legis opera sese ius-
tos esse coram Deo minimè arbitrantur, ita nullam da-
mnationem extimescunt, quod non omnia legis eiusdē
opera sint omnino, vt ipsa requirit, executi; quin potius
ab hac ipsa iam liberi, ac diuinæ voluntati sua sponte ob-
sequena

LIBERVM ARBITRIVM

sequentes, nequaquam dubitant suas operationes quā-
 uis imperfectas, Deo per Iesum Christum legalitū prae-
 ceptorum ad vnguem pro suis executorem, placere. Nis-
 hil verentur libere, promiscueq; vel uti, vel non uti ve-
 stibus, cibis, temporibus, ceremonijs, alijsq; rebus omni-
 bus, quemadmodum Deus id faciendum cum gratia-
 rum actione, atq; in proximi vsum praecepit. Verūm
 quia nō omnes, qui trahuntur à Deo, statim in possessi-
 onem libertatis huius pedem ponunt, neq; hoc spiritua-
 le beneficium quo liberantur à lege, cōfestim agnoscūt,
 visum est Iesu Christo, ut ij quibus integra tanti mun-
 ris notitia supernè donata est, summo studio rationem
 eorum habeant, qui etiamnum in fide infirmi sunt: nec
 suae libertatis abusu illos offendant, aut scandalizent:
 quod quidem facile fieri consuevit, quum haec ipsa li-
 bertas à spiritu ad carnem: ab internis cōscientijs, vbi re-
 gnare habet, ad externa corpora, quibuscum ei nihil
 esse negotij debet, ut quae mundano Magistratui sint
 subiecta, transfertur. At quoniam his de rebus in mea-
 rum Epistolarum locis quamplurimis abundè satis est
 dictum, longiore hīc narratione superfedebō: praesertim
 quum mihi persuadeam posse te per reipsum è paucis
 his, quae recensuimus, iam colligere, quid scandalum
 sit. Quod quidem nihil aliud est q̃ offensio quaedam,
 qua fratris infirmi turbatur animus, existimans aut di-
 ci, aut fieri contra diuinam legem, à qua nondum peni-
 tus liberatum se esse cognoscit. Hic iam itaq; praetermis-
 sa Distinctione Actiui ac passiui, Dati atq; accepti scan-
 dali, ut loquuntur: quā dispar sit, quid è scholastica bar-
 barie scandalum Papistae somniāt ab eo, quod nobis di-
 uinae literae prodiderunt, breuiter indicabimus. Primo
 igitur

igitur scandalum, quo de sacris in literis habetur, non permittit, ut offendamus, qui Christo iam credant, infirmos, quæadmodum ipse Christus ait, Qui scandaliza uerit unum ex pusillis istis, qui in me credunt. Postea verò non concedit, eosdem à nobis, eorum quæ diuina lege continentur præceptorum transgressione offendit: quum & Christus ipse, & nos ipsius Apostoli de eius quæ tunc vigeat, legis transgressione sine, controuersia loqueremur. Sedenim è contrario Papistarum scandalum Papisticos Christianos minimè per nos offendit vult. Qui tamen tantum abest, ut verè in Christum credant, ut etiam ne hoc quidem, quid sit verè in Christum credere, satis norint. Deinde non sustinet, ut eorū, quæ Papistica lege continentur, præceptorum transgressionibus eos offendamus, nihili penſis interim diuinæ legis transgressionibus. Quocirca iam per te potes (ut arbitror) videre, quam omologian offendiculorū hæc duorum genera inter se habeant. Summa hæc est: Quarum rerum aut vetitarum, aut præceptorum transgressionibus imbecilles in fide nostra tempeſtate offendeantur, eas res in sacris Biblijs fuisse contentas, atque inde tunc auctoritatem habuisse hinc dico. Quæ verò Papistis præbere offendiculū nunc videntur, illas non modò non contineri sacris Biblijs, indeque auctoritatem habere, sed potius illis ipsis perpetuò contrarias, ac multo etiam Pharisæis traditionibus deteriores omnino esse contendo. Quamobrè quū olim eas ipsas Pharisæorū traditiones permittente Christo licuerit nulla scandali habita ratione contemnere, multò magis in præsentī Sathanicas Papæ constitutiones eodem modo contemni posse non dubito. Quin insuper hoc etiam addo, quod quemadmodum

LIBERVM ARBITRIVM

modum ubi Deus aliquid præcipiat absq; vlllo ad quod uis offendiculum respectu, obtemperandum est, quum non minus fidei charitas, q̃ libertas charitati subesse debeat: ita ubi Papa contra Dei verbum aliquid imperet, nequaq̃ est ei, vt scandalum euitetur, obsequendum. Scandali namq; religio in rebus tantum medijs, atq; in differentibus inest: Id quod in præceptis Papæ, qui suas leges ad obseruandum necessarias esse vult, locum non habet. Postremò quod ad alia scandalorum genera pertinet, quæ inter verè Christianos tam in adiaphorais, q̃ in leuiter, inordinatè, lasciue, temereq; factis rebus exoriri possunt, ita constituendum est, vt Christiana libertas inserviat charitati: nec infirmum, pro quo mortuus est Christus, offendat fratrem: sed eius imbecillitas tem ferat, quoad & ipse præstantissimū hoc libertatis Christianæ donum, & agnoscat, & assequatur.

BER. De scandalo iam satis abs te habeo Paule, Videorq; mihi etiam hac in re nonnulla quæ prius non videram, videre. Verum de his, quæ paulò ante dicta sūt, adhuc hæret in animo paululū, quod requiram. Id autem est huiusmodi. Si partes veræ fidei sunt humanis cordibus certò persuadere, nos ante conditū mundum à Deo fuisse & electos, & dilectos in Christo Iesu, quò per eum vnū perpetuò seruaremur, qui quæso poterit simul consistere, quod Ecclesiastes ait, Neminem scire se vel amore, vel odio dignum esse?

PA. Quod tibi dixi non ita dudum Bertuci, videlicet æternam Dei electionem ac dilectionem in Christo Iesu solam atq; vnicam, ad perpetuam salutem esse viam: ac præterea fidem esse, quæ sancti spiritus opera, Dei misericordiam in eodem Iesu Christo complectens in nobis
cuius

eius rei plerophorian inculpat, vsq; adeò perspectum, exploratum, ac persuasum tibi esse oportet, vt si quis aliter tibi persuadere, aut animum tuum aliqua dubitatione labefactare conetur, haud verearis hunc abs te tanquam Sathanæ Ministrum amouere; vt qui mendacij quod in se est, arguat ipsum Deum, in quo vno, & non in te, tuæ fidei certitudo consistat. Neq; huic certitudini Ecclesiastæ sententia, quam huc attulisti, refragatur; quum nihil aliud eò loci sibi velit Ecclesiastes, si ad hebraicam lectionem verba reuocentur, q̃ omneis homines in manu dei esse, nimirum vni Deo esse curæ: atq; ipsum hominem suapte natura nescire quid veluti bonum amandum sit, aut quid veluti malum odio prosequendum: quum omnia probis æquè ac improbis euenire videantur. Quo iudiciū nostrum rebus in omnibus diuinæ sapientiæ, quæ nostri curam habet, subiiciamus. Vt per te iam animaduertere possis, nullū hic neq; de Dei erga nos, vel amore, vel odio, neq; de nostra vtriusq; horū ignoratione verbum fieri, si mulq; obseruare potes quantam perniciem diuinarum scripturarum imperitia secum trahat.

BER. Est ita sanè vt dixi Paule. Nam locus hic incommode tralatus, atq; incommodius expositus, mirum quam amplam ruinæ multis occasionem præbuerit. Verum enim vt omnem penitus asphalian meo ex animo tandem euellam, libenter mihi velim etiam explicari, quanam huius electionis causa sit: & quonā pacto hæc eadem quum in ipso Deo sit abdita reconditaq; cognosci tamen à nobis ac percipi queat.

PA. Hæc ipsa quoq; breui expediam. Primū itaq; sempiternam Dei voluntatem suos in Iesu Christo per-

LIBERVM ARBITRIVM

petita misericordia, & charitate prosequentiſ, vnicam electionis diuinæ, quauis præteritorum, præſentium, futurorumue operum exploſa ratione, cauſam eſſe cõſtantiffimè aſſeuero: quemadmodũ etiam crebrò me is in Epistolis indicaui. Deinde non poſſe nos hanc ipſam electionem in diuinæ ſapientiæ profund, impenetrabilemque abyſſum intuentiſ agnoſcere, ſed è ſacris tantũ literiſ hauriendam eſſe aio. Quod quidem etiam quo ſimul ordine fieri, quibuſque diſcriminibuſ, ac certis gradibuſ agnoſci conſueuerit, vobiſ meiſ Romanis olim per epistolam ſignificaui. Nā memini me in hãc ferme ſententiam ſcribere: videlicet Prædeſtinatoſ, ſiue Præordinatoſ, ſeu Electoſ, (quod idem eſt) à Deo, vt æternam in Ieſu Chriſto ſalutem conſequantur, ab ipſo Deo & interna ſui ſpirituſ, & externa ſui verbĩ voce aduocari: vocatoſ iuſtificari: iuſtificatoſ verò tandẽ etiam immortalis gloriæ corona decorari. Quorſum autem hęc omnia? nempe vt quiſque à Deo ſe ſenſerit exteriuſ interiuſque vocatum, atque ab eodem per Ieſum Chriſtum ſe firmiter ex Erebi faucibuſ ereptum, iuſtificatumque crediderit, Iſ liquidò per hęc ſigna percipere, ſibi que tuſò perſuadere poſſit, ſeſe ab ipſo Deo prædeſtinatum, electumque in Ieſu Chriſto eſſe, quò denique beatus æuo ſempiterno fruatur. Ac ſic ipſum Chriſtũ Ieſũ tantumque ſpeculum ſibi ob oculoſ proponit, in quo ſuam electionem ſine vlla intermiſſione intueatur.

BER. Reliqua aſſertior, quæ abſ te dicta ſunt, eſſeque veriſſima non dubito. Sed interim quo pacto id accipiemuſ, quod Chriſtuſ ait, Multoſ quidem eſſe vocatoſ, at paucos tamen electoſ?

PA. Ego dicam tibi, Deuſ biſariam ad ſe mortaleſ vocat

vocat, nimirum externa verbi sui prædicatione, qua generaliter omneis inuitat, eos etiam quorum casui est hæc ipsa prædicatione destinata: & interna sui spiritus illustratione, qua secundum suum propositum quosdam separatim trahit, atq; efficit, vt annuntiatum ijs Verbum suum intrinsecus radices agat, intelligatur ab ijs apertissime, firmissimeq; credatur. Quemadmodum etiam duos volendi modos habere cognoscimus Deum: alterum suis in scriptis orbis relictum & annuntiatum, quo seruari vult omneis homines, licet ipsorum vitio non ita multi seruentur: alterum verò mortalibus occultum & incognitum: quo quidem quum in cælo tum in terra, quicquid vult agit ac perficit.

BER. Vix exprimere verbis queam quanta lætitia nunc exultem, Paule, quum omneis mihi sublatas ex animo dubitationes iam sentiam: atq; vbi verum meæ salutis fundamentum sit positum, enodatè cognosciam.

PA. Non satis est nouisse fundamentum, Bertuci, nisi etiam superextruaris, & adaugeas Deo: atq; alijs omnibus te id facere probes. Quod quidem quum minime fieri possit in impijs, quas nunc inhabitas, Regum Aulis, vbi hominum incredibilis peruersitas est, te etiam atq; etiam oro, vide vt inde te eximas quam celerrimè potes: atq; aliò te conseras, vbi Christianam vitam viuere integrè valeas. Longe namq; falluntur opinione, qui se aut Christo mundanis, aut mundo Christianis affectionibus inferuire posse sibi persuaserint.

BER: In Regiam me nunc iam sine vlla mora sum recepturus, vt quum quæ possim, de meis inde reculis asportauero, nunquam amplius illuc reuertar.

PA. Sanè rem tecum recta Bertuci reputas viam. Equidem

LIBERVM ARBITRIVM

dem laudo vt renuncies iam ipse tibi: ac tollas crucem tuam, et Christum ex animo sequaris: nihil enim tibi deesse poterit hunc sequenti.

BER. Ita faciam. Sed vbinam quum rediero, vos inueniam? Etenim ex Vrbe etiam vnà vobiscum exire decreui: atq; vbi vos iusseritis, ibi consistere.

PA. Nos haud longius hinc abibimus. Verum tantisper dum regrederis, Papæ Palatium, quod non nisi extrinsecus adhuc vidimus inuisemus.

BER. Actutum redibo:

ACTVS QVINTI

SCENA PRIMA.

GRATIA IUSTIFICANS, ANGE-

LVS RAPHAEL:

QVandoquidem iam alterum è negocijs diuinitus demandatis feliciter executi sumus: antequam ad alterum aggrediamur, expedire videtur mi Raphael, vt Petrum ac Paulum Apostolos, qui quemadmodum nosti, nunc in Vrbe sunt, prius inuenias: quò quum itidem hoc alterum consecerimus, hinc pariter nobiscum egrediantur.

RA. Nisi nunc ob excitatum hinc tumultum aliquo tuto in loco abditè lateant, cōtinuò illos huc adducā.

GRA. Ego te in proximis ædibus Faustinae nostrae interim praestolabor.

Raphae

RA. Optimè sanè: ô facinus post hominum memoriam præclarissimum quatuor, & feras, & immaneis beluas, vnis tantum plagis irretisse. ô numeris omnibus absolutissimam Dei sapientiam, æquisimùmq; Dei iudicium, superbis ita restitisse, vt pœnitus oppressi iam sint. Liberum Arbitrium: Bullatus Rex, vel potius inanis bulla, qui se sūapte ui posse cælum conscendere arroganter iactabat, capitis damnatus, mortem obiit: pœnasq; dedit eius criminis, quod grauius profectò, quam Adam peccatū fuisse, videri possit. Quoniam Adamus quidem non nisi posse ex se scire: Is autem posse etiā ex se operari bonum ac malum voluit. ô superbiam insolentem, quæ se Deo non tantum æquare, sed etiam præferre audebat: Eidēq; (quod in se erat) omnipotentiam, bonitatem, providentiam, reliquasq; ipsi vni proprias virtutes eripere: Atenim quānam hi sunt, quos è Papæ conspicio exeunteis palatio: nisi me fallit aspectus Apostoli sunt. Hic paulisper immorabor: quando recta huc eos ire conspicio,

ACTVS QVINTI

SCENA SECVNDA.

PETRVS APOSTOLVS, PAVLVS

APOSTOLVS, ANGELVS RAPHAEL.

Iesus Christi² Præceptor noster Paule, quādiu hic inter mortales egit, non habuit, vbi reclinarēt caput: & Pa
b
pa hoc

LIBERVM ARBITRIVM:

pa hoc in loco ædeis magnificētissimas, quales nullus orbis Monarcha splendidi, ores ornatoresq; teneat, vt vidimus, in prefētia incolit. Præceptor noster dignitates, diuitias, honores, ac sibi semel oblatū Regnū animo magno fortiterq; contēpsit: & Papa possessor impotētissimū dominatus adeo hic superbit, vt hæc omnia sibi expectat, arroget, & assumat, atq; id quidem eo fœdius, quod mei patrimonij nescio quodius hic prætexas: quum nullum ego aliud patrimonium, quam linculnum, ac scissum rete possederim. Præceptor noster pedibus iter ingrediens, Palestinam Prouinciam assidue peragrabat, quo pluribus in locis oues suas pasceret Verbo Dei: Et Papa hic aurata sella ceruicibus hominum imposita, nō ad pascendas: sed ad deglubendas, ac deuorandas Christi oues per Urbem fertur. Præceptor noster suis discipulis pedes lauit, vt ab ipso tum demissionis, tum charitatis exemplum discerent: et hic Papa non tam sustinet, q̃ imperat, suos ipsius pedes ab omnibus etiā Regibus, ac Caesaribus osculari, vt ab ipso superbissimæ tyranniæ exemplum discant. Præceptor nostro illudum est corona spinea capiti imposita: et Papæ aureo, gemmeoq; Diademate caput regificē, vt ita dicam, coronatur. Deniq; Præceptor noster quoad vixit nunq; deposuit è suis humeris crucē: Papa verò delicatē, molliterq; hic viuens, aliorum rātum humeris crucem imponit: et nihilominus hic est ille Papa, qui Christi Vicarium hic agere videri velit. ô bellissimum Vicarium.

PA. Non est quod his de rebus admodum Petre miseris: Nam terrestrem quandam paradysum Epicuri fontibus irrigatam hic ad suauiter persiuēdum tibi constituit Papa, vt qui aut nusq; alibi esse aliam credat: aut si credit

credit, ad se illam minimè pertinere non ignoret. Sed enim iam hinc obsecro celeriter abeamus, ut grauem hanc dum palatium lustrare pergimus, exortam hic seditionem effugiamus.

PE. Existimo faciendum, ut nostrum Bertucium hic opperiamur, quò nobiscum hinc & ipse abeat simul. Verum quis ille quæso est Paule, qui non ita procul consistens nos intuetur? Si licet ex facie corporisq; habitu facere coniecturam, è cœlestis Hierosolymæ Ciuibus vnus hunc esse apparet. Minimè quidem erraui, nam Angelus Raphael est. Noui aliquid adlit oportet.

RA. Salute Apostoli Dei. Opportunè adestis. Vos ambos volebam.

PE. Tu quoq; saluus sis optimè Raphael, ecquid è cœlo noui nobis adfers?

RA. Nihil sanè, nisi quod vos hinc abire Deus iubet: ut extremum discrimen, quod nunc supra caput est hic, euitetis.

PE. O summa Dei erga nos bonitas, quam continuam nostri curam habet. Commodum sanè Paulus atq; ego nunc inter nos de abitione tractabamus: Neq; hic nos inuenisses, nisi cuiusdam Fratris nobiscum educendi desiderium detinuisset. Sednum quidnam quæso nostri Raphael qui turbines concitauerint hanc procellam ne graueris oro te dum huius aduentum hic aliquantulum moramur, indicare.

RA. Vno verbo expediam. Totum hoc incendium, quod vehementius quam vos fortasse putetis, exarscit, ob Liberi Arbitrij fatalem quendam casum interuenit.

PE. Et quidnam accidit obsecro huic Tyranno? Nā ut scias mi Raphael, Is quem nunc præstolamur eius Regis

LIBER VM ARBITRIVM:

gis erat aulicus, licet non ita dudum Christo Paulus hūc
lucriferet, atq; idcirco nunc in Regiam se contulit, vt
ablatis inde suis reculis, ad nos illicò reuertatur.

RA. Ergo Is, quum redierit, mirificum euentum rei
huius diffusè vobis enarrare poterit. Caterum aliud
quiddā maioris adhuc ponderis est, propter quod exeū
dum vobis ex hac impia Vrbe sit, nempe grauissima in-
fectatio, ac præsentiſſima mors, quam veris Christiā-
nis hinc nunc Antichristus intentat.

PE. Animaduertī planē Raphael Urbem hanc non
fontem, sed Oceanum quendam esse, vnde in Christiā-
nam religionem omnia omnium impietatum flumina
deriuentur. Sed Christiānæ pietatis persequentissimum
Antichristum hanc eandem inhabitare, id verò minime
perspectum habui.

RA. Non valdè hoc mirum est, quum non sub An-
tichristi, sed sub Papæ nomīne hīc Regnet.

PE. Quid hoc rei est? Papa igitur est Antichristus?
mira sunt omnino quæ narras.

RA. Ipsissimus Antichristus: Attamen obseruandū
id est, vtriusq; tam Papæ, quàm Antichristi nomen, non
ad vnum hominem, sed ad impium quādam dominas-
tum, in quo plures per seriem succedant homines, refer-
ri: cuius quidē dominatus, quum leges, tum opera, per
speciem Christiānæ pietatis, ipsi Christo penitus aduer-
sentur. Atq; hunc ipsum, qui eiusmodi dominatui præ-
est Antichristum, Sathanę per orbem vicarium esse.

PE. Quis vnquam id existimasset? Equidem Papam
ob Sathanicam suam superbiam, vitamq; nefariam, ac
sceleratam, omnium, quos vnquam sol iste conspexerit,
esse nequissimum arbitrabar. At etiam Antichristum
esse, Diabolicę Vicarium, id verò neutiq; credidissem.

Raphael

RA. Non itâ creditu difficile fuerit, si quis aduertat, quem ipse seipsum faciat.

PE. Verum quonâ tempore Sathanicus is dominatus initium sumplit ô Raphael?

RA. Quum eundem Papam ipse Sathanas ad tantam euexit insaniam, vt se pro terrestri quodâ numine falsissimè venditaret, itâ vt nouos fidei articulos, noua Sacramenta, nouasq; Sanctiones extra dei verbum conderet: quibus parendo cœlum, inferos autem non parendo promererentur homines: potuitq; pro veritate falsitatem hanc eorum animis veteratoriè, ac subdole instillare, tunc cœpit Antichristus & interius in mortalium mentibus, & exterius in Papatu regnare. Sedes enim hæc illi Romæ separatim debebatur, vt Vates Daniel, ac Ioânes Theologus in suorum voluminum locis quamplurimis & apertissimè, & verissimè contestâtur: Sed quisnam est is obsecro, qui tam vehementer huc properat?

PE. Atat Is est Bertucius noster, quẽ expectabamus.

RA. Iam ergo pariter hîc manete: dum Gratiam Iustificantem è proximis ædibus huc euoco, vt quamprimum simul omnes hîs è Sodomis egrediamur.

PA. Adestnè Raphael Gratia Iustificans nunc Romæ: Et quid illi quæso cum Babilone confusissima?

RA. Ex ipsa audies mox ventura.

ACTVS QVINTI

SCENA TERTIA.

b iij

Bertu

LIBERVM ARBITRIVM
BERTVCIVS, PAVLVS APOSTO-
LVS, PETRVS APOSTOLVS.

QVam repentinis casibus miseri mortales obrum-
tur. Tandiu dum sermonem cum Petro Pauloq;
Apoitolis hic traxi, Liberum Arbitrium Regem de im-
perio fuisse deiectum aiunt. ô Rerū humanarum infir-
missima fundamenta: Vbi nunc vasta illa, atq; immen-
sa potentia, quam iniustissimè sibi superbissimus Tyrā-
nus assumebat: quum in animum induxisset, se etiam
ipsi Deo posse resistere. Nā asseuerabat in suis viribus
esse situm, diuinam recipere vellet gratiam nec ne: sic
inquam, vt suo ipsius arbitratu quum in hac ipsa, tum
in alijs rebus omnibus posset per se, aut efficere, aut nō
efficere quicquid liberet. Atenim qui verè solus potest
omnia, potentem hunc de solio deturbauit. Sed hic ad-
sunt, vt video, praestolantes Apostoli.

PA: Satin salus Bertuci?

BER. Satis ex sententia mi Paule.

PA. Atqui verebamur, ne tibi aliquid obuenisset
aduersi, ob tumultus: quos in eius Aula, qui quondam
tuus erat Herus, exortos esse audiuiimus.

BER. Permagnis ibi sanè tumultibus aestuari nunc
certum est: Verum si nullo mihi fuerunt impedimento.

PA. Nostin obsecrò vnde originem habuerint?

BER. Adeò quidem (ne mentiar) ad celeriter expe-
dienda mea negotiola intento animo fui, vt quæ cau-
sa motus eiusmodi conceitauerint, exquirere non cura-
rim. Verum hoc tantum Aulicus mihi quidam, dum
abitionem adornarem superueniens indicauit: Papam
ipsum

ipsum, ipsiusq; filium Clerum, vna cum suis ipsorū & Aulicis, & Curialibus, cum Scholasticis Theologis, & Doctoribus Canonistis, atq; etiā Summistis, quos vocant, eas nunc turbas dare: ob hanc videlicet causam, quod Liberi Arbitrii Maiestatem minui molestē ferāt: quo autem pacto ea sit imminuta, non satis exploratū habeo: quod noluerim interrogando inibi diutius immorari, praesertim quum ille ingemiscens frequēter exclamaret. Quid Regi nunc misero fiet?

PA. Videor mihi videre diuinam hīc aliquam vltionem, quæ personam huic Tyranno, ne diutius iniquæ scēge seruiat detrahens, ob suas illum imposturas punire vulerit. Etenim nullius rei simulatio diuturnitatem habere potest. Verum utcūq; hæc habeant, Gratia Iustificans, atq; Angelus Raphael hīc statim aderūt, cum illis pariter ex hoc sedissimoloco excedemus, Atq; ecce tibi lupo in fabula (quod aiunt) nō sunt, qui illinc huc adueniunt.

ACTVS QVINTI

SCENA QVARTA.

GRATIA IUSTIFICANS, ANGE-

LVS RAPHAEL.

R Eipsa mi Raphael hīc iam comperi Iesu Christi sententiam, qua Meretrices ac Publicanos in Regno dei præcedere Phariseos hypocritas allerit, esse quam

LIBERVM ARBITRIVM.

quàm certissimam. Faustina hæc eadem tua, atq; eadē nostra, à qua nūc egressi sumus, ab imis vnguibus, vsque ad verticem summum, nequitia, atq; omni scelere fuit olim coopertissima: Quumq; illi Deus per suam legem ostendisset, quam inde promerebatur, damnationem, adeò perterrefacta erat, vt nisi ego strata & abiectam subleuassē, de sua salute desperatura fuisse videretur. Sedenim quum deniq; me indicante, Iesū Christum per suam ipsius mortem, & seruatorem, & liberatorem, & beneuolentiæ Dei conciliatorem, planissimè cognouerit, ac firmissimè crediderit, secura lataq; nūc pace iam fruitur: nihilq; illi potius in præsens est, quā se totam in illius tantum iustitiam abdere. Contra verò Pharisei falsam modò suorum operum iustitiam intueres, vt nec suum peccatum, nec suam labem, nec suā damnationē per diuinam legem vident, ita Iesū Christi satisfactione nihil esse sibi ipsis opus existimant quumq; se nullo morbo tentari, sed sanos esse falso sibi persuaserint, medicinæ sese egere non arbitrantur, ac propterea etiam nullum medicum quærunt:

RA. Rectè sanè. Nam etiam nobis Angelis maiore lætitiā vnus aliquis peccator ad meliorem frugem per te conuersus asferre solet, quàm nonaginta nouem iusti eius generis Pharisei, qui pœnitentia, vitæq; correctione se egere, minimè videri volunt. Ecce autē Apostoli nostrum aduentum illic expectantes: Adeamus ad eos, vt mox omneis in vnum collectos ex hac putida Vrbe, tanquam Lotum è Sodomis vos educam.

Actus

ACTVS QVINTI

SCENA QVINTA.

PETRVS APOSTOLVS, GRATIA
IVSTIFICANS, BERTVCIVS,
PAVLVS APOSTOLVS, ANGE-
LVS RAPHAEL.

Salue perpetuò Iustificans Gratia: Sustulimus ma-
nus ego & Paulus, quum te hîcadesse nobis Ra-
phael indicasset.

GRA. Saluete & vos Apostoli Dei. Non minimi
est momenti huiusce mei aduentus causa: quamobrem
non est omnino, quod miremini. Sed quisnam est ille
bonus homo, quem stare vobiscum hîc video?

PE. Liberi Arbitrij non ita dudum erat Aulicus. Ve-
rû vera iam Christi religione institutus, nihil aliud ma-
gis exoptat, quàm per te nunc in Aulicorum ipsius Chri-
sti collegium cooptari. Itane Bertuci?

BER. Ita omnino, Nec mihi dubium est mea Domi-
na, quin Iesus Christus me sit in suam fidem, ac beneuo-
lentiam per te recepturus.

GRA. Meum hoc munus est mi frater, vt Electos
Dei, ad Iesum Christum adducam. Quapropter summo
tam opere gaudeo, me habere te etiâ, quem ipsi Christo
Iesu nunc listam, atq; hunc eundem tuum planè reddâ.
Neq; est quod amplius ab impurissimo hoc Tyranno,
quia

LIBERVM ARBITRIVM

quia ipsum deserueris metuas, quum iam suis impijs factis, digna sit morte multatus.

PE. Quid ego nunc audio? Liberum ergo Arbitrium obijt mortem?

GRA. Obijt ille sanè, ac mea manu confectus obijt: quod quidem vt per me fieri Deus voluit, ita per me quoq; nunc notum fieri, sed suis Electis tantum, vult idē Deus. Nam reliquis omnibus vaficie sua persuasit Sathan, vulneratum solummodo, non autem penitus extinctum esse hunc Tyrannum. Quin & superbis ac stolidis quibusdam ita imposuit, vt illum ipsum incolumē adhuc esse contendant.

PE. At quonam modo negotium hoc tam arduum abs te quaso peractum est?

GRA. Dicam tibi mi Petre. Quum singularem insolentiam ac superbiam intolerandi huius Tyranni sese indies arrogantius extollentis, ne altius euolaret, deprimere iam velle decreuisset Deus, me ipsam è coelo demisit, quæ isthanc exequerer suo ipsius nomine prouinciam. Ego verò, quæ præfractum hunc Dei hostem ode ram cane peius & angue, tempus idoneum exequendi negotij nacta hodie, quum in conclauī Tyrannus cum suis clandestini nescio quid agirarent colloquij, locum ipsum per cuniculos latenter ingressa sum, idq; cū ipso, cumq; ipsius & Vxore, & Filia, nec non regio Procuratore consceleratis gregalibus, qui simul aderant, effeci, quod Iudith olim cum Holopherne proditum est literis effecisse: vt non immeritò iam numerum iure coe forum omnes obtineant: atq; illicò sic inde clanculum abij, vt à nemine vno sim visa.

PE. O sapientissimum Dei consilium. En quàm huic illuſori

illusori illudum, impostoriq; impositum probè est. Nam personatus is Nebulo verbis quidem pollicebatur suis populis libertatē; at re vera Tartaræ seruitutis iugo illos premebat. Quocirca cum tantī momenti negotium tam prudenter, ac tam fortiter sis executus, promereris tu quidem ob inglorij Tyranni mortem, immortalem gloriam.

Neoptole mæa
vltio.

GRA. Vt solus Deus bonarum omnium operatio num autor est, sic ipsi soli debetur omnis honos & gloria. Sedenim hoc etiam hīc Petre non est ignorandum, Tyranni huius mortem, tum sui ipsius bonorum operum regni, tum omnium eidem impositorum Vectigalium ruinam secum trahere. Quanq; versipellis Antichristus neruos hīc omneis intendat, vt hæc omnia in cunctis sibi subiectis hominibus, antiquum robur, ac firmamentum etiā nunc habeant, simulq; nescio quod iniquissimum alioqui ius, dum ipse rerum potitur, obtineant. Verum enimuerō iam tempus adest mi Rapha el, vt alterum negotium commissum nobis à Deo prope conficiamus. Porro autem quemadmodū ego prioris exitum expediui, itā tibi posterius hoc festinanter est peragendum, Hæc igitur exempla pronunciatę ab sanctissimo ac iustissimo iudice, domino nostro Iesu Christo, in Antichristum sententię, nunc accipe, atq; ad publica Urbis loca sublimē, vt cunctis innotescant, quam celerrimē fieri potest, affige. Nos quoad reuerentis, hīc morabimur vt vnā deniq; omnes hīnc proficiscamur.

RA. Ego verō vt libenter, itā maturē hoc absoluam, & quamprimum hīc adero.

PA. Damnatu itaq; in cœlo est Antichristus: ô fa

c ij

cum

LIBERVM ARBITRIVM

etum benè, grauissimus enim aduersarius Iesu Christi
semper extitit. Verum quum hoc acciderit nobis absen-
tibus, damnatorij iudicij summam per te nobis referri,
gratum foret mea Gratia.

GRA. Quum vehementer vobis gratificari cupio,
tum alijs quoq; non inutile futurum arbitror, si id fiat.
Summa ergo mi Paule sic habet. Quum dominus noster
Iesus Christus, omnium creaturarum ludex à Patre con-
stitutus, liquidò comperisset, adesse iam tempus, quo
pœnas daret Antichristus, eius impietatis, quam aliquot
secula, tanquam deus in Dei templo sedens, ac per si-
mulationem Christianæ religionis, se supra quicquid di-
citur Deus extollens, exercuerat, capitis illum ipsum ius-
re ac meritò damnauit. At ita quidem, vt gladio spî-
tus, quod est verbum Dei, sensim, ac paulatim sit inter-
ficiendus. Qui sanè interitus, ab ipsius Antichristi parte,
tam ingens excitaturus est incendium, vt flamma sit ad
cœlum vsq; conscensura.

PE. Quam pium erit & Christianum, Antichristianā
hanc impietatem extingui. Et cœperat quidem Rapha-
el noster hoc de Antichristo nescio quid nobis paulò
ante narrare; Sed interuentu Bertucij interrupta est ora-
tio. Vnum hoc inde tantum accepimus: videlicet hac in
Urbe agentem Papam, Antichristum esse. Quod si ti-
bi libeat, vsq; dum Raphael ad nos reuertatur, suis An-
tichristum ipsum coloribus nobis hîc diffusius apertè
usq; depingere, feceris tu quidem nobis rem quā gra-
tissimam mea Gratia.

GRA. Haud grauatè sanè quod à me petitis, faci-
am. Sed miror tamen mi Petre, quum et tu, & Paulus
noster in aliquot vestrarum Epistolarum locis, hac de
re men

re mentionem feceritis, hoc à me nunc expetatis.

PE. Fecimus, fateor mentionem; Sed quum neuter deinde nostrum hic adfuerimus, quando res, quas præ diximus futuras, in lucem prodire, minimè mirum est, minimam nos earum rerum nunc habere noticiam.

GRA. Agitedū mei Apostoli, nō iam amplius hoc aut miror, aut moror: Sed quando itā vultis, de hīs itidē quæ vultis, nunc dicere aggredior. Atq; vt hinc initium sumam: Id inprimis, quod ad ipsius Antichristi originē attinet, obseruandū est, illud ipsum Ens (vt hanc vocula hic vſurpem) qui Antichristus nominatur, non ex vna tantum, sed ex duabus naturis, humana nimirum & Sathanica, in vnū coalescentibus, esse compolitum: quemadmodum etiam Iesum Christum ex humana diuina q; natura constare, cōstat: vt scientissimus humana rum rerum Pasquillus haud itā pridem disticho nō ineleganti (vt mihi quidem relatum est) indicauit: itā inquiens.

Vnus vt ex homine, atq; Deo, fit Christus: In vnum
Sic Antichristum Pappa Satanq; coit.

Postea verò animaduertendum est, Eundem Antichristum non aliter Malorum Ecclesiæ caput esse, quā Bonorum Ecclesiæ caput est Christus: Harumq; Ecclesiarum vtrancq; tanquam corpus à suo capite sibi conuenientem humorum defluxum habere.

BER. Nī vererem molesta interpellatione vestram orationem interturbare, possem vobis Epigramma non ineruditum referre, quod idem Pasquillus ante hos dies in eandem sententiam ludens, non modo monstruosā atq; horrificā Antichristi naturam, Verum etiam ipsi

c iij

us vitā

Sicut in Christo
Deitatis:
ita in Antichristo
Diabolitatis
inhabitat
plenitudo corporalitatis.

LIBERVM ARBITRIVM

us vitam flagitijs omnibus inquinatam planissime explanauit: atq; illud ipsum mihi, vt qui sit meus confobrius, familiariter infusurrauit in aurem.

GRA. Tantum abest, vt molestum hoc nobis futurum sit, vt optemus etiam vehemēter, eius generis aliquid hūc referri.

BER. Continet igitur Epigramma (nisi quid inde mihi exciderit) hosce versus.

*Ertollit se supra quicquid
dicitur Deus:
aut Numen.
Ille ab initio
fuit homicida:
Et mendax est
Et mendacii
Pater: Et fratrum
nostrorum
accusator.*

Quæ bina è specie nasci animantia
Consueuere, solent germinis insiti
Hinc atq; hinc propriam reddere imaginem.
Quare quum gemina stirpe sit editus
Antichristus item: Dæmone scilicet
Ac Pappa: Ingenium horum pariter refert:
Nam sauo è Satana, Maximus Optimus
Maior quam Deus est: est genitor necis:
Mendaciq; parens; ac scelerum sator.
E Pappa est auidè deditus omnium
Idolum penitus cultibus impijs:
Corruptor superi iuris & Inferi:
Arpyis etiam Prædo magis rapax:
Ergo quàm nihil est hoc vitiosius
Monstro, tam nihil est perniciosius,

GRA. Vt festiuè, ita sanè verè Pasquillus hæc omnia: Nec tu quidem Bertuci tua laude fraudandus, qui memoriter hæc eadem nobis tam bellè recitaueris. Iam vero & vos Apostolos quum ex ijs, quæ bonus hic noster Pasquillus cecinit, tum ex ijs, quæ per vos metipso coram vidistis, Antichristi & originem, & mores alia quo usq;

quousq; saltē nouisse arbitror. Nunc vnū hoc superest, vt quam etiā doctrinam Antichristus profiteatur, apertius agnoscatis. Nam inde melius, quā ex quauis alia re, Sathanicam ipsius naturā, vos esse perspecturos existimo. Principiō igitur vt se Deo parem Antichristus is faciat, ius quoddam canonicum, vt ipse vocat, nefaria promulgatione sanciuir, cui sacris literis æqualem auctoritatem inesse mentitur: Itā inquam, vt qui eius fuerint executi præcepta, seruentur: Qui vero secus egerint, æternis pœnis adijciantur: quamuis hoc ipsum ius caninum, potius quā Canonicum, nihil aliud ferē, quā papisticarum mercium, litium, & rapinarum statuta cōtineat: quæ omnia diuinis penitus aduersantur scriptis, ac repugnant. Quid retulit Iesum Christum solū à Patre Deo Magistrum fuisse mortalibus constitutum, si etiam Antichristus arrogare sibi hoc idem poterat: Licet enim abs te Paule dictum sit probē, ne cælestē quidē angelum, qui aliud, quam Dei verbum afferat, esse audiēdum: ac tu Petre nullam propheticam scripturam priuatæ explanationis esse, rectē dixeris, nihilominus tamen papalis Antichristi autoritas, alterum, vel potius aliud Euangelium, per quod sibi nouos fidei articulos condere liceat, in orbem profert: sibiq; vni sacrosancta Bibliorū volumina interpretādī ius esse asserit: propterea quod ipse solus errare non possit. Quā tamen & perniciosissimorum errorū, & iniustissimarum legum, & iniquissimarū expositionum, solus ipse hūc sit & autor & princeps. Quod quidē haud itā difficulter agnoscere poteritis, si ad paucula quædā antideta christianæ, antichristianæq; doctrinæ capita summātim comprehendētia, quæ nūc vobis propositura sum, aduerteritis

LIBERVM ARBITRIVM:

Exod. 20. uerteritis animum. Itaq; vt à diuina lege mihi nascatur
 exordium, sic primum dico. Quemadmodum dominus
 Deus noster, Deus vnus, solus, atq; omnipotens est, ita
 Act. 7. Et 17 se vnum, ac solum parentem optimum, inexhaustumq;
 bonorum omnium fontem & cognosci vult, & haberi:
 Quum ad beatitudinem consequendam solius Dei co-
 gnitio, imitatioq; sufficiant: vult se solū ad sui verbi præ-
 scriptum non in templis manufactis, aut externarum ce-
 remoniarum pompa, sed animo ac verè coli, & inuoca-
 ri. Vult solus ipse cui libuerit, & vt libuerit, sua conferre
 beneficia, quò ad se solum etiam quum laus, tum gra-
 tiarum actio inde redeat. Deniq; vult, vt sui seipso ab-
 negent, seipso ac sua omnia diuinæ prouidentiae curā
 Math. 16. da, seruandaq; cōmittant: ac seipso demū vt uiuenteis
 hostias offerant in sacrificium Deo. Contra verò ipse
 1. Pet. 5. Papa ad papistici sui cultus prescriptum in templis à se
 ipso sacratis, vult & ipsum Deum, & suos Diuos vnā, eo-
 rumq; reliquias adorari. Vult eosdes suos Diuos bona
 1. Tim. 2. Et petentibus præstare posse: neq; curat cuiusmodicunq;
 Heb. 7. Et 1. Petentibus præstare posse: neq; curat cuiusmodicunq;
 Ioan. 2. sint homines, modo velint, nolint, suis legibus pareāt:
 Exod. 20. Vnicum patronum & Aduocatū nempe Iesum Chri-
 stum suum filium mortalibus assignat Deus: At Papa
 idem officij suis etiam Diuis attribuit. Verat sibi Deus
 cuiusuis generis imagines fieri: Papa verò non tantum
 has faciendas, verum etiam venerandas esse ait, quod
 rudioribus hominibus librorum instar Eæ sint, ô Satha-
 nicam imposturam. Præcipit Deus, vt iusiurandum per
 suum nomen datum sanctè præstetur: è contrariò Papa
 iurisiurandi religionem & publicè & priuatim suo ar-
 bitratu temerè submouet, vt historiarum suarum testi-
 monio comprobari facile potest. Iesus Christus legis di-
 uinæ

uinæ finis, vt tu Paule hunc appellas, externa Sabbati diuinitus instituti obseruatione cūctos liberat: & Papa sexcentos dies festos corporibus animisq; nocētissimos indicit. Liberos parentibus esse iubet obsequēteis Deus: è contrario Papa liberos eos cōmendat, qui se parentum obedientiæ vt Monachatum ingrediantur, subducunt: nam illos ad perfectionis accedere statum dicat: quanquam perditionis eum esse statum, non perfectionis, iam fieri palam caperit. Neq; id solum, sed etiam filios nonnunquam in Parētes armat: præsertim in eos, qui non per omnia suis ipsius impijs cupiditatibus obtemperant. Vt cum Henrico huius nominis quarto Cæsare, compluribusq; alijs effecisse hūc cernimus. Nō permittit nisi per Magistratum Deus aliquem interfici: At Papa suæ sedis hostium interfectoribus ingentia vel in cælo præmia pollicetur. Omnem concubitum præterquā legitimi Matrimonij prohibet seuerè Deus: Papa suis extra etiam matrimonium, indicta pecuniæ multa, Concubinas habere concedit. Omnibus interdicit Furto Deus: Nullū dānat furti Papa, modo sibi quoq; ex auersis partem aliquam tribuat. Falsi testimonij detectionem Deus coërcet: quam tamen Papa contra suos Aduersarios pondus habere confirmat. Deniq; præscribit Deus, vt nemo prauè concupiscat, propterea quod id non modo per se peccatum, sed etiam aliorum omnium peccatorum fons, origo, & causa præsentissima sit: & nihilominus contraueniens Papa, omneis posse contendit, absq; peccato concupiscere: quod isthuc ipsū concupiscere non peccatum, sed perpetrati tantum ab Adamo peccati sit pœna. Atq; ita suis institutis non solū irrita facit præcepta Dei, verum etiam contra eadem

Dec: Dist: 34.
Cap: 35. qui
non habet.

LIBERVM ARBITRIVM:

præcepta Dei, verum etiam contra eadem præcepta sua perbiisimè facit. Ad hæc iubet idem Dominus Deus noster vt sibi vni, non autem alicui creatæ rei mortales omnes fiant. Verū ex opposito Papa suis quoq; quas vocant, absolutionibus, ac diplomatis vult eos ipsos fidei, Edicit item Deus, vt in se vno spem omnem simul omnes collocent: ex aduerso autem Papa etiam in diuina Virgine Maria spem esse ponendam prædicat: quum illi spes ipsa & ex Dei gratia, & ex hominum meritis proveniat. Ioannes ait in Euangelio, sic Deum dilexisse hunc mundum, vt filium suum vnigenitū dederit, quod quisquis ei fidem habeat, non pereat, sed vitam obtineat scilicet æternam: seque suum Euangelium scripsisse, vt credant homines Iesum esse Christum Dei filium: & credentes vitam per eius nomen adipiscantur. At vitam hanc habere non posse homines asserit Papa, nisi sibi ipsi quoque crediderint, ac sua ipsius præcepta fuerint executi. Tu etiam Paule dixisti Iesum Christum tanquam humanæ salutis fundamentum, hominibus à Deo iustitiam, sanctitatem, ac liberationem esse factum: quos quidem homines ipsi Deo idem ille non auro, atque argento, sed preciosissima sua morte conciliauerit. E regione verò Papa mentitur sibi ipsis homines hæc omnia suis ipsorum operationibus ac benefactis, Diuorum meritis, exposuisseque pecunijs parare. Iesus Christus Ianuā se esse affirmat: per quā, qui intret, seruetur: videlicet innuens neminem posse nisi per hanc introeūtem seruari: præterea se vitam esse ait, quæ uitam omnibus donet. Et Papa tamen ubique cum suis concinit, diuinam quoque Virginem Mariam esse cœli portam: esse vitam, ac dulcedinem hominum. In Apocalypsi Ioannes inquit homines à suis ipsorum peccatis

Salve Regi-
na: et spes no-
stra salue.

Joan. 3.

1. Cor. 1.

1. Petri 1.

Joan. 10.

Cap. 1.

Acto: 10.

peccatis Iesu Christi agni immaculati, qui pro ipsis hæc præstet, sanguine ablui. Et tu etiam Petre dixisti Iesum Christum esse, cui Vates omnes testimonium dent, per eius nomen peccatorum veniam consequi quotquot illi fidem habeant. Et nõ verecundatur Papa impudenter asseuerare, Indulgentia & Iubileo coniugibus, necnon Bullis à se diuenditis ablui peccata mortalium: Nec veretur mentiri potestatem sibi per sacras literas, violenter huc à se detortas, esse datam: qua suo possit arbitratu, vel per se, vel per suos Administros, delicta remittere. Denique nihil quicquam diuina volumina frequentius ob oculos ponunt, quam Christum Iesum esse vnicam perpetuamque criminum omnium & purgationem, & expiationem: Et nihilo secius tamen audet Papa comminisci, post hanc vitam quendam esse locum extra Iesum Christum, vbi mortuorum hominum peccata per ignem purgantur. Quod quidem si verum foret, gratis, aut frustra potius ipse Christus esset mortuus.

PA. O Sator ac Magister errorum omnium, ac simul animicida (quod in te est) Antichriste: Vnde quæso tot in Deum, atque in Christum Iesum blasphemias colligere potuisti? Atque hæc imprimis vnde hausisti obsecro? nempe locum esse aliquem extra Christum, in quo eorum, qui è vita iam cesserint, commissa purgantur? Nihil enim minus quam hanc impietatem ferre possum.

1. Cor. 5.

GRA. Ex eo Paule iuratum ad Corinthios literarum loco se id hausisse ait, vbi tu sic enuntias. Si quis Iesu Christo superstruit, aurum, argentum, gemmas, ligna, fœnum, stipulam, cuiusque opus perspicuum per ignem fiet, si cuius opus, quod superstruxerit, manebit, is præmium accipiet: si cuius opus comburetur, is iacturam

d n

faciet

LIBERVM ARBITRIVM

faciet: quamuis euadet ipse quidem, sed sic vt per ignē. Quibus verbis Antichristus asserit, asserere te Paulē extra hanc vitam locum inueniri, vbi crimina per ignē expurgentur. Insuper in Euangelio Matthaeū dixisse, inquit: Ei, qui maledictum effutuerit in spiritum sanctum non ignosci, nec in hoc seculo, nec in futuro: Sed sacrum illud commissum expiari non posse. Ex qua sententia inferit quādam esse omnino crimina, quā in futuro etiā seculo remittantur. Ad hāc isthūc ipsum Purgatoriū, quem vocant, locum, secundo Machabeorum volumine planissimē cōprobari, asseueranter affirmat.

PA. Vel hinc agnosci potest, quam imperitus, q̄q̄ etiā iniquus diuinarum literarum interpres Antichristus sit: qui Epistolā meā locum tam perperam exponat. Etenim quum meis Corinthiis hac de re scribebā (vt euigilata meis cogitationibus hīc reponam) nihil aliud habebā in animo, q̄ Euangelij Ministros admonere, vt super Iesum Christum lapidem angularem, ac solidum fundamentum, non nisi cōlestem doctrinam gemmis, auro, atq; argento similem superstruerent. Quod si quis humanam doctrinam lignis, fœno, ac stipulē non ablimilem super exādicare tentasset, fore vt vtraque doctrina sancti Spiritus igne examinanda esset: Eumq̄, qui non penitus conformem fundamēto doctrinam attulisset, vna cū sua doctrina eodem sancti spiritus igne purgandū esse. Vides itaq; anam illi, contra quam opīnatur, esse precīsam. Quod verō ad Euāgelistā Matthēi locum attinet, nemini dubium est, Marcum alterum Euāgelistam, illum explanare, quum ait: Eum, qui spiritui sancto maledixerit, nunq̄ assecuturum esse veniā: sed obnoxium futurum supplicio sempiterno. Quamquam

quam sint, qui per futurum seculum, vniuersalis iudicii diem intelligant, vt sacris literis mos est, hunc ipsum diem, futurum seculum aliquoties appellare. Porro quod ad Machabeorum volumen spectat: primum affirmatè pronuntio, nunquam eum librum publicam fidem promeruisse: nunquam autoritate publica fuisse comprobatum: Præsertim quum omnibus & noui et veteris instrumenti scriptis hac in parte contrarius extiterit. Deinde sic aïo: Virum fortissimum Iudam, quum suum illud sacrificium offerret, aliud intendisse, atq; aliū sibi habuisse propositum scopum, q̃ quem ignotus autor eius libri eidem assignat. Nam illum pro viuus, non pro mortuis eiusmodi sacrum obtulisse non dubito: quemadmodum Iosue quoq; Dux egregius in simili causa superioribus temporibus effecerat. Quocirca quum præuè præposterèq; sit Is Autor, (vt apparet) Iudæ mentem interopratatus, manifestū iudicium affert, se in sui operis calce non iniuria hæsitasse, an rectè cuncta conscripserit: id quod spiritus ille diuinus integer sanctarum scripturarum dictator suis in voluminibus minimè facit. Sed credibile est, quam hæc perperam ab Antichristo tractantur, sic alia quoq; permulta sacrarum literarum loca, vt suis ipsius vitiosis affectibus inseruiāt, deprauari. Quā obrem quicquid aliud, quod ad hanc impiam suam sententiam roborandam facere videatur, adducat, id omne omni asseueratione & corruptum, & falsum esse confirmo: quum neq; hic, neq; alibi vsq; vlla sit alia peccatorum purgatio, quam vnicus Iesus Christus: qui pro peccatis vno functus in perpetuum sacrificio, suos omnes Electos eodem cumulatissimè expiauit.

GRA. Mihi quidem certè dubium non est Paule sic
d iij esse

LIBERVM ARBITRIVM

2^a Satb: 24.

1. Pet: 2.

esse vt tu ais. Verum quid agas? Ita homo est Antichristus: per externam faciem, seu laruā potius, omnia posse videri vult: per speciem religionis prauo, ac peruerso cultu, fallisq; opinionibus corrumpit omnia, per simulatam pietatem quarit etiā Electos (si fieri possit) in errorē inducere: per sectas deniq; perniciosas quas idem ipse vt falsus Magister introducit, Dominū quoq; qui suo sanguine suos mercatus est, abnegat. Quemadmodum tu etiam Petre tuis in epistolis olim scripsisti.

PE. Memini fateor, me scribere: Sed eū, qui Romanus episcopus haberi velit, execrandi facinoris huius Autorem futurum, id verō tum minimē intelligebam. ô meritō tremendū Dei iudiciū. Verum perge obsecro de hoc longē post homines natos improbissimo viro, quæ restant, nobis explicare.

GRA. Si quis omnia, quæ de Antichristo dici possunt, nunc referre instituat, commentarium benē longū informet, necesse est. Nam ea quibus ille impurus aduersatur Christo, plura esse multo, quam aut Schotistarum relationes, aut Thomistarum realitates, quas vocant, compertissimum est: vt interim taceam, quod his ipsis recensendis etiam opera luditur. Sed nos pauca tantum aliquot, quæ sunt hīc ad manum, addemus ad iam dicta. Iesus Christus ait, cœlestem esse spiritū, qui sanctificet homines: ac de sua ipsorum salute certos esse iubeat. Contra verō Papa suas apotheoses eisdem sanctificare: ac neminem de sua ipsius salute certum esse posse pronuntiat. Quod sanē quid aliud est, q̃ Christianæ fidei fundamentū (quod in se est) & demoliri & euertere? Regius ille vates Dauid precatur Dominum ne secum in ius eat, propterea quod nullus viuens coram ipso sit iustus

psal: 142.

iustus: quando nullus ex toto ipsius præcepta præstare possit: At suos Papa non diuina modo iussa, sed plus quoq; q̃ à Deo præceptum sit, exequi, vnde etiam sua pererogationis merita (velut ipsi loquuntur) quæ mox alijs quoq; distribuant, sibi ipsis parare posse contendit. Christus ipse decernit, vt qui suam Ecclesiam, Cœrum videlicet vere sibi credentium, non audierit, Is perinde atq; Ethnicus ac publicanus habeatur: Et suam Papa e contrario Ecclesiam, quæ sathanæ Synagoga est, sub anathematis poena vult audiri. Duo solummodo Christus Iesus in eadem Ecclesia sua sanxit esse sacra signa, Baptismum nempe, ac suam Cœnam, quæ veluti sigilla quædam suis euangelicis promissionibus adiuncta, notis euentibus Dei misericordiam erga suos contestantur: sic inquam, vt iidem illi sancti spiritus opera & baptismo regenerentur, & sacra cœna nutriantur ad æternam vitam Et Papa nihilominus non tantum isthæc ipsa profanat, coinquinat, & conspurcat, sed insuper e suo temerè ac sceleratè alia quinq; his ipsis agglutinat.

Quo pacto priora illa duo christiana contaminet signa, prius indicabimus: Mox vt improbè sua etiam adiungat, subiungemus. Licet antequam huc accedo, vnum hoc mihi expromendum est: ipsum Papam his de omnibus tam à Christo, q̃ à se institutis signis coniunctim loquentem insigniter impie asseuerare, vnius modi eorundem omnium esse naturam, ac talem quidem, quæ Operis Operati papistici Herois opera omneis quotquot insignierint, iustificent: ac diuinam gratiam illis conferant: capitalis modo criminis obicem non opponant: Me interim contempta, cui vni diuinitus horum officiorum executio est concredita: Præterquam quod etiam

iubet

Matth. 18.

Joan. 11. et
Matth. 19.

Eph. 2.

LIBERVM ARBITRIVM:

1 Cor. 4.

Luc. 22 Et
2. Cor. 11.

libet idem Papa, vt qui exhibendorum huiusmodi ſi-
gnorum Adminiſtri ſint, latina vrantur lingua perquā
paucis hac tempeſtate intellecta: quod aduerſus ordi-
nationem tuam eſt Paule: qui nota lingua vtendū eſſe
cenſueris. Verum hoc parergôs aſperſo, iam ad inſtitu-
tum accedamus. Præcipit Ieſus Chriſtus, vt in nomen
Patris, & Filij, & Spiritus ſancti, naturali ac ſimplici a-
qua baptizentur ſui, quo modo fuit olim & ipſe bap-
tizatus: vt externa huiusmodi lotione planè aperteq; o-
ſtendatur, itā ſpiritum ſanctum ablueret ſordeis animo-
rum, vt inquinamenta corporum emundat aqua, vtq;
abluti ad Chriſti Contionem aſcribantur, quo deinde
mortui mundo, ipſi Chriſto viuant, atq; omnium eius
bonorum participes ſint: Papa verò his ferè omnibus,
vt quæ niſil ad ſuā rem faciant, prætermiſſis, hoc vnū
curat, vt naturali ac ſimplici aquæ addat oleum, ſalem,
ſputum, peculiareis veſteis, cereos accenſos, incompo-
ſita excantamenta, complureiſq; alias id genus ſuper-
ſticioſas conſpurcationes, quò vel ſic multò, quam fu-
erit Ieſus Chriſtus ipſe, ſapiētior appareat. Porro quod
ad ſacram Cœnam attinet. Chriſtus Ieſus illud poſtre-
mum conuiuium, quod ab ſe, Paſcha, dictum eſt, cum
ſuis diſcipulis celebraturus more ſolito veſtitus accu-
buit: atq; inter cœnandum nouam cœnam inſtituit: in
qua panem & vinum ſui corporis & ſanguinis viſibilia
ſigna, ſuis omnibus edendum ac bibendum appoſuit,
in eius mortis gratam commemorationem, quam vt ipſi
ſi à morte ſeruarentur idem pro illis tunc obibat: ac ſi-
mul voluit, vt quoties in poſterum hæc ipſa Cœna re-
pereretur à ſuis, in dictæ iam mortis, ac liberationis re-
cordationem id fieret, ac publicum iudicium foret, quo
ipſi

ipsi Conuiuat, sese eius Ecclesiæ, quæ suum ipsius corpus est, viuæ esse membra charitatæ fraternæ vinctulis in vnum copulata testarentur. Et nouus tamen ac præposterus Autor Papa ex ea Cœna sacrificium instituit: in quo suus sacerdos non solito more vestitus, sed hirsutioribus quibusdam amictus vestibus, non accumbens sed ad aram assistens, conceptis quibusdā verbis ac Mimicis gesticulationibus panem & vinum in Iesu Christi corpus & sanguinem transmutat, ac transubstantiat (vt ipse ait) atq; ex eo mox idem solus edit, & bibit, in eius lucris iucundam commemorationē, quod ex aliorū damno sibi ipse conquirat. Moriturus iam Christus Iesus ob nimiam, quæ suos persecutus est, charitatē, corpus & sanguinem suū testamento illis legauit, vt vtroq; per fidem perpetuò vescerentur: Et hoc ipsum vult Papa per suos sacrificulos quotidie offerri Deo: atq; ita (quod in se est) Christi Iesu testamentum irritum facit. Iesus Christus Agnus ille Dei se ipse semel offerens vnus hebr: 9. cum immaculatum & æternum sacrificium Deo, Mundum peccatum sustulit, atq; ipsi Deo fecit in perpetuū satisfactis. Et Papa hunc eundem Iesum Christum asserit suos per sacerdotes offerri Deo, vt hominum tam viuentiū quam mortuorū delicta, per illud ipsum sacrificium tollantur, quoddamq; veluti sit amuletum, per quod omnibus generis humanæ vitæ morbis ac necessitatibus opportunum remedium adhibeatur, quod ipse sacerdos autoritatem habeant applicandi (sic ipsi loquuntur) hæc sua ipsorum sacrificia ad quascunq; res bonas, siue malas ipsis libitum fuerit. In sua Cœna Iesus Christus panem ac vinum signa sui corporis & sanguinis edendum ac bibendum suis discipulis præbuit, libera

LIBERVM ARBITRIVM:

deinde illis facultate permiffa, vt quoties collibuiſſet, ad ſui memoriam idem efficerent (quanq̃ iſs, qui tam ingens beneficium animo re vera grato proſequantur id frequenter efficiere, liberè debet) Et Papa tamen affirmat, in ea cœna, quam ſuis ipſe proponit, non panem & vinum, ſed panis & vini tantūmodo accidentia ſine ſubiecto, vt ipſe nominat, exhiberi. Si accidentia ſunt hic ſine ſubiecto, cui precor inhæſit rei venenū illud quod Monachi cuiuſdam opera in Euchariſtiæ ſacramento datum Henricus Caſar eius nominis ſeptimus, & Poſt hunc Viſtor tertius Papa, vt approbatae conteſtantur hiſtorix olim auſere? Poſſuntne ſola accidentia & paſcere & occidere? Præterea non permittit Papa, vt ex eodem calice omnes bibant, quum tamen dixerit Chriſtus bibite ex eodem omnes: atq; inſuper diris agit, & execratur eos omneis, qui quum ad idoneam ætatem peruenerint, non ſaltem ſemel quotannis ad cœnam hanc ſuam accedant. ô Satanica inſtituta. Tu tuus in Epiſtolis Paule ſcripſiſti Ieſum Chriſtum ad Patris dexteram in Cœlo ſedere, vſq; eo dum huc ad orbem iudicandum reuertatur: & tu Petre dixiſti oportere cœlo capi Ieſum Chriſtum, vſq; ad tempora inſtaurationis omnium: Angeli quoq; quum is in cœlū aſcenderet, inuentibus Galilæis anunciarunt, illum ita venturum, vt conſpexerant abeuntē: Quin & idem ipſe ſuis diſcipulis indicauerat, ſecum illos haud ſciſpum eſſe in perpetuum habituros. Et Papa nihilominus enuntiat, Ieſū Chriſtum, vt ita dicam, corporatum non modo huc è cœlo per ſacrificulos ſuos ſuis illis conceptis verbis elici, Sed et elicitum, & capſulis quibuſdam incluſum innumeris per orbem terrarum locis ad adorandum aſſeruari.

Paulus

Col: 3.

Act: 3.

Act. 1.

Matb: 26.

TRAGOEDIA

106.

PA. O mendacium verè papisticū. Nonne nos, qui cœlestis paradisi ciues sumus, Iesum Christum perpetuo commorantem in cœlo contemplamur?

GRA. Nil sanè mirū mentiri Papam mi Paule, quū sit homo totus ex fraude ac mēdacio factus. Sed paucula hæc de duorum contaminatione signorū, quæ à Christo sunt instituta, dixisse sufficiat. Iam ad quinque illa, quæ idem Antichristus his duobus adiunxit descendamus; nam vel hinc etiam multò maximè Antichristianæ superbix fastus agnosci poterit, quum Papa se totum, quātus quantus est hic aperiat. Principiò igitur id sciendum est, Papam ipsum vt cōdendorum Christianæ fidei articulorum temerariam, ac falsam potestatem sibi ipsi arrogauerit, ita etiam arroganter, ac temerè instituendorum sacramentorum sibi auctoritatem, quasi Deus aliquis foret, asciscere: quum solius Dei sint hæc partes edocere mortaleis quid de Deo credere, & quò pacto Deo credere debeant: atq; ipsis quum diuinam gratiam, tum salutem pollicerit: eiusmodiq; pollicitationes quibus libuerit, signis externè testificari: quemadmodum suis ille scriptis vtiq; abundè præstitit. Quod quū ita sit, quū potuit Papa quinq; hæc domi suæ nata sacramēta, duobus à Christo Iesu institutis signis adiungere: Sed quū definito Dei consilio Christi opera omnia corrupturus esset Antichristus, minimè mirum videri debet, si etiam hac in re suam impietatem exeruerit: tametsi, vt hanc ipsam colore aliquo religionis obduceret è sacris literis suorum nomina sacramentorum excerpserit. Hinc audi mus hoc in loco, & Confirmationis, & Pœnitentiæ, & Extremæ Vnctionis, & Ordinis & Matrimonij sacramēta vocari. Quæ sanè omnia vt Ceremoniæ sanctæ sunt,

c ij

quibus

LIBERVM ARBITRIVM:

Act: 19.

quibus optimè quondam utebatur Ecclesia Dei, sic ne-
tquam appellanda sunt sacramenta: quò diuinas pro-
missiones, quæ securitatem hominibus de bona Dei ero-
ga se voluntate præstent, sibi annexas non habeant: quæ
quidem promissiones ad instituenda sacra signa necessa-
riæ sunt, vt quæ additæ corporeis rebus, ipsa signa con-
stituunt, & creditæ, perpetuam afferant salutem. Atenim
Papa non modo diuinam hac in parte vitiauit scriptu-
ram, qui è simplicibus Ceremonijs sacramenta confecerit,
verum etiam ipsas Ceremonias ita iam inquinauit,
vt Antichristianâ potius quàm Christianâ faciem habere
videantur: id quod ex his quæ dictura nunc sum, ma-
gis multò perspicuum fiet. Confirmatio (vt hinc narra-
re incipiam) ea erat Ceremonia, qua vos olim Aposto-
li utebamini, quum lotis baptismate, vt afflarentur Spi-
ritu sancto, manus imponebatis: quæ secundum ea ve-
teres vsi sunt Patres, quum eos, qui tenera fuerant ætas
te baptizati, per adolescentiam denuo christianis do-
gmatibus instituebant: atq; ab eisdem exigebant,
vt publicè iam per se quoq; suam fidem profiteren-
tur. Ex hac ipsa demum Papa sacramentum effecit,
quo ipsius Episcopi promiscuè pueros atq; adolescen-
tes, immò ferè non nisi puellios nulla christianorum do-
gmatum adhibita institutione inungunt suo chrismate
sub his verbis. Signo te signo crucis, & confirmo te
chrismate salutis in nomine Patris, & filij, & spiritus san-
cti. Atq; asserit ludicra huiusmodi actione spiritum san-
ctum dari ad augmentum gratiæ, non secus ac in ba-
ptismo prius ad plenitudinem innocentiae sit collatus:
vt qui in baptismo regenerati sunt ad vitam, post ba-
ptismum confirmentur ad pugnam. Adeoq; vrget hæc
sua

sua somnia, vt neget planè christianum futurũ, qui Episcopi
 scopali suo chrismate non fuerit confirmatus: quã Porro
 rō Confirmationem multis de causis maiori q̃ baptis-
 mum veneratione prosequendam autumat, & quia nō
 per sacrificulum quemuis, vt ipsum baptismum, sed per
 Episcopum tantummodo conferatur; & quia in fronte
 fiat, quæ corporis pars multo quam cranium, quod ba-
 ptismate signatur, est dignior: & quia deniq; virtutum
 magis augmentum q̃ baptismus exhibeat. ô Sathania
 cam doctrinam non minus barbaris & ineptis verbis, q̃
 consceleratis sententijs promulgatam. Quem obsecro
 sanæ mentis horum deliramentorum, atq; harum impiet-
 atum iam non pudeat? Ergo non erit planè Christianus,
 qui papistico Chrismate non fuerit obsignatus? Quasi
 verò qui Christum in baptismate per fidem indu-
 unt, non simul omnium ipsius bonorum participes fiât?
 aut non omnis omnium salus ab vno ipso Christo de-
 pendeat. Sed ad alteram iam Ceremoniam accedamus.
 In Pœnitentia Prouincia (Non de ea, quæ in papistico
 bonorum operũ Regno nunc est, loquor, verũ de prisca
 illa in qua olim non Papæ sed Christi vigeant Episco-
 pi, iam verò humi prostrata iacet) quæpiã huius gene-
 ris Ceremonia fuisse perhibetur, vt li quis publicè deli-
 quisset, publica item pœna ab Episcopo indicta corrip-
 retur; Sedenim simul ac Reus pœnã ex instituto pepen-
 derat, per eundem Episcopum reconciliabatur Ecclesiæ
 solenni quodam ritu, qui per ipsius Episcopi manu
 impositionem fiebat. Hanc ipsam Ceremoniam primò
 sacramentum Papa voluit appellari: deinde ex eadem
 in suo Bonorum Operum Regno Prouinciã constituit,
 it, in qua treis vrbeis inædificari iussit, quæ ad suorum
 populorum

De Consecr.
 Dist. 5. Cap. 1.
 et Cap. vt Beu-
 nit. et 4. senten-
 dist. 7.

LIBERVM ARBITRIVM:

4. senten. dist. 14. Et de pœni
dist. 1. Cap. se
cunda tabula.

populorum inducenda delicta velut aptissima quædam haberentur officinæ. Nam in his illas fabricari secundas tabulas instituit, per quas innocentia vestis in baptis mate prius accepta, peccandoq; deinde corrupta, post naufragiũ resarciatur, ô plus q̃ papisticam iniquitatem. Sola Dei commiseratione per Christum Iesum credentibus condonantur delicta, non autem neq; primis, neq; secundis tabulis, quæ vana pariter & ingrata aduersus gratuitam Dei beneficentiam hominũ ocioforum inuenta sunt. Verum iam aggrediamur ad tertiam. Extrema Vnctio, vt hodie illam nominant, ea est Cere monia, qua vos Apostoli consueueratis aliquoties vtĩ, quum ægrotos ad sanitatem reuocaturi, eos ipsos oleo perungebatis. Nam quemadmodum quum aliquẽ baptizabatis manuum impositione sancti spiritus visibile donũ illi per vos conferebatur, ita quũ essetis quẽpiam restituturi in pristinam sanitatem, nonnunquam oleo soliti eratis illum inungere: quò palam fieret sanitatis munus esse à spiritu sancto profectum. At hoc tempore, quum patratorum miraculorum facultas ad prædicatum per vos euangelium confirmandum ea tempestate concessa, iam subtrahita sit, quid aliud est amabõ vos vti velle huiusmodi Ceremonijs, quã vanas hac in parte Simias Apostolorum agere? Et nihilominus Papa ex huius Vnctionis itidem Ceremonia sacramentum fecit: asserens id ab apostolo Iacobo fuisse inuulgatũ vbi ait. Aegrotat vestrũ aliquis, accersat Ecclesiæ seniores, qui pro eo supplicet, atq; illum in Domini nomine vngant oleo: & fidei supplicatio laborantem seruabit: eumq; alu leuabit Dominus: & si in peccatis fuerit, ignoscetur illi. Quibus ex verbis colligit suum hoc sacramentũ duabus

abus potissimum de causis esse institutum, videlicet vt peccata remittat, & vt ægris morbo graui subueniat, ^{4: Senten. dist.} liquidem id eis vtile sit: sin minus, vt animæ salutem ^{23: Cap. vltimo} afferat. Atq; hoc etiam est, quamobrem nolit id sacra menti nisi suos per sacrificulos tradi, nēpe sub his verbis. Per istam sanctam vnctionem, ac suam piissimam misericordiam parcat tibi Deus quicquid oculorū, aurium, odoratus, gustus, ac tactus vitio commisit. Cæterum quā h̄ Scenici gestus cū Apostolicis verbis quadrent, oro parumper attendite: Nam ex ipsa collatione nullo negotio deprehēdi poterit omnia hīc esse quā deprauatissima. Iacobus ait, quum quis in ægritudinem incidat, esse tunc inungendū: Papa verò inquit, ægrotum non esse perungendum nisi quum agat animam Iacobus Ecclesiæ seniores, qui perungant introducendos esse dicit: Papa vult suos sacrificulos ad id muneris, tāquam Ecclesiæ li Seniores essent, accersi: quasi verò vestra tempestate sacrificulorum hæc in orbe fax esset. Iacobus oleum simplicissimum vt natura fert, accipiendum censet: At Papa non permittit hīc adhiberi oleum, nisi ab Episcopo suo, summa sanctimonia flexis nouies genibus consecratum. Addit hoc deniq; Iacobus, quod quum quis Aeger inungitur, ac pro illo preces offeruntur Deo, si fuerit in peccatis, remittentur illi, nō utiq; sic sentiens, vt per ipsam vnctionem delicta cōdonentur: sed quod credentium obsecrationes mala valetudine cōfecto Fratri sint ab ipso Deo leuamē aliquod impetraturæ. Contra pronuntiat Papa per sanctam illā vnctionem expiari cōmissa: & corporis animæq; sanitatem conferri: Quā bellè hæc inter se cōueniūt: præterquam quod etiam inerudita locutione prolata, blasphemī

LIBERVM ARBITRIVM

phemisq; referta sunt. Nam quis obsecro æquis auribus accipiat huic externæ vnctioni criminum condonationē, quæ solius Iesu Christi est, attribui? Quod quæso tandem liberatores habebimus: ô Antichristianā impietatem. Sed ad quartam iam Ceremoniam pertractandam veniamus. Sacer ordo (itā enim nunc appellant) Ceremonia illa erat, qua in instituendis Ministris antiquitus utebantur Ecclesia. At ex hac itidem Papa Sacramētum architectatus est, aded quidem & insulsē, & absurdē, vt inter suos etiam Theologos & Canonistas homines opiniosos & refractarios non conueniat, quot ministrorum ordinibus oporteat esse cōfactum. Quidam enim non nisi septem huic assignant, vt septē Sancti spiritus dona, ab ipsis item sic numerata, quibus ornatos esse ministros decet, itā referant. Hosq; inquit nūcupari Ostiarios, Lectores, Exorcistas, Acolutos, Subdiaconos, Diaconos, & Sacerdotes. Alij verō Nouem vt nouem Angelorum ordines, qui in Ecclesia triumphante administrant ipsi Deo, representent: Sicq; iam dictis ordinibus duos addunt: capiti quidem primam tonsuram, calci autem Episcopos. Verum vt hi papistici Magistri Doctoresq; in ordinum suorum certo numero constituendo dissentunt, itā in impijs quibusdam proprietatibus ex æquo cunctis ordinibus tribuendis mira vel scelerata potius inter eos consensione conuenit: omnesq; simul hac in parte cōnexas in vnum caudas veluti Sampsonis Vulpes habent. Proprietates autem quas affingunt, huiusmodi fermē sunt, vt dicant, sacros hosce suos ordines diuinam cōferre gratiam ijs, qui eisdem initiantur. Insuper efficere, vt qui fuerint initiati, exequentes eorundem ordinum officia, similes Iesu Chri-

ſu Chriſto ſiant: Qui & ipſe dū inter mortaleis adhuc
 ageret, eorum omnium muneribus (vt nugatoriè men-
 tiuntur, & mendaciter nugantur) ſit functus, & ipſorū
 munerum functionem Eccleſiæ ſuæ in poſterum vten-
 dam tradiderit: Aiūt nanq; ipſum Ieſum Chriſtū Oſti-
 arii officium expleſſe, quum factō ex funiculis flagello
 vendenteis & emēteis eiecit è templo: atq; etiam quū
 dixit: Ego ſum oſtium, per me ſi quis introierit, ſeruabi-
 tur. Lectoris autem quum in Synagoga ex Ieſaiæ pro-
 phetæ capite ſextodecimo aliquantulum legit. Exorci-
 ſta verò quum plurimos à malis ſpīritibus curauit. A-
 coluti quoq; quum dixit: Ego ſum lux mundi, qui ſe-
 quitur me, nō ambulat in tenebris, ſed habebit lumē vi-
 tæ. Subdiaconi etiam quum ſumpto linteo ſe precinxit,
 deinde immiſſa in peluū aqua, diſcipulorū pedes la-
 uare inſtituit, ac linteo, quō præinctus erat, abſterge-
 re. Diaconi ſimiliter quum ſuis diſcipulis à cœna diſtri-
 buit ſui corporis & ſanguinis ſacramentum: ac paulo
 poſt illos admonuit, inquiens: Adeōne non potuiſtis
 vnā horā vigilare mecū? Vigilate & orate ne in-
 tretis in tentationem. Sacerdotis deniq; quū inter cœ-
 nandum panem & vinum in corpus & ſanguinem ſuū
 commutauit, ac ſe ipſe obtulit in ſacrificiū Deo. Præ-
 terea iſdem Magiſtri Noſtri aſſeuerant, omneis hos or-
 dines requirere, vt qui ipſis inaugurantur, capitis ver-
 ticem radant: quod quidem ſignum eſt, eoſdem inau-
 guratos eſſe Reges: Atq; huc detorquent quod abs te
 Petre tuis in Epistoſis dictum eſt: Vos lectum genus
 eſtis, Regale Sacerdotiū, ſacta gens, populus acquiſitus.

PE. Heu ſacrilegiū: Quod omnibus ego verè chrī-
 ſtianiſ commune dixi, velle ſibi ipſis peculiariter aſcri-
 bere

LIBERVM ARBITRIVM

bere. An non est hoc de eo tanquam suo titulo gloriari, quem cunctis Christo fidentibus furentur?

GRA. Mirum verò ex malis coruis oua mala prodigini. Sed ad reliqua pergamus. Egedē Papistica Creatura insuper addit hanc ipsam capitis abrasionem plurima quoque alia continere mysteria: quorū tamen omnium, quod & vana & ridicula sint, relatione hic superesse debet: atque ad enarrandos initiandorum Ministrorum ritus nunc descendam, ut appareat etiam hac in parte quæ vestra Ceremonia cum Papæ sacramento conveniat. Sicutaque iam inquit, Consueverunt sacrae literæ, qui publici muneris functione inseruiant Ecclesiæ Dei, eos appellare Episcopos, Presbyteros, Pastores, Ministros, Doctores, ac Diaconos: quod si quos alios etiam præter hos alijs nominibus nuncupent, ut alicubi omnino faciunt, ij non videntur hic recensendi: propterea quod illorum functio primordijs Ecclesiæ solummodo legitimis quibusdam de causis inseruiuit: neque deinde pertransiuit ad posteros: ut non nisi, quos hic iam commemorauimus, habuisse stabilem Ecclesiæ videatur. His igitur initiandis & vos Apostolos, & ab ætate vestra recentis Patres manuum impositione simplici vsos fuisse notius esse arbitror, quæ ut hic referri sit opus, quem sanè ritum vos è Mosaica lege sumpsisse crediderim: Vbi quicquid Deo dicandum & consecrandum erat, impositione manuum eidem offerri consueuerat. Satis constat, eiusmodi Ceremonia solitos in hoc initiari Deo Symmystas omnes euangelicos, ut scilicet Episcopi, Presbyteri, Pastores, ac Ministri, qui pro eodem ferè vobis accipiuntur, Euangelio prædicando: sibi commissio gregi Verbo Dei pascendo: institutis à Iesu Christo signis

gnis legitimè administrandis, populi vitij ecclesiastica
disciplina corrigendis suorum omnium vitæ necessitatibus
quibuscunq; pro virili parte leuandis. Doctores
autem interpretandis, explanandisq; sincere diuinis li-
teris: Diaconi verò fideliter distribuendis pro cuiusq;
indigentia conceditis eleemosynis diligentem operam
sine vlla intermissione nauarent. Porro iam è contrario
licet inspiciamus, quàm ludicris ritibus, & ad quæ vana
partim, partim impia munera suorum Ministrorū gra-
dus, ordines à Papicolis nuncupatos, per suos Episco-
pos inauguret Papa. Suis autem ipsorum verbis et si
barbaris & indoctis hic vtemur, ne calumniari possint,
vlla ex parte me sua contaminasse, temerassève myste-
ria. Sic ergo inquirunt. Ostiarij clauis Ecclesiæ dantur
ab Episcopo, & dicitur eis: Sic agite, tanquàm rationem
Deo reddituri pro rebus, quæ clauibus istis recluduntur.
Lectoribus traditur ab Episcopo codex diuinarū lectio-
nū, & dicitur: Accipe, & esto verbi Dei relator, habitus
rus, si fideliter impleueris officium, partem cum ijs, qui
benè verbum Dei ministrauerunt. Exorcistæ accipiunt
de manu Episcopi librum Exorcismorum, & dicitur eis:
Accipite, & habetote potestatem imponendi manus super
Energumenos & Catechumenos. Atq; hic ordo à
Salomone videtur descendisse: qui quendam modum
exorcizandi inuenit, quo Demones adiurati ex obsessis
corporibus pellebantur. Huic officio mancipati Exorci-
stæ vocati sunt: de quibus Christus in Euangelio: Si er-
go in Beelzebub eijcio Dæmonia, filij vestri, scilicet
Exorcistæ in quo eijciunt: Acolithi Græcè, Latine Ce-
roferarij dicuntur. Ad Acolithum pertinet preparatio
luminum in sacrario: Ipse cereum portat: Ipse vireopolū
f ij cum vino

4. Sent. dist.
24. vltima,

LIBERVM ARBITRIVM

cum vino & aqua suggesta pro Eucharistia Subdiaconi
 nis præparat. Hi quum ordinantur, quum edocti fuerint
 ab Episcopo qualiter in officio suo agere debeant, ab
 Archidiacono accipiunt candelabrum cum cereo, &
 Vrceolum vacuum. Græcè Hypodiacones vocantur,
 quos nos Subdiaconos dicimus: Hi quum ordinantur,
 accipiunt de manu Episcopi patenam & calicem vacu-
 um: Ab Archidiacono verò Vrceolum cum aqua man-
 nili, & manutergium. Ad Subdiaconum pertinet cali-
 cem & patenam ad altare Christi deferre, & Leuitis tra-
 dere, eisq; ministrare. Græcè, Diacones, Latine, Mini-
 stri dicuntur. Hi quum ordinantur, solus Episcopus eis
 is manum imponit, quia ad ministerium applicantur:
 Ponit eis orarium, id est stolā super leuium humerum,
 vt per hoc intelligant, se accepisse iugum Domini suas
 ue, quod ad sinistram pertinentia diuino timori subijci-
 ant. Accipiunt & textum Euangelij, vt intelligant se esse
 præcones Euangelij Christi. Ad Diaconum pertinet assis-
 tere sacerdotibus & ministrare in omnibus, quæ agun-
 tur in sacramentis Christi, scilicet in Baptismo, in Chris-
 smate, in patena, & calice, oblationes quoq; inferre, &
 disponere in altari: componere etiam mensam Domini,
 & vestire: Crucem ferre, & prædicare Euangelium,
 & Epistolam ad populum. Presbyter Græcè, senior in-
 terpretatur Latine: Ideo autem Presbyteri sacerdotes
 vocantur, quia sacrum dant: qui licet sint sacerdotes, ta-
 men pontificatus apicē non habent, sicut Episcopi: quia
 ipsi nec chrismate frontem signant, nec paracletum
 dant: quod solis deberi Episcopis lectio Actuum Apo-
 stolorum demonstrat. Vnde & apud Veteres iidem
 Episcopi & Presbyteri fuerunt, quia illud est nomen di-
 gnitatis

gnitatis, non atatis: Sacerdos nomen habet compositū
ex græco & latino, quod est, sacrū dans, siue sacer dux.
Ad Presbyterū autem pertinet sacramentū corporis &
sanguinis Domini in altari Dei conficere: orationes di-
cere: & dona Dei benedicere: Qui Presbyteri quū ordi-
nātur, inūgūtur eis manus, vt intelligāt, se accepisse gra-
tiam consecrandi, & charitatis opera debere extendere
ad omneis. Accipiunt etiā stolā, quæ vtrunq; tenet latus
quia debent esse muniti armis iustitiæ contra aduersa
et prospera. Accipiunt etiā calicem cum vino, et,
patenam cum hostijs, vt per hoc sciant, se accepisse po-
testatem placabileis Deo hostias offerendi. Si autem
quæritur quid sit, quod hīc vocatur, Ordo, sanē dici po-
test, signaculum esse, id est sacrum quoddam, quō spīri-
tualis potestas traditur ordinato, & officium. Charas-
ter ergo spiritualis, vbi fit promotio potestatis, Ordo,
vel Gradus vocatur: Et dicuntur hī ordines, sacramē-
ta, quia in eorum perceptione res sacra, id est, gratia
conferitur: quam figurant ea, quæ ibi gerūtur. Sed has-
tenus ipsorū verba ad verbum retulisse sit satis, tum
quia mihi persuadeo vos iam ex ijs posse per vos faci-
lē intueri, quid inter vestram Ceremoniam, & papisticū
hoc sacramentum sit conuenientia, tum verō quia vere-
or, ne tam ineptas ac sceleratas nugas diutius effusien-
tem nauseetis. Nisi si forte ad vos pertinere putatis
hoc etiam scire, characterem illum, per quem (vt ipsi lo-
quuntur) sit promotio potestatis, nihil aliud esse, quam
bestiæ notam, de qua Ioannes in Apocalypsi mentionē
facit. Porro autem quā alias etiam externæ ad eccle-
siasticum ministerium vocationis parteis corruerit Pa-
pa, hīc non addam, ne penitus vos enecem, si recensere

Cap: 13.

LIBERVM ARBITRIVM.

voluero quemadmodū absq; vlla disquisitione aut syn-
 cera doctrinæ, aut integræ vitæ, aut boni nominis eius-
 modi ministeria iniustissimè conferat, non ijs, qui eas
 habeant conditiones, quibus tu Paule tuos olim Mini-
 stros ad Timotheum scribens exornasti, sed ijs, qui
 per se currentes impudentissimè ambient, ijs, qui ma-
 iorem nummorum numerum inuerecundè offerant ijs,
 quibus longæ, duræq; seruitutis, aut quod alioqui multi-
 ebria (auribus æd sit honor) sint passi, compensanda est
 merces: ijs deniq; quorum gratia sit promerendus Prin-
 cipum fauor: siue sint pueri: siue sint imperiū: siue sint
 omnibus vitijs, atq; omni dedecore infames: qui neq;
 sciant, neq; possint, neq; velint in ministrandi exercitati-
 one versari: Sed solummodo dignitatum, deliciarum,
 voluptatum, ac diuitiarum causa pinguibus opimisq; sa-
 cerdotijs, necnon alijs opulentissimorum prouentuum
 plenissimis, ac fœcundissimis locis percupiant frui. ô post
 hominum memoriam scelestissime omnium Antichri-
 ste Papa, per quem vnum iniquissimè fit, vt nec Romæ,
 nec vsquam alibi nunc Episcopi, ceteriq; Administrī re-
 vera sint Episcopi, aut Administrī: Sed huiusmodi tan-
 tum nomina sibi fictè atq; inaniter assumant. Nam
 quum neq; vocentur, neq; eligantur, neq; initientur à
 legitimis Autoribus ad sacrarum literarum præscriptū,
 sed à solo Papa: qui quod fidelium cōgregationis est,
 contra ius & fas tyrannicè sibi arrogat, nec præterea
 debiti muneris administratione, sed indebiti potius cu-
 ratione fungantur: iure optimo non Christi Iesu Mini-
 strī, Sed Antichristi Papæ contempta, abiectaq; manci-
 pia vocandi sunt. Verum de lepidis his capitibus ridi-
 culè rasis hæc nunc hætenus, Jam ad quintam Cere-
 moniam

moniam, quæ vltimum habet hic locum, deueniamus.
Matrimoniu vt sacrosancta sane institutio Dei est, qua
marem ac foeminam ad sobolem procreandam, ad mu-
tuam opem sibi inuicem ferendā, & ad vagos illicitosq;
concubitus coercendos legitimè voluit coniugari: ita
nequaquam esse sacramentum asseueramus: quum ea
reat ijs appositis, quæ sacris conuenire signis nō ita du-
dum demonstrauimus. Et sacramentum tamen ideo
ex hoc etiam fabricatus est Papa, vt eas causas, quarum
cognitio Matrimonium spectat, ad suum forum hac ra-
tione deduceret: quemadmodum per sui quoq; iuris
Pontificij formulas, quas obligationes Camera vocant,
reli quarum ferè omnium ciuiliu causarū iudicia ad
suum tribunal attraxit. Quantum verò diuinam itidem
hanc institutionem idem Antichristus vitiauerit, in ipsi-
us nefarijs legibus manifestò deprehenditur: vt quæ iu-
beant in Coniugijs, quæ fieri prohibentur à Deo: atq;
è contrario vetent ea fieri, quæ fieri permittuntur à Deo.
Liberè concedit ipse Deus, vt quicumq; sit natus atq;
aptus ad præstandum Maritum, Is valeat Vxorem du-
cere, quæcunq; sit, quæ sibi cōnubio iungi non recuset:
nullas omnino ab hoc suo concessu personas excipiēs,
nisi pauculas aliquot, quas ipse per Mosē in sua lege
nominatim commemorat. Et nihilominus interdicit
matrimonio Papa quamplurimis alijs, quibus à Deo
neutiq; est interdictum. Initio vetuerat suos omnes ad
septimam vsq; progeniem matrimonio copulari: quod
sibi sex propinquitatis gradus confinxisset: quibus co-
gnatio sanguinis terminaretur, haud secus quam sex
ætatibus mundi generatio: atq; hominis status finitur:
quemadmodum etiam post hanc vitam, quæ septem die-
bus

Leuit. 18.

4. Geneti:
dist. 40. Et can
35. Quæst. 3.
Capite progenti
em suam.

LIBERVM ARBITRIVM:

ebus agitur, Ecclesia Christo iungetur: Quamvis id po-
 stea non nisi ad quartam sobolem retraxerit ob quatuor
 videlicet humores, qui sunt in corpore humano: quod
 est conflatum ex quatuor elementis. & causas & ratio-
 nes non minus acuto sensu, quam verbis elegantibus
 expressas. Deinde spiritualement quoque nescio quam affi-
 nitatem inter suos fallaciter excogitauit: qua qui con-
 iuncti sunt, inire coniugij societatem inter se non que-
 ant. Præterea non sustinet, ut baptizatus quis Vxorē
 non baptizatam sibi habeat: aut contra: Quum tamē
 tu Paule id licere, si inter ipsos conueniat, arbitreris.
 Insuper non sinit, ut qui simul aliquando commiserint
 adulterium, simul vnquam Coniuges esse possint: neque
 patitur eum, qui alterius coniugium mortis, quod super-
 stitem ducat, Autor sit, posse superstitem ducere: quā-
 uis horum vtriusque contrarium in Dauide & Bathsaba
 diuinæ literæ luculenter ostendant. Ad hæc arcet a iu-
 re connubij quotquot ordinum suorum tribus primis
 classibus ascribuntur: nec non misellos eos omneis tā
 mareis, quam fœminas, qui Monachatum Prouinciā
 incolant. Quod quidem interdictum licet in ijs om-
 nibus innumeros omnis generis obscænarum libidinū
 fructus, atque id quidem nonnunquam etiam apertissimē
 pariat, plurimi tamen extrinseca simulata religio-
 nis facie capti, statim inter hos esse perfectionis arbi-
 trantur. Longum mihi est commemorare, non solum
 ut alios quoque complures è suis Papa calibes esse co-
 gat, qui ipsius velint & muneribus, & beneficijs frui,
 Verum etiam ut & aliquod anni tempus excipiat, in
 quo nulli hominum ex æquo sit fas Vxorem ducere.
 Sed satis hæc paucula hic sunt, ut hac etiā in parte co-
 gnoscatis,

4 Senten: dist.
 42. Et causa 30
 Quæst: 1. Cap.
 de eo.

4. Senten:
 Distin. 35. Et
 causa 13. quæst:
 1. Cap. Nullus
 4 Senten: dist.
 34. Et 37. et 38

4. Senten: dist.
 32.
 2. Zel. 2.

gnoscatís, Papam illum ipsum Antichristum esse qui post Imperij Romani defectionem abste Paule descriptam exortus & sacrarum literarum, & in Iesum Christum fidei (quod in se est) defectionem pariter inuenerit. Quare quemadmodum is idem etiam Autor est ne diuinæ sanctiones firmamentum, ac robur obtineant: ita è contrario tam quod ab ipso Deo, quam quod ab se quoque est veritum sepius relaxat. Neminis licere vult Deus disjungere matrimonia, quæ ipse coniunxerit, nisi eas ob causas, quæ suis in scriptis annotantur: & quamplurimas tamè alias Papa præter diuinitus annotatas comminiscitur causas, quamobrem interposita pecuniarum largitione suo arbitratu temerè coniugia dirimat: Si adulterij causa diuortium fieri contingat, ne utri eorum qui seiuncti sint, facultatem adimit Iesus Christus, quin, si libuerit, alteram Vir Vxorem, aut alterum Mulier Virum possit ducere: & nihilominus negat id Papa posse fieri, nisi postquam alter eorum, qui Diuortium fecerit oppetierit mortem: atque ita fontis Insonitum perpeti supplicium cogit. ô iustitiam planè Papæ sticam. Sed de hisce quoque sacramentis adulterinis iam satis. Nam ex ijs quæ hucusque dicta sunt, animaduertere vos posse arbitror, quàm probè diuinis institutionibus, ac vestris Ceremonijs hæc improba Papæ sacramenta conueniant.

PE. Sic inquam vt densissimis tenebris fulgentissima lux.

GRA. Sed pergam quò cœpi, dum Raphael ad nos reuertitur. Dominus noster Iesus Christus admonet suos omnes, vt in omnibus vitæ partibus temperantes ac moderati sint, præsertim verò in cibo & potu, ne

Matth. 19.

Mat. ubi supra
4 Senten. vii.
35. Et Causa
32. Quæst. 7.
Cap. Aposto-
lus dicit.

Luc. 21.

LIBERVM ARBITRIVM

ipſorum animi crapula & ebrietate obruantur: nō ideo
tamen iubet, ciborum diſcrimen ac delectum haberi, vt
non liceat quouis cibo, & quo tempore magis libeat,
ſobriè veſci: quum nihil quod in os intrat, coinquinat
hominem: ac dierum obſeruatio & religio Moſis iam
abrogata lege interciderit: & nihilo ſecius tamen ca-
pitalis criminis reos agit Papa, quicunq; carneis co-
mederint ijs diebus, in quibus id ipſe fieri ſuis legibus
prohibet, nihil interim curans ſi lautiffimis quibuſq; a-
lijs cibis ad vomitum uſq; ſeſe ingurgitent: ac nimio po-
tu ad ebrietatem uſq; maderiant. Verum enimvero vno
de melius Paule, q̃ ex tuis Epistoſis agnoſcemus Pa-
pam eſſe Antichriſtum? Tu nanq; futura per Spiritum
Sanctum prædicens ita ſcripſiſti olim: Spiritus certò lo-
quitur, quod vltimis temporibus deſciſſent quidam à
fide, attendentes ſpiritibus impoſtoribus, ac doctri-
nis Dæmoniorum, per ſimulationem falſiloquorum caute-
rio notatam habentium conſcientiam, prohibentium
contrahere matrimonium, iubentium abſtinere à ci-
bis, quos Deus creauit, ad ſumendum cum gratiarum
actione fidelibus, & ijs, qui cognouerunt Verita-
tem: quod quicquid creauit Deus bonum ſit: & nihil
reiiciendum, ſi cum gratiarum actione ſumatur. Itaq;
quum liquidò conſtet Papam hæc omnia ſuis decretis
efficere, quis uſque adeò cæcus erit, vt non videat Papæ
doctrinam dæmoniacam eſſe, atq; ipſum Papam ipſiſſi-
mum Antichriſtum? Ad hoc enuntiat Ieſus Chriſtus
Euangelium ſuum, Regnum ſpiritale omnino eſſe, inq;
ſenſibus intus vigere: vbi ex immortalis ſemine per ſer-
monem viuentis Dei homines renaſcantur, ac ſpiritum
ſanctum diuinitus accipiant: qui quidem vt illos ad om-
nia

A Tim: 4.

omnia charitatis officia cunctis ex animo præstanda sua-
pte vi semper agit, ita liberat ipsos à molesto atq; ad-
uersante placitorum chirographo, vt nihil amplius eos
damnet ob cibum, aut potum, aut festorum discrimen,
aut quiduis aliud eiusdem generis. Attamen è regione
Papa carnale quoddam, externumq; regnum per se cō-
stituit; in quo sine vlla spiritus innouatione sibi homines
iustitiam parent earum legum obseruatione quas ipse
de cibis, vestibus, locis, diebus, personis, rebusq; alijs
huc facientibus tulit: atq; è contrario damnatione di-
gni sint, qui illas ipsas minimè obseruauerint. ò Sara-
nicum Antichristi Regnum. Ergo per Iesum Christum
Deus à sua ipsius lege Christicolæ vindicauit, & ab-
soluit, vt ne isthæc ipsa posset illos damnare, quemad-
modum ne seruare quidem certè potest, vt hæc postea
suas leges imponeret Papa, per quas deniq; aut seruā-
di, aut damnandi forent: ò mortalium cecitas ingens, q̃
indiges tu quidem cum Tobia pifce, qui tibi oculos, tū
gratia Dei, quæ tibi mentem aperiant, vt abominationē
desolationis in loco sancto consistentem veluti calamis
tolum nefas intueri & agnoscere valeas. Cæterum quid
etiam de terrarum orbis imperiosa tyrannide, quam ad-
uersus diuina scripta iniquissimè sibi arrogat Antichri-
stus hîc dicemus? Christus Iesus Dei filius dominatur
pollentibus hic paruî, ac suos itidem parere iussit: &
nihilominus Papa, & Satrapas, & Monarchas, & reli-
quos mortaleis omneis vni sibi, velint, nolint, parere
cogit: quod ius vtriusq; gladij (sic ipse loquitur) solus ha-
beat, per quod etiam in omneis homines, & in omnium
hominum bona omnia sibi (vt impudentissimè mentis-
tur) imperium sit. Verum ecce tibi Raphael noster huc

Abat: 17. Et
Luc. 22.

LIBERVM ARBITRIVM:

pergit: lætus est nescio quid, arbitror illi ex sententia
 successisse. Jam tempus hinc abeundi nobis est. Atenim
 vt institutum de Antichristo sermonem priusquam dis-
 scedimus, ad exitum perducam: In summa hæc accipite.
 Compendiaria magis nulla est via, qua Papam esse
 Antichristum planè deprehendere valeamus, q̃ si dili-
 genter obseruemus, ipsum esse qui in templo Dei sede-
 at, ostentans se ipsum esse Deum, Immo seipsum extol-
 lens supra quicquid dicitur Deus aut Numen. Quo
 autem pacto supra Deum sese efferat, suis ipse factis o-
 stendit, quum sua ipsius instituta diuinis adeo præce-
 ptis anteposit, vt multò asperius eos puniat, qui illa, q̃
 qui hæc fuerint quouis modo transgressi. Enimuero
 vult eum grauius deliquisse, ac propterea maiore supe-
 plicio dignum, qui verbi causa die veneris carnem ea-
 derit, quod contra suam ipsius tantū est legem, q̃ qui pu-
 blicè sit adulter, aut etiam in ipsum Deum blasphemus
 quod contra diuinam legem sine dubio est. Id quod in
 pluribus alijs rebus item facit. Haud secus etiam supra
 Dominum nostrum Iesum Christum se extollit, quum
 affirmat ipsum Christum Iesum sua morte non nisi cri-
 minum culpam condonare, se verò eorundem & cul-
 pam, & poenam remittere. In hac porro compendiaria
 via signum quoddam instar Hermæ situm est, vnde Pa-
 pam Antichristum esse itidem summatim comprehen-
 damus: id autem est, nequissima omnium ipsius vita, cū
 dæmoniaca doctrina coniuncta: qua verum Dei cultum
 qua salutis humanæ cognitionem: qua contradita ab
 Iesu Christo sacra signa: qua deniq; totum ecclesiasti-
 cum ministerium, primaria Christianæ religionis capē-
 ta, & corrumpit, & destruit, & euertit: quemadmodum
 isdem

Archimedes
 non posset meli-
 us describere.

īisdem de rebus etiam diffusius paulò supra commemo-
rauimus. Verumtamen optima in spe sum, quando-
quidem in hoc monstrum tam perniciosè de republi-
ca christiana promeritum iam lata sententia est, prope-
diem fore, vt verbo Dei penitus conficiatur: atq; ex
humana naturæ finibus exterminatus intereat: Id quod
omnes, qui ex animo Iesu Christo sunt addicti non tan-
tum optare, sed humilibus obsecrationibus a Deo con-
tendere omnino debent; quò tandem ipsius ecclesia
ab Antichristiana, dæmoniacaq; tyrannide liberetur:

PE. Sanè benè mones. Nam hoc impetrato nò am-
plius in diuinam gloriam sua superbia insultabit Anti-
christus: neq; impia doctrina contaminabit Ecclesiam
Dei: neq; flagitiosa vita erit omnibus offendiculo:
nec deniq; rabioso furore Christi mēbra dilaniabit ul-
terius. Etenim cum Christi grege tum pessimè agitur,
quum qui canes esse debuerant, luporum funguntur
officio. Sed coram adest iam Raphael.

RA. Adsum equidē: & saluere vos omnes iubeo:

GRA. Tu quoq; saluus sis mi Raphael: Atenim
rectēne omnia:

RA. Rectē mea Gratia. Nam vt legationem bre-
uibus tibi renuntiem, nullo negotio totum negotium
peregi: multoq; citius huc reuenissem, nisi paululum
nescio quid incommodi me detinuisset.

GRA. Quidnam id obsecro:

RA. Dicam tibi, loca duo longè celeberrima hīc
sunt in Vrbe: quorum alterum, Datariam: alterū Pœ-
nitentiariam nuncupāt, quibus in locis tanquam in am-
plissimis Emporijs, Galerorum, Mitrarum, Pileorum,
Officiorum, Sacerdotiorum, Absolutionum, Dispensa-

LIBER VM ARBITRIUM:

tionum, Commutationum, Licentiarum (sermone tam scito Romæ nunc loquuntur) aliarumq; eiusmodi rerum emendarum, ac vendendarum fit quæstuosissima mercatura: Vnde pecuniam ingentem et haurit & exorbet Papa. Ad has igitur papisticas aurifodinas, quæ ob huiusmodi negociationes, ac nundinationes frequentissimus vndiq; concursus hominum sit, rem eò loci non admodum celeriter expedire potui. Statim tamen atq; mihi facultas fuit, mandatum negocium confeci, & commodum huc me subduxi.

GRA. Et maturè satis, et sedulò abs te gesta res est mi Raphael. Nunc itaq; nihil aliud superest, quam vt ex hac perditissima Babilone simul omnes in aliquè tutum locum festinanter euolemus. Ibì postea quam Bertucij fratris nostri rebus quàm fieri possit, optimè consuluerimus, in cœlestem Hierosolymam reuertemur.

FINIS.

AD EVANGELICAM
IESV CHRISTI
 ECCLESIAM IN POLONIA RENAS-
 SCENTEM IN PSALMV M CIII.
 FRANCISCI NIGRI BASSA-
 NENSIS BREVISSIMA
 PARAPHRASIS.



Regum suspiciant alta potentium
 Mortales miseri sceptrā, ebur indicum;
 Luxus Attalicos, Mæonias opes,
 Partam & milite gloriam;
 Præstanteis animos plurima gentibus
 Horum dona suis distribuentium
 Tollant; Hos titulis eximijs vocent
 Augustos, patriæ patres.
 At mi quæso anime heus maximum & optimū,
 Qui cuncta imperio supposuit suo,
 Imo tu potius pectore laudibus
 Exortis celebres Deum.
 Huius tu liquidum nomen ad æthera
 Hinc sublime tuis carminibus feras;

Vni quandoquidem est omnis ab omnibus
Ascribendus honos Deo.
Non rebus bonitas prouida conditis,
Non & sine carens munificentia
Huius, non memori corde benignitas
Ampla vnquam excidat è tuo.
Nam non Is modo quicquid refluum mare
Quicquid grata parens terra animantibus,
Aether quicquid habet sideribus micans
Largis dat manibus tibi:
Verum se pariter, se omnigeni boni
Fontem perspicuum prodigus exhibet.
Ingens vsque adeo nostri amor hunc habet
Effusissimus in suos.
Infectæ ingenitum crimen originis,
Quo tractum est hominum in perniciem genus;
Necnon ingenij quisque quod impij
Designat vitio sui,
Condonat facilis: Nec reminiscitur
Vllorum scelerum post veniam semel
His, quos esse sui constituit gregis
Agnos, gratuito datam.
Nec tantum medicas interioribus
Curandis adhibet vulneribus manus,
Sed mœstis etiam corporibus grauis
Morbos exterius leuat.
Sic te de miseris intus & in cute
Conseruat reducem calibus erutum:
Sic vitam ex Erebi faucibus euocat
Redditque incolumem tibi.
Quid? quod iam potior commiseratio
Huius te Phrygia condecorat mitra?

Huius

Huius purpureo quod diademate
Ornat gratia te magis?
Quid? quod sufficiens omnia victui
Opportuna cibus omne animal replet?
Et rugans Aquilæ non secus, ac per hunc
Ætas fit iunior tua?
Hic est, qui minimè sustinet affici
Infontem iniuria: Iure sed huic adest
Fautor, Ceu populo per Pharaonicam
Oppresso rabiem suo.
Hic Mosis egregio, ac præcipuo Duci,
Hebræisq; alijs exposuit vias,
Affectusq; suos, & quibus excoli
Demum ritè velit modis.
O Numen placidum, numen amabile
Assuetum vberius commiserescere:
Nunquam tam grauis hoc exagitat furor
Quin subsideat illicò.
Is clemens adeò est: atq; adeò pius
In natos genitor, non queat vt diu
Illis asperius vel minitarier,
Nedum sauius hos premat.
Atq; huiusmodi patria lenitas
Est illustrior, ac lucet apertius
In nobis, grauium quos criminum reos
Punire haud grauius solet.
Quin quanto atherius panditur altius
A tellure polus, maxima comitas
Huius tam superat iudicij sui
Vim erga corda verentia.
Et quantum exoriens lucifer aureus
Distare occiduo vespere cernitur,

Culpas

Culpas omne genus pondera noxia
Tam nobis abigit procul,
Errantem genitum quàm miserans parens
Ad sese reuocat, parcit & huic lubens,
Tam suevit Deus ijs parcere dulciter
Ipsum qui ex animo timent.
Hoc fit propterea quod benè nouerit
Is nostræ miseram conditiunculam
Naturæ, veluti pulueri soli
Eductæ ex humili luto.
Norit nos etiam non aliter breui
Huic concedere, quàm versicoloribus
Præter herba virens messâ subareat,
Ac foeni speciem trahat.
Nostram præterea nouerit omnibus
Non esse absimilem gloriolam modis
Flori deciduo, sternere quem solet
Auræ flatu humi levis.
Is verò in nihilum deniq; sic redit
Vt quo floruerit dulcè prius loco
Fragrans, dulcè nitens, ne valeant quidem
Vel vestigia conspici.
At contra placidi larga benignitas
Per non mensa Dei secula ductileis
Radices agit, ac perpetuò viget,
Conferturq; verentibus.
Dehinc suauis Deus & iustitia patres
Donat cum genitis in seriem benè
Longam, quos cupidè legibus obsequi
Addictos videat suis:
Quosq; haud immemores foederis antea
Icti conspiciat stare fideliter

Pactis

Pactis, ac properos his studiosius
 Seruandis operam dare.
 Iam sese probitas huius vt exerit
 Tot tantisque simul, quæ tribuit bonis,
 Summe conspicuum sic decus enitet
 Maiestatis in hoc Deo.
 Nam supra Is penitus lucida sydera
 Excelsum solium constituit sibi,
 Ac rerum Dominus rector & omnium
 Orbem hinc temperat æquius.
 Huic præsto est numerus non numerabilis
 Cœli spirituum sede fruuentium,
 Qui perquam validè credita munia
 Ab Rege hoc faciat frequens.
 Vos ô vos igitur cœlitum sacri
 Collaudate chori mellifluis modis
 Hunc ipsum: et numeris dulcisonis rogo
 Gesta huius canite incluta.
 Vos inquam superis agmina fortia
 Sanctè exercitibus perficientia
 Magni iussa Dei, Vos precor ipsius
 Magna encomia promitte.
 Et Vos ô reliqua, ô Vos opera omnia
 Diuino arbitrio extantia reddite
 Huic præconia, læta huic epinicia,
 Vester qui est opifex, Deo.
 Sed tu præ reliquis ô mi anime obsecro
 Amplis magnificæ laudis honoribus
 Extollas Dominum, gratus ab hoc data
 Semper munera prædicans.

FINIS.

LIBRARIUS: OTTAVIO



MUSEO

